

Pamph.  
Lat. lit.  
L

Lund



3 1761 07969316 4

# STUDIA LUCANEA

COMMENTATIO ACADEMICA

SCRIPSIT

NILS LUNDQVIST

LIC. PHIL. NAT. SUD.-NER.


IN AUDITORIO IV A. D. IV NON. MAI.

H. A. M. S.

HOLMIAE

TYPIS DESCRIPSERUNT P. A. NORSTEDT & SÖNER

MCMVII



# STUDIA LUGANEA

COMMENTATO ACADÉMICA

TRINITY

THE UNIVERSITY

OF ALBANY, N. Y.

1871

CHAS.

W. B. ALBANY, N. Y.

1871

# STUDIA LUCANEA

---

COMMENTATIO ACADEMICA

SCRIPSIT

ET PERMISSU AMPLISSIMI ORDINIS PHILOSOPHORUM  
UPSALIENSIIUM

AD SUMMOS IN PHILOSOPHIA HONORES  
RITE CAPESSENDOS

IN PUBLICO DEFENDET

NILS LUNDQVIST

LIC. PHIL. NAT. SUD.-NER.

IN AUDITORIO IV A. D. IV NON. MAI.

H. A. M. S.

---

HOLMIAE

TYPIS DESCRIPSERUNT P. A. NORSTEDT & SÖNER  
MCMVII





Lucani librum, in quod opus recte constituendum penitusque explicandum iam multi et doctissimi uiri operam studiumque contulerint, hac commentatione tractare mihi in animo est. Ac mihi quidem, cur ita mihi faciendum censerem, causae fuere hae: primum in Lucani sermonis usum inquirere non inutile fore putauī, si quis cognoscere uellet, quomodo et qua uia sermo Augusteae aetatis gradatim uarie mutatus esset. Omnium enim argenteae, quae dicitur, aetatis poetarum epicorum, quorum quidem opera maiore quadam ex parte nobis seruata sunt, Augusteis aetate proximus fuit Lucanus. Atqui ad temporum et modorum usum Lucaneum uniuerse eruendum quod idoneum esset, nemo adhuc elaborauit. Tractarunt quidem et Koerber (De Lucani usu syntactico, Petropoli 1874) et Obermeier (Der sprachgebrauch des M. Annaeus Lucanus, I, München 1886) quaestiones nonnullas Lucanei sermonis, sed ad alias fere partes pertinentes. Temporum usum Obermeier quidem summatim tantum attigit (libelli sui paginis 75—78) idque solum, si quid in sententiis primariis de ea re monendum fuit; atque adeo artis spatii finibus ea pars eius operis circumscripta est, ut pauca tantum in quaestionem uocare licuerit eaque breuius quam pro re expediri fuerit necesse. De usu infinitiui Lucaneo egit J. Schmidt (Halis 1881); ad rationem grammatices illustrandam quae pertinerent, pauca tractauit W. E. Heitland Anglus in ea praefatione, quam editioni Haskinsianae (a. 1887) praefigendam composuit; ubi praeterea de stilo et poetico Lucanei operis colore optime sane egit, uix ut de ea re melius scribi posse uideatur.

In textu uero constituendo doctissimi uiri maxime desudarunt, sunt enim codices et permulti et uarie inter se dissident et multimodis sunt correcti et minoribus maioribusue interpolationibus corrupti aut sunt aut certe esse uidentur. In

codicibus uero perscrutandis nonnihil profecerunt docti uiri, nec tamen ut de multis adhuc ambigi mirandum sit. Nam difficillimum sane est de Lucanei operis codicibus indicium. Quo factum est praecipue ante nostram memoriam, ut nonnulli codicibus quamuis diligenter collatis quidquam se profecturos desperantes coniecturis faciendis operam darent, quam ne multi totam perdiderint, ualde uereor. Quod quum in dies magis inter doctos conueniat codicum esse plerumque firmissimum subsidium ad genuinum librorum textum constituendum, tum permagni esse momenti interpretationem apparet. In qua aequam et scriptoris ingenio temporibusque accomodatam adhiberi normam par est. Mitto, quod prius poetae sermonis usus probe cognoscendus erit; sed quam ratione carminis sui componendi usus sit poeta, non minus impensa opera quaerendum esse uidetur. Atque in Lucano, poeta et ingenio et disciplina omnium epicorum Romanorum uel maxime rhetorico, cui et natura parum inuentionis insita esset et materies modum admodum artum imponeret, hoc inuenire non nimis difficile esse credo. Ubi duo imprimis elucet: primum ei esse sententias quasdam et ideas, quibus quasi fundamentis totum opus nitatur — quas »Leitmotive» appellant —, ad quas Lucanus reuoluitur identidem ut orator causam agens; deinde per antithesin connexas singulas sententias Lucano esse in deliciis. Quae summa cura eruta et rite in singulis rebus interpretandis considerata saepius obscuris locis lumen satis clarum allatura esse mihi persuasi.

Quod si hoc opere iniquioribus temporum condicionibus ad finem perducto ad Lucani textum recte constituendum atque ad eorum temporum sermonis usum cognoscendum aliquid modo contulero, non frustra operam insumpsero. Fatendum uero mihi est in digerendis rebus, quae ad rationem grammatices pertinent, egregie me adiutum esse ea dissertatione, quam studia in Valerium Flaccum inscriptam a. 1899 edidit J. Samuelsson (Upsaliae).

## I. De modorum ac temporum in liberis sententiis usu.

### A. Indicatiuus: de usu temporum.

**Praesens:** Hoc tempus aliquid iam fieri, accidere, esse uel narrando uel describendo significat; ex. gr.

I 32

*alta sedent ciuilis uolnera dextrae.*

Quod quum tempus praesens re uera indefinitum sit, iure adhibetur praesens, ubi sententia enuntianda est generalis, qua, quid\* semper aut plerumque fiat (sit) ostendatur; uelut

I 81

*in se magna ruunt.*

Hic praesentis usus in deliciis est Lacano, poetae, sententiarum breuium ceterique rhetorici ornatus amantissimo.

Contiguus est praesentis usus ille, qui similium proprius esse uidetur:

II 187

*sic mole ruinae*

*fracta sub ingenti miscentur pondere membra,  
nec magis informes ueniunt ad littora trunci,  
qui medio periere freto.*

Cfr IV 237 sqq.; 437 sqq.; V 436 sqq.; VI 208 sqq.; 220 sqq. cett.

Tali uero sensu et perf. adhibetur nonnumquam; de qua re uide infra.

Nonnusquam praes. et perf. uicissim se excipientia uidemus; uelut I 151 sqq.; II 21 sqq.; IX 284 (Obermeier perperam IV 238 sq.).

---

\* Huius usus origo unde repetenda sit, ambigunt grammatici; cfr Blase Hist. Gramm. p. 102 (III 1).

Ad uulgatam praesentis uim prope accedere uidetur praesens illud, quod actionem praeterito tempore coeptam etiamnunc permanentem inducit:

I 299

*bellorum o socii, qui mille pericula Martis  
mecum, ait, experti decimo\* iam uincitis anno*

Alia exempla sunt V 385 sq.; 423.

Praesens item adhibetur de actione praeterito tempore perfecta, cuius etiamnunc permanet effectus; uelut

I 277

*at postquam leges bello siluere coactae,  
pellimur e patriis laribus*

IX 1016

*rex tibi Pellaeus belli pelagique labores  
donat et, Emathiis quod solum defuit armis,  
exhibet*

Eodem modo, quo Graeci utuntur uerbis ἀκούω, πυνθάνομαι, γυνώσκω, Latini scriptores nonnumquam uerba audiendi adhibent:

I 558

*dirasque diem foedasse uolucres  
accipimus*

Exemplum sane notandum, unde apparet in tali re duas facile structuram scriptoris animo obuersari, exstat

IX 1019

*Thessalicas quaerens Magnus reparare ruinas  
ense iacet nostro*

Hic *cecidit* uerbum quasi loco detrusum uidemus uerbo, quod est *iacet*.

Vis perdurationis, qua nec principium nec finis actionis respicitur, — quam actionis condicionem »kursive Aktionsart« appellant — in praesente illo, quod uocatur de conatu, agnoscitur probe.

Voce peculiari aut uerborum inter se nexu indicatur actionem ad finem perductam non esse; uelut

\* Talibus locis temporis indicandi causa ablatiuum Lucanus usurpat.



I 350

*nam neque praeda meis neque regnum quaeritur armis:  
detrahimus dominos urbi servire paratae.*

III 33

*abscidis frustra ferro tua pignora.*

III 360

*iam non excludere tantum  
inclusisse uolunt. at enim contagia belli  
dira fugant.*

X 358

*interque maritos  
discurrens Aegypton habet Romamque meretur.*

Non eos audio nec, quid sibi uelint, satis intelligo, qui hanc uim uerbo ipsi subesse dicunt; est profecto haec uis, etsi a sententiarum inter se iunctura quadam ex parte pendere uidetur, stirpi temporali peculiaris et praesenti cum imperfecto communis, cui tempori praesens et alioquin contiguum esse uidetur.

Aliud quidem praesentis genus nec tamen a uulgari praesentis ui ita ualde diuersum est praesens, quod uocant historicum.

Praesens in re praesenti et narrandi et describendi causa adhiberi supra diximus. Quod in historico quoque praesente ualere apparet, sed, utrumcumque fit, semper res ad praeteritum tempus pertinentes, tamquam si praesentes sint, subiiciuntur sub oculis.

Saepe praesens et perf. idem fere ualere uidentur, uix ut inter tempora illa discrimen certum constituere conanti operae pretium sit. Sed saepissime aliquid tamen interesse apparet; etenim praesens — quo tempore quasi depictae res sub oculos subiiciuntur — in actione narranda peculiariter adhibetur ad singula referenda, quae per se actionum ordini nihil addant. Ubi praes. hist. est tempus narrando describentis; uelut I 584 sqq.; III 153 sqq.; IV 172 sqq.; VI 29 sqq.

III 153 sqq.

*protinus abducto patuerunt templa Metello  
tunc rupes Tarpeia sonat magnoque reclusas  
testatur stridore fores; tunc conditus imo  
eruitur templo multis non tactus ab annis*

*Romani census populi, . . . . .*

*tunc Orientis opes captorumque ultima regum  
quae Pompeianis praelata est gaza triumphis,  
egeritur; tristi spoliantur templa rapina,  
pauperiorque fuit tunc primum Caesare Roma.*

Quae quum ita sint, mirandum non est perfectum non-  
numquam significare causam, praesens id quod re consequitur;  
uelut

I 569

*tunc fragor armorum magnaeque per aua uoces  
auditae nemorum et uenientes comminus umbrae,  
quique colunt iunctos extremis moenibus agros,  
diffugiunt.*

III 711

*glande petens solido fregit caua tempora plumbo.  
Sedibus expulsi, postquam cruor omnia rupit  
uincula, procurrunt oculi, stat lumine raptō  
attonitus mortisque illas putat esse tenebras.*

IX 773

*dissiluit stringens uterum membrana, fluuntque  
uiscera*

Conferre licet IX 790 sqq., 815 sqq. ubi de morte anguium  
morsu allata agitur. Inuersae uices sunt, nec tamen temere,  
ut uidetur,

I 394

*sparsas per rura cohortes  
euocat et Romam motis petit undique signis.  
deseruere . . . . liquerunt . . .*

III 666

*impia turba super medios ferit ense lacertos:  
bracchia linquentes Graia pendentia puppe  
a manibus cecidere suis.*

IV 235

*sic fatur et omnis  
concussit mentes scelerumque reduxit amorem.*

Quod de horum temporum in Lucaneo opere inter se ordine  
et uariatione affirmauit Obermeier (l. l. p. 75), si in narrando  
se excipiant perf. et praes. hist., uulgo praecedere perf., uix

potest firmari. In uersibus mille quingentis, quos examinaui, tricies praecedit praesens, uicies quinquies perfectum. Sed eiusmodi numerorum rationi non multumtribuendum est, nam et quid eligendum sit quid praetermittendum, haud facile discernas, et metri necessitati seruisse poetam nonnumquam suspicari possumus, et effectum quendam poeticum affectans poeta praesens saepius usurpasse uidetur. Sed sententiam ab Obermeiero latam sustineri non posse constare uidetur. Atque etsi negari non potest Lucano in deliciis esse praesens historicum, non ideo concedendum uidetur aut praesens historicum Lucano fuisse legitimum et proprium narrandi tempus aut omne illorum temporum discrimen iam tum euanuisse. Ad eam rem iudicandam operae pretium erit inquirere, quomodo temporibus illis utatur Lucanus, in breuiore digressione siquid narrandum est. Ubi quietiori narrandi generi locum esse apparet. Cfr ex. gr. V 71—85, ubi origo oraculi Delphici narratur. Eo loco nullum praesens historicum inuenitur. IX 619—699, ubi exponitur, quanam sit causa, cur abundet Libye serpentibus, praesens hist. non fere adhibetur nisi in descriptionibus aut in narratione uiuidiore (cfr uu. 634—637; 672—677); X 272—282, ubi de regibus caput Nili noscendi cupidus agitur, nullum certum praesens inuenitur; cfr II 68—133, ubi memoria repetuntur tempora Marii; praesens non fere nisi locis uiuidioribus exstat. Idem dicendum est de uersibus sequentibus, 134—220, ubi Sullanorum crudeliter facta commemorantur. Item VI 381—412, ubi de antiquissimis Thessaliae temporibus uerba facit poeta; cfr IX 19—35, ubi breuiter commemoratur, quae antea egerit Cato; usurpantur imperfecta et perfecta, tum uero uersibus 30 sqq., ubi ad relationem pergit poeta, adhibetur praesens *petit*. IX 128—139, ubi Sextus Pompeius fratri nuntiat mortem patris, nullum praesens hist. adhibetur. Quibus omnibus locis cogitare de perfecto plusquamperfecti sensu usurpato non licet. — Sed praesens quoque historicum interdum liberius usurpatur, ita, ut non in continua et incitata narratione exstet, sed in breui\* rei praeteritae commemoratione praecipue per pronomen relatiuum interiecta. Non potui mihi persuadere iure Madvigum arbitrari eiusdem gradus

\* De qua re disputauit Madvig Opusc. Academ.<sup>2</sup> pp. 579 sq.; cfr Blase l. l. p. 107 et eas doctorum sententias, quae ibi afferuntur.



esse ea praesentia, quae significant etiamnunc permanentem effectum actionis praeterito tempore perfectae, et ea, quae nulla rerum societate cum praesenti tempore connecti uideantur. Neque enim contigua esse uidentur Lucan. I 278 *pellimur e patriis laribus* et Verg. Aen. II 275 *ei mihi qualis erat, quantum mutatus ab illo Hectore qui redit exuvias indutus Achilli*. aut Horat. Sat. I vi 13 . . . *Valeri genus, unde Superbus | Tarquinius regno pulsus fugit* . . .

In sententia, quae particula explicatiua *quod* inducitur, a perfecto pendente perfectum excipitur praesente historico

III 388

*iam satis hoc Graiae memorandum contigit urbi*  
*... quod ... tenuit ... uincitur ...*

In interrogatione obliqua subiecta praesenti semel exstant praesentia (coni.)praeteritas actiones significantia VII 617—631. Conferendus est locus unus, qui infinitium praesentis de re praeterita exhibet,

IX 679

*quanto spirare ueneno (spirasse Z G)*  
*ora rear, quantumque oculos effundere mortis!*

Ubi disputatur, quamnam rationem inter perf. et praes. hist. intercedere rationem arbitremur, haud ab re erit de uerbis orationem rectam claudentibus pauca dicere. De qua re Obermeier breuiter (l. l. p. 76) egit. Haec explorans duodetrices (28) inueni ptep., plerumque perf. — Saepius absonum sane in modum usurpatum: uelut VII 746 sq. (V U Bz codicibus si quam fidem addamus); VIII 453 sq.; VIII 105 sqq.; cfr I 291 sqq., ubi inuenitur *postquam* —; raro enuntiatum temporale, quinquies (5) perfectum (IV 167; VIII 146; 582; IX 283; 616); plqpf. octies (8) (I 352; III 141; 355; IV 363; VI 624; VII 608; IX 165; X 193); quinquiesdecies (15) praesens I 695; II 63; 284; 323; 516; 648; III 97; IV 235; V 538; 560; VI 246 sq.; VII 123; 666; VIII 192; IX 125); impf. bis (2) tantum (I 637; II 232). Sed priusquam de huius praesentis ui et usu disputamus, et plusquamperfecti et perfecti exempla excutere melius erit. Ac plqpf. tum solum adhiberi inueniemus, ubi mutatur subiectum in sententia sequenti; quod haud sane abhorrere uidetur ab usu uulgato plusquamperfecti significantis eum rerum statum, unde noua actionum series quasi proficisci-

tur; cfr praecipue III 141, ubi sequitur *quum* »inuersum«. Post plqpf. clausulae paruola igitur pausa fieri uidetur. Hoc si uerum sit, temere Obermeier affirmare uidetur hoc: »Das Plusquamperfect . . . . . ist vorherrschend metrischen Gründen zuzuschreiben«. Hoc ita, ut exposuimus supra, se habere etiam magis credi poterit, si perfecti eiusmodi usum scrutati erimus: atque perfectum usurpari uidemus, ubi non mutato subiecto uno tenore continuatur actio; uelut

IV 167

*dixit et ad montis tendentem praecuenit hostem.*

IX 283

*dixit et omnes*

*..... medio reuocauit ab aequore puppes*

IX 616

*dixit dubiumque uenenum*

*hausit*

Unum tantum plusquamperfecti exemplum regulam migrat.

VI 624

*dixerat et noctis geminatis arte tenebris*

*maestum tecta caput squalenti nube pererrat*

*corpora caesorum*

Sed hoc loco magici horroris pleno ad uim grauitatis intendendam pausa apte poni poterit post *dixerat*, praecipue quum uerbis, quae sunt *geminatis arte tenebris*, dirimuntur uerba *dixerat* et *pererrat*; quod tempore quoque inter utrumque cadere necesse erit. Fortasse dixerit quispiam regulam migrare alterum quoque exemplum,

IX 165

*dixerat et classem saeuus rapiebat in undas;*

*sed Cato laudatam iuuenis compescuit iram.*

Sed hoc totum sanum est exemplum, hic enim usu admodum frequenti plusquamperfecto et imperfecto coniunctis per particulam aduersatiuam opponitur perfectum, cuius nouum est subi.; cfr *at* noui aliquid inducens I 352; IV 363; VII 608.

Regulam illam, quam attulimus de perfecto talibus locis adhibito, unum tantum exemplum excedere uidetur,

VIII 582

*dixit; sed surda uetanti*

*tendebat geminas amens Cornelia palmas*

Sed h. l. sequitur impf. quo indicetur, quomodo loquente marito se gesserit Cornelia. Praesens uero, ut quo tempore et narrandi et describendi uis contineatur, in se utrumque recipit usum.

Ad plusquamperfecti uim propius accedunt II 63; 284; 648; VIII 192; IX 125.

II 284

*sic fatur; at illi*

*arcano sacras reddit Cato pectore uoces.*

Perfecto similia sunt II 323; 516; III 97; IV 235; V 560; VII 123; 666.

II 516

*fatur et astrictis laxari uincula palmis  
imperat.*

Neutram speciem clare expressit V 538 sqq.

Seorsum tractandus uidetur locus unus,

VI 236

*simul haec effatur et altus*

*Caesareas puluis testatur adesse cohortes.*

De altero quoque loco dubitandum,

I 695

*haec ait, et lasso iacuit deserta furore.*

In hoc tam trito orationis rectae uerbo uix licet quidquam certi affirmare, quamquam praesentis esse formam constat.

Imperfecti exempla sunt

I 637

*flexa sic omina Tuscus*

*inuoluens multaque tegens ambage canebat.*

II 232

*sic maesta senectus*

*praeteritique memor flebat metuensque futuri.*

Ambobus locis — qui sibi simillimi sunt — impf. complectens fuse atque otiose quodammodo describit orationem antecedentem. Ac languescens quasi paulatim desinit narratio, quae tum longa intermissa pausa prorsus aliter incipit denuo.

Iam ad alterum illum praesentis historici usum transeo, quo praesens ad rem describendam adhibetur. Sed ubique res quasi sub oculos subicere studet poeta (cfr Blase l. l. p. 106). Cfr ex. gr. II 354; IV 11 — 21; 324 — 336; IX 634 sqq.

Vix opus erit mihi monere ita usurpatum praesens et impf. saepe excipere se inuicem; ex. gr. I 618 sqq.; III 399—425; X 111—135; IX 633 (describitur caput Medusae)

*ipsa flagellabant gaudentis colla Medusae.*

*surgunt aduersa subrectae fronte colubrae,*

*uipereumque fluit depexo crine uenenum.*

In sententia, quae particula explicatiua, quae est *quod*, inducitur. praesens hist. semel inueni de qualitate natura insita, IV 598

*hoc quoque tam uastas cumulauit munere uires*

*terra sui fetus, quod, quum tetigere parentem,*

*iam defecta uigent reuocato robore membra.*

Restat ut de praesente futuri uicibus fungente pauca afferamus. De hoc futuri apud priscos comicos usu egit H. Sjögren<sup>1</sup> pp. 6—39.

Recte Blase l. l. p. 108: »Der futurale Charakter des Präsens ergibt sich immer aus dem Zusammenhang der Rede oder Situation. Oft weisen Adverbia wie . . . darauf hin, oft auch eine benachbarte futurale Verbalform.« Ubique adeo uehementer animo loquentis obuersantur futurae res, ut quasi praesentes uideantur; cfr uaticinationem matronae diuino numine instinctae I 678 sqq. Lucanea exempla non admodum conspicua sunt:

I 1

*Bella per Emathios plus quam ciuilia campos*

*iusque datum sceleri<sup>2</sup> canimus*

= »Ämnet för min sång är . . . .»

I 286

*nunc neque te longi remeantem pompa triumphi*

*excipit*

I 373

*nec ciuis meus est, in quem tua classica, Caesar,*

*audiero.*

II 283

*nunc neque Pompei Brutum nec Caesaris hostem,*

*post bellum uictoris habes.*

<sup>1</sup> Inscrubitur liber ille Zum Gebrauch des Futurums im Altlateinischen (Uppsala 1906).

<sup>2</sup> Exempla futuri et praesentis de prooemiis epicorum carminum sumpta collegit Samuelsson l. l. pp. 6 sq.

II 318

*post me regnare uolenti  
non opus est bello.*

II 346

*non me lactorum comitem rebusque secundis  
accipis*

IV 486

*decernite letum,  
et metus omnis abest*

V 486

*numquid inexplerto tua credimus arma profundo,  
inque nouos traheris casus?*

VII 113

*uincis apud soceros uotis me, Caesar, iniquis:  
pugnatur.*

*Pugnatur* = »pugna iamiam adest.»

VII 592

*nil proficis istic  
Caesaris intentus iugulo*

VII 612

*liber ad umbras  
et securus eo*

VII 695 (in sent. rel.)

*sed par, quod semper habemus,  
libertas et Caesar erit*

VII 815

*quocumque tuam fortuna uocabit,  
hae quoque sunt animae*

Ita Hosius secutus codices M V G; Haskins *cum* cum  
codicibus B U; Postgate, cui astipulatur Francken, coniecit  
*erunt*, ingeniose.

VIII 415

*ceu pridem debita fatis  
Assyriis trahitur cladis captiua uetustae.*

VIII 634

*natus coniunxque peremptum,  
si mirantur, amant.*

## VIII 749

*si quid sensus post fata relictum,  
cedis et ipsa rogo paterisque haec damna sepulcri*

## IX 238

*sub iura togati  
cuius co. quisquis Magno uiuente secundus,  
hic mihi primus erit*

## IX 382

*uadimus in campos steriles exustaque mundi  
Sequitur praesen post futura:*

## I 668

*multosque exhibet in annos  
hic furor. et superos quid prodest poscere finem?  
cum domino pax ista uenit.*

## IX 560

*iure suo populis uti legumque licebit,  
an bellum ciuile perit?*

An hic praesentis usus legitimus est? = »eller föra vi kriget  
förgäfves?» Sequuntur futura

## V 194

*effugis ingentes tanti discriminis experts  
bellorum, Romane, minas solusque quietem  
Euboici uasta lateris conualle tenebis.*

Locus hic dissimilis attamen hic tractandus esse uidetur

## VIII 626

*Ignorant populi, si non in morte probaris,  
an scieris aduersa pati.*

Hic res duae animo scriptoris obuersatae sunt: 1) ignorant,  
2) ignorabunt semper, si non . . probaueris. Exemplum prorsus  
contrarium est

## V 665

*nec sciet hoc quisquam, nisi tu, quae sola meorum  
conscia uotorum es, me, quamuis plenus honorum  
et dictator eam Stygias et consul ad umbras,  
priuatam, Fortuna, mori.*

E duobus enuntiatis, quae obuersatae sunt animo scriptoris:

1) nec sciet quisquam me priuatam mortuum esse. 2) tu,  
Fortuna. sola scis me p. mori. hic quoque posterius nicit illud,  
ut hoc simplicis sermonis proprium est. Post exempla prae-

sentis pro futuro in sententiis primariis usurpati afferenda duo exempla, ubi acc. cum inf. inuenitur; praes. inf. pro futuro: Domitius suos pontem rescindere iusserat, ut opposito amne rapido ab oppugnanda urbe arceretur Caesar:

IV 491

*deuoluit rapidum nequidquam moenibus agmen.  
nam prior e campis ut conspicit amne soluto  
rumpi Caesar iter . . . . .*

IV 160

*quibus hoste potito  
faucibus emitti terrarum in deuia Martem  
inque feras gentes Caesar uidet.  
. . . . .  
dixit et ad montes tendentem praecuenit hostem.*

Ubi agitur de Caesare haec uidente et cogitante, in participio (= sent. condicional.) nihil inest contra uerum ficti. Sed ex euentu cognito postea in tales sententias insinuat se uisquaedam irrealis. Conferendae sane structurae, quales sunt Tacit. Hist. IV XIII cui *excidium aduentabat, si redintegratum bellum et tot armatorum milia Italiam irrupissent*. Tacit. Hist. IV XVII . . . *si destinata prouenissent, ualidissimarum ditissimarumque nationum regno imminebat*.

Hic usus praesentis pro futuro quam late in secundariis quoque enuntiatis pateat, haud alienum erit cognoscere. Lucanea exempla haud rara sunt;

V 158

*et nobis meritas dabis, improba poenas  
et superis, quos fingis, ait, nisi mergeris antris  
deque orbis trepidi tanto consulta tumultu  
desinis ipsa loqui.*

V 533

*si iussa secutus  
me uelis Hesperiam, non ultra cuncta carinae  
debebis*

V 571

*si murmura ponti  
consulimus, cori ueniet mare.*



V 658

*quaecumque datis mihi numina mortem,  
accipiam.*

VIII 379

*Magnus, nisi uincitis, exul*

IX 212

*et mihi si fatis aliena in iura uenimus,  
fac talem, Fortuna, Iubam.*

Incertus locus est VIII 311 sqq.

In re positum est praesens relatiuae sententiae

IX 241

*dominum, quem clades cogit, habebo.*

Codices P C Z *coget* exhibent.

Futurum tempus interdum respicere uidetur praesens, si adhibetur in interrogationibus rhetoricis indignationem aut admirationem exprimentium. De qua re uide infra in excursu.

Exemplum praesentis ind. pro\* coniunctiuo uere deliberatiuo adhibiti apud Lucanum non inueni. Coniunctiuo dubitatiui uel potentialis uicibus fungi uidetur praes. ind.

II 642

*quid plura moror?*

Hic collecta afferre libet exempla incerta aut quae in sua genera digerere difficile sit; uelut

VIII 441

*quin respicis orbem*

*Romanum? si regna times proiecta sub austro  
infidumque Iubam, petimus Pharon aruaque Lagi.*

V. 443 praes. ind. pro hortatiuo coniunctiuo adhiberi uidetur; sed cogitari potest de praesente (pro futuro) significante eam actionem, quae dicto citius fiet.

IX 1031

*si scelus est, plus te nobis debere fateris,  
quod scelus hoc non ipse facis.*

*Non ipse facis* = »non ipsi tibi faciendum est».

Praesens pro futuro praeteriti adhiberi uidetur

---

\* De hoc indicatiui praesentis usu cfr Samuelsson l. l. p. 7 (in nota laudantur grammatici, qui hunc usum tractarunt); item cfr Blase § 6 anm. (p. 112).

## III 607

*tenet ille dolorem  
semper et amissum fratrem lugentibus offert.*

Vis quaedam aoristica, ut ita dicam, agnoscitur

## V 253

*qui tot gentis in bella trahebat,  
scit (= fâr veta) non esse ducis strictos, sed militis, enses.*

## IX 906

*qui Phoebæ cessere, iacent\**

**Excursus: De interrogationibus et exclamationibus indignationem  
aut admirationem exprimentium.**

Hic tria imprimis tempora usurpari inuenimus: praes. ind., fut. ind., praes. coniunctiui dubitatiui uel deliberatiui. Ubi duae interrogationes rhetoricae componuntur, quo maior e contrario uis accedat posteriori, in priore alia quoque tempora nonnumquam adhiberi uidemus. Exempli gratia afferre licet Vergilianum locum notissimum,

Verg. Aen. I 39 sqq. *Pallasne exurere classem ... potuit ... ? ...  
Ast ego ... una cum gente tot annos bella gero?!*

## Lucan. VIII 269

*an Libyæ Marium potuere ruinae  
erigere in fasces et plenis reddere fastis?  
me pulsum leuiore manu fortuna tenebit?*

Idem fere ualet priore loco posita affirmatiua sententia;  
uelut

## VII 451

*astra Thyestæ  
impulit et subitis damnavit noctibus Argos:  
tot similes fratrum gladios patrumque gerenti  
Thessaliæ dabit ille diem?!*

## IX 1075

*non tuleram Magnum mecum Romana regentem:  
te, Ptolomæe, feram?*

\* Conferre licet IX 90

*deceptaque nixi  
Hoc idem ualet quod dolo uitæ seruata sum.*

Conferre licet IX 263

*potuit uestro Pompeius abuti  
sanguine: nunc patriae iugulos ensesque negatis,  
quum prope libertas?!*

Ubi facile auditur uera protasis interrogationis.

Praesens excipitur futuro:

V 328

*anne fugam Magni tanta cum classe secuntur  
Hesperiae gentes, nobis-victoria turbam  
non dabit . . . ?*

Futura se excipiunt:

II 292

*gentesne furorem  
Hesperium ignotae Romanaque bella sequentur  
diductique fretis alio sub sidere reges?  
otia solus agam?!*

V 311

*..... hos ante pigebit  
sanguinis? his ferri graue ius erit? ipse per omne  
fasque nefasque rues?!*

VII 449 (sed hoc exemplum uno ordine cum ceteris uix habendum)

*scilicet ipse petet Pholoen, petet ignibus Oeten  
immeritaeque nemus Rhodopes pinusque Mimantis:  
Cassius hoc potius feriet caput?*

Simples interrogationes inueniuntur: Praesens:

II 60

*tantone nouorum  
prouentu scelerum quaerunt, uter imperet orbi?!*

II 523

*in medios belli non ire furores  
iamdudum moriture parās?*

III 559

*paterisne acies errare profundo  
artibus et certas pelagi?! iam consere bellum*

VIII 433

*tu, quem post funera nostra  
ultorem cinerum nudae sperauimus umbrae,  
ad foedus pacemque uenis?!*

## VIII 550

*tanti, Ptolomaeae, ruinam  
nominis haud metuis caeloque tonante profanas  
inseruisse manus, impure ac semiuir, audes?!*

## VIII 658

*o saeui, properantem in fata tenetis?!*

## X 343

*in scelus it Pharium Romani poena tyranni  
exemplumque perit?!*

## X 356

*cessas\* accurrere solus  
ad dominae thalamos?!*

Praesens futurum tempus haud dubie respicit:

## VIII 349

*patimurne pudoris  
hoc uolnus, clades ut Parthia uindictet ante  
Hesperias, quam Roma suas?!*

## VIII 533

*nunc victoris opes et cognita fata lacessis?!*

## VIII 545

*ullusne in cladibus istis  
est locus Aegypto, Phariusque admittitur ensis?!*

Iniuria Francken huc numerare uidetur

## I 307

*quid? si mihi signa iacerent  
Marte sub aduerso, ruerentque in terga feroces  
Gallorum populi? nunc, quum fortuna secundis  
mecum rebus agat superique ad summa uocantes,  
temptamur [?!]. ueniat longa dux pace solutus*

Namque hic uerus sensus est: Wie schlimm würde es mir  
ergehen, wenn ich von den Gallern arg bedrängt von meinen

\* *Cessas accurrere* = »iam iam accurre«. Ultro imperatius per irrisiōnem indignationem exprimit X 353; X 361.

## X 353

*tu mollibus, inquit,  
nunc incumbe toris et pingues exige somnos:  
inuasit Cleopatra domum.*

## X 361

*crede, miser, puero*

römischen Gegnern angegriffen worden wäre! Nun aber — glücklicherweise — greift man mich auf der Höhe kriegerrischen Glücks an. So mögen sie denn meinetwegen kommen . . . !

Futurum adhibetur:

a) res futuras spectant futura:

Ubi adhibetur prima persona, nonnumquam haud facile discernas, utrum sit praes. coni. an fut. ind.; sed de ea re uix operae pretium sit requirere, quum quod ad originem una atque eadem forma sit, quo factum esse credo, ut sensus genera in unum coalescere in promptu esset.

I 314

*scilicet extremi Pompeium emptique clientes  
continuo per tot satiabunt tempora regno?!*

I 317

*ille semel raptos numquam dimittet honores?!*

I 364

*dum pila ualent fortes torquere lacerti,  
degenerem patiere togam regnumque senatus?!*

II 522

*Romamne petes pacisque recessus,  
degener?!*

IV 217

*ibitis ad dominum damnataque signa feretis?!*  
*utque habeat famulos nullo discrimine Caesar,  
exorandus erit?!*

II 292; de quo loco uide supra; item VIII 269 sqq.

VI 155

*non ira saltem, iuuenes, pietate remota  
stabitis?!*

VIII 344

*(te) deiectum fatis, humilem fractumque uidebit  
extolletque animos Latium uaesanus in orbem  
se simul et Romam Pompeio supplice mensus?!*

IX 153

*non ego Pellaeas arces adytisque reiectum  
corpus Alexandri pigra Marcotide mergam?!*  
*non mihi pyramidum tumulis euolsus Amasis  
atque alii reges Nilo torrente natabunt?!*

b) futuras res non significant futura:

I 316

*ille reget currus nondum patientibus annos?!*

Quod multos ante annos acciderat. Sed ad futurum h. l. efficiendum multum ualere futura ex utraque parte contigua.

V 311 sqq. huc pertinere uidetur; iam enim exorta erat seditio. De quo loco uide supra.

VII 72

*humani generis tam longo tempore bellum*

*Caesar erit?!*

*Erit* = »indignum est tam diu Caesarem esse (fuisse) . . .»

De I 346 uide infra sub futuro.

Coniunctiui deliberatiui uel dubitatiui esse uidentur

VI 326

*uictor tibi, Roma, quietem*

*eripiam, qui ne premerent te proelia fugi?!*

VIII 392

*tibi barbara tellus*

*incumbat? te parua tegant ac uilia busta?!*

**Imperfectum:** Hoc tempore status rerum permanens describitur aut res refertur, quae ad actionum seriem nihil addat, siue uerbum rem explicat, siue causam affert, siue totum est relatiuum tempus significans, quid eodem tempore fuerit, quo facta est actio principalis.

Mere descriptiuum est impf.: Cfr. ex. gr. I 217; IV 85 sq.; IX 609 sq.; 626; X 112 sqq.

IX 609

*stabant in margine siccae*

*aspides, in mediis sitiabant dipsades undis.*

Impf. rem ante relatam explicat diligentius aut causam eius reddit:

Hunc usum priori contiguum esse apparet.

a) Explicandi causa adhibetur impf. ad indicandum

a) Qualia singula fuerint rei relatae; ex. gr.

V 541

*nam sol non rutilus deduxit in aequora nubes*

*concordesque tulit radios: noton altera Phoebi,*

*altera pars borean diducta luce uocabat.*

Metrum uocauit admitteret.

β Quomodo re uera se habuerit res; ex. gr.

IV 687

*nec solum studiis ciuilibus arma parabat,  
priuatae sed bella dabat Iuba concitus irae.*

Metrum aequè admitteret perfecti formas *parauit* et *dedit*.

V 814

*sed non superi tam laeta parabant:  
instabat, miserae Magnum quae redderet, hora.*

Metrum *pararant* admittit. Sed h. l. relatiuum tempus esse uidetur.

IX 49

*ast illae puppes luctus plactusque ferebant  
et mala uel duri lacrimas motura Catonis.  
Tulerunt formae in metro locus est.*

b) Causam indicat impf.: Cfr I 98 sqq.; II 72 sqq.; III 429; VI 248 sqq.; VIII 672 sq.

III 429

*sed fortes tremuere manus, motique\* uerenda  
maiestate loci, si robora sacra ferirent,  
in sua credebant redituras membra secures.*

Perfectum *credidērunt* admitteretur metro; de »correctione» *stetērunt* (IV 771) uide E. Trampe De Lucani arte metrica (Berolini 1884) p. 7.

VI 248

*dedecus hic belli Magno crimenque remisit,  
ne solum totae fugerent te, Scaeva, cateruae,  
subducto qui Marte ruis; nam sanguine fuso  
uires pugna dabat.*

Metrum admitteret *dedit*.

Relatiuum tempus impf. est:

a) Significans, quid fuerit, dum fit actio ante commemorata:

I 231

*uicinumque minax inuadit Ariminum, et ignes  
solis lucifero fugiebant astra relicto.  
Metrum admitteret fūgērunt.*

\* *Et. -que, atque* particulas apud Lucanum explicatio sensu saepius adhiberi constat: de qua re uide p. 33.



## II 526

*nescius interea capti ducis arma parabat*

*Magnus, ut immixto firmaret robore partes.*

Cfr II 719 sqq.; III 220 sqq.; 726; V 75 sqq.; VI 575 sqq.; VIII 40 sqq.

b) Significat impf. id, quo incidit actio primaria, id, unde quasi proficiscitur rerum series:

Ex. gr. I 609 sqq.; III 1 sqq.; 40 sq.; 399; 726; IV 196 sqq.; 608 sqq.; V 504 sqq.; VI 138 sqq.; VII 423 sqq.; VIII 159 sqq.; 474 sq.; 560 sqq.; 721 sqq.; IX 428 sq.; 544 sq.; 975 sqq.; X 421 sqq.

## VII 423

*haud multum terrae spatium restabat eoae,*

*sed retro tua fata tulit par omnibus annis*  
*Emathiae funesta dies.*

## IX 975

*securus in alto*

*gramine ponebat gressus: Phryx incola manes*

*Hectoreos calcare uetat; discussa iacebant*

*saxa nec ullius faciem seruantia sacri:*

*'Herceas', monstrator ait, 'non respicis aras?'*

H. l. sententiae posteriores iis consimiles sunt, quae per »quum inuersum« induci solent. »Quum« sequitur saepe; uelut

## V 237

*interea domitis Caesar remeabat Hiberis*

*quum prope fatorum tantos per prospera cursus*  
*auertere dei.*

Nonnullis locis pro libera sententia sequitur condicionale enuntiatum irrealis; uelut

## II 616

*nec tamen hoc artis immissum faucibus aequor*

*portus erat, si non uolentos insula coros*

*exciperet saxis lassasque refunderet undas.*

Cfr Verg. Georg. II 132 (Blase); de tota structura uide

H. Blase Geschichte des Irrealis pp. 73 sq.; id. Grammatik § 22 (pp. 149 sqq.).

## IV 344

*si me degeneri strauissent fata sub hoste,  
non derat fortis rapiendo dextera leto.*

## VII 568

*quod nisi fatorum leges . . . . .  
damnatum leto traherent ad littora Magnum,  
non ulli comitum sceleris praesagia derant*

Cognatum est id genus imperfecti, quod uocant »de conatu»; ubi opposita saepe sententia sequenti indicatur ideo perdurare actionem, quod non contingat, ut finem optatum nacta absoluat. Pleraque exempla sub b) quoque afferre licet.

## V 683

*aut quae nos uiles animas in fata relinquens  
inuitis spargenda\* dabas tua membra procellis?*

## VIII 577

*ibat in hostilem praeceps Cornelia puppim  
'remane, temeraria coniunx',*

## IX 165

*dixerat et classem saeuus rapiebat in undas;  
sed Cato laudatam iuuenis compescuit iram.*

Restat ut de iteratiuo quoque imperfecto pauca dicamus; in quo genere actionis »linearis», ut ita dicam, plerumque inesse uis quaedam descriptiua uidetur. Exempla pauca afferre liceat:

## III 701

*hic ubi compressum penitus deduxerat hostem,  
uictor et incolumis summas remeabat ad undas.*

## VIII 685

*hoc leges Campumque et rostra mouebat,  
hac facie Fortuna tibi Romana placebas.  
Imperfecta plerumque in fine uersus collocantur.*

**Perfectum.** Hoc tempus, quod ad formam attinet, constat coaluisse ex elementis et perfecti et aoristi primigeniae communis linguae. Quod ad uim et usum si cum aliis linguis

\* Tale impf. in sententia condicionali exstare uidetur VII 645 sq. . . . post proelia natis | si dominum, fortuna, dabas. et bella dedisses. Dabas = »datura eras». Cfr notas Postgatei.

eiusdem stirpis (praec. graeca) contuleris, duas temporales stirpes conflatas esse item apparebit.

Perfecti primigenii uim sibi uindicare uidetur perf. quod uocant praesentis. Hoc perf. in praesens continuo mutare licet. Huic generi ascribenda sunt imprimis perfecta, qualia sunt *memini, odi, cognoui, mihi persuasi*; sed huiusmodi quoque exempla afferre licet:

I 650

*extremi multorum tempus in unum  
conuenere dies.*

*Conuenere* = »una adsunt».

II 59

*saeue parens, utrasque simul partesque ducesque,  
dum nondum meruere, feri.*

*Sensus* = »dum etiamnunc innoxii sunt».

Ceteri omnes perfecti usus aoristici esse mihi quidem uidentur. Quos perfecti historici nomine complecti liceat. Nam quod perf. »logicum» ut genus omnino sui iuris perfecto historico opposuerunt permulti, hoc haud scio an — nostro de nostris linguis iudicio tributum solum — a latinae linguae natura et uì plane abhorreat.

Plura genera discernere possumus.

Perfectum consuetudinis. Quod quum sero admodum apud latinos scriptores sensu perfecto et absoluto — dico »gnomico» — adhiberi coeptum esse uideamus idque imprimis apud\* poetas, graecorum exempla ad hunc usum perficiendum nonnihil ualuisse credi potest. Recte mihi uidentur Riemann et Goelzer (*Grammaire comparée du Grec et du Latin* p. 277) uim primigeniam explicasse. qui quidem affirmant adhiberi hoc tempus »pour exprimer une vérité d'expérience démontrée par les faits». Saepe uidelicet res illae, quae documento esse possunt, praeteritae inducuntur. Tum plerumque adduntur uerba, qualia sunt *semper, numquam, saepe, nemo . . . unquam, multi, nemo, quis?* — Sed quanto minus animo obuersantur exempla rem firmantia, tanto magis euanescit aoristica uerbi uis; ualente re ipsa, quae enuntiatur, generalis actio inducitur. Quod quum ita sit, requiri par est praesentes uerbi formas, ut quae enun-

\* Catullus primus hoc sensu pf. usurpasse dicitur, de quo usu uide Madvig Op. II pp. 490 sqq.

tiatis generalibus peculiares sint. Conferendum est exemplum quale

VIII 585

*numquam omine lacto  
distrahimur miseri.*

Tali in re usurpari perfecta ui praeteriti fere\* nulla praedita apud poetas tantum et seros admodum solutae orationis scriptores ferunt.

a) Res, quae enuntiatur, exemplis ex praeterito tempore sumptis fulcitur:

I 158

*suberant sed publica belli  
semina, quae populos semper mersere potentes.*

I 281

*semper nocuit differre paratis.*

I 626

*quodque nefas nullis impune apparuit extis,  
ecce, uidet*

II 198

*tot simul infesto iuuenes occumbere leto  
saepe fames pelagique furor subitaeque ruinae  
.....  
numquam poena fuit.*

III 65

*utraq;ue frugiferis est insula nobilis aruis;  
nec prius Hesperiam longinquis messibus ullae  
nec Romana magis complerunt horrea terrae.*

IV 83

*iamque Pyrenaeae, quas numquam soluere Titan  
eualuit, fluxere niues.*

IV 457

*huc fractas aquilone rates summersaque pontus  
corpora saepe tulit caecisque abscondit in antris*

\* De origine huius aoristi graeci usus egit B. Delbrück Vgl. Synt. pp. 286 sqq. — cfr libros ibi allatos —: qui tamen (l. l. p. 301) tantam vim addidisse uidetur punctuali aoristi actionis generi, ut gnomicum et praesenti cognatum usum huius temporis non satis explicauerit. Neque enim ex iis locis, quibus in comparationibus forte adhibetur aoristus ad actionem hyperpunctualem, ut ita dicam, indicandam, effectum esse uidetur, ut tempus praesentis actionis fieret aoristus.

## V 107

*Saepe dedit sedem totas mutantibus urbes e. q. s.*

VI 452—464; ubi imprimis notandus est locus unus,

## VI 458

*quos non concordia mixti  
alligat ulla tori blandaque potentia formae  
traxerunt torti magica uertigine fili.*

Ubi praesente in relatiua sententia adhibito ostenditur haud obscure pro perfecto primariae scribenti obuersatum esse praesens.

## VII 104

*multos in summa pericula misit  
uenturi timor ipse mali.*

## VIII 404

*iacuere sorores  
in regum thalamis sacrataque pignora matres.*

## VIII 535

*nulla fides unquam miseros elegit amicos.*

## IX 784

*hoc et flamma potest; sed qui rogus abstulit ossa?*

b) Rei ipsi, quae enuntiatur, maior uis accedit:

Imprimis in similibus eiusmodi exempla inueniuntur; ubi saepe uicissim se excipere uidemus praesentia et perfecta. Rara sunt alia exempla, nec fere nisi in comparisonibus apud Lucanum exstare uidentur; cfr tamen

## III 407

*illis et uolucres metuunt insistere ramis  
et lustris recubare ferae; nec uentus in illas  
incubuit siluas excussaue nubibus atris  
fulgura*

Sed h. l. praesens ad rem praeteriti temporis describendam adhibetur.

## IX 798

*spumeus accenso non sic exundat aeno  
undarum cumulus, nec tantos carbasa coro  
curuauere sinus.*

In similibus I 105 sqq.; I 205 sqq.; IX 284 sqq.;

## I 327

*utque ferae tigres numquam posuere furorem,*  
 . . . . .  
*sic et Sullanum solito tibi lambere ferrum*  
*durat, Magne, sitis.*

## II 21

*sic funere primo*  
*attonitae tacuere domus, quum corpora nondum*  
*conclamata iacent*

## II 454

*ut quum mare possidet auster*  
*flatibus horrisonis, hunc, aequora tota secuntur:*  
*si rursus tellus pulsu laxata tridentis*  
*Aeolii tumidis immittat fluctibus curum,*  
*quamuis icta nouo, uentum tenere priorem*  
*aequora, nubiferoque polus quum cesserit euro,*  
*uindicat unda notum.*

Perf. historicum saepissime narratiuum est. De qua re affatim disputauisse mihi uideor sub praesente. Aliud perf. historici genus est illud, quo res praeteriti temporis, qualis per se est, commemoratur tantum; quod perf. et in primariis et secundariis sententiis — praecipue relatiuis — exstat. Hoc tempus absolutum dicere placet, quum sit impf. plerumque relatiuum. Absolutum id perf. est, quod nonnumquam inuenimus, ubi exspectandum erat plqpf.; de quo usu uide H. Blase Gramm. p. 169 Anm.; Samuelsson l. l. p. 9, qui locum Valerii allatum, quod ad tempus attinet, iniuria suspicari uidetur.

Exempla Lucanea in primaria exstantia sunt:

## I 129

*nec coiere pares: alter uergentibus annis*  
*in senium longoque togae tranquillior usu*  
*dedidicit iam pace ducem*

Plqpf. *didicērat* metro non admittitur.

## III 726

*stabat diuersa uictae iam parte carinae*  
*infelix Argi genitor, non ille inuentae*  
*tempore Phocaicis ulli cessurus in armis;*

*uictum aeuo robur cecidit, fessusque senecta  
exemplum, non miles erat.*

Formam ceciderat metrum respuit.

IV 636

*confluxere pares, telluris uiribus ille,  
ille suis. numquam saeuae sperare nouercae  
plus licuit.*

Licuerat formam metrum non admittit.

Exempla in secundaria exstantia:

a) Tempus absolutum diserte exprimitur (substantiuo uel aduerbio tempus indicanti):

VI 683

*quibus os dirum nascentibus inspuit, herbas  
addidit et quidquid mundo dedit ipsa ueneni.*

VIII 151

*illam, quam toto tempore belli  
ut ciuem uidere suam, discedere cernens  
ingemuit populus*

Viderant formae in hexametro locus non est.

VIII 155

*tanto deuinxit amore  
hos pudor, hos probitas castique modestia uoltus,  
quod summissa animis, nulli grauis hospita turbae  
stantis adhuc fati uixit quasi coniuge uicto.*

VIII 684

*suffixum caput est, quo numquam bella iubente  
pax fuit*

X 449

*audax Thessalici nuper qui rupe sub Haemi  
Hesperiae cunctos procures aciemque senatus  
Pompeiumque ducem causa sperare uetante  
non timuit fatumque sibi promisit iniquum,  
expauit seruile nefas*

Timuerat forma metro non admittitur.

b) Nullum uerbum tempus indicans exstat:

II 610

*urbs est Dictaeis olim possessa colonis,  
quos Creta profugos uexere per aequora puppes  
Cecropiae*



X 155 (ex. paullo incertius)

*infudere epulas auro, quod terra, quod aer,  
quod pelagus Nilusque dedit, quod luxus inani  
ambitione furens toto quaesivit in orbe*

X 161

*exceperere merum, sed non Marcotidos uuae,  
nobile sed paucis senium cui contulit annis  
indomitum Meroe cogens spumare Falernum.*

X 165

*multumque madenti  
infudere comae, quod nondum euanuit aura,  
cinnamon, externa nec perdidit aera terra*

Ubi in sententia primaria positum est praes. hist., in enuntiatio relatiuo plqpf.\* adhiberi solet. Lucanus saepius perf. habet. De quo usu uide Blase Gramm. p. 170; Samuelsson l. l. p. 9 attulit Valer. Flacc. Argon. II 410 sq.

Lucanea exempla haec imprimis sunt:

I 485

*nullogue auctore malorum,  
quae finxere, timent.*

III 603

*stant gemini fratres, fecundae gloria matris,  
quos eadem uariis genuerunt uiscera fati*

VI 80

*maior cura duces miscendis abstrahit armis:  
Pompeium exhaustae praebenda ad gramina terrae,  
quae currens obtriuuit eques gradibusque citatis  
ungula frondentem discussit cornea campum.*

VI 670

*huc quidquid fetu genuit natura sinistro,  
miscetur.*

---

\* Ad uim plusquamperfecti raro accedit impf.; cfr

IV 330

*expectant imbres, quorum modo cuncta natabant  
impulsu*

VI 144

*Scaeuia uiro nomen; castrorum in plebe merebat  
ante feras Rhodani gentes; ibi sanguine multo  
promotus Latiam longo gerit ordine uitam*

## X 140

*diuitias Cleopatra gerit cultuque laborat  
candida Sidonio perlucens pectora filo,  
quod Nilotis acus compressum pectine Serum  
soluit et extenso laxauit stamina uelo.*

In relatiuis sentiētiis subiectis praesenti historico, quod *dum* particula inducitur, Lucanus perf. ita adhibet:

## IV 202

*dum, quae gesserunt fortia, iactant,  
et dum multa negant, — quod solum fata petebant —  
est miseris renouata fides*

## V 219

*dumque a luce sacra, qua uidit fata, refertur  
ad uolgare iubar, mediae uenere tenebrae.*

Perfectum illud, quo res praeterita commemoratur tantum, nonnumquam in confinio imperfecti uersari uidetur; saepe etiam metri tantum rationi seruire uidetur poeta. Ad discrimen uerum eruendum multum ualere apparet ea exempla, ubi in metro aequae uni atque alteri temporum formae locus sit. Ac de *erat* et *fuit* formis optime iudicabitur, ubi proxime antecedit syllaba longa in consonanti desinens. Sed nonnumquam rerum nexui siue hoc siue illud tempus aequae satisfacere, ut in poetae sit potestate, utrum hoc an illud ponere malit, uix est quod moneam.

Impf.: a) In sent. primaria:

a) Exx. uerbi esse: I 95 sqq.; IV 8; 411 sqq.; 466; 525 sqq.; IX 762 sq. alia.

β) Exx. aliorum uerborum: III 429 sqq.; IV 687 sq.; VI 248 sqq. (*dabat*) alia.

b) In sent. secundaria:

a) Exx. uerbi esse: I 275 sq.

β) Exx. aliorum uerborum: I 239 sqq.; III 429 sqq. (*credebant*); V 42 sqq.; 520 sq.; VI 332; VII 181 sqq.; VIII 596 sqq. alia.

Haec exempla, opinor, illas de usu imperfecti regulas, quas supra ferre conati sumus, confirmabunt.

Supra tractauimus exemplum unum,

## III 429

*sed fortes tremuere manus, motique uerenda  
maiestate loci, si robora sacra ferirent,  
in sua credebant redituras membra securis.*

H. l. particula *-que* induci sententiam causa afferenda explicantem supra monui. De quo usu particularum copulatiuarum breuiter egit Draeger H. S. II pp. 42 sq. Usus epexegetici exempla Lucanea sunt II 142 sq.; 230 sq.; III 114 sqq.; 125 sqq.; IV 746 sq.; VII 85 sq.; VIII 646 sq.; 667 sqq.; IX 762 sqq.; 885 sqq. Regulam de temporum usu supra latam migrare uidetur exemplum unum,

## VII 85

*ingemuit rector sensitque deorum  
esse dolos et fata suae contraria menti.*

Sed h. l. formae, quae requiri uidetur. *sētiēbat* in hexametro locus non est.

Perf.: a) In sent. primaria:

## I 119

*morte tua discussa fides, bellumque mouere  
permissum ducibus. stimulos dedit aemula uirtus:  
tu . . . . . times . . . . .*

Perfectum h. l. inducit enuntiatum, quo actores fabulae (Pompeius et Caesar) in scenam inducuntur.

## IV 658

*(sed maiora dedit cognomina collibus istis,  
Poenum qui Latiis ab arcibus hostem,  
Scipio.) nam sedes Libyca tellure potito  
haec fuit.*

Cfr IV 466 . . . duxerat ille ratis . . .

## V 1

*sic alterna duces bellorum uolnera passos  
in Macetum terras miscens aduersa secundis  
seruauit fortuna pares.*

Hic breuiter, quae prioribus libris gesta relata sunt, complectitur poeta.

## b) In sent. secundaria

VII 217

*cornus tibi cura sinistri,**Lentule, cum prima, quae tum (tunc V P U G) fuit optima bello,  
et quarta legione datur*

Perfectum adhiberi uidetur, ubi uel per se tantum res praeteriti temporis commemoratur — tum ad uim plusquamperfecti saepius accedit — uel quasi in transitu solum enuntiatur aliquid. Comparandi sunt duo loci, quibus ad discrimen dispiciendum multum adiuvamur; id solum dolendum est, quod metro non fultae sunt temporum formae:

VIII 635

*talis custodia Magno**mentis erat, ius hoc animi morientis habebat.*

II 380

*hi mores, haec duri immota Catonis**secta fuit, seruare modum finesque tenere**naturamque sequi patriaeque impendere uitam**nec sibi, sed toti genitum se credere mundo. e. q. s.*

Fuit sequentia nimirum spectat. Ubi (cfr I 119 sqq.) iure adhibetur perf.; nam poeta forte occasionem laudibus Catonem celebrandi nactus quasi in transitu haec inserit.

Hunc locum diligentius examinare non erit alienum, dico

VIII 14

*multi Pharsalica castra**quum peterent nondum fama prodente ruinas,**occursu stupuere ducis uertigine rerum**attoniti, cladisque suae uix ipse fidelis**auctor erat.*

Imperf. significare uidetur: »Och själf var han också knappt rätte mannen att ge tillförlitlig upplysning om sitt nederlag.» Quippe ante cladem acceptam fugae se mandauerat. Sed sensus, quem h. l. requirere primo uidetur rerum series, hic est: »Och man ville knappt tro, att han talade sanning, när han berättade om sitt eget nederlag.»

III 755

*uualia paucae*

*praecipiti tenuere fuga. — quis in urbe parentum  
fletus erat! quanti matrum per littera planctus!*

Nexus rerum hunc sensum requirere uidetur: »Hvilken klagograt blef det icke nu bland . . .!«; sed impf. defendi posse uidetur: »Hvilken . . . r dde icke nu . . .!«

**Plusquamperfectum:** Hoc tempus semper significat rem effectam ante actionem praeteriti temporis principalem.

I. Actio principalis in relatione antecedit:

a) Saepe in plusquamperfecto inest uis explicatiua:

V 259

*haud retinet, quippe ipsa metus exsoluerat audax  
turba suos*

Alia exempla sunt II 77 sqq.; 146 sqq.; 372 sqq.; IV 410 sqq.; 687 sqq.; 737 sq.; V 244 sqq.; VII 238 sqq.; VIII 205 sqq.; IX 477 sqq.; X 442 sq. alia.

IX 1026

*nec uile putaris*

*hoc meritum, nobis facili quod caede peractum est.  
hospes auitus erat, depulso sceptru parenti  
reddiderat.*

Audiendum est: »neque enim uile est: uix ut Pompeium interfici iuberem in animum induxi (nam . . . reddiderat)«.

b) Vis est temporalis; plqpf. ostendit, quid ante actionem principalem finitam perfectum sit. Saepe exprimitur tempus relatiuum.

III 169

*interca totum Magni fortuna per orbem  
secum casuras in proelia mouerat urbes.*

Tum enumerantur singulae ciuitates.

V 75

*hoc solum fluctu terras mergente cacumen  
eminuit pontoque fuit discrimen et astris.  
tu quoque uix summam seductus ab aequore rupem  
extuleras unoque iugo, Parnase, latebas.*

H. I. plqpf. ubi praegrauat tempus relatiuum, idem fere ualet quod impf.

II. Sequitur actio principalis; plqpf. significat, quid ante eam initam factum sit; unde saepe quasi proficisci uidetur actio, de qua agitur.

Impf. saepe coniungitur. Exx. huius usus, quem Blase alique rhetoricum appellant, abundant sane:

*sacris tunc admouet aris  
electa ceruice marem. iam fundere Bacchum  
cooperat obliquoque molus inducere cultro,  
impatiensque diu non grati uictima sacri,  
cornua succincti premerent quum torua ministri,  
deposito uictum praebebat poplite collum.  
nec cruor emicuit solitus, sed .....*

Saepius sequitur *quum inuersum*; uelut V 424 sqq.; VI 290 sqq.; X 53 sqq. Cui structurae par est ea, quae inuenitur I 261 sqq.; VI 278 sqq.; VIII 778 sqq.

Raro admodum et antecedentium et sequentium rerum ratio haud obscure habetur, sed saepissime actio ea tota, quam perfectam indicat plqpf., haud obscure uidetur accidisse aliquanto post actionem\* proxime antecedentibus uerbis expressam. Antecedit igitur uulgo pausa. Conferre licet I 183 (incipit ita relatio belli ciuilis); 608 sqq.; V 424 sqq.; 504 sqq.; VII 647 sqq.; VIII 472 sq.; 560; 562; 778 sqq.; IX 511 sqq. Huc item numerandos esse apparet locos eos, ubi plqpf. uerbi dicendi orationem rectam claudit.

Interdum plqpf. nulla antecedentiae ratione habita statum tantum rerum rei describendae causa exprimit. Velut V 75 sqq. (locus supra allatus est);

X 127

*tunc famulae numerus turbae populusque minister.  
discolor hos sanguis, alios distinxerat aetas*

Plqpf. saepius perfecti uices quodammodo sustinere uidetur. De quo usu Delbrück egit Vgl. Synt. II pp. 317 sqq. Actione principali non clare expressa plqpf. de praeterita tantum re adhiberi uidetur. Huc referre placet id plqpf., quod uocant nonnulli plqpf. celeritatis, quo indicatur, rem effectam esse prope ante, quam fieri inceperit. Vide Blase p. 214. Exemplum exstat Lucaneum,

VI 130

*ne quid uictoria ferro  
deberet, pavor attonitos confecerat hostes.*

\* Blase p. 215 ima ostendit notandum in modum ita plusquamperfecto usum esse Curtium; laudat Vogel, Einleitung § 102.



Sensus = de lägo i ett nu tillintetgjorda af skräck — cfr n. 132 *iucure perempti* —. Plqpf. ad uim perfecti prope accedit: In relatione: IV 730 sqq.; V 152—157; VII 605 sq.; V 295

*hæc fatus totis discurrere castris  
corperat infestoque ducem deposcere uoluit.  
sic eat, o superi, e. q. s.*

Commemoratur tantum res præterita (plerumque quodammodo auditur actio primaria); cfr Blase § 45 Anm. (p. 213). VII 110

*res mihi Romanas dederas, Fortuna, regendas:  
accipe maiores et caeco in Marte tuere.*

Cfr Ouid. Metam. XIII 180

*arma peto: uiuo dederam, post fata reposco.*

VIII 521

*feriam tua uiscera, Magne,  
malueram soceri  
Se. »innan ödet betog mig valfriheten».*

IX 248

*Pompeio scelus est bellum ciuile perempto,  
quo fuerat uiuente fides.*

IX 855

*nec de te, natura, queror: tot monstra ferentem  
gentibus ablatum dederas serpentibus orbem  
impatiensque solum Cereris cultore negato  
damnasti atque homines uoluisti deesse uenenis.*

IX 1075

*non tuleram Magnum mecum Romana regentem:  
te, Ptolomæe, feram?*

X 25

*nam sibi libertas umquam si redderet orbem,  
ludibrio seruatus erat*

De *malueram*, quæ forma mihi quidem idem ualet quod *malui*, et quam eodem ordine quo ceteras hic allatas plusquamperfecti formas habendam censeo, uide Obermeier l. l. pp. 77 sq., Draeger H. S. I. p. 504; Blase pp. 216 (§ 47). De structuris, quales sunt *uir tanti fuerat* (II 62); *debuerant* (VI 132 sq.; VIII 422 sq.) uix aliter iudicandum uidetur.

**Futurum:** In interrogationibus indignantium usum futuri et praesentis coni. variari a Lucano supra ostendi. Aliter futurum coniunctiui »deliberatiui« fungi potuisse uicibus nullo Lucaneo loco comprobatum repperi. — Concessiuum<sup>1</sup> futuri usum apud Lucanum non inueni. Sed contiguum fortasse est futurum *licebit* his locis

VII 855

*omnia maiorum uertamus busta licebit*<sup>2</sup>

.....  
*plus cinerum Haemoniae sulcis telluris aratur*

VIII 629

*spargant lacerentque licebit,  
sum tamen, o superi, felix*

Atque metrum quidem ad futurum eligendum multum ualuisse credi potest.

Coniunctiuo potentiali contiguum esse nonnumquam uidetur id futurum, quod fut. probabilitatis appellari solet. Exemplum affert Obermeier,

I 30

*non tu, Pyrrhe ferox, nec tantis cladibus auctor  
Poenus erit* (V cod.: *erat*)

Haskins: »sc. *olim quaerenti*»; sed potius fortasse: »in cladium causam si inquisiuerimus«. — Blase § 12 Anm. 2 (p. 123) esse ait *erit* = *futurus erat* (= warst vom Geschick bestimmt zu werden, solltest werden). Sed illum in sensum futurum accipere, ubi non obuersantur menti uiue tempora belli Punici secundi, sed in transitu solum perstringuntur, profecto non licet. Conferre licet libellum, quem inscriptum Futurum Historicum im Latein ex Erani uol. VI seorsum expressum edidit a. 1905 Johan Samuelsson. Exemplum eius usus Lucanea, quum S. diligenter collegerit et acute tractauerit, afferre supersedeo. — Sed ad fut. probabilitatis redeo. Atque ad hunc futuri usum explicandum non erit inutile conferre futura primariae cum sententia condicionali coniunctae; uelut

<sup>1</sup> Hunc futuri usum illustrent loci, quales sunt Horat. C. I VII 1; I XVI 3; III XXIII 13; Epist. I X 24. Item conferre licet Verg. Aen. VI 847: uide Ad. Kiessling ad locum primum allatum.

<sup>2</sup> Horatius quoque *licebit* semel habet in exitu uersus, Epod. XV 19.

## V 571

*nubibus et caelo notus est; si murmura ponti  
consulimus, cori ueniet mare.*

## IX 411

*tertia pars rerum Libye, si credere famae  
cuncta uelis; at si uentos caelumque sequaris,  
pars erit Europae.*

Notandum exemplum (omissa sententia condicionali) est

## V 493

*si bene nota mihi est, ad Caesaris arma inuentus  
naufragio uenisse uolet.*

Non eodem plane de genere nec tamen prorsus spernenda sunt exempla haec.

## II 537

*di melius, belli tulimus quod damna priores:  
coeperit inde nefas*

Ubi recte auditur: »olim quaerenti».

## IV 257

*Phario nec tantum est aequare gestum,  
hoc siquidem solo civilis crimine belli  
dur causae melioris eris.*

Samuelsson *cris* fut. hist. esse ostendit, quae sententia cum ea explicatione, quam uerisimilem puto (sc.: »olim quaerenti»), coniungi posse uidetur. Constare credo totum hunc Lucaneum futuri probabilitatis usum --- audita saepe facile sent. condicionali --- e futuri ui trita et uulgata explicari posse. Quem usum futuri eius, quod est *erit*, Blase p. 119, inde explicandum ait, quod sit uetus coniunctiuus. Atqui etsi non est negandum ita se rem habere posse, tamen et haec explicandi ratio refelli uidetur exemplis e prisca latinitate sumptis et magis placet totum hoc futurum comparare cum talibus futuris, quae inueniuntur in aliis linguis, quae explicationem illam e communi formarum origine sumptam non admittunt; uelut in linguis germanica et francogallica. Cfr ceterum notam Brixi et Niemeieri loco Plautino, Trin. 923 (922), additam. Ex temporali futuri usu huius modalis usus originem equidem repetere malim. Atque in exemplis iis, quibuscumque primigenius rerum status illustratur, temporalem futuri uim haud difficile agnoscere licet. De qua re uide H. Sjögren

(Zum Gebrauch des Futurums im Altlateinischen, Uppsala 1906) pp. 109—118. Tum uero nonnumquam rerum nexu efficitur, ut paulum obscuretur uis temporalis, exprimatur uis modalis probabilitatis; cfr Plaut. Pers. 645 *haec erit bono genere nata: nil scit nisi uerum loqui*. Plaut. Rud. 177 *hem, errabit illa hodie*. Ter. Haut. 668 *nisi me animus fallit haud multum a me aberit infortunium*. Conferri potest Lucan. I 30 sq. Ultra hunc finem is, de quo agimus, usus futuri probabilitatis euectus esse non uidetur. Quod quum ita sit, non est mirandum exempla utriusque status apud seros quoque scriptores inueniri. In aliis linguis fut. probabilitatis paullo expressius inuenitur. Sed hoc idem de illis dici posse uidetur — priorem typum altero non prorsus extrusum esse —, siquidem eadem uia usus futuri uulgatus ad eundem finem prouectus est, id quod dubitari uix potest. Sjögren quidem l. l. pp. 109 sq. haec habet: „man darf sich nicht durch das sog. potentiale Futurum im Deutschen ('so wird es sein') verleiten lassen, einen Potentialis hineinzudeuten, wo in der Tat keiner vorliegt.“ Sed his uerbis S. si docere uult illum futuri germanici usum ex usu eius temporis uulgato explicandum non esse et latinae linguae eius futuri usum ab usu simili in aliis linguis exstanti prorsus seiungendum esse, non assentior.

Inuersa ea ratione, quam perfecti usui gnomico subesse ostendimus, oriri uidetur id futurum,\* quod a Blaseo pp. 120 sqq. appellatur »der zeitstufenlose Gebrauch des Futurums in Sätzen, die einen allgemein gültigen Gedanken . . . enthalten«. Exempla Lucanea huic usui contigua esse uidentur  
VIII 495

*semper metuet, quem saeua pudebunt.*

IX 781

*calido non ocius austro*

*nix resoluta cadit nec solem cera sequetur.*

De futuro imperatiui uices sustinente uide sub imperatiuo.

Duo exempla futuri addere liceat,

VII 308

*uestri cura mouet; nam me secuta manebit  
sors quaesita manu: fodientem uiscera cernit  
me mea, qui nondum uicto respexerit hostem.*

\* Cfr sueticum: „Man skall aldrig se honom förgå sig“, alia.

Item in exitu uersus Verg. Aen. VII 596 sq. *te, Turne, nefas, te triste manebit | supplicium, notisque deos uenerabere seris*. Lucan. VII 308 sic explicat Postgate: »fut. because of its reference to the future action *respererit* 310.» *Manebit* = »mig vāntar i thy fall». *Manet* = »mig vāntar ofelbart».

I 346

*an melius fient piratae, Magne, coloni?!*

Haec uerba idem ualent quod: »An minus recte quam piratae milites mei fient coloni?!» Unde acerbiori ui: »An melius fient piratae . . . coloni?!» Accedit, quod antecedunt futura multa.

**Futurum exactum:** Supra sub futuro attulimus exemplum huc pertinens,

II 537

*di melius, belli tulimus quod damna priores:  
coeperit inde nefas.*

Fut. exactum ad significandum rerum euentum certum atque e causa continuo consequentem adhiberi constat; exemplum huius usus est

I 284

*facili si proelia pauca  
gesseris euentu, tibi Roma subegerit orbem.*

## B. Coniunctiuus.

Coniunctiuum latinae linguae prae se ferre signa diuersae originis inter doctos uiros constare uidetur; quod non magis de coniunctiuorum formatione quam de eorum ui et usu ualere uidetur. Coniunctiuum et optatiuum primigenios in unum coa-luisse apparet. Sed et usus diuersorum horum modorum per analogiam in latino coniunctiuo uarie confusos esse suspicari licet, nec, quae primigenia fuerit uis utriusque modi, satis exploratum habemus. Vide, quae de doctorum hominum de hac re sententiis a Blaseo afferuntur p. 113. De Lucaneo coniunctiui usu egit B. Peyronel, *Uso del congiuntivo in Lucano*. Parte I. Congiuntivo indipendente, Catania 1896.

## I. Coniunctiuus uoluntatis.

Hac nomine complecti solent grammatici omnia ea coniunctiui genera, quae distincta optatiuus, hortatiuus, iussiuus, prohibitiuus, concessiuus appellantur. Quae discernere saepe difficilium est. Sed haud scio an, quod uerum discrimen inter ea coniunctiui genera difficile sit statuere, ideo distinctionem prorsus omittamus uix necesse sit.

1. Coni. optatiuus (Sententia saepius aliqua optandi particula instituitur).

a) In sententiis affirmatiuis

a) Praesentis coniunctiuus (primae personae exempla desunt):

**Secunda persona:** VIII 830 *in Aethiopum putres soluaris arenas.*

**Tertia persona:** I 635 *di uisa secudent;* III 324 *sit;* IV 509 sq. *o utinam . . . promittant ueniam, inbeant sperare salutem;* V 297 sqq. *sic eat, o superi, . . . finem ciuili faciat discordia bello;* V 418 sq. *hic utinam . . . curuet . . . incumbatque . . . et . . . perflet;* VII 311 sqq. *di . . . uincat, quicumque . . . putat;* VII 470 sq. *di tibi non mortem . . . sed sensum post fata tuae dent . . . morti;* VII 535 sq. *utinam . . . sufficiat cruor . . . uestiat;* VIII 828 sq. *uertat aquas Nilus . . . | et steriles egeant hibernis imbris agri;* VIII 842 sq. *imperet hoc nobis utinam scelus et uelit uti | nostro Roma sinu;* IX 878 sq. *solacia fatis | haec petimus: ueniant hostes Caesarque sequatur;* X 101 *iam tibi — sed procul hoc auertant fata — minatur.*

β) Perf. coni.: I 636 sq. *conditor artis | finerit ista Tages.*

γ) Praeteriti temporis coni.: **Prima persona:** VIII 88 *o utinam in thalamos inuasi Caesaris issem.* **Secunda persona:** IV 580 *utinam pauidos uitae subducere nolles;* VII 439 *usque ad Thessalicas seruisses, Roma, ruinas.* Huc pertinere uidetur VII 646 *si dominum, fortuna, dabas, et bella dedisses. Dedisses* Postgate uidetur recte interpretari = »dare debebas»; confert Verg. Aen. VIII 643 *at tu dictis, Albane, maneres.* Cfr graecum usum uerbi, quod est ὡφελόν.

**Tertia persona:** II 306 *o utinam . . . liceret;* IV 580 *utinam . . . uirtus te sola daret.* Plqpf.: II 552 *utinam . . . Crassus uictor remeasset;* VII 30 *donassent utinam superi.*



*Utinam\** sine uerbo inuenitur V 61 sq. *sacrum in populos puer accipit eusem; atque utinam in populos!*

b) In sentiētiis negatiuis: **Ne:** II 260 *ne tantum, o superi, liceat feralibus armis.* **Non:** VII 537 *non alio mutentur sanguine fontes;* VIII 306 sq. *o utinam non tanta mihi fiducia sacris | esset in Arsacidis!* Ad unam uocem negatio refertur VII 470 (*non mortem... sed sensum... dent*), quem locum supra attuli. *Nec* (post affirm.) III 324 sq. (*sit*)... *nec haec alius committat p. miles.* **Nec — nec:** II 260 sqq. (*ne... liceat*)... *nec pila... ferantur, nec tanta incassum uirtus eat.* — I 636 *et fibris sit nulla fides.*

2. Coni. iussiuus (hortatiuus):

a) Sentiētia affirmatiua: Lucanus praes. coni. semper habet.

**Prima persona:** Huc duo singularis exempla numeranda uidentur, IV 702 sq.; II 309 sqq.

IV 702

*audendo magnus tegitur timor, arma capessam  
ipse prior, campum miles descendat in aequum*

H. l. coni. aptus uidetur, quo exprimitur trepidatio mentis — u. 701: *... trepida sic mente profatur* —; Curio se ipse nimirum cohortari conatur. Alia uis coniunctiuo subesse uidetur II 309

*me geminae figant acies, me barbara telis  
Rheni turba petat, cunctis ego peruius hastis  
excipiam medius totius uolnera belli.*

*Excipiam* = *excipere* mihi liceat. Atque his duobus Lucaneis exemplis exprimi uidentur duo coniunctiu praesentis primae singularis personae significationis genera, quorum unum ostendit locus qualis est Plaut. Bacch. 1058 *taceam nunciam*; ubi *taceam* idem ualet quod *tacendum* est mihi. Alterum genus ostendit locus Terentianus, Ter. Haut. 273 *hoc quod coepi primum enarrem; enarrem* = *zenarrare* mihi liceat. Sed in rerum nexu diuerso hoc discrimen positum esse uidetur. De hac re nihil habent Blase, qui primae personae formas attulit pp. 113 sqq., pp. 124 sq.; Samuelsson l. l. p. 14;

\* Conferre licet VII 436 *uellem populis incognita nostris* —. Postgate (app. crit. p. 94) cum hoc loco (VII 436) confert unicum locum, Tibull. I III 2 — *o utinam memores ipse cohorsque mei* —.

Delbrück II p. 384 (p. 125). Pluralis primae personae saepius adhibetur; uelut VIII 771 *interca paruo signemus littora saxo* (se ipse cohortatur); V 776 sq. *rumpamus foedera taeclae*, | *placemus socerum*; VIII 501 *Aegyptum certe Latiis tuamur ab armis*; IX 250 *petamus*; X 373 sq. *rumpamus . . . mactemus*; X 386 *placemus*. — Vis hortationis addito uerbo *agite* intenditur

VIII 289

*quare agite eoum, comites, properemus in orbem.*

**Secunda persona:** Hic coniunctiui usus apud Lucanum rarus admodum est.

Ad certam personam coni. spectat (cfr Blase p. 127):

III 329

*nobis haec summa precandi:  
terribilis aquilas infestaque signa relinquo  
urbe procul nostrisque uelis te credere muris  
excludique sinas admisso Caesare bellum.*

IV 110

*sic, o summe parens mundi, sic, sorte secunda  
aequorei rector, facias, Neptune, tridentis,  
et tu perpetuis impendas aera nimbis,  
tu remare uetes, quoscumque emiseris, aestus.*

IV 356

*nec magna petuntur:  
otia des fessis, uitam patiaris inermes  
degere, quam tribuis. campis prostrata iacere  
agmina nostra putes*

VIII 112

*tu quoque deuotos sacro tibi foedere muros,  
oramus, sociosque lares dignere uel una  
nocte tua*

Indefinita uis est coniunctiui IV 487 *cupias, quodcumque necesse est*.

**Tertia persona:** Saepe coni. tertiae personae et imperatiuus in nicem se excipiunt. Exx. I 58 sqq. *tene . . . uacet . . . obstant . . . consulat . . . amet . . . compescat*; I 334 sq. *saltem doceat*; I 341 sq. *saltem . . . reddantur . . . triumphet*; II 14 sq. *sit . . . sit . . . liceat*; II 53 sqq. *reddite . . . auertite . . . premat . . . occurrat . . . uertat*; II 304 sq. *eat . . . ferant*; II 309 sq. *figant . . .*

*petat*; II 322 *vincat*; II 487 sq. *haereat* . . . *terat*; II 539 *petat*; II 644 sqq. *redeant* . . . *agat* . . . *adquirite*; II 735 sq. *abscondat* . . . *scructur*; III 150 *auertat*; III 333 *sit locus*; IV 115 sqq. *referantur* . . . *laxet* . . . *inundet* . . . *obliquent* . . . *solue* . . . *effunde* . . . *eripe*; IV 166 *excipiant*; IV 279 sq. *deserat* . . . *cadat* . . . *perdant*; IV 505 *sciat* . . . *timeat* . . . *gaudeat*; IV 703 *descendat*; V 41 sqq. *tollite* . . . *impellite* . . . *praestate* . . . *det*; V 261 *liceat*; V 278 sqq. *liceat* (*non ad infinitum referendum*) . . . *liceat* . . . *sit*; V 293 *sciat*; V 313 sq. *lassare* . . . *disce* . . . *liceat*; V 575 *liceat*; VI 198 sqq. *obruat* . . . *promoueat*; VI 233 sqq. *tollite* . . . *ponite* . . . *praestate* . . . *sit*; VI 241 sqq. *soluat* . . . *summitat*; VI 717 *canat*; VI 768 *sit tanti*; VI 771 *discedat*; VII 78 *pudeat*; VII 80 *sit*; VII 277 sqq. *ite* . . . *prosternite* . . . *sit*; VII 325 *impatet*; VII 348 *petat*; VII 408 *cedant*; VII 538 *uestiat*; VII 540 *parce* . . . *uiuant*; VII 555 *potius percant*; VII 596 *uiuat* . . . *regnet*; VII 706 sqq. *prohibe* . . . *acta* . . . *remitte* . . . *adore*; VII 804 sq. *unam da gentibus ignem*, | *non interpositis urantur corpora flammis* — ubi ad *interpositis* uerbum referendum uidetur *non*, ut sint haec uerba = *continentibus* —; VII 808 *uideat*; VII 869 *liceat*; VIII 76 sqq. *erige* . . . *decretet* . . . *ama*; VIII 236 *excedat*; VIII 313 *ferat*; VIII 429 *eat*; VIII 493 *creat*; VIII 646 sq. *pendat* . . . *uideat*; VIII 654 sqq. *permittite* . . . *exigat*; VIII 739 *sit satis*; IX 148 sqq. *praecipitate* . . . *crumpat* . . . *ite*; IX 157 *dent*; IX 234 sq. *eat* . . . *prospiciat*; IX 266 *pudeat*; IX 276 sqq. *rapiatur* . . . *ducite* . . . *uincite*; IX 280 *sciat*; IX 386 *ueniant* . . . *temptent*; IX 390 *sint*; IX 393 *uadat*; IX 398 sqq. *sitiat* . . . *aestuet* . . . *deficiat*; IX 1088 *sciat*; IX 1094 sq. *sentiat* . . . *audiat*; X 393 sqq. *ite* . . . *praestet*.

Iussinus esse uidetur coni. paucis locis, ubi uices sententiae condicionalis sustinet quodammodo; uelut VIII 417

*haereat eoae uolnus miserabile sortis:*  
*non solum auxilium funesto a rege petisse,*  
*sed gessisse prius bellum ciuile pudebit.*

X 152

(*pone*) . . . . . *hic ille recumbat*  
*sordidus Etruscis abductus consul aratris:*  
*optabit patriae talem duxisse triumphum.*

*spes sit mihi certa uidendi*

*Niliacos fontes: bellum civile relinquam.*

Huic usui — cuius exemplum luculentum exstat Horat. Epist. I XVI 54 *sit spes fallendi, miscerit sacra profanis* — cognata sunt exempla, ubi pro coniunctiuo adhibetur imperatiuus; uelut VIII 237 sq. *Pompeio uincite, Parthi: | uinci Roma uolet*; et protases, quas inducit particula *quauis* (*licet*); cfr W. G. Hale, Die Cum-Konstruktionen (übers. von Neitzert), Leipzig 1891, p. 89 inf.

b) Sententiae negatiuae (Coni. prohibitiuus):

**Prima persona:** Pluralis semel, II 305 *nullo fraudemus sanguine bellum*.

**Secunda persona:** Praes. coni. semel, II 637 sqq. (negatio: *nec* — *nec*.)

II 637

*nec Pharnacis arma relinquis,*

*admonco, nec tu populos utraque uagantis*

*Armenia*

Perf. coni. solitus est. Negatiua particula *ne* VIII 450 sq.<sup>1</sup> *ne . . . speraueris. Nec* pro *neue* (post affirmationem) IX 1026 *nec . . . putaris*. Post negationem: VII 591 (*ne rue . . .*) *nec . . . admoueris. Neque* — *nec*: I 53 sq.

I 53

*sed neque in arctoo sedem tibi legeris orbe,*

*nec polus auersi calidus qua uergitur austri*

**Tertia persona:**

Perf. coni. semel, VIII 496 (negat. part. *non*):

VIII 496

*non impune tuos Magnus contempserit annos*

*Non imp.*<sup>2</sup> *contempserit* = *ne ferat impune, quod contempsit*.

VIII 498 sic interpungit Haskins:

*neu nos sceptris priuauerit hospes;*

*pignora sunt propiora tibi*

<sup>1</sup> Blase perperam *nec speraueris* (p. 199). Tum hoc loco et VII 590 exceptis ubique Lucanum usum esse imperatiuo per *ne* particulam negato affirmat. Addenda uidelicet I 53 sq. et IX 1026.

<sup>2</sup> Hoc exemplum apparet non esse eodem genere quo ea, quae p. 18 not. 1 attulit Samuelsson; Draeger I p. 286; Blase p. 199.

H. hanc addit explicationem: »nor let a stranger rob you of your throne». Sed praestare uidetur cum Hosio et Franckeno post *hospes* uirgulam tantum ponere, ut sit *neu* particula finalis. Fr. recte: »et — ne te sceptris priuet hospes, — moneo pignora esse (pr. t.)».

Praes. coni.: Negatiua particula *ne*: II 560 *ne uos mea terreat actus*; VIII 215 *ne pigeat*. Non his locis inuenitur: II 50 *Massageten Scythicus non alliget Hister*; IV 114 *non habeant amnes declinem ad littora cursum*; IV 274 *non ullo constet mihi sanguine bellum*; VII 320 sqq. *non uos . . . ulla . . . commoucant*; VIII 738 *robora non desint misero*.

Peyronel l. l. pp. 22 sq. ait *ne* particula, quae est *non*, *neue* autem particula *nec* in dies magis extrusa prae se ferre Lucani sermonis usum. — (Cfr Blase p. 189. — Quod inde explicandum esse ostendit, quod *non* et *nec* particulis et ante uocales et ante consonantes aequae uti liceat. Sed hoc monuisse non sufficiet; neque enim ita explicatur, quare imperatiuus *ne* particulam retinuerit. De qua re uide infra.

Negatio in pronomine inest II 56 *nulla uacet tibi, Roma, manus*; III 314 sq. *tractentur uulnera nulla | sacra manu*; VII 25 *nullas tuba uerberet aures*.

Negatiuae adiunctionis particula: **Post affirmationem:**

*Nec* (quam particulam post affirmationem solitam esse docent grammatici): II 344 (*liceat*) *nec quaeratur*; IV 164 (*inferte*) *nec liceat*; V 576 (*liceat*) *nec . . . sit*; VI 805 sq. (*refer*) *nec gloria paruae | sollicitet uitae*; IX 88 sqq. (*excipite*) *nec umquam . . . uacet*; X 375 (*mactemus*) *nec nos deterreat*. —

-que non: V 755 sq.,

V 754

*tutior interea populis et tutior omni  
rege late, positamque procul fortuna mariti  
non tota te mole premit.*

Negatio in pronomine inest: VII 553 (*relinque*) *nullaque . . . discat . . . actas*.

**Post negationem:** *Nec*: I 93 sq. *nec . . . credite nec . . . pe-  
tantur*; VII 320 sqq. *non . . . nec . . . commoucant*; VIII 738  
*robora non desint misero nec sordidus ustor*.

3. Coni. concessiuus: Saepe difficile sane est uerum discrimen statuere inter hoc coniunctiuum genus et hortatiuum;

atque haud alienum uidetur rem ita constituere, ut sit coni. concessiuus nihil aliud quam pars quaedam iussiu. Cfr imperatiui concessiuum usum. Exx.: I 38 sqq. *impleat . . . saturarentur . . . concurrant . . . accedant*; I 311 *ueniat durx*; II 246 *sequantur*; III 24 *haereat*; IV 186 sq. *classica det bello: sacuos tu neglege cantus; signa ferat: cessa*; — atque h. l. coni. idem fere ualet quod sent. hypothetica; de qua re uide supra p. 45. — IV 788 sqq. *excitet . . . ferat*; IV 793 *potius uineat*; V 670 *desint*; VI 48 sqq. *attollat . . . ascribat . . . mirentur*; VI 328 sq. *potius . . . putet*; VII 89 sq. *inuoluat . . . sit*; IX 72 *quaerat*; IX 396 sq. *feriat . . . occurrat*; IX 581 *egeant*; X 196 *sit pietas aliis*.

Sententia negatiua apud Lucanum nusquam inuenitur.

## II. Coniunctiuus rei sumptae.

1. Coni. potentialis (cfr Blase p. 139 sq.).

A. In enuntiatis, quibus sententia continetur

a) Praes. coni.: I 64 *uelim*; I 493 *credas* — ubi coniunctiuo excipitur praes. hist.; de qua re uide Samuelsson pp. 25 sq.; Obermeier p. 77; Blase p. 143 Anm. haec habet: »Wie der Indikativ Präsens, so wird auch gelegentlich der Konjunktiv in lebendiger Darstellung von vergangenen Handlungen gebraucht. Dies ist in Anschluss an ein solches Präsens historicum nicht auffallend.« — IV 515 *nolim*; V 558 *haud dubitem*; VII 117 *uelim*; VII 289 *non fallar*; VII 768 *putem*; IX 244 *nec liceat*. — De coniunctiuo, qui in sententiis primariis saepe occurrit, ubi sent. hypothetica »potentialem« coniunctiuum exhibet, uide Hale l. l. p. 56; Samuelsson p. 84. — Saepius coni. praes. potentialis inuenitur in sententiis relatiuis; de qua re uide infra. — *Forsitan* (*forsan* IX 63; 474; 865) cum potenciali coniunctiuo nusquam habet Lucanus. —

Perfecti coni.: IV 298 *non . . . mererit*; V 610 *crediderim*; IX 599 *maluerim*.

Imperf. coni.: VIII sq. *mallet*; VIII 147 *putares*. Notandi sunt ei loci, qui uerbum primae personae habent VII 436; VIII 100;

VII 436

(*libertas . . . recessit . . . nec respicit ultra Ausoniam*;) *uellem, populis incognita nostris*



H. l. nescio an ad imperfectum elaborandum nonnihil ualuerit uis. quae inest, optatiua et irrealis. De ui attractiua sensus optatiui cogitare uidetur Morris (uide Subjunctive p. 284). Zander (Lat. språklära, Lund 1891) p. 151 hunc coniunctiuum irrealem esse affirmat. Sed hoc discrimen obtinere fortasse subtilius.

B. In enuntiatis interrogatiuis:

Praes. coni.: II 118 sq. *uacet*; II 289 *uelit* (U G m: *ualet*); V 12 *uocet*; VII 137 *timeat*; VII 287 sq. *agnoscam*; VII 750 *sustineat*; VIII 410 *rear*; VIII 449 sq. *horreat*; IX 269 *putet*; IX 679 sq. *rear*; IX 837 *metuat*; X 70 *quis ... non donet ...?*; X 237 *possit*; X 315 sqq. *putet*. — Indignantis quaestio (de qua re uide supra p. 22) est VI 326 sq. et VIII 392 sq. — VII 28 lectio optimorum codicum haec est:  
VII 28

*unde pares somnos populis noctemque beatam?*

Haskins et Francken *pares* esse uerbum, non adiectiuum, rati pro *populis* legunt cum codicibus U G v *populi*; sed Postgate (Bersmanno et Oudendorpio astipulatus) ostendit *pares* pro adiectiuo habendum et compendiaria, quae dicitur, comparisonem ad *populis* referendum esse; audiendum uerbum *ferat* (cfr *feret* u. 27).

Pauca afferre mihi liceat de loco altero, quem uulgo sic constituunt

II 348

*cur tuta in pace relinquer,*

*et sit ciuili propior Cornelia bello?*

Quae lectio concinnitati satisfacere uidetur; sed codicum consensu, qui errore codicis M (*reliquos* pro *relinquor*) confirmatur, ista lectio, quam solus exhibet G, summouetur. Legendum uidetur: *relinquor ... sit?* —

Perf. coni.: VIII 322 sq. *praestiterint*; IX 554 *crediderim*.

Imperf. coni.: III 447 *putaret*; VIII 256 *crederet*; IX 34 *crederet*; IX 688 sq. *respiceret*. IX 833 incertus locus est, quum alii codices exhibeant *quis ... putaret ...?* (Haskins, Francken), alii *quis ... putauit ...?* Pro hoc tempore Val. Flacc. praes. coni. uno loco excepto ubique habet; Samuelsson pp. 27, 28.

Plqpf. coni.: VIII 600 sq. *putasset*; IX 887 *habuisset*.

## 2. Coni. irrealis:

a) Notio hypothetica obscurata est, certe non expressa est  
nerbis:

III 82

*gaudet tamen esse timori*

*tam magno populis et se non<sup>1</sup> mallet amari.*

Affines sane esse uidentur coniunctiui, qui interdum inueniuntur in sententiis, quibus exprimitur uotum, quod perfici non potest; ex. gr. VII 436; VIII 100 sq. — Ceterum quam contiguus is usus coniunctiui, quem VIII 19 sq. (de quo uide supra sub potentiali) uidemus, huic irreali sit, nemini non liquet. Atque fortasse, utrum huc an illuc ducas, non multum interest. —

b) Notio hypothetica manifesta est, nec tamen protasis condicionali sententia exprimitur: I 19 *isset*; I 251 *melius . . . dedisses*; II 231 sq. *neuter ciuilia bella moueret, | contentus, quod Sulla fuit*; II 653 *sufficerent* (imperf. cum praes. hist. de praeterito tempore); III 636 *mersus foret*; IV 152 *quod fugiens timuisset iter*; V 305 *non . . . negasset*; V 345 *Pompeio . . . fugeres duce*; VI 158 sq. *peterem felicior umbras Caesaris in uolta*; VI 226 sq. *non faceret* (de re praeteriti temporis); VI 306 sqq. *non . . . flesset . . . gestasset . . . pressisset . . . placasset . . . caruisset* (auditur sent. condicionalis e uersibus 302 sq.); VII 37 sqq. *flesset . . . lacerasset*; VII 415 *possent* (de re praet. temp.); VIII 859 sq. *fores*; IX 210 *forsitan . . . potuisses*; IX 751 sq. *arderet* (de re praet. temp.); IX 1079 *uertissem*; IX 1103 sq. *fecissem . . . fecisses . . .*; X 39 sq. *isset . . . ambisset . . . bibisset*; X 104 *temptasset*; X 413 sq. *ausa foret*.

III. Coniunctiuus obliquus.<sup>2</sup>

Apud Lucanum in libera sententia coniunctiuum obliquum semel tantum inueni,

VI 316

*arma secuturum soceri, quaecumque fugasset,  
temptauere suo comites deuertere Magnum*

<sup>1</sup> *Mālūisset* formae in metro locum non esse uix est quod moneam.

<sup>2</sup> Semel tantum apud Lucanum sententiam primariam in oratione obliqua accusatio cum inf. expressam reperi. VIII 572 sqq.

*hortatu, patrias sedes atque hoste carentem  
Ausoniam peteret.*

Atque de tali structura recte J. Samuelsson l. l. p. 31.

### C. Imperatiuus.

Quam rationem inter imperatiuum »praesentis» et imperatiuum »futuri» intercedere apud latinos scriptores, imprimis priscos, contenderint docti uiri, uide Delbrück II pp. 360 sqq. et Blase pp. 234 sqq. et eos libros, qui ibi afferuntur. Apud Lucanum quidem nullum certum exemplum secundae personae imperatiui futuri inuenimus; nam hunc uersum,  
VIII 124

*accipe: ne Caesar rapiat, tu uictus habeto.*

quem ab aliis librariis omissum m. l. codicis L(aurentiani), ut uidetur, ascripsit, unico consensu spurium iudicarunt editores. Francken quidem

II 84 sq., ubi codicum concentu commendatur:

*si libet ulcisci deletae funera gentis,  
hunc, Cimbri, seruate senem.*

legendum esse docet: *hunc Cimbris seruato senem*. Sed haud scio an hunc locum perperam ita constituerit Fr., de qua re cfr symbolas exegeticas.

Tertia persona idque ubique uerbi uerbi *esse* ter adhibetur; sed *esto* non eodem sensu, quo uulgo usurpant aureae aetatis scriptores, dico concessiuo, sed iussiuo adhibitum uidemus

II 513

*uictis iam spes bona partibus esto*

VII 319

*ciuis, qui fugerit, esto.*

I 226

*procul hinc iam foedera sunt.*

Notandum est in exitu uersus has formas inueniri; quare non piget assentiri Blaseo p. 243 hoc ferenti iudicium: »Die hexametrischen Dichter mögen gelegentlich den Imper. der 3. Person zur Erzielung eines effektvolleren Verschlusses verwendet haben.» Usum futuri imperatiui secundae personae post Ciceronis tempora in dies rariorem non fere nisi in legibus exstare atque discrimen imperatiui praesentis et futuri in

dies magis euanuisse, uix ut uel minimum inter se diuersi fuerint, constat. De qua re uide Blase p. 238. Plurima igitur exempla Lucanea afferri possunt, quibus imp. praes. significet, quid alia actione perfecta uel certa condicione faciendum sit. Velut I 21 sqq.; I 56 sqq.; II 636 sq.; II 645 sqq.; IV 186 sq.; V 588 sqq.; V 754 sq.; IX 212 sq. alia.

Imperatium praesentis uerbi passiuu hi inueni, V 313 *lassare et disce*; IX 982 *ne tangere*.

Hi imprimis occurrunt imperatiui sensus:

a) Iussiuus uel hortatiuus.

Cum coniunctiuo uoluntatis saepe coniungitur imperatiuus; uelut I 93 sq.; II 47 sqq.; 341 sqq.; IV 162 sqq.; VII 277 sqq.; 540; 552 sqq.; 706 sqq.; IX 148 sq.; 397 sq.; 1024 sqq.; 1091 sqq.; X 373; 393 sqq. alias.

b) Concessiuus: Interdum una inueniuntur coniunctiu concessiuu. Exx. I 367 sq.; 417 sqq.; 670 sqq.; III 128; V 321; 669 sq. (sequitur coni. concess.); VII 269; IX 268 sq. alias. I 417

*quaerite, quos agitatur mundi labor; at mihi semper  
tu, quaecumque moues tam crebros causa meatus,  
ut superi uoluere, late.*

Hac locorum frequentia nullo modo confirmatur sententia Blasei. quam p. 249 tulit his uerbis: »So wird also vermutlich der konzessive Imper. Präs. sehr selten sein . . .« — Ceterum apparet frequentem concessiuu imperatiui usum in Lucani rhetorico et concitato genere dicendi positum esse.

c) Condicionalis: Et hic coniungi possunt coniunctiuu uoluntatis.

Apodosis semper uidelicet postponitur; quae quidem

a) Dissolute connectitur. Exx.

II 279

*quibus adde Catonem  
sub iuga Pompei, toto iam liber in orbe  
solus Caesar erit.*

X 151

*pone duces priscos et nomina pauperis aevi,  
Fabricios Curiosque graues, hic ille recumbat  
sordidus Etruscis abductus consul aratris:  
optabit patriae talem duxisse triumphum.*

Alia exempla sunt VIII 183 sq. *perge . . . : . . . tanget*;  
VIII 237 sq. *vincite . . . : . . . uolet*.

β) Addita particula copulatiua annectitur apodosis:

IV 486

*decernite letum,  
et metus omnis abest*

Semel apodosis imperatiuus est

VII 700

*respice turbatos incursu sanguinis amnes  
et soceri miserere tui.*

Conferre licet prouerbiū illud *adiuide et impera*, quo disciplina Romanorum externos populos tractandi contineri ferebatur.

Apud Lucanum particulae aliaeque uoces contentionis causa additae inueniuntur non nimis saepe.

Oro additur VIII 633 sq. . . . *tanto patientius, oro, clude, dolor, gemitus.*

Precor: VIII 579 sq. . . . *remane, temeraria coniunx, | et tu, nate, precor . . .*

Tu additur VI 598 sq. *uel numina torque | uel tu parce deis . . .*; X 353 sq. . . . *tu mollibus, inquit, | nunc incumbe toris . . .*; X 395 . . . *tu parce morari.*

Sequitur uocatiuus, quare huc uix pertinet locus

II 485

(. . . . . *socii, decurrite, dixit*)  
*et tu montanis totus nunc fontibus exi*  
*atque omnis trahe, gurgēs, aquas*

Huc profecto non pertinet VIII 579 sq. (uide supra), ubi *temeraria coniunx* uocatio opponitur alter uocatiuus *et tu, nate, . . .* — Nec magis huc numerandus I 418 sq., ubi *tu quaecumque* pronomini correlatum est.

Obsecrandi illa formula, quae est *per te . . .*, nullo addito orandi uerbo exstat

X 370

*per te, quod fecimus una  
perdidimusque, nefas perque ictum sanguine Magni  
foedus, ades*

*Modo*: VIII 784 *i modo securus ueniae . . .* —

*I; ite*: De qua structura uide Emory B. Lease A. J. Ph.

XIX pp. 59—69.

## VIII 784

*i modo securus ueniae fassusque sepulcrum  
posce caput.*

Ubi magna uis esse uidetur uerbi *posce*, obscuratur uerbi eundi. Huc uix numerare licet IX 268 sq. *ite, o degeneres, Pompei munus et arma | spernite*. Ubi intenditur uis uerbi eundi repetitione quadam, u. 272 *uadite securi*; atque hominibus istis, quos ita increpat Cato, ire uel ad consules uel ad Caesarem ipsum in animo fuerat. Eodem plane sensu dicuntur haec V 325 *uadite meque meis ad bella relinquitte fatis*. Nec magis huc pertinere uidetur II 498 sq. . . . *equitum properate cateruae, | ite simul, pedites ruiturum ascendite pontem*. Addito enim uerbo *simul* et opposito uerbo *properate* uis uerbi *ite* intenditur.

*Nunc* per irrisionem adhibetur, quemadmodum plerumque *i nunc atque* (et) usurpari constat, X 353 sq. *tu mollibus, inquit, | nunc incumbere toris et pinguis exige somnos*.

*Age; agite*. Verbalis horum uerborum uis tota fere euauit, ut pro interiectiuis particulis saepe sint habenda. Saepe enim adduntur aliarum personarum formis uerbalibus; uelut VIII 289 *quare agite eum, comites, properemus in orbem*. Stat. Theb. VII 126 . . . *agedum inferias et busta colamus*. Qui usus nihil sane habet, quod sit mirandum. Sed Sil. Ital. Pun. XI 169 \* *huc, age, adeste* et id. XI 575 \* *atque adeo temptate, agedum, ac deposcite pacem*, ubi totus populus compellatur, singularis *age* cum imperatiuis numeri pluralis notandus est. Item Stat. Theb. VII 612 *ite age, nunc pacem sperate fidemque*. Incertus locus id. X 33 *ite age et . . .* Alia exempla nihil explicandi causa addens attulit Blase pp. 247 sq.

Quod quum ita sit, consentaneum esse uidetur (uide Schmalz Lat. Gr.<sup>3</sup> p. 339)

a) *Age, agite* cum imperatiuis dissolute coniungi.

a) Exemplum *age* (*agite*) uocis ante imperatium collocatae apud Lucanum non inueni (sed cfr VIII 289 *agite . . . properemus*).

β) Postponitur *age* (*agite*): I 367 *duc age*.

\* Quos locos affert A. T. Lindblom p. 43 eius commentationis, quae inscribitur In Sili Italici Punica quaestiones. Upsaliae 1906.



b) *Age* (*agite*) connectitur addita particula copulatiua.  
IX 282 *quin agite et magna meritum cum caede parate*.

Hic *et non* = *etiam*; tum enim nihil facilius erat quam mutato uix uerborum ordine scribere . . . *et meritum magna c. c. p.* — Vim igitur mere copulatiuam sibi uindicare h. l. uidetur *et*. Nec magis h. l. quam ceteris uis uerbalis \* expressior in *agite* uoce inesse uidetur. Conferre licet simillime comparatos locos, qui apud alios poetas inueniuntur; uelut Stat. Theb. I 468 sq. *immo agite et positis . . . minis succedite tecto*. Samuelsson exempla Valeriana collegit, III 623 sqq.; VII 467; VIII 41 sq. Langen affert Verg. Aen. V 58; XII 832. —

*Quin*: De qua particula imprimis uide O. Kienitz, De *quin* particulae apud priscos scriptores Latinos usu, progr. Carlsruhe 1878. Vide Samuelsson l. l. pp. 33 sq. Atque S. imperatiuum huius particulae usum, si res ita ferat, totum ab interrogatiuo usu seiungere non dubitat et ex affirmatiuo deriuandum potius censet. Sed mihi quidem non respuenda uidetur illa tam simplex et rei consentanea explicandi ratio — ex usu interrogatiuo κατὰ σύνθεσιν fluxisse usum imperatiuum. Cfr Hale l. l. p. 118. Ceterum priscis linguae temporibus quam arte inter se coniuncti fuerint hi duo usus elucere uidetur e locis, qualis est

Plaut. Asin. 254

*quin tu abs te socórdiam omnem réice et segnitiem á moue  
átque ad ingeniúm uetus uorsútum te recipis tuom?*

De quo loco Kienitz p. 6 minus recte, ut uidetur: «Quam orationis incōcinnitatem cum nullo modo explicare possimus, sequamur Fleckeisenum, qui auctore Lambino edidit: *Quin . . . reicis . . . amones atque . . . te recipis . . .?*» — Et uidetur hic locus, cum quo conferre licet alios, ubi sequitur imperatiuus (Plaut. Most. 815; id. Truc. 631), medium quendam inter interrogatiuum et imperatiuum usum tenere locum. Quo latius in dies extendebatur usus particulae *quin* cum indicatiuo praesentis coniunctae, ut omnimodi imperatiuorum uices sustineret, eo magis in promptu fuit *quin* ponere cum imperatiuo

\* In copulatiua particula per se non multum ponendum esse, ubi de formarum uerbalium inter se ratione iudicandum sit, constat. Cfr ex. gr. VIII 645 sq. *properas atque ingeris ictus, | qua uotum est uicto*. Ubi expectamus *properas ingerere*.

ad sensum». Exemplum dilucidum eius discriminis euanescentis est

Plant. Amph. 970

AL. *Nūquid uis quin abeam iam intro, ut apparentur quibus opust?*

IUP. *Í sane et quantū potes(t) parāta fac sint ómnia.*

AL. *Quín uenis, quandó uis, intro? fáro haud quicquam sit morae.*

H. l. usus primigenius multum dilatatus est, opinor. Hinc ad imperatiuum usum facilis transitus esse uidetur. Atque ubi de origine usus imperatiui iudicandum est, non alienum erit quaerere, sintne Plautus et Terentius hac particula similiter usi. Est uero usus imperatiuus apud Plautum rarus admodum, apud Terentium imperatiui usus quadruplo maior exemplorum uis exstare uidetur quam interrogatiui. Quae quum ita sint, facere uix possumus, quin apud Plautum modo orientis, apud Terentium uero inrescentis usus imperatiui uestigia cernere nobis uideamur. Hoc si uerum est, facile refellitur opinio eorum, qui ex imperatio huius particulae usu explicare uoluerunt usum affirmatiuum uel amplificatiuum. Qui usus iam apud Plautum quasi perfectus et plane absolutus esse uidetur. Erit igitur illorum explicandi ratio improbanda. Tum uero quam ratione explicandus sit affirmatiuus huius particulae usus, magna quaestio. Plerique cum Kienitzo hoc *quin* ab interrogatiua illa particula totum seiungentes deriuatum esse arbitrantur ex affirmatiua uoce *qui* — cfr *herele qui; edepol qui* — addita enclitice particula affirmatiua, quae est *-nē* — cfr affirmatiuam particulam *nē* —. Sed equidem non uideo, quid obstat, quominus ex interrogatio usu explicetur affirmatiuus; cfr duplicem usum particulae, quae est *quippini*.

Hic locus erit quaerendi, quibus omnino modis apud Lucanum imperatiua expressa sit uis imperatio non posito.

Imperatiui affirmatiui loco poni uidentur:

1. Fut. ind. affirmat.:

II 642 (adiungitur coni. uoluntatis)

*totos mea, nate, per ortus*

*bella feres totoque urbes agitabis in orbe*

*perdomitas*

## 2. Interrogatiua structura

## a) affirmatiua est interrogatio:

a) praes. ind. uerbi principalis: VI 744 sq. ... *paretis? an ille | compellendus erit ...?*

β) praes. ind. uerbi *cessare* regit infinitiuum uerbi principalis: X 356 sq. *cessas accurrere solus | ad dominum thalamos? = »iam iam accurre«.*

## b) negatiua est interrogatio

a) *quin* cum praes. ind. iungitur: VIII 441 sq. *quin respicis orbem | Romanum?*

β) *non* inducit interrogationem praesente ind. expressam: II 523

*in medios belli non ire furores  
iamdudum moriture paras?*

VI 731

*non agitis saeuis Erebi per inane flagellis  
infelicem animam?*

IX 979

*Herceas, monstrator ait, non respicis aras?*

γ) *non* inducit fut. ind.: VI 155 sq. *non ira saltem ... stabitis?*

Imperatiui negatiui uicibus fungi uidentur:

1. Imper. positiuus, qui cum acerba irrisione ad rem dissuadendam adhibetur; uelut X 353 sq. *tu mollibus, inquit, nunc incumbere toris et pinquis erige somnos*; X 361 *crede, miser, puero.*

2. Verbum aliquod negatiuum,\* quo regitur inf. uerbi principalis:

a) *Parce (parcite)*: VII 659 *parcite ... cunctas prosternere gentes*; X 395 *tu parce morari.*

b) *Desiste* (Hoc uerbum praetermisit Blase): V 744 *desiste preces tentare.*

3. Interrogatio *quid* (= cur) uoce inducta. Ind. praes. ubique exstat; VI 196 sq. *quid ... perditis ...?*; VII 81 *quid ... arces?*; VII 665 *omnia quid laceras? quid perdere cuncta labores?*; VII 821 *quid fugis hunc cladem? quid olentes deseris agros?*; VIII 53 *quid perdis tempora luctus?*; VIII 335 *quid*

\* *Noli* apud Lucanum nusquam inueni. Quae periphrasis item Vergilio, Tibullo, Valerio Flacco ignota est, Blaseo si credimus; cfr l. l. p. 244.

... *quaeris* ...?; VIII 352 sqq. *quid* ... *spargis* ... *quid* ... *doces?* alias.

4. Coni. prohibitivus: Perf. coni. ubique.

VIII 450 sq. *ne* ... *speraveris*; IX 126 sq. *nec* ... *putaris*; I 53 sq. *neque* ... *legeris* ... *nec* ... Antecedit imper. negat., sequitur coni. prohibit. VII 590 *ne* *rue* ... *nec* ... *admoveris*.

Restat, ut de imperatiuis negatis pauca dicamus. Negationis simplicis forma longe frequentissima est:

*Ne*: cuius usus exempla abundant. *Ne* post imperatiuum collocatur VII 328 *parcite ne castris*. Imperatiuus uerbi passiuī negatus semel inuenitur, IX 982 *ne tangere*. Quam structuram ante Lucanum inuenisse se negat Obermeier l. l. p. 78.

*Non*: Semel tantum.

V 18

*non qua tellure coacti  
quamque procul tectis captae sedeamus ab urbis  
cernite, sed uestrae faciem cognoscite turbae.*

H. l. sibi opponuntur quidem ea, quae per *non* et quae per *sed* inducuntur, sed utrique sententiae peculiare est uerbum.

Adiunctionis negatiuae particulae (post affirmationem):  
*Nec*: IX 1081 sq. *nec fallere uosmet | credite uictorem*.

*Nec — nec*: I 93 sq. ... *nec gentibus ullis | credite, nec longe fatorum exempla petantur*.

*Neue*:

II 39

*nunc laniate comas neue hunc differte dolorem  
et summis seruate malis*

Ubi per *et* continuatur negatio, quod Lucano in deliciis est.

## D. Infinitiuus.

Hanc syntaxeos Lucanae partem tractauit quidem J. Schmidt (De usu infinitiui apud Lucanum . . . ., diss. Halensis, a. 1881) sed pauca sunt, quae alio modo constituta uelim. Partitio haec est:

§ 1. De inf. subi. loco posito Praedicatum huius inf. est:

I Verbum impers. II Verbum personale. III Nomen subst. a) nom. b) gen. c) dat. IV Nom. adi. a) nom. b) gen. V Adu. cum copula coniunctum.

III a) s. u. *causa* addi oportet V 580 sq. *sola tibi causa est haec insta timoris | nectorem non nosse tuum*, quem locum § 4 II (Inf. remotioris obiecti instar positi) perperam attulit.

§ 2. De acc. e. inf., qui subiecti uice fungitur. Praedicati uices sustinent:

I Verba a) imperson. b) person. II Subst. III Adi. IV Adu.

§ 3. De inf. acc. obi. instar posito. Inf. pendet

I Ex uerbis. II Ex adiectiuis et participiis.

Sub I A a) 4. addendum est *quaero*: cfr IX 1019 *quaerens* ... *reparare ruinas*.

Sub I B a) perperam attulisse S. uidetur locum unum *do* exhibentem,

VII 480

*excepit resonis clamorem uallibus Haemus*

*Peliacisque dedit rursus geminare cauernis*

H. 1. *clamorem* uerbo *dedit* obiectum est; *dedit* uerbum accipiendum est non pro causatiuo uel factitiuo, sed proprie; cfr quae sequuntur u. 482: *Pindus agit fremitus* (sc. ad Pangaea saxa) *Pangaeaque saxa resultant*. *Geminare* tum = »geminandum«. Cfr II 96 sq. *nulli gestanda dabantur | signa* IX 877 *terga damus ferienda noto*. Inf. simili sensu adhiberi uidetur IV 805 sq. *has urbi miserae uestro de sanguine poenas ferre datis* ... — Sub § 4 allatum hoc exemplum oportuit. — Nec magis causatiuum *do* uerbum est X 409 sq. *iugulumque in Caesaris ire | non sibi dant*. Sensus hic est: »In Caesarem impetum faciunt non sua causa«. Inf. *ire* h. l. = »quod eunt«. Cfr IV 280 *perdant uelle mori*. His locis infinitiui uis verbalis obscuratur, exprimitur nominalis; quod in eo positum esse uidetur, quod hic infinitiui pendent a uerbis, quorum unum (*dare*) hoc sensu, alterum uero (*perdere*) omnino non solet infinitiuum regere.

§ 4. De infinitiuis, qui obi. remotioris cuiusdam instar positi sunt.

Sub I C 1) (= Inf. finalis uel respectiōis, quem regunt uerba causatiua) addi oportet VII 480, de quo loco uide supra.

Sub I C 4) (= Inf. finalis; uerba mouendi regunt)  
Schmidt perperam attulit

V 301

*fata sed in praeceps solitus demittere Caesar  
fortunamque suam per summa pericula gaudens  
exercere uenit nec dum desacuiat ira  
expectat*

Nam h. l. sibi respondere uerba *solitus* et *gaudens* (= qui semper gaudebat) et illo regi *fata* . . . *demittere*, hoc *fortunam* . . . *exercere*, deinde respondentia sibi esse *uenit* et *nec expectat* apparet.

Sub III A (= a ptepio pendentes inf., qui sunt numero genetiuiorum) s. u. *damnatus* Schmidt Silianum tantum attulit; addendus est locus Lucaneus, III 22 *detrahere in cladem fato damnata maritos*. Sub III A Schmidt attulit *patiens*, cui adiungit hoc de *impatiens* placitum:

Luc. VIII 578

*hoc magis impatiens egresso deesse marito,  
quod metuit clades.*

h. l. infinitiuus propter antecedens pronomen hoc, cui appositionis instar additus est, pro acc. accipiendus est.\* Atqui *hoc* esse ablatiuum mensurae\* apparet. Sub *potens* addi potest ex. Lucaneum,

IX 894

*ipse cruor tutus nullumque admittere uirus  
uel cantu cessante potens.*

§ 5. De acc. c. inf., qui obiecti uices sustinet.

§ 6. De acc. c. inf., qui remotioris obi. loco positus est.

§ 7. De inf. (et acc. c. inf.), qui per ellipsin explicandi uidentur.

Qui titulus rei, de qua agitur, non admodum conuenire uidetur.

I De inf., qui uocatur, imperatiuo.

II De acc. c. inf. in exclamationibus usurpato.

III Infinitiuus historicus.

\* Ablatiuum *hoc* excipit *quod* particula itidem

IV 229

*at uobis uilior hoc est  
uestra fides, quod pro causa pugnantibus aequa  
et ueniam sperare licet.*



Praeter Schmidtium (l. l. p. 727) exempla Lucanea collegit G. Mohr (De infinitiuis historico, diss. Halensis, a. 1878); sed ambo nimio hanc partem referendi studio adducti attulerunt exempla nonnulla huc non pertinentia. Velut

IV 175

*audet transcendere uallum*

*miles in amplexus effusas tendere palmas.*

*tendere* quoque ab *audet* uerbo pendet nimirum.

IV 264

*tunc inopes undae praerupta cingere fossa*

*Caesar auct nec castra pati contingere ripas.*

H. l. *auct* uerbo reguntur et uerba *cingere* et *nec . . . pati*.

*Nec pati* hic non significat *et acgre ferre*, sed *et prohibere*.

*Nec* = et + non ad unum uerbum referendum — cfr ex. gr.

V 153 *nec uox sufficiens* = *et uox non sufficiens* —.

V 450

*noua nota timori*

*sunt inuenta nouo, fluctus nimiasque precari*

*uentorum uires*

Sed h. l. *precari* epexegetice additum esse substantiuo *nota* quod ad sensum affini admodum facile crediderim.

V 623

*quum littora Thetys*

*noluit ulla pati caelo contenta teneri.*

Sed h. l. inf. *teneri* adiectiuo *contenta* regitur; cfr III 266; 534; IX 721.

V 792

*non maesti pectora Magni*

*sustinet amplexu dulci, non colla tenere*

*Sustinet* uerbum perperam interpretati sunt, quod h. l. ut plerumque apud Lucanum significat = »es über sich gewinnen«, »im Stande sein«. Cfr VII 657; VIII 230 (acc. c. inf.); IX 759 sq. — VI 111 sqq. *cernit* infinitiuos regit.

IX 942

*iamque illic magis atque magis durescere puluis*

*coepit et in terram Libye spissata redire,*

*iamque procul rarae nemorum se tollere frondes,*

*surgere congesto non culta mapalia culmo.*

Hic facile e *coepit* sumitur *coeperunt*. Non *culta* secundum codices Z G u v Seru.; O *nunc* (V *tunc*) *aisa*. — IX 294 sq. *constituit* uerbo regitur inf. *agitare*, cui obi. est *mentes*, aduerbialium loco adduntur *actu belli et serie laborum*.

Restat ut de ueris exemplis pauca dicamus; sunt uero haec:

I 130

*dedidicit iam pace ducem, famaeque petitor  
multa dare in uolgu, totus popularibus auris  
impelli, plausuque sui gaudere theatri,  
nec reparare nouas uires, multumque priori  
credere fortunae.*

I 146

*acer et indomitus, quo spes quoque ira uocasset,  
ferre manum et numquam temerando parcere ferro,  
successus urgere suos, instare fauori  
numinis*

Quum hi loci et rerum et structurae similitudine conspici sint, eandem rationem syntacticam ambobus esse crediderim. licet hunc locum infinitiuo historico praeditum esse ne sit necesse.

I 167

*tunc longos iungere fines  
agrorum, et quondam duro sulcata Camilli  
uomere et antiquos Curiorum passa ligones  
longa sub ignotis extendere rura colonis.*

IV 624

*tunc ceruix lassata quati, tunc pectore pectus  
urgueri, tunc obliqua percussa labare  
crura manu.*

Haskins non iniuria uertere uidetur: then his legs began to totter . . . . Sed hic locus ad regulam illam latam a Woelfflino Arch. X pp. 177 sqq. indicandam nihil ualet, quum plures una occurrant infinitiui. Haec quattuor Lucanea exempla eaque certa inueni. Heitland introd. p. CV non nisi I 132—5; 147—8 huiusmodi infinitiuos inueniri minus recte affirmat. Nec magis Obermeiero fuisse uidetur, cur a Lucano saepe hunc infinitiuum adhiberi diceret.

De genere uerbi nonnihil dicendum erat; hoc tantum moneo *iubere* uerbi, ubi non diserte ostenditur, quis rem agen-

dam suscipiat, Lucanum ponere nunc infinitum passivi, nunc activi. Semel una inveniuntur,

X 348

*tantum animi delicta dabant, ut colla ferire*

*Caesaris et socerum iungi tibi, Magne, iuberet*

De infinitivi temporibus nihil J. Schmidt. Quae quaestio quum latius pateat, in «aoristico» usu infinitivi perfecti me continebo. De qua re vide imprimis B. Delbrück Vgl. Synt. II pp. 472 sq.; Golling Synt. d. lat. Dichtersprache, I (Inf.). Wien 1892; id. Gymnasium 1889 pp. 473—482; Alb. A. Howard On the use of the perfect infinitive in Latin with the force of the present, Harvard Studies I pp. 111—138. H. quidem diligenter, quaecumque de hac re scripta sunt, collegit. Inter doctos viros constare videtur originem huius usus cerni posse in sententiis prohibitiuis, ubi insunt verba *nolle* aut *velle*: velut Senatus consultum de Bacchanalibus (C. I. L. 196, 3): *Nequis eorum Bacanal habuisse uolet*. — Conferre licet usum perfecti coniunctivi in sententiis prohibitiuis exstantem. — Usum illum posterioribus temporibus a Lucretio rursus reuocatum, post uero ab elegiacis maxime poetis excultum, dilatatumque esse constat. Qua in re multum ualuisse et exemplaria graeca, quorum ad similitudinem carmina sua exprimebant, et metri rationem — in pentametri dimidias partes commode uidelicet inscribuntur longae perf. inf. formae ex. gr. hac prosodia praeditae: — — — uel — — —; in quorum numero est magna uis perfectorum in *-ui* desinentium et simplicium et compositorum — sane credi potest. Ostendit H. illos saepe posuisse perf. inf. post uerba uoluntatis, quamuis inesset nulla nec prohibitiua nec\* negatiua quidem uis. Illos post facultatis quoque uerba imprimis *possum* perf. inf. frequenter adhibuisse constat. — Fieri potest, ut facilius uerbo *possum* ideo subditum sit perf. inf., quod iam diu cum praeteritis quibusdam huius uerbi (item uerborum qualia sunt *debeo*, *oportet*, *debet* al.) perf. inf. nonnumquam poni solebat; velut Ter. Andr. 238 sq. *nonne oportuit | praeuisse me ante?*; Plaut. Amphitr. 544 *cantasse oportuit*; Plaut. Mil. 730 *itidem diuos dispersisse uitam humanam aequum fuit*. Nimirum obuersatur

\* Sed hoc iam posuit. credo, Auctor inc. ad Herennium IV xxxv (Marx) *is oportet istum maximas poenas dedisse (uelit); uelit* bl omis. dM.

animo loquentis, quod praeterito tempore fieri oportuisset, hoc praesenti factum esse oportere.

Ubi sententia adiuncta erat irrealis hypothetica, hoc imprimis fiebat. Sed hoc facile ad praeterita eorum uerborum uniuerse transferri potuit, ut quasi temporum quaedam assimilatio tantum esse uideretur. Cfr Schmalz<sup>3</sup> p. 297. Unde usus ad totum uerbum dilatari potuit; cfr Plant. Aul. 828 . . . *nón potes probásse nugas*.

De uerbo *possum* profectus ad alia facultatis uerba postea fluxit, opinor, usus ille. Ad hunc perf. inf. usum dilatandum multum ualuisse credo et uerba quaedam plerumque impersonalia, quibus rite subiungeretur perf. inf., uelut *iuuat*, *píget*, *puđet*, *prodest*, et uerbum *esse* cum adi., adu., subst. coniunctum, imprimis *satis erit*. Ubi saepe adeo obscuratur perf. inf. uis primigenia, ut ab inf. praesentis ui uix recedere transuersum unguem uideatur. Sed quamuis multa ad usum illum constituendum ualuisse uideantur, grauissimam sane crediderim fuisse metri rationem.

Non est in animo afferre exempla, ubi uis perf. inf. primigenia nullo modo obscurata elucet; uelut VII 604 *uenia gaudet caruisse secunda*. Ubi *caruisse* = »att ha lyekats slippa undan (nad för andra gangen)«. Item IV 620 *miranturque habuisse parem*. *Habuisse* = »att de fatt (en jämstark motstandare)«. Item IX 291 sq. *gaudet . . . diuitias seruasse casae*. Sed in confinio esse uidetur VI 541 *immergitque manus oculis gaudetque gelatos ! effodisse orbes*. Iam nero ad exempla digesta afferenda transeo.

a) Inf. perf. pendet a uerbo uoluntatis aut uerbo contigua ui praedito:

Exx. III 368 sq. *non excludere tantum. | excludisse uolunt*. V 493 sq. *ad Caesaris arma inuentus | naufragio uenisse uolet*. V 758 sq. *sitque mihi . . . quo fugisse uelim*. VIII 794 *quo condi maluit illum | quam terra caruisse Socer*. IX 567 *occubuisse uelim potius quam regna uidere*. Sed fortasse *occubuisse* = »vara döđ». X 154 *optabit patriae talem durisse triumphum*. Sed hoc exemplum fortasse huc non pertinet; cfr »utinam . . . durissem!«

VI 426 *nec quaesisse libet*. III 344 *ercepisse . . . parati . . . uacere . . . lambere*. X 180 *paratus . . . quaesisse . . .*

b) Inf. perf. sequitur uerbum facultatis:

I 258 *non ausus timuisse palam*; VIII 542 *inseruisse ... audes?*; VIII 841 *mouisse uerebitur...?*; II 343 *liceat ... scripsisse*; VII 688 *resperisse uacat*; VI 607 sqq. *conceditur arti ... inseruisse moras*; IV 21 sq. *uetitus ... pepulisse*; V 229 sq. *tot mundi caruisse malis, praestare decorum | exceptu quis morte potest?*. Adiectiua: I 326 *docilis ... uicisse*; VIII 381 *melior cessisse loco quam pelleret*; IX 55 sqq. *indigna fui ... accendisse ... incubuisse*. — *exurere ... componere ... infundere*.

c) Inf. perf. coniungitur cum uerbo aliquo impersonali aut uerbo *esse*:

Vis perfecti inf. non nimis diuersa uidetur a ui praesentis inf.

Post *satis est* inf. perf. plerumque perfectam actionem haud obscure significat; ex. gr. II 494 *non satis est muris latebras quacuisse pauidi?*; VIII 687 *nec satis infando fuit haec uidisse tyranno*; acc. c. inf. IX 584 *hoc satis est dixisse Iouem*. Contiguum est perf., quod post *contentum esse* inuenitur; actio perfecta haud obscure indicatur II 366 *contenti fecisse duos*; paullo aliter III 534 *contentae creuisse*; cfr III 466 *haud unum contenta latus transire quiescit* — ubi metro admitteretur *transisse* —.

I 598 *soli cui fas uidisse Mineruam*; quod exemplum sub

b) item afferre licet. II 105 sqq. *non ... piguit ... praecipisse ... nec ... rumpere*; altera lectio (U G<sub>1</sub> m Acro) *praecipitasse*. II 299 *iuuat ... inseruisse ... tenuisse*; II 443 sq. *non tam portas intrare patentis, | quam fregisse iuuat*; VII 617 *impendisse pudet*; IX 406 *deceat fugisse uiros*; II 116 *uir secula longa decorum | sic meruisse uiris*; III 241 sqq. *quanta est gloria genti | iniecisce ... donasse*; II 110 *et uisum lenti quacuisse nocentem*; II 113 sq. *spes una salutis | oscula pollutae firxisse trementia dextrae*; IV 565 sq. *pietas ferientibus una | non repetisse fuit*; IV 576 sq. *quam non sit ardua uirtus | seruitium fugisse manu*; V 687 *sacuntia est uoluisse mori*; V 771 sq. *secura uidetur | sors tibi, quum facias etiamnunc uota, perisse*. Atque h. l. praes. inf. aequè admittitur metro. Multa alia exempla uidentur afferri posse. Lucanus denique ut uidetur hunc usum dilatasse, ita non uidetur huius perf. inf. genera nouasse.

## E. Participium.

**Participium praesentis:** De ptepio praes. aoristico sensu adhibito Schmalz egit p. 308 (§ 172). Unum tantum exemplum ita constitutum inueni,

III 419 *procumbentis iterum consurgere taros*. Tali in re graece licet aut ptep. praes. (= »allt efter som de falla en efter annan, resa sig ånyo») aut ptep. aoristi usurpare. Afferre liceat alterum Lucaneum exemplum, quod haud scio an alio modo sit explicandum,

IX 1019

*Thessalicas quaerens Magnus reparare ruinas  
ense iacet nostro.*

Participium praesentis h. l. totum est sanum, nisi fallor, nam *iacet* uim quandam habet perfecti = cecidit (*quaerens*).

Notandus usus ptepii praesentis exstat

III 731

*saepe cadens longae senior per transtra carinae  
peruenit ad puppim spirantisque inuenit artus.*

Sed et hoc ptep. praes. defendi potest quodammodo, quod actio uerbi, quod est *peruenit*, per se »punctualis» tamen in se continet nim quoque motus ad finem pergentis. — Schmalz exempla actionis duratiuae eximenda esse affirmat, an iure ambigi potest. Cuius generis sunt loci quales Sallust. Iug. 113,1 *haec Maurus secum ipse diu uoluens tandem promisit*; Liu. XLV x 6 *diu negantes* (acc.) *perpulerunt*. Duratiuam actionem eius generis, quod »cursiuum» uocant, exhibet Verg. Aen. I 492 *ducit Amazonidum lunatis agmina peltis | Penthesilea furens mediisque in milibus ardet, | aurea subnectens ersertae cingula mammae | bellatrix . . .* — Cognati sunt multi Lucanei loci, ubi ptep. praes. attributi instar positum duratiuum est et consuetudinem uel capacitatem exprimit. — Cfr Heitland introd. p. CVI. — Exempli nonnulla afferro: I 603 sq. *Salus laeto portans ancilia collo | et tollens apicem generoso uertice flamen*; III 176 *populisque per aequora mittens | Sicaniis Alpheos aquas*; III 280 *auroque ligatas | substringens, Arimaspe, comas; hinc fortis Arius | longaque Sarmatici soluens iciunia (belli) Massagetes . . .*; VI 387 . . . *effudit in antris: | aspera te Pholoes*



*frangentem Monychæ saxa, | teque sub Octavo torquentem uertice uolsas, | Rhoete ferox, quas uir boreas inuerteret, ornos: VI 672 sqq. (non . . . defuit . . .) non puppim retinens euro tendente rudentis | in mediis echeneis aquis . . . : VII 569 Bistonas . . . Mauors agitans: IX 719 sqq. uergens . . . amphisbaena . . . distendens . . . prester . . . dissoluens . . . seps . . . effundens . . . nocens . . . basiliscus. —*

**Participium futuri:\*** Hoc ptep. Lucanus ualde adamasse uidetur; sunt et genera significationum uaria et exempla sescenta. Hae imprimis inueniuntur significationes:

1. Significatur is, qui alqd erit, fiet, faciet; siue

a) nulla proprie audienda est causa; siue

b) hoc rerum fiet natura; siue

c) a fato constitutum est, ut hoc ita fiat.

a) Exempla: I 511 sqq. *urbem . . . facilem uenturo Caesare praedam | ignauae liquere manus*; II 528 *secuturo . . . Phoebos*; III 596 *semper uenturis componere carbasa uentis*; V 566 *flatus . . . incerta futuri*; VI 456 *frontis amaturae subducunt pignora fetae*.

b) Exempla: I 12 *bella geri placuit nullos habitura triumphos?*; I 462 *ignauum rediturae parcere uitae*; III 381 *res immenso placuit statura labore*; III 453 *impatiens haesuri ad moenia Martis*; IV 53 *non duraturae conspecto sole pruinae*; V 704 sq. *purumque insurgere caelo | fracturam pelagus boream*; VI 196 sq. *quid . . . perditis haesuros numquam uitalibus ictus?*; VI 703 sq. *repetitaque fila sorores tracturae*. Alia exempla sunt I 141 sqq.; II 691 sqq.; IV 1 sqq.; 748; 775 sq.; V 148 sqq.; 449 sq.; VI 7 sq.; 715 sq.; VII 60; 211; 271 sqq.; VIII 74; 604 sqq.; 622 sqq.; 865 sq.; IX 49 sq. —

c) Exx.: I 33 sq. *quod si non aliam uenturo fata Neroni | inuenere uiam*; II 74 sq. *consul et euersa felix moriturus in urbe | poenas ante dabat scelerum*; III 169 sq. *Magni fortuna . . . secum casuras in proelia mouerat urbes*; IV 519 sq. *uicturosque dei celant . . . | felix esse mori*; V 635 sq. *redire | nox manes mixtura deis*. — *Futurum* substantiue adhibetur I 522 sqq.; II

\* Alfred Koeberlin commentatione Actis seminarii Erlangensis V (edd. Iwan Mueller et August Luchs) inserta »participiorum usum Liuium» tractauit. Pars eius altera est »de ptepii futuri actiui apud T. Liuium, Q. Curtium Rufum, Iulium Florum usu». Nec tamen »partitio eius satis placet, quum genera non satis firmis cognationis uinculis connexuerit me quidem iudice.

233; V 89 sq.; 112 sq.; 129 sq.; 137 sq.; 179; 199 sq. *Venturum* subst. est IV 192; V 732 sq.; VI 423 sqq.; 590 sq.; VII 20. — Alia exempla huius ptepii sunt I 99 sq.; 233; 469 sqq.; II 6; 14 sq.; 63 sq.; 523; 718 sq.; III 5 sqq.; 211 sq.; IV 204 sq.; 481; 516 sq.; VI 61; 391 sq.; 414 sq.; 639 sq.; 710 sq.; 788 sq.; VII 47 sqq.; 104 sq.; 129 sq.; 151 sq.; 328 sq.; 591 sq.; 814 sq.; VIII 96 sq.; 692; 693; 865 sq.; IX 316 sqq.; 985. — Bis ptep. fut. praedicati uices sustinet omisso uerbo substantiuo *esse*; in sententia primaria (sed interpretatio non certa): VI 715

*licet has exaudiat herbas,*

*ad manes uentura semel.*

In relativa sententia:

VII 781

*hunc omnes gladii, quos aut Pharsalia uidit  
aut ultrix uisura dies stringente senatu,  
illa nocte premunt.*

2. Usus finalis aut omnino uoluntatiuus:

a) Hoc genere ptepii significatur eum, cuius maxime interest, quid agatur, operam dare, ut faciat aliquis alqd uel ut omnino fiat alqd.

Subiectum nimirum id, quod actione sua effectum uolt, certo futurum esse arbitratur.

I 220 sq. *primus in oblicum sonipes opponitur amnem excepturus aquas*; II 331 sq. *alios fecunda penates | impletura datur*; II 360 sq. *non . . . tectura pudorem . . . uelantur flammea uoltus*; II 505 sq. *moturas ingentia pondera turres | erigit*; II 541 sq. *Catilina parauit | arsuras in tecta faces*; III 221 *manusum rudibus uocem signare figuris*; IV 211 *addidit ira ferox moturas proelia uoces*; V 280 *oculos morti clausuram quaerere dextram*; VI 761 sq. *uox illi linguaue tantum | responsura datur*; X 431 *seruatur poenas in aperta luce daturus*.

b) Significatur alicui in animo esse facere alqd uel aliquem paratum esse ad aliquid faciendum. — Ubi inter uerbum principale et ptep. ratio intercedit finalis hoc genus priori contiguum sane. Velut:

III 290 sq. *tot immensae comites missura ruinae | exciuit populos*; III 626 *insiluit solo nociturus pondere puppem*; IV 225 sq. *non iret in aequor | turrigeras classis pelago sparsura*

*carinas*: IV 270 sq. *casurus in hostes* | *fertur*: IV 276 sq. *en sibi utilis adest inuisa luce inuuentus* | *iam damno peritura meo*: V 237 sq. *Caesar remeabat . . .* | *uictrices aquilas aliam laturus in orbem*: V 711 sq. *Strymona . . . relinquunt* | *poturac te, Nile, grues*. Alia finalis usus exempla sunt VI 167 sqq.; 552 sq.; 581 sqq.; X 438 sq. — Ad alia exempla, quibus nulla finalis uis exprimitur, transeo. Atque totus hic usus facilem habet explicatum; libenter enim, quod quis in animo habet facere, id se facturum quoque credit. Exx.: II 35 sq.; 277 sqq.; 447 sqq.; 528 sqq.; III 616; V 21; 365 sq.; VI 238 sq.; 316 sqq.; 789 sq.; VII 33; 95 sq.; 170 sq.; 236 sq.; 297 sq.; 462 sqq.; VIII 335 sqq.; IX 378; X 63 sqq.

Huic generi affine esse uidetur id, quo

c) Significatur in eo esse, ut fiat aliquid; hoc ptep. de actionibus (iamiam ingruentibus), in quibus arbitrio et uoluntati nihil est loci, adhibetur.

II 499 *ruituram ascendite pontem*: II 529 *temptandasque ratus moturi militis iras*; IV 38 sqq. *acies . . .* | *. . . in tergum casura umbone sequentis* | *erigitur*: IV 43 sq. *uidet lapsura ruina* | *agmina dux*: IV 455 sq. *ruituraque semper* | *stat* — *mirum* — *moles*: V 428 sq. *summaque pandens* | *sappara uelorum perituras colligit auras*: V 549 *tum lurida pallens* | *ora tulit uoltu sub nubem tristis ituro*: VII 244 *casuram fatis sensit nutare carinam*: VII 403 sq. *stat tectis patris auitis* | *in nullos ruitura domus*: VII 566 sq. *uolucra multorum totum fusura cruorem* | *opposita premit ipse manu*. Atque hoc ex. uim quandam habet irrealiter hypotheticam, quum actione principali auertatur id, quod ingruere indicat fut. ptep.

3. In structura aliquomodo hypothetica fut. ptep. inuenitur.

a) Sensus condicionalis haud obscure expressus est.

II 295 sqq. *procul hunc arrete furorem, | o superi, motura Dahae ut clade Getasque* | *seculo me Roma cadat*: III 621 sq. *telaque multorum leto casura suorum* | *emerita iam morte tenet*: III 665 *nutaretque ratis populo peritura recepto*: III 727 sq. *non ille inuentae* | *tempore Phocaeis ulli cessurus in armis*: IV 807 sq. *felix Roma quidem ciuisque habitura beatos* | *si . . . superis . . . placeret*: V 305 sqq. *non illis urbes spoliandaque templa negasset* | *. . . matresque senatus* | *passurasque infunda*

*nrus*: V 448 sq. *illinc infestae classes et inertia tonsis | aequora moturae*; VI 349 sq. *melius mansura sub undis | Emathis*: VII 730 sq. *ut uiles animas perituraque frustra | agmina permisit uitae*: IX 61 sq. *quidquid ab exstincto licuisset tollere busto, | in templis sparsura deum*: IX 611 *asperit perituros fonte relicto*: X 462 sqq. *sumpturus poenas . . . | missurusque tuum, si non sint tela nec ignes | in famulos, Ptolemae caput*.

b) Sensu condicionali prope nullo huiusmodi euadit fut. ptepii usus, quo indicetur, quid, si res ita ferat, facere ualeat aliquis.

Exx.: II 418 sqq. *dum permeat orbem | Hister casuros in quaelibet aequora fontes | accipit*: IV 15 sq. *sarcus ingenti quem pons amplectitur arcu | hibernas passurus aquas*: IV 680 sq. *Marmaridae uolucres aequaturusque sagittas | Medorum, . . . quum torsit(!) missile, Mazax*: V 366 sq. *uelut ensibus ipsis | imperet inuito moturus milite ferrum*: VI 438 sqq. *herbasque nocentes rapibus ingenuit censuraque saxa cauentes | arcanum feralis magos, ibi plurima surgunt | uim factura deis*: VII 414 sq. *moeniaque in praeceps laturus plena tremores | hi possent explere auri*: X 315 sqq. *quis te tam lene fluentem | moturam totas uolenti gurgitis iras, | Nile putet?*: X 480 sq. *non aries uno moturus limina pulsa | fracturasque domum, non ulla est machina belli*. Interdum ita obscurari uidemus uim et futuri temporis et facultatis, ut fut. ptep. nihil indicet nisi qualitatem inhaerentem uel morem rei proprium. Tum ptep. futuri idem fere ualet quod id ptep. praesentis, quod VI 386—90; 672 sqq. notauimus; de qua re uide supra p. 66. Exempla fut. ptepii eiusmodi sunt IX 708 sq. *at non stare suum miseris passura cruorem | . . . haemorrhoids*: IX 712 *et semper(!) recto lapsurus limite cenchris*: IX 717 sq. *et scytale sparsis etiamnum sola pruinis | exuias positura suas*. Conferre sane licet eum futuri usum, quem ex. gr. IX 781 sq. notauimus; de qua re uide supra p. 40.

Ptep. fut. addito uerbo substantiuo praedicati uices sustinet III 42; VI 711; VII 464. Omittitur u. subst. in sent. rel. VII 781 sq. Ubi hoc ptepio formatus infinitiuus futuri adhibetur, nusquam positum uerbum esse repperi. Cfr III 99 sq. *creditur . . . rapturus*: III 431 *credebant redituras*: V 577. *fusus cuncta sibi cessura pericula*: VII 613 sqq. *te . .*

*graues poenas . . . daturum . . . sperare licet*; IX 554 sq. *cui crediderim superos arcana daturos | dicturosque magis . . . uera . . . ?*; X 315 sq. *quis te . . . moturum . . . putet?* Post uerba uidendi incertiora uidelicet sunt exempla: IV 43 *uidit lapsura ruina | agmina dur*; IX 611 *asperit perituros fonte relicto*. Illi quidem, qui ex infinitiuo *-ūrum* (< \*-ū-esom) deducendum esse *-urum esse* atque inde *-urus, -a, -um* docent, hand obscura uestigia originis eius ex omisso uerbo *esse* repeti posse crediderint. Sed animaduertendum est et perf. inf. longe saepissime omissum exhibere uerbum subst.; semel tantum plenam perf. infinitiui formam apud Lucanum inueni. III 447 sq. *quis enim laesos impune putaret | esse deos?* —

## II. De modorum ac temporum in sententiis secundariis usu.

### A. Sententiae relatiuae.

a) Quisquis, quicumque, ubicumque, quocumque, quacumque:

Indicatiuus: *Quisquis*: II 162; 313; 564; IV 65 sqq.; 127; 643; V 34; 260; 292; 349; VI 371; 437; 498; 670; 684; 710; 772; 775; VII 346; 363; 556; 703 sq.; 755; 829; VIII 179; 365; 502; 812; IX 93; 239 (e sent. prim. audiendum uerbum); 279; 523 sq.; 576; 595; 779; 860; 1055. In tempore primariae non offendendum

VIII 365

*quidquid ad eos tractus mundique teporem,  
ibitur, emollit gentes clementia caeli.*

H. l. *emollit* uerbum causam reddit, cur eoae gentes molles sint. Desideratur, quod uerbi principalis loco ponatur, *emollitae erunt* (= esse inuenientur) *gentes cl. c.* — VIII 179 sqq. lectio incerta est. Haskins (Weise) et Francken sic legendum censent: *quidquid descendit* (V P U G C) *ab arbore summa, Arctophylax propiorque mari Cynosura feretur, | in Syriae portus tendit ratis* (M V P<sub>1</sub> G). Hosius quidem: . . . *descendet*

(A M E) . . . *feretur . . . tendet* (A U B). Haud alienum uidetur ea, quae paullo supra scripsit poeta, intueri (uu. 176 sqq.): *hic quum mihi semper in altum surget* (O exc. P G m) *et instabit summis minor Ursa ceruchis, | Bosporon et Scythiae curuantem littora Pontum | spectamus*. Atque his ambobus eandem plane inter enuntiata secundaria et principalia intercedere rationem apparet. Etiamsi priore loco ad efficiendum praesens primariae, *spectamus*, metri ratio non nihil ualuit, tamen posteriorem locum ad similitudinem prioris effectum esse arbitrari non piget. Verbum subst. omittitur VIII 642 sqq. *sed quisquis in istud | a superis immissee caput uel Caesaris irae | uel tibi prospiciens, nescis . . .* —

*Quicumque*: I 383; 418; 631; II 584; III 101; 309; 581; 624; IV 62; 487; 497; V 439; 658; VI 241; VII 16; 189; 312 sq.; 745; VIII 18; 172; 203; 363; 379; 385; 628; 746; IX 143; 331; 398 sq.; 431; 538; 580; 990; X 179; 223 sq. — Verbum omittitur I 375 *perque tuos iuro quocumque ex hoste triumphos*; X 374 sq. *toris dominam mactemus in ipsis | cum quocumque uiro*. Ubi *quicumque* ad uim indefiniti pronominis prope accedit.

*Ubicumque*: IV 119; VIII 102; X 283. — Verbo omisso indefinito sensu adhibetur VII 674 sq. *socero spectare uolenti | praestandum est ubicumque caput*.

*Quocumque*: VII 815; IX 884 (uerbum subst. omissum; praedicati uices sustinet ptep. perf.). Talibus locis, qualis est IX 884 sq., hoc aduerbium non omnem relatiui aduerbii uim exuisse uidetur; cfr Samuelsson p. 57. — VII 815 sq. sic constituit Hosius: *quocumque tuam fortuna uocabit, | haec quoque sunt animae*. *Sunt* codices exceptis U<sub>1</sub> m z P, qui *erunt* exhibent. Postgate acute conicit *erunt*, quod recepit Francken.

*Quacumque*: VI 550; VII 567.

Coniunctiuus: I 149 sq. *impellens, quidquid sibi summa petenti | obstaret . . .* Coni. obliquus est, opinor: »vräkande allt öfver ända, som efter hans uppfattning stod i vägen för hans sträfvan mot maktens tinnar». Item I 387 sq. *elatasque alte, quacumque ad bella uocaret, | promissere manus*. VI 316 *arma secuturam soceri, quocumque fugasset, . . .* — VII 80 *sit iuris, quocumque uelint, concurre campo*. H. l. num coni. »translatus» est e sententia primaria? III 146 sq. *cuius seruaueris umbram, | si quidquid iubeare, uelis*. Huius coniunctiui expli-



catio non admodum diuersa esse debet, opinor. Accedit, quod secunda persona ad pronomen quod est »man» exprimendum adhiberi uidetur. IX 61 sq. *quidquid ab extincto licuisset tollere busto, | in templis sparsura deum?* H. l. relatiua sententia idem ualet quod sententia irrealiter condicionalis. Apodoseos hypotheticae uim habet sent. rel. IX 1023 sq. *accipe, quidquid | pro Magni cervice dares.* VII 387 sq. *hae facient dextrae, quidquid non expleat aetas | ulla nec humanum reparet genus . . .* Coniunctiuum »qualitatu» (= »consecutiuum») esse credo, nam »coniunctiuum pro futuro» quid aliud esse dicamus quam qualitatu? Quod ad<sup>1</sup> pronomen Postgate recte monet *quidquid* Lucano esse in deliciis, se idem explicare conatur, quam ratione *quidquid* h. l. posuerit Lucanus, non item satisfacit conferendo VIII 179 sq. Haskins uero recte docet *quidquid* idem fere significare ac *quantum*. Mihiquidem *quidquid* h. l. significat non *omnia, quae*, sed nescio quo modo *quae . . . omnia* (= quantum); nisi quidem hoc pronomen temere pro *quod* positum esse credimus.

b) Ceterae relatiuae sententiae:

Indicatiuus: Relatiuum pro demonstratio (= adiunctio relatiua) his locis inuenitur haud obscure: I 585; II 279; 576; III 146; 585; 609; 730; IV 160; 466; 711; V 65; 561; VI 409; 423; 589; 681; VII 739; 764; 845; VIII 63; 186; 289; 328; 475; 562; IX 125; 225; 355; 659; 671; 830; 911; 952; X 43; 55; 82; 214; 328; 361 (adiungitur periodus hypothetica).<sup>2</sup> Sunt uero multi nexus laxioris gradus, qui ab adiunctione relatiua haud facile discernuntur; ex. gr. II 475, ubi Haskinsum adiunctionem relatiuam constituere apparet. Alia neque illa omnia eiusdem generis exempla sunt II 122; III 487 sq.; V 164; 459; 581; VI 82; 215; 250; VII 247; VIII 400; IX 225; 350; 439; 501; 699; 948. Interdum sententiam relatiuam continuo excipit sententia libera aut relatiua, ubi quodnam audiendum sit pronomen relatiuum haud facile discernas. Velut VI 82

<sup>1</sup> Si continuatur rel. sent., quae inducta est *quicumque* (u. *quisquis*) pronomine, hoc pronomine, quod est *qui*, excipitur; cfr VII 312 sqq.; 346 sq. VII 703 sq. *quidquid* dissolute iteratur contentionis augendae causa.

<sup>2</sup> Quorum locorum numerum si cum uersuum numero uniuerso contulerimus, haec euadet ratio: 218:1. Ouidi *Metamorphoseon* tres libros peruoluimus (I, VII, XV) hanc repperi esse ibi rationem: 77:1. Apud Valer. Flaccum 329:1, in *Aeneide* 116:1 rationem esse docet Samuelsson.

(ubi fortasse melius constituitur adi. rel.); item fortasse VIII 400; X 141 sqq. Notanda copulatio sententiae primariae III 256 sqq. *caput rapido tollit cum Tigridè magnus | Euphrates, quos non diuersis fontibus edit | Persis, et incertum, tellus si misceat amnes, | quod potius sit nomen aquis.*

H. l. afferre lubet ea exempla, ubi sententia relatiua parenthesin efficit, id quod tum praecipue fit, quum ad uerbum uel totam primariam sententiam refertur pronomen relatiuum; uelut I 626; IV 203 sq.; 622; VI 132; VIII 555 sq.; 650; IX 1015; X 176. Semel tantum (VI 132) post correlatum rel. sent. collocata est. Usque adhibetur pron. *quod*, nusquam *id*, *quod*, secundum aetatis argenteae sermonis usum. Vide Schmalz p. 445. —

Relatiua sententia raro adhibetur ideo, quo maior ita uis per emphasin rei accedat; uelut VIII 491 *libertas scelerum est, quae regna inuisa tuctur*; item VII 501 *extremum est, quod quisque ferit*. Apud Ouidium duo item inueni exempla, quae ambo coniunctiuum habent, Metam. I 618 sq. *pudor est, qui suadeat illinc, hinc dissuadet amor*; Metam. IV 499 *mens est, quae diros sentiat ictus*. Contiguum fortasse est ex. IV 470 *quod uellet, erat, ne regia Cadmi staret . . .* De coni. uide Hale p. 166 sq. ex. prim. et ult. coniunctiui.

In relatiua sententia continuanda si casus pronominum relatiuorum differant, constat in altero membro aut iterari pron. rel. — uelut I 639 sqq. *Figulus, cui cura . . . fuit, quem non . . . aequaret*; VII 254 sqq. *haec est illa dies, mihi quam Rabiconis ad undas | promissam memini, cuius spe mouimus arma, in quam distulimus . . .*; IX 126 sq. *o felix, quem sors . . . dispersit . . . quique audis*; IX 390 sqq. *hi mihi sint comites, quos ipsa pericula ducent, | qui . . . putant*; IX 439 sqq. *Nasamon . . . qui . . . tenet, quem . . . alit* — aut demonstratio commutari — tum in primariam sententiam mutata esse apparet relatiuam; de qua re uide paullo supra — aut diuersum relatiui casum ex eo, qui positus sit, intelligi; uelut e genetiuo auditur nom. IV 542 sqq. *cequis . . . est, cuius sit dextra . . . digna . . . certaque fide . . . | testetur se uelle mori?* E datiuo nom. X 456 sq. *hic, cui Romani spatium non sufficit orbis | paruaque regna putet . . .* Ex accusatiuo datiuum audire licet X 350 sq. (*Achillam*) *quem puer imbellis cunctis praefecerat armis | et dederat ferrum . . .* Item, nisi me fallo, VIII 65 sqq.

*frustra que attollere terra semianimum conantur eram, quam pectore Magnus | ambit et astrictos refouet complexibus artus. —*

Supra demonstrauimus in sententia indefinite relatiua interdum omitti uerbum. Quod de his quoque sententiis relatiuis ualet; uelut omissum est uerbum subst. VII 781 sqq. *omnes gladii, quos aut Pharsalia uidit | aut ultrix nisura dies . . . . premunt . . .* I 597 sq. *sacerdos, | Troianam soli cui fas uidisse Mineruam: VI 671 sqq. non spuma canum, quibus unda timori, . . . defuit. Sed timori est* codd. V P U Z G (N?). VIII 409 sq. *cui fas implere parentem, | quid rear esse nefas?*; IX 330 sq. *sors melior classi, quae fluctibus incidit altis | et certo iactata mari: IX 391 sq. pati uel quae tristissima pulerum | Romanumque putant.: IX 852 sq. ire libet, qua zona rubens et aris inustus | solis equis: X 240 sq. (Zephyros . . .) quorum stata tempora flatus | continuique dies et in aere longa potestas. In sententia generali praedicatum deest et primariae sententiae et relatiuae X 408 ibi *fas, ubi proxima merces. —* Verbum aliud omissum est II 726 sq. *non ea fata ferens, quae, quum super aequora toto | praedonem sequerere mari.**

Coniunctiuus: Seorsum tractare idoneum erit ea coniunctiui genera, quae sententiis relatiuis aut cum aliis secundariis sententiis (= coni. obliquus) aut cum liberis sententiis communia sunt. Obliquus coni. est VII 54 sq. *qui . . . uellet . . . timeret; VII 690 hui perstet; VIII 567 qui uetet . . . —* Coni. irrealis saepius adhibetur; uelut IV 152 *quod fugiens timuisset; IV 243 sq. quae . . . tulisset; IV 313 quas nollit uicturus: VI 140 sq. quem non . . . auferret; VIII 11 sq. quantum . . . ipse daret; X 454 quem non uiolasset Alanus . . . —* Condicionalis sententia adiungitur III 253 sqq. *quod non premeretur . . . nisi procederet. Incertus locus est IV 814 sq. haud alium tanta ciuem tulit indole Roma, | aut cui plus leges deberent recta sequenti. Haskins sic interpretatur: »recta sequenti] 'had he followed the path of right'.* Sed de hoc loco uide infra p. 78. — Coni. potentialis: I 640 sq. *quem non . . . acquaret: VI 436 sq. ficti quas nulla licentia monstri | transierit. —* Coniunctiuum eius generis, quod Hale (l. l. p. 56 not.) appellari uult Konj. der »ideellen Gewissheit«, agnoscas I 53 sqq. *sed neque in arctoo sedem tibi legeris orbe, | nec . . . qua . . ., | unde tuam uideas obliquo sidere Romam. Indefinitus sensus est*

uerbi secundae personae (= »man») IV 482 sqq. *par animi laus est et quos speraueris, annos | perdere et . . .* — Translatus coni. est (C. Zander »subiectiuum» uocat) VI 605 sqq. *si fata minora moueres, | pronum erat, o iuuenis, quos uelles, inquit, in actus, | inuitos praebere deos.* Cfr Cic. Tusc. I v 9 *nam si solos eos diceres miseros, quibus moriendum esset, neminem tuquidem eorum, qui uiuerent, exciperes.* — Unum addo coniunctiuum genus, quod, etsi neque obliquus est coni. nec liber, h. l. tractare non alienum erit, dico coni. iteratiuum; exempla Lucanea sunt I 146 sq. *acer et indomitus, quo spes quoque ira uocasset | ferre manum;* I 173 *inde irae faciles et, quod suasisset egestas, | uile nefas.* — Restat locus unus, quem haud scio an melius hic quam sub obliquo coni. afferas I 149 sq. *impellens, quidquid sibi summa petenti obstaret . . .* — Coni. huius sententiae rel. generalis iteratiuus esse uidetur; si quis dicat *sibi* pronomine documento esse obliquum esse coniunctiuum, moneo pronomine reflexiuo Lucano saepius usum esse liberrime; uelut IX 192—4; 638—9. —

Coni., qui proprie in rel. sententiis adhibetur:

Coni. finalis: I 344 sq. *quae rara dabuntur, | quae noster aeternus aet?*; II 451 sq.; IV 720 sq.; V 221 sq.; VI 774; VII 30 sqq.; 649 sqq.; VIII 736 sq.; IX 709 sq.

Temporum usu conspicuus locus est X 327 sq. *hinc montes natura uagis circumdedit undis, | qui Libyae te, Nile, negent.* Locus incertus VII 641; quem cum codicibus plerisque sic constituunt Hosius (1905) et Francken: *uincitur his gladiis omnis, quae seruiat actas.* Weise-Haskins et Postgate \* (cfr Heitland Cl R IX p. 197) cum PUG in v edunt *seruiet.* Sed collato uersu proxime antecedente (. . . *in totum mundi prosternimur aeuum*) mihi quidem magis arridet constituere coniunctiuum = »ad seruendum».

Coni. consecutiuus: Quem coniunctiuum a »qualitatio» saepius haud facile secernas. Sed discrimen obtinere placet cum Samuelssonio (p. 63) exemplo Halei et Dittmari. Exempla sunt III 538 sqq. *ut tantum medii fuerat maris utraque classis | quod semel creussis posset transcurrere tonsis, | . . . miscentur . . .*; VII 638 sq. *maius ab hac acie, quam quod sua*

\* P. tamen in appendice critica hoc habet: »*quae seruiat* 'to be slaves' may however possibly be right».

*secula ferrent. | uolnus habent populi: . . .* — Postgate, ut tempus explicet, *habent* praesens historicum esse docet; sed praesens in eiusmodi repraesentatione adhibitum (cfr sequenti uersu *prosternimur*) uix esse uidetur tempus, quod rite sequatur forma uerbalis praeteriti temporis. An e metri necessitate excusandus est poeta? — IX 305 sq. *nam neque subsedit penitus, quo stagna profundis | acciperet, nec se defendit ab aequore tellus*; X 260 sq. *plus, quam quod digerat aer, | tollitur*.

*Dignus* adi. bis cum relatiua sententia connectitur, VI 602 *dignum, quod quaerere cures | uel tibi*; IX 508 sq. *quanto poenatu dignior ista es, | qui populo sitiente bibas!* —

Quam uero arto inter se nexu cohaereant usus coniunctiui finalis et consecutiui, uel optime elucet e locis quales VI 156 sq. *e cunctis, per quos erumperet hostis, | nos sumus electi*; VI 206 *iam gradibus fessis, in quem cadat, eligit hostem*; VIII 515 sqq. *cur sola cadenti | haec placuit tellus, in quam Pharsalica fata | conferres . . .?*

Coni. qualitatis: I 171 sq. *non erat is populus, quem par tranquilla iuuaret, | quem sua libertas immotis pasceret armis*; VI 389 sq. (*effudit . . .*) *teque sub Octaueo torquentem uertice uolsus, | Rhoeae feror, quas uix boreas inuenteret, ornos*; VIII 705 sq. *Pompeiusque fuit, qui nunquam mixta uideret | lacta malis*; X 111 sq. locus incertus est; uulgo cum F contra ceterorum codicum *ex(s)truit* (*exstruat* V Z G) edunt: *ipse locus templi, quod uix corruptior aetas | exstruat, instar erat*. Apparet hunc coniunctiuum saepius coni. potentiali contiguum esse. VII 259 sq. *haec, fato quae teste probet, quis iustius arma sumpserit, haec acies uictum factura nocentem est*. V 815 *instabat, miscrae Magnum quae redderet hora*. VII 91 sq. *testor, Roma, tamen Magnum, quo cuncta perirent, | accepisse diem*. H. l. coniunctiuum deberi orationi obliquae non crediderim. Eodem de genere esse uidentur hi loci: VII 131 sqq. *aduenisse diem, qui fatum rebus in acuum | conderet humanis . . . | . . . palam est*; VII 238 sq. *oblatusque uidet uotis sibi mille petatum | tempus, in extremos quo mitteret omnia casus*. H. l. obliquus quoque coniunctiuus esse potest. Item VI 6 sq. *funestam mundo uotis petit omnibus horam, | in casus quae cuncta ferat*. Nonne eodem huc pertinet III 14 sq. *uidi ipsa tenentis | Eumenidas, quaterent quas uestris lampadas armis . . .?* H. l.



afferendi uidentur esse loci illi, qui coni. pro futuro, qui uocatur, ostendunt; ex. gr. VI 806 sq. *ueniet, quae misceat omnis | hora duces*; VII 395 sq. (*poterunt monstrare . . .*) *rus uacuum, quod non habitet . . . senator*; VIII 869 sq. *ueniet felicior actas, | qua sit nulla fides saxum monstrantibus illud*. — Huc pertinere uidetur V 329 sqq. *nobis uictoria turbam | non dabit, . . . quae . . . auferat et . . . comitetur . . . ?* —

Alia exempla coniunctiui qualitatiui sunt: VI 36 sq. *extrahitur, quod non aries impellere saeuus, | quod non ulla queat uolenti machina belli*; VI 554 sq. *si sanguine uino | est opus, erumpat iugulo qui primus aperto*; VII 355 sq. *quae uincere possent, | omnia contulimus*; VII 792 sqq. *epulisque paratur | ille locus, . . . ex quo . . . | agnoscat*. Coni. esse uidetur VIII 97 sq. *nunc accipe poenas, | sed quas sponte luam*; VIII 114 sq. *fac, Magne, locum, quem cuncta reuisant | secula, quem ueniens hospes Romanus adoret*; VIII 144 sqq. *da similes Lesbo populos, qui . . . non . . . uentent*; VIII 657 sq. *Pompeio praestare potest, quod Caesaris armis | imputet*.

In relatiua sententia, quae qualitatem exprimat, si cum adiectiuo (imprimis) connectatur, coniunctiuum requiri constat. (Cfr Samuelsson pp. 63 sq.). Exempla Lucanea sunt paucissima: VI 147 *pronus ad omne nefas et qui nesciret . . .* Incertiora sunt VI 649 sq. *maestum mundi confine latentis | ac nostri, quo non metuant admittere manes*; VIII 820 sqq. *haud procul est ima Pompei nomen arena | depressum tumulo, quod non legat aduena rectus, quod nisi monstratum Romanus transeat hospes*. In duobus his exemplis de coni. potentiali cogitare possumus uide licet. Sed haud scio an uerum exemplum sit

IV 814

*haud alium tanta ciuem tulit indole Roma,  
aut cui plus leges deberent recta sequenti.*

Equidem Samuelssonio astipulor (p. 65 s.) inter coniunctiuos in relatiuis sententiis proprie positos afferenti hunc locum. Primum enim negandum uidetur ita a Lucano poni *sequenti* = si secutus esset (neque enim conferri potest IV 151 sq. *rapuitque ruens in proelia miles, | quod fugiens\* timuisset, iter*); deinde rerum spectemus nexum: in hoc elogio exaggerationis pleno

\* Nam ibi actiones coincidentes sunt, hic uero (IV 815) non item.



dicere uoluit nimirum poeta Curionis eloquentiam ceterasque ingenii uires multum primo profuisse legibus et rei publicae (cfr I 270 sq. — de Curione agitur — *uox quondam populi libertatemque tueri | ausus et armatos plebi miscere potentes*), tum uero Curionem ingenio prae usum multum nocuisse (cfr uu. 816 sqq. *nocuerant secula, postquam . . . transuerso mentem dubiam torrente tulerunt: | momentumque fuit mutatus Curio rerum*). *Sequenti ergo* = »quamdiu secutus est». —

Indicitiuus quoque occurrit, idque ubi qualitatiuam uim in relatiua sen tentia inesse uix liceat negare. Velut IX 202 sq. *clarum et uenerabile nomen | gentibus, et multum nostro quod proderat urbi*.

IX 601

*ecce parens uerus patriae, dignissimus aris,  
Roma, tuis, per quem numquam iurare pudebit,  
et quem, si steteris unquam ceruice soluta,  
nunc olim factura deum es.*

IX 607

*inuentus mediis fons unus harenis  
largus aquae, sed quem serpentum turba tenebat  
uix capiente loco.*

IX 766

*parua modo serpens, sed qua non ulla cruentae  
tantum mortis habet.*

X 161

*excepere merum, sed non Mareotidos uuae,  
nobile sed paucis senium cui contulit annis  
indomitum Meroe cogens spumare Falernum.*

Sententia rel. haec per *sed* inducta post negationem posita aliam quodammodo habet uim quam sententiae supra allatae, sed tamen qualitatiua est. Indicitiuum item habet V 741 sq. *uenit maesta dies et quam nimiumque parumque | distulimus*.

In relatiuis sentiitiis, quae ad adiectiua, qualia sunt *unus, unicus, solus*, referuntur, coni. frequens esse solet. Exempla pauca Lucanea inueniuntur: Coni. potentialis quoque esse potest h. l., VIII 429 sq. *gens unica mundi est, | de qua Caesareis possim gaudere triumphis*.

IX 246 sq. *et toto solus in orbe est, | qui uelit ac possit uictis praestare salutem*; IX 616 sqq. *dubiumque uenenum | hausit*.

*et in tota Libyae fons unus harena | ille fuit, de quo primus sibi posceret undam.*

Indicativum habet ex. consimile, IX 636 sq. *hoc habet infelix cunctis impune Medusa | quod spectare licet.*

Sequuntur coniunctivi eiusmodi, quales sub nomine indefiniti usus afferri solent in grammaticis artibus. Sunt uero uarii admodum generis. III 131 *sunt, quos prosternas, populi, quae moenia dones*; III 335 *sit, quo ueniat inermis*; V 592 sq. *quaerit . . . , quod praestet fortuna mihi*; V 758 sq. *sitque mihi . . . | quo fugisse uelim*. Paulo aliter comparata sunt I 473 sqq. *est qui . . . afferat*; X 247 sq. *sunt qui . . . putent . . .* —

Ex usu relatiui pronominis, cui infinitum est correlatum, repetenda esse uidetur origo sententiae qualis est V 729 sqq. *quod nolles stare sub ictu | Fortunae . . . , | coniunx sola fuit.* —

Negatio uel interrogatio sententia primaria continetur IV 501 sq. *sed non maiora supersunt | obsessis, tanti quae pignora demus amoris.*

IV 542

*ecquis, ait, iuuenum est, cuius sit dextra cruore  
digna meo certaque fide per uulnera nostra  
testetur se uelle mori?*

V 139 sq. *seu Pacan . . . | ora, quibus soluat, nostro non inuenit acuo*; VI 133 sq. *qui uulnera ferrent, | iam derant*; IX 163 *nec, Nilus cui crescat, erit*; IX 745 sq. *defessos iret qui sudor in artus, | non fuit*; X 189 *nihil est, quod noscere malim*. — H. l. afferre licet locum unum, quo exspectandus erat coni.; Lucanus uero indicativum habet, .

VIII 851

*nam quis . . . . .  
ibit . . . . .  
. . . . .  
. . . quem non tumuli uenerabile sacrum  
auertet manesque tuos placare iubebit?*

Relatiuae sententiae causales: De coniunctiuo, qui uocatur, causali Hale acute egit l. l. pp. 108 sqq.; uim eius coniunctiui primigeniam esse consecutiuam docet et originem huius usus repetendam e locis, quibus sententia relatiua indicetur, quid ex actione primariae consequatur. sed rel. sent.

eadem sit documento uerum esse, quod sententia primaria enuntietur; ita primigeniam uim esse et consecutiuam et causalem.

Velut Plaut. Rud. 1113

*quid, istae mutae sūnt, quae pro se fābulari nōn queant?*

Exempla huic origini contigua apud Lucanum inueni duo, sed utroque loco indicatiuus positus est. Imprimis afferre liceat

V 654

*tantusne euertere, dixit,  
me superis labor est, parua quem puppe sedentem  
tam magno petiere mari?*

V 351

*sunt ista profecto  
curae castra deis, qui me committere tantis  
non nisi mutato uoluerunt milite bellis.*

Cetera Lucanea exempla eo de genere sunt, cui Hale nomen indidit »der versteckt kausal aduersative Satz«. Indicatium semper habet Lucanus; uelut VII 295 sq. *sed mea fata moror, qui uos in tela furentis | uocibus his teneo*; VIII 647 sqq. *haud ego culpa | libera bellorum, quae . . . . . recepi*; VI 724 sq. *a miser, extremum cui mortis munus inique | eripitur*; VII 442 sq. *felices Arabes . . . coaque tellus, | quam sub perpetuis tenuerunt fata tyrannis*; VII 444 sq. *ex populis, qui regna ferunt, sors ultima nostra est, quos seruire pudet*; IX 126 sq. *o felix, quem sors alias dispersit in oras | quique nefas audis*; IX 208 sq. *o felix, cui summa dies fuit obuia uicto | et cui quaerendos Pharium scelus obtulit enses!* Aliter comparatos esse apparet locos, quales sunt IV 319 sq.; IV 382; IV 393 sq. Hic enim prorsus deest uis causalis.

Inter exempla causalis usus item afferre licet VII 470 sqq. *di . . . sensum post fata tuae dent, Crastine, morti, | cuius torta manu commisit lancea bellum . . . tinxit.*

Relatiuae sententiae concessivae s. aduersatiuae (cfr Hale pp. 113--4; Samuelsson p. 67). E causalibus sententiis hunc usum ortum esse — id quod iam primo aspectu tibi facile persuaseris — docet Hale.

Indicatinum usurpat Lucanus; uelut I 109 sqq.; VI 326 sq.; VIII 341 sqq.; 433 sqq.; 528 sq.; 532; IX 1043 sqq.; IX 1047 sq.; X 449 sqq. alias.

VI 326

*uictor tibi, Roma, quietem  
eripiam, qui ne premerent te proelia fugi?!*

IX 1047

*huncine tu, Caesar, scelerato Marte petisti,  
qui tibi flendus erat?*

Uno fortasse loco coniunctiuum agnoscere licet, X 456 sqq.; quem locum sic edit Hosius,

X 456

*hic, cui Romani spatium non sufficit orbis  
paruaque regna putet (M U) Tyriis cum Gadibus Indos.*

.....  
*quaerit tuta domus*

Sed cum codicibus plerisque Weise-Haskins, Francken alii edunt *putat*.

Aliter quodammodo comparatus esse uidetur locus unus, qui tamen aduersatiuam uim habet,

VIII 389

*credis, Magne, uiros, quos in discrimina belli  
cum ferro misisse parum est?*

Restant pauci loci, qui utrum relatiuas sententias ostendant an interrogationes obliquas, haud facile discernas:

III 416

*tantum terroribus addit,  
quos timeant, non nosse deos.*

Ita Hosius interpungit, quasi sit sententia relatiua. Sed Haskins sic reddit: «not to know what gods they have to dread». Francken idem sentire uidetur, si quidem pro interpretatione interpunctionem habere licet. Equidem non possum his non consentire; mitto, quod ita perbonus euadit sensus, sed haud scio an cum Lucaneo uerbi, quod est *noscere*, sensu solito melius conueniat uertere hoc uerbum *nosse* = «ha reda pâ» quam «känna»; cfr VI 592 sq. ubi interrogationem constituo obliquam sic interpungens: *te precor, ut certum liceat mihi noscere, finem quem belli fortuna pareat*. Haskins h. l. bene: *certum* to be taken with *noscere* 'to learn for certain'. VI

615 sq. *sed si praenoscere casus | contentus, . . .* IX 846 sq. *nec quae mensura uiarum | quisue modus, norant caelo duce . . .* Idem *noscere* significare uidetur loco incertiore, VII 462 sq., plurimorum lectiones si respicimus. VIII 774 sq. editore uulgo edunt: *inueniat trunci cineres et norit harenas, | ad quas, Magne, tuum referat caput.* Relatiuam sententiam esse arbitrantur nimirum; sed nihil impedire uidetur, quominus *norit* sensu uulgato praeditum hic regere interrogationem obliquam credamus. — IX 191 *nosse modum iuris.*

Contra codicum auctoritatem mutat Francken IX 644 *Amphitryoniades uidit, quum uinceret, hydram* in *A. uidit, quam uinceret. Hydram.* Sed equidem codicum lectionem seruandam puto.

## B. Interrogationes obliquae.

Nusquam, quod sciam, pro certo affirmare possumus in interrogatione obliqua Lucanum adhibuisse indicatiuum; sed de tribus uel quattuor locis ambigi potest: I 126 sq. sic interpungunt Weise-Haskins et Hosius:

I 126

*quis\* iustius induit arma,*

*scire nefas*

Francken uero post *arma* interrogationis signum ponit. Sed haud scio an talis — non rhetorica — interrogatio recta, quam continuo sequitur responsum interrogantis, a Lucani scribendi colore prorsus abhorreat. — Namque alio de genere sunt interrogationes eae rectae, quae V 86 sqq. inueniuntur. —

IX 563 *quaerere, quid est uirtus, et posce exemplar honesti.* Haec breuis interrogatio inter duos imperatiuos posita obliqua haud dubie esse uidetur. Tertio loco sic uulgo edunt:

IX 558

*inquire in fata nefandi*

*Caesaris et patriae uenturos excute mores:*

*iure suo populis uti legumque licebit,*

*an bellum ciuile perit?*

\* Pro *uter* pronomine Lucanum de duobus semper fere habere *quis* moneri potest; cfr praeter I 126—III 258 sq.; III 589; V 602; VI 810 sq.; VII 259 sq.; 282; IX 19 sq. *Uter* semel tantum inueni, II 59 sq. *tantone nouorum | prouentu scelerunt, uter imperet orbi?* —

Haskins uero h. l. interrogationis signum omisit. Ac mihi quidem interrogationi rectae nec Catonis nec Labieni eum adhortantis hic locus esse uidetur. — Atque quod post *mores* dissolute ponitur obiectum alterum, quod enuntiato continetur, in ea re prorsus non offendet, qui eiusmodi epexegeleos genus Lucano esse in deliciis cognouerit; cfr VI 632 sq. *fata peremptorum pendent iam multa uirorum, | quem superis reuocasse uelit*; VIII 167 *rectoremque ratis de cunctis consulit astris, | unde notet terras, quae sit mensura secandi | aequoris in caelo, Syriam quo sidere seruet, | aut quotus in plaustro Libyam bene dirigat ignis*; VIII 276 sqq. *uos pendite regna | uiribus atque fide Libyam Parthosque Pharonque, | quoniam Romanis deceat succurrere rebus*; IX 508 sq. *quanto poena tu dignior ista es, | qui populo sitiente bibas!* — VIII 644 sq. Hosius codices MU secutus edit: *nescis, crudelis, ubi ipsa | uiscera sunt Magni*; alii uero editores cum ceteris codicibus praebent *sint*. Non ausim hanc litem diiudicare, nec tamen indicatuum prorsus improbare posse nobis uidetur.

De modorum in interrogationibus obliquis usu uide Schmalz<sup>3</sup> pp. 358 sq. Equidem crediderim sane ne Lucano quidem indicatui talem usum ignotum esse.

De consecutione temporum pauca afferre liceat. — Saepissime post praesens historicum primariae Lucanus praesens et perf. coni. usurpat in interrogatione obliqua; uelut I 490 sqq.; II 16 sq.; IV 200 sqq.; V 602; 645 sq.; VI 426 sqq.; 632 sq.; VII 190 sq.; 560 sqq.; 579 sqq.; 751; VIII 167 sqq. Sequitur forma uerbalis praeteriti temporis IV 467 sq.; VI 167 sqq.; VII 132 sq.; X 542 sq. — Post tempora »historica« sententiae primariae bis sequitur praes. coni., II 169 sqq.; IV 393 sq.

II 169

*neque ipsum memini . . . . .*

*perque omnis truncos cum qua ceruice recisum  
conueniat quaesisse caput.*

Conueniret (— ~ ~) formae in metro locus non est.

IV 393

*felix, qui potuit mundi nutante ruina,  
quo iaceat, iam scire, loco.*



Absolute Lucanus semel posuit tempora sententiae secundariae, VII 617 sqq. *pudet . . . singula fata sequentem quavere, . . . per cuius viscera . . . | exierit, quis . . . calcet, | . . . quis . . . | expulerit . . ., quis corruat ictus, | quis steterit . . . qui . . . transmittant c. q. s. —*

Semel uerbum interrogationis obliquae omittitur, IX 846 sq. *nec quae mensura viarum | quisue modus, norant caelo duce . . . —*

De particulis interrogationes obliquas inducentibus haec fere monere licet.

*Ut*\* particulam nusquam licet statuere certo nisi fortasse II 681 sq. *curis animum . . . angit, | ut reseret pelagus spargatque per aequora bellum.* Quamquam de finali quoque particula cogitare possumus.

*Nam* in interrogatione obliqua omnino non adhibuit Lucanus.

*Nec* particula in obliqua interrogatione unius membri apud Lucanum nusquam inuenitur; sed in interrogatione disiuncta *ne* — *ne* bis annotari. Certus locus est X 542 sq. *pendet, dubiusne timeret | optaretne mori.* Incertus est VII 172 *iam dubium, monstrisne deum nimione pauciori | crediderint.* Lectionem codicum *nimione* correxit Bersmann; quam emendationem ad unum omnes receperunt editores. —

Eas interrogationes, quas grammatici germani »Bestätigungsfragen« uocant, in Lucaneo opere ubique inducit *an* particula; uelut III 112 sqq.; VI 168 sq.; VIII 523; 626 sq.; IX 566 sqq. (plura exempla); X 66 sq.

In interrogatione disiunctiua *ne* — *ne* bis inueniri iam supra ostendimus. Sed uulgo aut *ne* excipitur particula, quae est *an* aut *ne* omisso in posteriore membro *an* solum ponitur.

*ne* — *an*: VII 809 sq. *tabesne cadauera soluat | an rogas, haud refert*; IX 46 sq.; 141 sqq. — *an*: I 412 sqq.; II 344 sq.; V 569 sq.; VI 652 sq.; VII 84 sq.; IX 401 sq.; X 3 sqq. *Utrum* — *an* nusquam inuenitur; cfr quae de usu *uter* pronominis attulimus.

\* *Ut* in exclamatione semel inuenitur, III 76 sqq. *ut uincula Rheno Oceanoque daret, celsos ut Gallia currus | . . . squeretur . . . ! —*

*Si semel ita positum est, ut in usum particulae interrogativae uersum esse dici posse uideatur,*

IV 531

*temptauere prius suspenso uincere bello  
foederibus, fieret captis si dulcior ipsa  
mortis uita mora.*

### C. Sententiae temporales.

De iis sententiis, quae particulis *quum*, *postquam*, *ubi*, *ut*, *simul* (*simulac* Lucanus non habet) inducuntur, egit G. Göransson (De usu particularum temporalium *cum*, *postquam*, *ubi*, *ut*, *simul*, *simulac* apud Vergilium, Lucanum, Valerium Flaccum, Silium Italicum; Holmiae 1897). Qui *quum* locos diligenter collectos prudenter admodum tractauerit, pauca tantum sunt, quae de his rebus afferam.

III 423

*medio quum Phoebus in axe est  
aut caelum nox atra tenet, pauet ipse sacerdos  
accessus dominumque timet deprendere luci.*

Hunc locum non p. 16, sed p. 18 allatum oportuit, nam praesens primariae, etsi de re iterata adhibeatur, non »logicum» esse apparet, sed »historicum», quale rei describendae causa usurpari ostendimus pp. 12 sq.

IV 598

*hoc quoque tam uastas cumulauit munere uires  
terra sui fetus, quod, quum tetigere parentem,  
iam defecta uigent renouato robore membra.*

Hic quoque praesens *uigent* non logicum est (quod G. p. 47 scripsit), sed historicum.

P. 76 sub »quum inuersum» afferre possumus, nisi fallor,  
IV 27

*patriaeque et ruptis legibus unum  
donauere diem; prono quum Caesar Olgmpe  
in noctem subita circumdedit agmina fossa*

Qui locus simillimus quod ad sensum est alteri, quem G. p. 72 attulit, VII 521 (= 508 sqq., Hos.) sqq. — P. 82 ima perperam constituit G. coniunctiuum obliquum, illo loco

## VII 758

*quum sibi Tarpeias uictor desponderit arces,  
quum spe Romanae promiserit omnia praedae,  
decipitur, quod castra rapit.*

Coniunctiuus ille causalis tantum est. — Sed nec causalem coniunctiuum neque omnino coniunctiuum exstare credo VII 613 sqq. *te sacro Marte subactum | Pompeioque graves poenas nobisque daturum, | quum moriar, sperare licet.* *Quum moriar* futurum significare credo: »da jag nu skall till att dö», »i det förestående dödsögonblicket». Atque Postgate (cum Z, g) uestigiis Weisei et Haskinsi insistens legit *morior*.

P. 108 ima sub *postquam* G. iniuria VIII 504 *postquam nulla manet rerum fiducia, quaerit | cum qua gente cadat*, contendit in utraque sententia historicum praesens exstare; logicum praes. est. G. nimirum hoc enuntiatum partem esse orationis Pothini non considerauit.

P. 151 sub simul II addenda sunt exempla duo, VI 611 sqq., quod eodem plane de genere est, quo exempla a G. allata; item IX 284 sqq., ubi actionem iteratam esse in comparatione esse apparet et *posuere* primariae esse perf., quale de re, quae fieri solet, usurpatur nonnumquam.

*Dum:*

1. *Dum* = »under det att», »medan», »i det att» (»emedan»):

Lucanus semper fere praes. ind. habet. Duo tantum loci regulam hanc migrasse uidentur, II 59 sq. *utrasque simul partesque ducesque, | dum nondum meruere, feri.* Sed apparet perf. h. l. idem significare quod praesens = »dum adhuc innoxii sunt». Item IV 286 sqq. *dum dolor est . . . et . . . praebet euor ossaque nondum | adduxere cutem . . .* —

Praesens historicum sententia temporalis habet:

Praes. hist. in primaria: I 605 sqq.; II 159; III 585 sqq.; 600 sq.; IV 249 (*odere*): V 7 sqq.; 186 sqq.; 246 sqq.; 499 sqq.; 735 sqq.; VII 733 sq. (sent. temporalis ind. habet in oratione obliqua latenti) *protinus hostili statuit succedere uallo, | dum fortuna calet, dum conficit omnia terror . . .*; X 535 sqq.

Perf. in primaria: I 327 sqq. (perf. »gnomicum» habet primaria); II 111 sqq.; 141 sq.; 693 sq.; 695 sq.; III 4 sqq.; 635 sq.; 647 sqq.; 703 sq.; IV 29 sq.; 202 sqq.; V 219 sq.; VI

88 sq.; 101 sq.; 627 sqq.; VII 415 sqq.; VIII 681 sqq.; IX 1095 sqq.; X 77 sqq.

Inf. perfecti in primaria: II 116 sqq.

Impf. habet primaria: IV 40 sqq.? Sed hic locus incertus: *-bat* V G m praebent; *-bit* M Z; *-uit* ceteri.

Plqpf. in primaria: IV 689 sqq.

Perf. coni. in primaria: VII 623.

Praesens logicum sententia temporalis habet: I 207; 280 sq.; 363 sqq.; II 40 sq.; 418 sqq.; 646 sqq.; IV 285 sqq.; 703 sq.; V 256 sqq.; VI 164 sq.; VII 41 sq.; VIII 502 sq.

Futurum sent. temp. habet: IV 215 sqq. *dum ferrum incertaque fata | quique fluat multo non derit uolnere sanguis, ibitis ad dominum damnataque signa feretis?* — Cfr I 363 sqq.

2. *Dum* = »sâ länge som»: Indiciatium sent. temporalis habet.

Praesens logicum in sent. temporali: VII 320 sqq.

Praes. historicum in sent. temp.: VI 344 sqq. (praesentia excipiuntur imperfecto).

Fut. in sent. temp.: I 89 sqq.; IX 88 sqq.

Perf. historicum in sent. temporali: I 273 sqq.; III 482 sqq.; IV 351.

Impf. in sent. temporali: II 338; VI 346 sq. (cfr supra). —

Saepe exempla, quae sub 1) et 2) cadunt, confinio tam arto dirimuntur, uix ut operae pretium sit discernere conanti, utrum exempla singula huc an illuc numeranda sint.

Coniunctium hoc sensu usurpatum uno loco constituit Haskins, III 677 sqq.;

III 677

*uiscera lacu*

*oppressere manu, ualidos dum praebeat ictus  
sanguis et hostilem quum torserit exeat hastam.*

Haskins: *dum praebeat*] 'so long as their life-blood gives them strength to deal sturdy blows'. *Et . . . exeat* significare puto idem quod *exiturus* = *för att förrinna efter kastandet af den fientliga lanssen*.

3. *Dum* = »till dess att»:

Ind. perf. semel: IV 281 sq. *passus languescere . . .*, | *substituit merso dum nox sua lumina Phoebos*.

Coniunctivum semper alias, quantum vidi, Lucanus usurpavit.

Coni. praes. in sent. temporali: IV 427 sq. (post praes. hist. primariae); 434 sq. (post perf. hist. primariae); 437 sqq.; V 303 sq. (in primaria praes. hist.); 409 sqq. (post perf. hist. primariae); 774 sq.; IX 593 (in primaria praes. hist.); X 528 sq.

Coni. impf. in sent. temporali: I 506 sq.; II 476 sq.; IV 742 sq.; VI 829 sq.; IX 1036.

*Donc*: Hanc particulam Lucanus eodem sensu quo *quandiu* non videtur usurpasse.

*Donc* = *still dess att*: Indicativus perfecti: III 589 sqq.; IV 713 sq.

Coniunctivus praesentis: De rebus iteratis VI 505 sq.; X 235 sqq.

Coni. impf.: II 435 sq.; IV 154. —

*Quoad*, quam particulam Valerium Flaccum non usurpasse ostendit Samuelsson, item Lucanus nullo loco adhibuit.

*Antequam* et *priusquam*:

*Antequam*: Indicativus praesentis: IV 803 (in apostropha). II 432 sqq. *non deservit ante | Hesperiam, quam quam Scyllais clauditur undis | extenditque* . . . —

Coniunctivus praesentis: II 301 sqq.; VIII 712 sq. (post perf. hist. primariae) Coni. perf.: X 217 sq.; ubi coni. nec finalis neque omnino obliquus esse videtur. Coni. impf.: II 577 sq., ubi nec finalem neque ullam obliquam vim agnoscere licet.

*Priusquam* semel tantum et quidem cum imperfecti coniunctivo, IX 1006. Ne hoc quidem loco aut finalis aut obliquus coni. esse videtur.

*Quotiens*: Semper indicativus invenitur. Praes. logicum I 256 sq.; III 549 sq. (comparatio inest); IX 404. — Praes. hist. III 469 sqq.; VI 560 sq. — Plusqpf.: III 696 sqq.

#### D. Sententiae causales.

*Quam* particulam Göransson tractavit opusculi sui pp. 84 sq.

*Quod causale. Indicatiuus:*

Praesens logicum in sententia causali: II 418 sqq. (*non ... nisi quod ...*); IV 229 sqq. (*uilior hōc ... quod ...*); IX 258 sqq.; 1031 sq.; X 325 sq.

Perf. historicum: II 45 sq. (*nati .. fuimus*); 231 sq.; 573 sq.; III 111 sq.; VI 406 sq.; VII 314 sq.; VIII 78 sqq.; 155 sqq.; 518 sq.; 578 sq. (*hoc magis ... quod*); IX 1026 sq.

Plqpf. et praes. hist. coniuncta inueniuntur IV 694 sqq. —

Coniunctiuus: I 338 sqq. *ultima Pompeio dabitur provincia Caesar*, | *quod non uictrices aquilas deponere iussus paruerim?*; II 659 sq. *Italiam, extremo sedeat quod littore Magnus*, | *communem tamen esse dolet*; VI 652 sq. *dubium est, quod traxerit illuc* | *aspiciat Stygias an quod descenderit umbras*; VIII 600

*quis non, Fortuna, putasset  
parcere te populis, quod bello haec dextra uacaret  
Thessalique procul tam noxia tela fugasses?*

Post uerba affectuum: I 361 sq. (*conquerimur*); II 439 sqq. (*coniunctiuo excipitur inf.; gaudet*); II 519 sqq. *poenarum extremum ciui. quod castra secutus* | *sit patriae . . .* | *ignosci*; II 550 sqq. *his te quoque iungere, Caesar*, | *inuideo nostrasque manus quod Roma furenti* | *opposuit*; III 49 sq. *queritur, quod tuta per aequor* | *terga ferant hostes*; III 744 sq. *ueniam . . concede . .*; . . *quod . . fugi*; IV 355 *hoc hostibus unum, quod uincas, ignosce tuis*; IV 425 sq. *taciti praebet miracula cursus, quod nec uela ferat nec apertas uerberet undas*; IV 716 sq. *lactus, quod gloria belli* | *sit rebus seruata suis, rapit . .*; V 512 *transsiluit questus, tacite quod fallere posset*; VI 303 sqq. *dolet heu semperque dolebit*, | *quod . . prodest . .*; VI 358 sq. *supremo tradidit igni* | *questa, quod hoc solum nato rapuisset*; VIII 536 sqq. *lactatur honore* | *rex puer insucto, quod iam sibi tanta iubere* | *permittant famuli*; VIII 748 sq. *quod . . uiolat . .* | *da ueniam*.

In primaria aut demonstratiuum inuenitur, quod explicatur sententia per *quod* inducta, aut aliter explicandi causa ponitur *quod*. Exx.: I 44 sq.; II 537 (*di melius*); item III 93 sq.; 96 sq.; IV 503 sq.; 596 sq.; V 111 sqq.; VII 760; 784 sqq.; VIII 420 sqq.; IX 1059 sqq. — Epexegesis per parataxin ad-



nectitur IX 191 sqq. — In primaria demonstratiuum inest: III 388 sqq.; IV 398 sq.; 598 sqq.; V 696 sq.; VII 180 sqq.; VIII 77 sq. (*ipsum quod* ...); 865 sq. —

Subiecti instar posita est sententia, quae *quod* particula instituitur:

II 568 sqq. (subst. et *quod* coniunguntur); III 392 sqq.; V 552 sqq. (*nec placet incertus . . . . delphin, | aut . . . quod . . . . quodque . . . . quodque*); 636 sq.; VII 428 sqq. (*effectum. ut . . . quod . . . quod* ...); VIII 118; 739 sqq.; IX 186 sqq. (*non . . . peruenit gratius . . . quod . . . . quam . . . uerba*). Incertus locus II 541 sq. —

Obiecti uicibus fungitur sent., quae *quod* particula inducitur:

III 321 sq. (*adde, quod* ...); item V 291 sq.; item V 776 sq.; item X 223 sq.; VI 25; VII 739 sq.; IX 853 sq. *inuat aetheriis ascribere causis, | quod peream* . . . —

*Nisi quod* = »sed«. »hoc solum constat« (cfr illud priscae latinitatis *nisi quia*; uelut Plaut. Pseud. 106 sq.; 567 sq.; Rud. 1025 *nescio: neque ego istas nostras léges urbanas scio: | nisi quia hunc meum esse dico* . . — Cfr Schmalz<sup>3</sup> p. 379). Semel, IX 619 sqq. *cur . . . exundet . . . | . . . . aut quid secreta nocenti | miscuerit natura solo, non cura laborque noster scire uolet, nisi quod uolgata per orbem | fabula pro uera decepit secula causa*.

*Quod* (sententiae primariae antecedens) = »hvad det be- träffar, att . . .« I 24 sqq. —

*Quia* causam ueram exprimens IX 470 sq. *inamque tellus stat, quia summa fugit*.

*Non quia* fictam inducens causam semel; coni., ut par est, adhibetur, III 732 sqq. *non quia te superi patrio priuare sepulcro | maluerint, Phariae busto damnantur harenae: | parci- tur Hesperiae* (ueram causam exprimit sent. prim.).

*Quoniam* semel, VIII 395 sq. *sed tua sors leuior, quoniam mors ultima poena est* . . .

*Quando*: Signum originis temporalis apud Lucanum nusquam agnoscere licet. Tria tantum exstant exempla: IV 811 sqq.; V 297 sq.; VIII 211 sqq. (*est* copula omittitur). —

## E. Sententiae condicionales.

**Indicativus:** Ind. praesentis in condicionali sententia:

Ind. praes. in primaria quoque invenitur: I 191 sq. *si iure acutis*, | . . *huc usque licet*; I 359 sqq. (apodosis non vera sequitur); 457 sq. (*si* = *si* quidem); 644 sq.; II 276 sq.; 281 sqq.; III 151 *damna mouent populos, si quos sua iura tuentur*; 312 sqq. *si* . . *paratis* | *proelia* . . , *lucrimas civilibus armis* | *secretumque damus*; III 328 sq. *finis adest rerum, si non committitis illis* | *arma, quibus fas est*; III 342 sqq.; 362 sq.; 693 sq.; IV 288 sqq. (in condicionali sententia praes. excipitur perfecto); 310 sqq. (in primaria praes. hist. et perf.); V 274 *quid satis est, si Roma parum est?*; V 348 sq.; VI 518 sqq.; 554 sq.; 556 sq.; VII 379 (uerbum primariae deest); 661 (uera primaria facile auditur); 663 sq.; VIII 340 sq. (h. l. *si* ad uim causalis particulae prope accedit); 439 sqq.; 442 sq.; 489 sq.; 749 sq. [*relictum* (est) = praes.]; 800 sqq. (*si* sententiam re uera causalem inducit); IX 922 sq.; 931 sqq.; X 85 sq. (uerbum primariae deest); 262 sqq. (apodosis non uera sequitur). Saepe uera apodosis deest, cuius loco sententia posita est primaria, unde audire licet apodosin, uel omnino sententiarum nexus laxior est. Sunt uero gradus permulti, uix ut omnia exempla distinguere possimus; exempla cum alia tum haec sunt: II 550 sq. (*si qua fides*, . .); item IX 83 (locus fortasse spurius); VII 376 sq. (sent. condicionali pro parenthesi est); VIII 458 sq. (item: *si numina nasci* | *credimus aut quemquam fas est coepisse deorum*.); IX 102 sq. *te . . . per Tartara* . . , | *si sunt ulla, sequar*; IX 983 (*si* . . *fas est*); X 63 (*si fas*).

Futurum in primaria: V 158 sqq. (*dabis* . . . *poenas nisi mergeris* . .); V 493 sq. (*si bene nota mihi est*, . . . *uolet* . . — Vera \* apodosis deest); V 533 sqq. (*si* . . *me uelis* . . , *non* . . . *debebis* . .); V 571 sq. (de uerbo primariae cfr p. 39); 778 sq.; VI 315 sq.; VII 87 sq.

Coni. uoluntatis in primaria: II 56 sqq.; VI 242 sqq.; 716 sqq.; VII 79 sq.; IX 249 sqq.; 386 sqq. (*si quibus* = *quibuscumque* . .).

Coni. rei sumptae in primaria: I 63 sqq.; V 557 sq.

\* Talis fere esset sent. condicionalis, quae in hanc primariam quadraret: *si aget ita, ut eam cognoui agere solere, . . .*

Imperatiuus in primaria: I 21 sqq. (in sent. condicionali uerbum *est* audio); II 514; III 310 sq.; V 17 sqq.; 321; 579 sq.; VI 706 sqq. (praes. et perf. in sent. condic.); VII 806 sq.; 822; VIII 122 sq. (de quo loco u. infra); 218 sqq.; 499 sq.; 761 sqq. (in sent. condic. *est* audio); 838 sqq.; IX 212 sq.

Infinitiuus in primaria: III 765 sq. (*esse* audio in primaria).

Perf. in primaria: V 748 sq.; VII 290 sqq. (perf. *uicistis* idem quod praesens ualet); IX 593 sqq.; 1076 sqq.

Impf. in primaria: VIII 160 sq. *nec quibus abscondit. nec si quibus exserit orbem, | totus erat* .. —

Perf. ind. in sent. condicionali:

Praes. ind. in primaria: I 33 sqq. (in sent. condicionali perf. — praes. — perf.); II 555 sq.; IV 308 sqq. (in prim. praes. hist.); 316 sqq. (*si quos* = relat. pron., in primaria praes. hist.); item 778 sq.; V 116 sqq.; VI 274 sqq.; VII 185 sqq. *quid mirum populos, quos lux extrema manebat, | lymphato trepidasse metu, praesaga malorum | si data mens homini est?*; VIII 29 sqq. (*nisi*: prim. praes. hist. habet); IX 78 sqq. (*si qua* = rel. pron.); 327 sqq. (*si quis* = rel. pron.; praes. hist. in primaria); 906 sqq. (*si quis* = rel. pron.).

Perf. ind. in primaria: V 287 sq. Primaria futurum praeteriti habet; *si* ad uim causalis uel concessivae particulae accedit: VIII 96 sq. *cur impia napsi, | si miseram factura fui?*

Futuri ind. primaria habet: V 656 sqq. (perf. et praes. in sent. condicionali).

Coni. uoluntatis in primaria: I 340 sqq. (*si* = etsi); VII 117 sqq. *prima uelim caput hoc fauesti lancea belli, | si sine momento rerum partisque ruina | casurum est, feriat*: VIII 222 sqq. (*si* causalem uim habet; sequitur anacoluthon, sed resumitur protasis u. 235, cui additur apodosis *excedat*); 428 sq.

Imperatiuus in primaria: VII 261 sq.; VIII sqq.; 837 sqq. (*si* = etsi). Haec tria exempla iis addenda sunt, quae l. l. p. 83 ima attulit Samuelsson.

Imperf. ind. in sent. condicionali: VI 430 (*si quid* = quidquid); VII 645 sq. (*si* = causalem uim habet: *post proclia natis | si dominum, fortuna, dabas, et bella dedisses*. Recte monet Postgate *esse dabas* = »datura eras»; *dedisses* = »dare debebas»); VIII 586 sqq. *poteras* ..., ... *si* ... *parabas*.

Futuri ind. in sent. condicionali:

Fut. et primaria habet: IX 96 sq.; II 32 sq. — Unum locum notare haud alienum erit, II 320 sqq. *nec si fortuna fauebit, | hunc quoque totius sibi ius promittere mundi | non bene compertum est* . . — Ubi *hunc promittere sibi* idem ualere apparet atque »hunc credere se adepturum esse». Etsi duplex oratio obliqua est, tamen — metri, credo, causa — condicionalis sent. indicatium habet.

Perf. ind. in primaria: IV 255 sqq. —

Coni. uoluntatis in primaria: VIII 110 sqq. (*si* in obsecratione; maior pars codicum pro coniunctiuo *dignere* — V Z G — praebent imperatiuum *dignare*); 311 sqq.; 772 sqq. —

Futurum exactum in sent. condicionali:

Fut. simplex primaria habet: I 56 sq.; IX 603 sq. (*si steteris* . . ., . . . *factura* . . *es*); X 361 sq.; 365 sq.

Futurum exactum primaria quoque habet: I 284 sq. *facili si proelia pauca | gesseris euentu, tibi Roma subegerit orbem*.

Praes. ind. in primaria: II 515 *et nihil hac uenia, si uiceris ipse, paciscor*. Ubi uera apodosis omissa a *paciscor* uerbo pendet.

Praes. coni. in primaria: IX 401 sq. (condicionali sententia resumuntur sententiae generatim relatiuae). —

Futurum praeteriti in sent. condicionali (VI 710 sq. . . . *si quisquis uestris caput extaque lancibus infans | imposuit, uicturus erat, parete precanti*. Atque hoc quidem exemplum supra sub imperfecto afferendum fuisse iure suo censuerit quispiam. —

2. **Coniunctiuus** in sent. condicionali est:

Coni. potentialis, qui uocatur, exstat:

Praes. coni. in sent. condicionali:

Vicibus primariae fungitur adi. (*capacem*), I 511 sq.

Coni. praes. in primaria: II 665 sqq.; III 139 sq. (coni. primariae *ut* particula consecutina inducitur); 258 sq. (interr. obl.); 334 sq. (coni. primariae *ut* finali inducitur); V 758 (coni. uoluntatis in primaria); VIII 843 sqq. (in primaria *sim* audio).

Coni. perf. in primaria: III 146 sq. *cuius seruaueris umbram, | si . . . uelis* (2 pers. = »man»).

Fut. in primaria: I 102 sq. (si uera est lectio codicum M G T U: *franget*); 376 sqq.; 496 sqq. (*si* = etiamsi); V 26 sq.;

VIII 767 sqq.; IX 412 sq. (2 pers. — «man»). Apparet usum futuri multo frequentiore esse in primariis quam coniunctivi «potentialis».

Praes. ind. in primaria: I 444 (praes. hist.); III 367 sq.; IV 408 sqq. (praes. hist.; *si sola* = si modo); VI 76 sq. (codices discrepant); 662 sqq. (in primaria *est* audio); VII 567 sqq.; IX 411 sq. (*est* in primaria audio).

Perf. (gnomicum) in primaria: II 456 sqq.

Infinitivus praesentis in primaria: III 347 sqq.; VII 106 *promptus metuenda pati, si comminus instent*...; VIII 322 sqq. *quid enim tibi lactius unquam | praestiterint superi, quam, si civilia Partho | milite bella geras, tantam consumere gentem*...? (Vera primaria omissa sententiae condicionali cum infinitivo laxus admodum nexus est).

Sententiae condicionali primaria deest VII 144 sq. *si liceat superis hominum conferre labores, | non aliter*... —

Perf. coni. in sent. condicionali:

Praes. coni. in primaria: V 756 sq. *si ... impulerint*..., *maneat*; VIII 803 sqq. In utroque exemplo coniunctivum voluntatis primaria habet:

Coniunctivus irrealis in sent. condicionali est:

Coni. imperfecti in sent. condicionali:

Primariae verbum deest: I 307 sqq. *quid \* si mihi signa iacerent | Marte sub adverso, ruerentque in terga feroces | Gallorum populi?*; II 416 sq.; IV 807 sqq.; VII 29.

Impf. coni. in primaria: I 655 sqq. (impf. et plqpf. in primaria); III 253 sqq.; IV 223 sqq.; VII 358 sqq.; 378 sq.; IX 466 sqq.; X 447 sq. —

Plqpf. coni. in primaria: I 651 sqq.; IX 1068 sqq. (in primaria: *potuissem*... *missem*). —

Impf. ind. in primaria: II 616 sqq. *nec tamen hoc ... aequor | portus erat, si non ... insula ... | exciperet ... refunderet* (de quo loco vide supra sub indicatiui temporum usu); VI 605 sqq. *si fata minora moueres, | primum erat ... quos ueltes ... in actus | inuitos praebere deos*; VIII 153 sqq. *uir, si ...*

\* Blase p. 135 recte monet *quid si*... pro sententiis voluntatiuis adhiberi saepe. Sed in exemplis afferendis non satis consideravit esse simplicem periodum hypotheticam et in rerum inter se nexu quaerendum, utrum voluntatiua uis subsit neene. Delenda igitur Ter. Her. 442; Petron. 125.

*peteret, . . . poterant* (impf. coni. de re praeteriti temporis); VIII 568 sqq. *quod nisi fatorum leges . . . traherent ad littora Magnum, | non alli comitum sceleris praesagia derant* (impf. in sent. condicionali notandum sane). Notandus locus unus, IX 685 sq. *ille quidem pensabat iter propiusque secabat | aera, si medias Europae scinderet urbes: . .* — Impf. ind. primariae esse credo eo de genere, quod »de conatu» uel »molientis» uocare licet. De qua re uide supra pp. 24 sq. In sententia condicionali nescio an metri causa pro plusquamperfecto positum sit imperfectum.

Perf. ind. in primaria: VI 322 sqq. *Hesperiam potui . . . tenere, | si uellem . . . committere . . | ac . . pugnare . .* (impf. coni. generatim de natura Pompei enuntiatur); VII 352 sq. *si socero dare regna meo mundumque pararent | praecepitare meam fatis potuere senectam.*

Coni. plusquamperfecti in sent. condicionali:

Coni. plqpf. in primaria: V 625 sq. *creuisset . . . ni . . pressisset . . .*; VI 633 sqq. *si . . . temptasset . . . cessissent . . . pugnasset . .*; VII 860 sqq. (plqpf. et impf. in primaria copulantur); IX 681 sqq.

Verbum primariae deest VI 257 sq.

Coni. impf. in primaria: III 315 sqq.; VI 301 sqq.; VII 334 sqq. (impf. primariae post praesentia historica). III 73 sqq. *pro, si remeasset . . . . . (. . potuit . . .!) . . . ut . . . daret . . . ut . . . . . sequeretur . .!* —

Ind. perf. in primaria: III 73 sqq. (*potuit* \*); VII 202 sqq. (*potuit*).

Ind. impf. in primaria: I 114 sqq. (*poteras*); IV 344 sq. (*non derat*). —

Semel tantum de iteratiuo coniunctiua cogitare licet, III 696

*pugna fuit unus in illa  
eximius Phocceus animam seruare sub undis  
scrutarique fretum, si quid mersisset harenis,  
et nimis adfixos unci conuellere morsus,  
adductum quotiens non senserat anchora funem.*

Coni. obliquus esse uidetur: III 109 sqq. *sedere patres censere parati, | si . . . petat* (praes. *petat* notandum); III 430 sq.

\* Cfr VI 299 sqq.



*si robora sacra ferirent, in sua credebant redituras membra secures*; VII 384 *placuitque mori, si uera timeret*; VII 572 (irreales coniunctiui in oratione obliqua); X 461 sqq. *quem ducit in omnia secum, | sumpturus poenas et grata piacula morti missurusque tuum, si non sint tela nec ignes, | in famulos, Ptolomace, caput*. Ut h. l. finalis sensus in futuri ptepio inest, ita datiuo finali, qui uocatur, exprimitur X 25 sq. *nam sibi libertas unquam si redderet orbem, | ludibrio seruatus erat . . .* — De hoc loco paullo difficiliore uide huius libri partem exegeticam.

Hic locus erit de iis sentienciis pauca afferendi, quae particulis *dum, modo* (= *dum-modo*) instituuntur.

*Dum* Lucanus habet hoc sensu: III 24 sqq.; IV 482 sqq. (sec. pers. = »man»); V 450 sqq. (praes. coni.; perf. habet primaria); 670; VI 284 (praes. coni. sent. condic.; praes. hist. primaria habet); 324 sqq.; VII 268; IX 213 sq.; 354 sqq. Huc fortasse pertinet VIII 422 sqq. Coniunctiuum semper Lucanus usurpauit.

*Modo*: I 201 sq.; X 94 sq. Coni. utrobique. —

Restat, ut de particularum formis, quae in sentienciis conditionalibus apud Lucanum inueniuntur, pauca disputemus.

Ac primum quidem monendum, quo consecutio grauius exprimeretur, saepius in sententia primaria Lucanum posuisse demonstratiua aduerbia, quae sunt *tum* et *tunc*; uelut III 347; 368; IV 289; VI 275; 519; IX 923; 933. —

*Si modo* VII 103 sq. *si modo uirtutis stimulis iraeque calore | signa petunt*. H. l. *si modo* e. q. s. sine primaria posita dubitantis esse uidentur. — *Si quidem*: IV 258. — *Si forte*: VIII 772 sq. — *Si uero*: VI 662. — *At si*: III 312. — *Quod si*: I 33; II 281; V 778; VII 290; VIII 311; IX 1068. — *Quod nisi*: VIII 568. — *Nisi* haud ita saepe sententiam condicionalem inducit; uelut III 254; VIII 29; 568 (*quod nisi*); X 420. — VII 139 sq. *nec gladiis habuere fidem, nisi cotibus asper | exarsit mureo*. Hoc exemplum, ubi *nec . . . nisi* idem ualet quod »et tum demum . . . quum», in confinio esse uidetur eius huius particulae usus, quo post negationem sine uerbo sequitur; ex. gr. I 36 *non nisi . . . post bella*; II 429 sq. *nullas nisi sanguine fuso | gaudet habere uias*; V 475 *te nisi*

*Niliaca propius non uidit harena: V 665 nec . . . quisquam nisi tu . . . VI 320 sq. numquam . . . nisi dimisso . . . milite: VI 373 numquam . . . nisi mixtus . . . VIII 31 quisquamne . . . audet nisi morte parata?; VIII 822 nisi monstratum . . . transeat . . . IX 578 sq. estque dei sedes nisi terra et pontus et aer | et caelum et uirtus?*

*Si non* (pro *nisi*) saepius usurpatur; uelut II 416; 617; VIII 626; IX 682; 1068 sq.; X 463. Sed h. l. *non* ad uerbum solum ita referendum est, ut sit *si non sint tela* = *si desint tela*. VII 868 *non* ad unum tantum uerbum refertur: *si non prima nefas belli, sed sola tulisses*. — Pro *nisi* particula Lucanus semel habet *ni*, V 626 *ni . . . pressisset*. X 88 Hosius et Francken astipulantur Heinsio, qui *ni* restituit contra *si* codicum. —

*Sine* — *sine*: *Sine* simplex Lucanus nusquam adhibuit; de qua re uide huius libri partem exegeticam ad VII 567 sqq. His uero locis hanc particulam constituit Francken: VI 558 (O C *si*; N *sin*; coniecerunt *sic* Gryphius — approbantibus Weiseo-Haskinso et Hosio —, sed Bentley, seu Francken); VII 579 (*si* codices); IX 327 (*si* codices); IX 401 (*si* codices; asyndeton summationum est; Schrader seu coniecit). — VII 675 Sulpitius pro codicum *sed* coniecit *sen*, approbante Postgateo. Sed nullo horum locorum rerum nexu *sen* particula requiri uidetur. — Pro *sine* Lucanus raro habet *aut si*; uel *si*. *Aut si*: III 315 sq.; VI 258; 430. *Si* in altero membro omittitur VIII 458 sq. Ad uerbum sententiae primariae referendum est *aut* VII 806. — *Vel si*: II 665 sqq. — *Si* — *si* (= *sine* — *sine*) VIII 122 sq. *accipe, si terris, si puppibus ista inuentus | aptior est . . .* —

Sententiae, quae *sine* — *sine* particulis instituuntur, saepius ad uim sententiae causalis prope accedere uidentur; ex. gr. I 234 sq.; V 131—140; 344 sq.; VII 18 sqq.; 195 sqq. Atque in sententiarum inter se nexu hanc causalem uim totam positam esse apparet. —

## F. Sententiae concessivae.

*Quum* particulae usum Göransson tractauit l. l. pp. 85 sqq. —

*Quamquam*:\* Indicatium Lucanus nusquam, quantum uidi, post hanc particulam habet.

Coniunctiuus inuenitur: II 350 sqq.; 472 sqq. — In hoc modorum usu Lucanus nimirum scriptoribus posterioris aevi adnumerandus est. — Cum ptepiis et adiectiuis coniungitur *quamquam*. — I 353 sqq. (adi. et ptep.); II 448 sqq.; IV 667 sqq.; V 538 sq.

*Quamuis*: Coniungitur cum ptepiis et adiectiuis: IV 181 sq.; 254 sq.; 759 sq. (adi.); V 811 sq. (abl. absol.); VI 661 (adi.); 807 sq. (adi.); VIII 8 sq. Ubicumque cum adiectiuis Lucanus *quamuis* coniungit, ibi aduerbii loco adhibet ad uim adiectiui intendendam.

*Quamuis* particulam coniunctiuus plerumque sequitur; uelut I 144 sqq.; 293 sqq.; II 658 sqq.; III 36 sq.; 359 sq.; 503 sqq.; IV 78 (fortasse spurius); 608 sq.; 634 sq.; V 665 sqq.; VI 55—60; 609 sq.; 651 sq.; VIII 263 sqq.; IX 21 sq.; 517 sqq.; 957 sqq.; X 304 sq. Notandum est primariae praes. hist. semper cum coniunctiuo praesentis uel perfecti coniungi. —

Indicatium ter inuenimus: III 181 sq.; 748 sqq.; IV 247 sqq. —

*Licet*: — nullo usus discrimine bis Lucanus (metri, credo, causa) adhibuit formam *licet*; de qua re uide supra p. 38. Cfr Ouid. Amor. II XI 53 *sint facta licet*. — Semper coniunctiuus et quidem praesentis uel perfecti inuenitur: I 384 sqq.; II 115 sqq.; 512; 559 sq.; IV 321 sqq.; 514 sq.; 821 sqq. (praeteriti temporis actio est); V 293; 659; VI 20 sq.; 449 sqq.; 715 sq.; VII 40 sq.; 855 sqq. (*licet*); VIII 629 sq. (*licet*); X 48 sqq.; 149 sqq. —

*Ut*: V 773 sqq. (praes. coni.); VII 755 sqq. (praes. coni.) —

## G. Sententiae comparatiuae.

*Ut*: In altero comparationis membro uerbum aliquod demonstratiuum respondet: *Sic*: I 327 sqq.; II 601 sqq.; III 362 sqq.; 482 sqq.; 549 sqq.; V 217 sq.; VI 293 sqq. (*sic*

\* *Quamquam* interdum primariam inducere constat; uelut II 550 sqq.; VIII 412 sqq.

in priore membro; in altero uerbum *horruit* e primariae *horret* audire licet); VIII 487 sq.; IX 808 sqq.

Aliud aduerbium apud Lucanum ad *ut* respondere non uidi.

Demonstratiuum adu. non exstat: I 115 sqq.; 419; II 714 sqq.; VII 125 sq.; IX 120; X 125 sq.; 215 sqq. Verbum omittitur X 400 *ut mos* . . . Omisso uerbo *ut* nihil nisi exemplum inducit V 107 sq. *saepe dedit sedem totas mutantibus urbes, | ut Tygris* . . . — Omittitur primariae pars, ad quam referatur *ut* II 664 sqq. — *Ut* si uerbum aliquod sentiendi uel declarandi inducat, laxiorem plerumque sententiarum inter se nexum esse apparet; uelut V 108 sq. *ut Salaminia cum meminit mare*: IX 348; 356 *ut fama*: 352 *ut probat ipse calor*: 513 *ut memorant*. —

*Ut* sine uerbo nonnumquam causalem uim induit; uelut VII 241 sqq.; 730; X 521 sq.

*Sicut*: I 205 sqq.; II 365; III 716 sq.; VII 654 sq. —

*Velut*(i): IV 708 (fortasse non nisi ad ptep. *productos* particula referenda est); V 335 sqq. (sententiarum nexus perspicuus fit, si consideramus interrogationem sententiae primariae antecedentis rhetoricam esse et idem ualere quod enuntiatum ualide negatiuum); VI 64 sqq. — VII 567 sqq. per *ueluti* particulam comparantur Caesar et Mauors Bellonaque.

*Velut*(i) = *uelutsi*; uide infra.

*Quam*: a) = *som̃s*: In primaria respondet *tam* (quam responsionem Senecae philosopho in deliciis esse monet Schmalz<sup>2</sup> pp. 381); II 442 sqq. (uerbum commune); IV 784 sq. *tam* . . . *placcret, | quam* . . . *placcret*: V 678 sq. (u. c.); VII 685 (u. c.); 708 (u. c.); VIII 637 sq. (praedicati uices sustinet ptep. duobus membris commune). —

b) = *äñs*: In primaria respondet *haud aliter* IX 284 sqq. (*sic* aduerbio comparatio infra resumitur). — *Non aliter* (*secus*) *quam si* uide infra. —

*Non alius* — *quam*: X 501 sq.

*Qualiter*: Respondet *sic* I 100 sqq. — Nulla exstat particula correlatiua I 151 sqq. —

Eas comparatiuas sententias, quae inducuntur *qualis* uel *quantus* (-um) pronominalibus, quibus in primaria respondent *talis*, *tantus* (-um), tractemus necesse non erit.

*Qualis* — *sic*: I 498 sqq.

Haec responsio est VI 73 sqq.: *tantum — quantum — quoque modo.*

*Quomodo*: Respondet *hōc* II 366 (uerbum en. secundarii e primaria post collocata auditur).

*Cen*: V 99 sqq. — *Cen — sic*: VII 691 sqq. — *Cen* = »quasi uide infra. —

*Quo*: VII 419 sq. *quo* (cod. Z) *latius orbem | possedit, citius . . . cucurrit.*

Nisi quidem praeferamus h. l. cum M<sub>1</sub> legere *quam* (OCmz *quae*, quod respuendum uidetur). De structura illa *quam magis — tam magis* uide Schmalz<sup>3</sup> p. 381. — Francken Heinsio astipulatus sic legit VII 284 sq. *dominosque grauantur. | quo nouere magis.* Sed perbonum sensum reddit lectio codicum: *quos nouere magis . . . —*

## H. Hypotheticae sententiae comparatiuae.

*Velut si*: *Velut et si* particulis suum utrique uerbum est; quare h. l. exemplum uix licet afferre V 336 sqq. *ueluti, si . . . minentur . . . non . . . descenderit . . . —* Primaria antecedit. —

*Velut* = »*uelut si*»: Praesentis coniunctiuus: IV 252 sq. (primaria habet perf. hist.); V 365 sqq. (in prim. praes. hist.); 555 sq.

Impf. coni.: I 495 sqq. (*sic* in primaria antecedit).

*Veluti* cum ptepio coniungitur V 443; VI 108 sq. Verbum omnino omittitur VI 253 sq.; VII 212 sq.; VII 866; X 332 sq.

*Ut* = »*ut si*»: Cum ptepio coniungitur IV 722 *ut si commissi simulator . . . belli.* Cum adiectiuo II 190 sq.

*Quasi* semel tantum adhibuit Lucanus idque cum ablatiuo absoluto, VIII 158 *stantis adhuc fati uixit quasi coninge uicto.*

*Tamquam* cum uerbo semel tantum, IV 661 sqq. *Curio lactatus, tamquam fortuna locorum | bella regat seruetque ducem sibi fata priorum, | . . . ponens . . . indulisit . . . — Tamquam* h. l. adhiberi apparet eodem sensu, quo apud Celsum, Quintilianum, Plinium minorem, Tacitum hanc particulam usurpari docet Schmalz<sup>3</sup> p. 384. Nec non *uelut* particulam huius usus participem esse ostendit. Atque equidem non possum quin talem sensum inesse credam uno loco Lucaneo, ubi inuenitur

*uelut*, V 364 sqq. *tremuit* . . . *timet*, *uelut ensibus ipsis* | *imperet* . . . — Certe hoc exemplum ad originem eius usus illustrandam non prorsus inutile esse uidetur. Conferas uelim Wölfflins Arch. XI III.

*Tamquam* sine uerbo semel, VII 325. — (*Non*)*tam* — *quam si* II 444 sq. huc non pertinet.

*Non aliter* — *quam si*: VI 501 sqq. (impf. coni.).

*Non secus* — *quam si*: I 303 sqq. (perf. coni.).

*Quam si* post comparatiuum quemuis paucis locis (ex. gr. IX 215 sqq.) inuenitur, quos afferre non necesse erit.

*Ceu*: Verbum omissum est: VII 38 sq.; 713 sqq.; VIII 415 sq.; X 458 sq. —

## I. Sententiae consecutiuae et finales.

*Ut* consecutiuum: *Sic* — *ut*: III 322 sq.; V 340 sqq.; VIII 267 sq. — *Adco* — *ut*: III 138 sqq. — *Tam* — *ut*: X 129 sqq. — *Talis* — *ut*: VI 765 sqq. — *Tantus(-m)* — *ut*: VII 847 sqq.; X 347 sq.; 403 sqq. — *Iste* — *ut*: III 324 sq. — Correlatiuum uerbum deest; ex. gr. VI 660 sq.; VII 849 sq. (*sufficit* . . . *ut donet*): IX 1089 sqq.; VIII 677 sq. *Pompei diro sacrum caput ense recidis* | *ut non ipse feras?* H. l. *quin* expectandum fuit.

*Ut* finale: I 369 sqq.; II 192 sq.; 486 sq.; 526 sqq.; 552 sqq.; 619 sqq.; III 333 sqq.; 383 sqq.; 395 sqq.; 687; IV 390 sq.; 519 sq.; V 206 sqq.; VI 46 sq.; 288 sq.; 619 sqq.; 822 sq.; VII 326 sq.; VIII 194; 390 sqq.; 679 sqq.; 771 sq.; IX 576 sq.; X 468 sqq. — *Ut* parenthesin inducit X 368 *ut fatear*. —

*Tanti* (quod Postgate in nota VII 669 addita inuersum uocat) praecedit II 62 sq. *nix tanti fuerat ciuilia bella mouere*, *ut neuter* (imperaret); III 51 sq. *nec uincere tanti*, | *ut bellum differret*, *erat*. — De consecutione temporum pauca sunt monenda: praes. post perf. hist. primariae VII 656 sqq. *ut* . . . *uiuat* . . . , *sustinuit* . . . ; IX 375 sqq. *spes imber erat* . . . , *ut* . . . *temperet* . . .

*Ut* particula sententiae instituuntur obiectiuae: Post uerba precandi et hortandi: *precor*: VI 592; VII 264 sq.; *rogo*: IV 734 sqq.; (*ex*)*oro*: IV 218 sq.; *peto*: VIII 729 sqq.;



*notum*: III 497; IX 1098 sqq.; *exigo*: VIII 348 sq.; *iubeo*: IX 895 sq.

Interdum in horum nerborum structura exstat signum parataxeos, i. e. coniunctiui hortatiui; uelut *precor* II 699 sqq.; VII 68 sq.; *rogo*: VII 69 sqq.; *oro*: IX 546 sqq.; *admonco*: II 637 sqq. (Sed h. l. nescio an ab apposito uerbo *admonco* liber sit coniunctiuus); *hortatus* (subst.): VI 318 sq. — De qua re uide Schmalz<sup>3</sup> p. 355. Saepe tamen nexus laxior est; uelut (praeter II 637 sqq.) III 330 sqq.; IV 356 sqq.; VIII 112 sqq.

*Ut* post *ago*: IV 221 sq.; *compello*: VII 799 sqq.; VIII 717 sqq. (Inf. III 143 sq.); *rapio*: VI 29 sqq.; *facio*: IX 1103 sq.; *efficio*: VII 99 sq. *notumque effecimus hosti, | ut mallet sterni gladiis* (structura abundat); *praesto*: IV 213 sqq.; IX 405 sq.; X 387 sqq. (Inf. II 228 sqq.; V 228 sq.); *merco*: IV 512 sqq.; *seruo*: VIII 187 sqq.

His exemplis saepe contigua sunt ea, ubi *ut* explicatiuum quodammodo esse uidetur; uelut II 4 sqq. *cur hanc tibi . . . nisum mortalibus addere curam, | noscant uenturas ut dira per omnia clades?*; II 295 sqq. *procul hanc arcete furorem, | . . . ut\* . . . | securo me Roma cadat*; X 341 sq. *procul hoc auertite, fata, | crimen,\* ut haec Bruto ceruix absente secetur*; VIII 349 sqq. *patimurne pudoris | hoc uolnus, clades ut\* Parthia uindictae ante | Hesperias, quam Roma suas?* —

*Ut* sententiam subiecti uicibus fungentem inducit: X 285 *contingit . . . ut*: (Inf. V 529 sqq.); X 525 sq. *procul absit, ut\* ista | uindictae sit summa tuae*. Haud ignoro de multis horum exemplorum ambigi posse, utrum ad consecutiuum an ad finalem huius particulae usum referenda sint.

Quo magis intelligas, quam arte inter se coniuncti sint hi usus, afferendus erit locus unus, quo *ne* consecutiuam sententiam inducere uidetur,

VII 406

*cladis eo dedimus, ne tanto in corpore bellum  
iam possit ciuile geri.*

De hoc loco uide Postgatei notam. Cfr Schmalz<sup>3</sup> p. 404. Hic usus aevi corruptae linguae esse dicitur proprius.

\* Hoc *ut* a principio nihil aliud esse uidetur quam particula *ea ut*, quae in interrogationibus indignationem exprimentibus nonnumquam inuenitur apud priscos comicos.

*Quo* (ante comparativum) = *ut* eos: IV 332 sqq. *quo* . . . *magis* . . . *solvant* . . . *sedere*: IV 509 sq.; VIII 98 sqq.; 414 sq. —

*Quo* particula inducit sententia obiectiva IV 305 sq. *quoque minus possent siccos tolerare vapore, | quaesitae fecistis aquae*. Sed h. l. nescio an particula illa *quominus*, quae uerbis impediendi adnecti solet, agnoscere liceat. —

*Ne* finale: I 324 sq.; 393 sqq.; 522 sqq. (praes. post perf. hist. primariae); II 322 (*ideo* in primaria); 651 sq.; 698; III 296 sq. (*ne non*): 436 sq.; IV 141 sq.; 510 sqq.; 579 (praes. post perf. ind. primariae); V 387 sq.; 398 sq.; 418 sqq.; VI 130 sq.; 326 sq.; 328 sq.; VII 5 sq.; 83; 557 sqq.; 731 sqq.; 797 sq.; VIII 422 sqq.; 603 sq. (*ne non*): 616 sq.; 764 sqq.; 789 sq.; 791 sq.; IX 30 sqq.; 51 sqq.; 99 sq.; 713 sq. (praes. post perf. hist. primariae); 1057 sq. (*neubi* . . . in primaria *hoc animo = deo consilio*); 1080 sq. (*ne non*; sed *non* ad unum uerbum referendum est). — Spurii loci esse videntur VIII 124 et X 8. —

*Ne* inducit sententias obiectivas: (*deprecor*: VII 380 sqq.; *oro*: VII 318 sq.; *peto*: IV 362; *praecipio*: II 688 sqq. (praes. perf. ind. primariae); *cauteo*: VIII 824 sqq. — *Laboro*: III 62 sq.; *facio*: IX 1083 sq.; *efficio*: VII 101 sq. (*ut non* VII 427 spq.). — *Ne* explicativam sententiam inducit: VI 597 sq. *hoc casibus eripe iuris, | ne subiti caecique ruant*: VIII 125 sqq. *hoc solum crimen . . . detrahe . . ., | ne . . . uideare . . .*

*Ne* post uerba timendi: *metuo*: VII 95 sq. (*ne non*): 521 sq.; VIII 592 sqq. (praesens post perf. hist. primariae); X 425 sqq.; *pauco*: V 368 sq.; *timeo*: I 121 sqq.; VI 579 sqq.; VII 671 sq. (*ne non*): IX 900 sq.; *vereor*: VII 733 sqq. —

*Ne* post uerba impediendi: *Teneo*: (in primaria negatio inest).

IX 747

*non decus imperii, non maestis iura Catonis  
ardentem tenere uirum, ne spargere signa  
auderet*

*Quominus* semel (uel bis; cfr IV 305 sq.): Post *prohibeo* uerbum in primaria negatum III 656 sq. *ne prohibere ualent obtritilis ossibus artus, | quominus acra sonent*.

*Quin* in sententiis subiectis apud Lucanum nusquam inuenitur.

In sentiētiis negatis adiungendis Lucanus plerumque particulam, quae est *ne*, omisisse videtur; semel fortasse adhibuit *ne* — *neu* — *neu*, II 688 sqq., sed discrepant codices (*ne* — *ne* — *ne*). *Neu* bis inuenitur certum, VIII 498 sq.; X 232 sq.; sed utroque loco copulantur primariae duae, quarum posteriori finalis sententia subiecta est.

### III. Symbolae exegeticae.

Textum Lucanei operis tractaturo locos nonnullos interpretandi ac constituendi causa fatendum mihi est a doctis uiris laudabilem sane operam nauatam esse. Cuicumque cordi erit cognoscere, quantum his quinquaginta annis inde ab G. Steinharto praestiterint codicibus in lucem prolatis et in stirpes suas digestis, optimo quoque codicum dissertationibus libellisque propriis tractato, textu omnis Lucanei operis aut singulorum librorum edito, commentariis textui additis uel interpretatoriis uel criticis, Lucani fontibus et fide quaesitis, philosophia, ratione carminis componendi, colore poetico, arte metrica illustratis, is inspiciat ea, quae in praefatione editionis utriusque (1892, 1905) collegit C. Hosius, C. M. Francken in praefatione eius editionis, cuius priorem partem prodire iussit 1896, alteram 1897. His uiginti annis totum Lucaneum carmen edidit a. 1887 C. E. Haskins, Anglus, qui tamen editione Weiseiana (a. 1835) totus nisus commentario quam textu emisso de Lucano melius est meritus. Steinharti imprimis copiis usus Lucaneum opus edidit C. Hosius Monasteriensis 1892, iterum 1905. C. M. Francken Batavus annis 1896 et 1897 editionem prodire iussit eamque cum commentario critico coniunctam. Atque Hosius quidem, cui magis arridet tradita seruari quam emendare, in praefatione editionis alterius (p. LVII) de ratione operis Lucanei edendi sic profitetur: » . . . neque in scriptore, quo paucos inuenias melioribus membranis traditos, a studio uerba codicum tutandi, quoad fieri potest, animus hodie abhorret. » In altera editione Hosius veteribus codicibus diligentius inspectis et collatis nouis membranis inuentis iudicium antea de codicum inter se affinitate latum mutauit et nouo stemmate affinitatem illustrauit, sed paucos tantum locos aliter constituit. Franckeno uero non satis fuit diplomaticam effi-

cere editionem, sed conatus est locis difficilibus uel corruptis, quos permultos esse iudicarat, adhibere medelam et a Grotio. Hensio, Bentleio aliis et de suo ingenio sumptam. Sed in emendandi studio nescio an suo ingenio nimio plus indulserit nonnusquam temere suspicando damnando mutando. Quare fit, ut cum illo uiro doctissimo et de Lucano optime merito mihi saepius res sit agenda. Inter libros eos, quibus singulae lectiones Lucaneae uel explicandae et uindicandae uel emendandae continentur, afferre libet dissertationem, quae inscribitur Quaestiones Lucaneae, quam anno 1905 Gottingia emisit Robert Samse. Qui a Friderico Leone Gottingensi egregie se adiutum esse profitetur.

Nunc ad singula transeo uersuum ordinem obseruans:

Nisi quid aliud disertis uerbis indicatur, locos ita affero, ut editione Teubneriana (Hosii 1905) exhibentur.

I 21

*tunc, si* . . . Ita Hosius et Francken; *tum, si* . . . Weise-Haskins.

Pro hac lectione, quae est *tum*, faciunt V U P Z m codices; quod quum ita sit, nescio an Hosius et Fr. temere *tunc* receperint. Francken quidem, cur *tum* reiecerit, ostendit affirmando *tum* et *tunc* perpetuo in codicibus confusa esse, sed Lucanum ubique *tunc* usurpasse.

Atqui primum fuisse non uidetur, cur Lucanus potius quam ceteri scriptores aequales (ex Hispania\* oriundos non excipio) uerbum illud, quod est *tum* euitaret. Ceterum, id quod haud parui est momenti, libros manu scriptos Lucanei operis inspicimus, quem ad modum se habeant.

\* Inspexi Senecae, auunculi eius, fabulam unam, Herculem furem, ubi uersibus 365, 778, 807, 826 (ed. Leonis) *tum* inueni, quam formam Seneca ante uerba a consonantibus incipientia uulgo ponere uidetur in fabulis. Ante uocales autem *tunc* usurpat: cfr Herc. fur. uu. 798 (*tunc ipse* . . .) et 818 (*tunc et* . . .). At imprimis codex A saepe ante consonantes quoque ponit *tunc*. Constare tamen uidetur Senecam in fabulis scribendis ab usu *tum* uerbi non abhorruisse. Ne quis tamen hoc diceret fabularum sermonis esse proprium, perscrutatus sum libros nonnullos, quos pedestri sermone scripsit Seneca, si quando *tum* exhiberi inuenirem. Sic rem se habere repperi: *tunc* et ante uocales et ante consonantes exhibetur longe saepissime, sed interdum *tum* quoque exstat; cfr Epist. moral. XVII 1 1 . . . . . *tum* aeterna meditato respicere cogit ad mortem. l. l. XVII 1 4 . . . . . *tum* deinde lassam et plenam senectutem in otium referam.

*Tum* uerbum saepius codicibus uel omnibus uel plerisque — in quibus optimis — se tueri testibus inueniemus. His locis ceterum et Hosius et Francken (!) consensum omnium adhibitorum codicum secuti exhibent *tum*:

III 622 . . . . *tum* uolnere multo . . . . IV 528 nox *tum* Thessalicas urgebat parua sagittas. Hic OC praebent *cum*; U *tum*; quae nisi esset genuina lectio, non propter antecedentem (u. 527) particulam. quae est *cum*, praeue irrepsisset hoc quoque uersu *cum*, quod uerbum res ipsa respuit. — V 539 . . . *tum* pauper Amyclas: . . . Aliis uero locis Francken codicum spernit consensum, quasi plane nulla sit auctoritas; uelut I 221 . . . *tum* cetera rumpit . . . Ita Hosius cum O. II 20 *tum* questus tenere suos . . . Item V 549 . . . *tum* lurida pallens ora tulit . . .; VI 135 *tum* piceos . . .; IX 224 *tum* respicit omnis . . . Aliis uero locis tot optimorum codicum testimoniis nititur lectio *tum*, ut hanc formam recipi aequissimum sit, uelut I 356 . . . summi *tum* munera pili . . . O, nisi quod G solus *tunc* exhibet. I 522 . . . *tum* ne qua futuri . . . Ita Hosius omnium codicum fide fultus exceptis VP. I 561 *tum* pecudum . . .; ita omnes codices praeter C. I 565 . . . *tum* quos . . . Ita Hosius cum codicibus omnibus excepto G solo. III 143 . . . *tum* Cotta . . .; ita omnes codices praeter Cz. V 479 *tum* *ciuili meditatatus* *Leucada bello*; V *tunc*. VIII 456 *tum* Cilicum liquere solum; *tunc* V, *tu* (< *tū*?) Z. VIII 612 . . . *tum* stringere ferrum . . .; ita codices, nisi quod *tunc* exhibent GQ, *cum* zgv. Multis porro locis quasi aequo Marte pugnant formae duae; quum passim *tum* his locis bene defendi posse uidetur forma, quae est *tum*: I 210, 552, 599; III 437; IV 85; V 222, 531; VI 275 aliis locis. Quare *tum* formam e Lucani carmine temere eradicare conatum esse Franckenum mihi quidem apparet.

Totum aliud est, nec tamen per se negligendum, *tum* uerbo in promptu fuisse finibus suis concedere<sup>1</sup> *tunc* formae, quae ut in uersu et ante uocales<sup>2</sup> et ante consonantes commode

<sup>1</sup> Umbriae quoque linguae duo sibi ita cognata aduerbia fuisse constat. dico *en(n)o(m)*, *enu*: *enunck*, *enuk*, *inunck*, *inuk*.

<sup>2</sup> Poetis dactylicis syllabam *-um* uerbi *tum* elidere non nimis placuisse par est. Nec tamen elisionis exempla plane desunt; cfr E. Norden p. 446 eius libri, qui inscribitur P. Vergilius Maro Aeneis Buch VI erklärt von Eduard Norden, Leipzig (Teubner) 1903. Elisionis genus consimile exstat apud Lucanum II 27, 158 (*needum*): II 217; III 752 (*iam*).



poni posset, ita per analogiam fulciretur forma\* *nunc*. At rursus *tum* forma fulciebatur particula, quae est *quum*, cui saepe respondebat. Quod quum hae particulae coniunctae posteris temporibus in dies magis obsoleuissent, *tum* forma paulatim altera extrusa est. Quem exitum habuisse in sermone uulgari certamen apparebit, si quis inspexerit linguas e Latina oriundas, ubi nulla uerbi *tum* exstant uestigia, sed formae *tunc* particulae cognatae eodem fere sensu occurrunt; cfr *donec* francogallicum.

## I 30

*non tu, Pyrrhe ferox, nec tantis cladibus auctor  
Poenus erit;*

Haec lectio tradita; Bersmann quidem V codicem secutus recepit *erat*. De datiuo cum uerbo *auctor* coniuncto Haskins: 'I am unable to find any other instance of the use of *auctor* with the simple dative instead of genitive.' Ad hoc Damsté (Mnemos. XVIII pp. 342 sqq): 'Quare mecum lege *auctus* seruata aliorum codicum mss. lectione *erat*, ita ut clades populi Romani, quibus Hannibal auctus est, minores fuisse dicantur calamitatibus, quas civilia bella Italiae tulerunt. Cfr Horatii Sat. I vi 11 *Et uixisse probos amplis et honoribus auctos*. — Huic Damstei explicationi obstant duo, prius quod hic de cladium comparatione non agitur, sed quaeritur, quaenam sit praesentis Italiae solitudinis et ruinae causa; cfr Obermeier l. l. p. 77. *Tantis = his tantis*; cfr Luc. IV 793 sqq.; V 480 sqq.; VII 553; imprimis uero VII 406 sqq. *cladis eo dedimus, ne tanto in corpore bellum iam possit civile geri. Pharsalia tanti causa mali*. Alterum est, quod *auctus* uerbum eo sensu, quo accepit D., latine adhiberi prorsus non uidetur. Accidit quidem, ut *augeri* cum substantiuo incommodi aliquid signi-

\* *Nunc = num + ce*; *num* (*vix: vix*) seruatum est in particula, quae est *etiamnum* (= *etiam-nunc*), quam diu retinuit sermo poeticus; cfr Ouid. Metam. XV 815 et referam, ne sis *etiamnum* ignara futuri . . . : hanc formam apud Lucanum quoque haud seio an agnoscere liceat V 248, 772; VII 657; IX 717, 874, ubi Hosius ubique cum librariis paucis recepit formam rariorem. *Num* simplex quominus hoc sensu seruaretur, obstitisse uidetur et huius formae cum interrogatiua particula similitudo, et quod *nunc* forma elisione semper libera nec quod ad sensum unquam obscurata aptior uidebatur. Et expulit prorsus *nunc* forma alteram formam demonstratiuae particulae, quae est *-ce*, immunitatem iam ante ea tempora, quorum sermonis usus litteris seruatus est.

ficanti coniungatur, — cfr Plaut. Stich. 55 *scio atque in cogitândo maerore augeor*. Ter. Heaut. 628 *sústulisti :: Sy. sic est factum: dômina ego, érus damno auctus est*. — sed, ut illud omittam quod tum *augeri* irrisionem quodammodo sapit, notandum est *augeri* numquam dici nisi de eo, cui accidat aliquid uel gloriosi et boni uel incommodi. Iam uero pergamus ad lectionem traditam tractandam, si nulla coniectura opus sit. Ac primum quidem constituendum *erit* idem ualere quod *fuisse* (*esse*) *inuenitur*. Huiusmodi structuras docti uiri signant nomine futuri probabilitatis; cfr Obermeier l. l. p. 77. Iam Weise interpretatus est: »sc. *olim quaerentis*. De toto hoc futuri genere cfr huius libri partem syntacticam pp. 38 sqq. Quod uero ait Haskins datium rei *auctor* uerbo rectum altero non fulciri exemplo, satis multa exempla afferri posse uidentur ut in noce paullo rariore; cfr Valer. Flacc. Argon. V 269 sqq. . . . *ipsum, qui talibus auctor, . . . ense ferit*; Claudian. VIII 638 sq. (Kochi ed.) *sed patriis olim fueras successibus auctor, nunc eris ipse tuis*; Claudian. XXVIII 659 sq. . . . *magno sextus tamen iste superbit nomine: praeteritis melior, uenientibus auctor*. Latine *causa* uerbum eodem plane sensu de rebus dici quo de personis uerbum, quod est *auctor*, constat. Quod si exempla uerbi *causa* cum datino rei coniuncti inuenientur, huc ergo referenda sunt. Cfr proinde Lucan.

III 605 sqq.

*discreuit mors sacua uiros, unumque relictum  
agnorunt miseri sublato errore parentes,  
aeternam causam lacrimis; . . . —*

I 265

*. . . causas inuenit armis:*

Lucr. V 529 (Briegeri ed.) *motibus astrorum nunc quae sit causa canamus*. (Cum hoc exemplo conferri potest Juuenal. Sat. X 276 *exilium et carcer Minturnarumque paludes | et mendicatus capta Carthagine panis | hinc causas habuere*;) Propert. III XII 9 sq. (Luc. Muellieri ed.) *illic te nulli poterant corrumpere ludi | fanaque, peccatis plurima causa tuis*. Horat. Sat. I VI 71 *causa fuit pater his . . .*; Verg. Aen. III 305 *et geminas, causam lacrimis, sacrauerat aras*; Verg. l. l. IV 290 . . . *quae rebus sit causa nouandis . . .* Claudian. XXIX 189

sq. . . . *magnisque coronis | coniugium fit causa tuum*. Nec inutile erit colligere exempla datiui substantiuis uerbalibus actorem significantibus recti; cfr Plaut. Trin. 204 *illórum uerbis fális acceptór fui*. Plaut. Truc. 859 *amáns tutorem méd adoptauit bonis*. Ubi lectio quidem incerta est, sed datiuus certus esse uidetur. Lucan. V 478 *ductor erat cunctis audax Antonius armis*. Sil. Ital. Pun. II 495 *statque dies ausis clim tam tristibus ultor*. l. l. XIII 363 . . . *magnis fautor non futilis ausis*. Claudian. XXII 322 *sic trubeis ultor Stilicho Brutusque repertor*. Alia quoque exempla abundant. Lucanea sunt: II 67 *atque aliquis magno quaerens exempla timori* . . . II 224 . . . *hic stabit ciuilibus exitus armis*. II 346 *non me lactorum comitem rebusque secundis | accipis*. IV 4 sq *iure pari rector castris Afranius illis | ac Petreius erat*. VI 397 sq *Thessalicus sonipes bellis feralibus omen | exsiluit*. VII 342 sqq . . . *'quem flagitat', inquit, uestra diem uirtus, finis ciuilibus armis, | quem quaeristis, adest*. VIII 265 . . . *rebusque nouis exordia quacram*. VIII 411 *stabit barbarico coniuncta millesima lecto*. VIII 427 *Assyriacae paci finem, Fortuna, precamur*. VIII 716 *socios se cladibus optant*. Conferre licet Plaut. Most. 118 *haec argumenta ego aedificiis dixi*: Trin. 522 *ei rei argumenta dicam*. Plaut. Amph. prol. 44 sq . . . *quis benefactis méus pater, | deorám regnator architectus(t) ómnibus?* Ter. Andr. 458 *nam si hic malist quicquam, ém illic est huic rei caput*. Lucret. II 1066 sq *nunc et seminibus si tanta est copia, quantum | enumerare actas animantium non queat omnis, . . .* Ubi pro datiuuo expectandus fuit genet. partitiuus. Verg. Aen. VII 139 sq *Idaeumque Iorem Phrygiamque ex ordine matrem inuocat et duplices caeloque creboque parentes*. l. l. VII 637 . . . *it bello tessera signum*. Sen. Med. 378 sq . . . *nec sit terris ultima Thule*. Dat. = gen. part. Sil. Ital. Pun. I 195 *aut ingens Asiae latus aut pars tertia terris*. Dat. = gen. part. Claudian. VIII 647 *quacnam tot diuis ueniet nurus, . . .?*

Huiusmodi datiui Tacito rerum scriptori in deliciis fuisse uidentur; cfr Ann. II XLVI *paci firmator*: II LXIV *causas bello*: Hist. IV XIX *causam seditioni*. Qui usus quin Tacito poeticus fuerit, non dubito. Restat, ut de origine huius datiui pauca

addamus. De qua re uide Draeger<sup>1</sup> Vgl. Synt. I 405 sqq. Conferre licet dissertationem, quae inscribitur *Étude historique sur la construction de filz li rei*, quam edidit Alfred Westholm, Vesteras 1899. Quem datiuui usum in aliis quoque linguis agnoscere licet; uelut Callimach. Hymn. I 3 *Πηλαγόνοισι ἐλατῆρα, δικασπόλοισι οὐρανίδησι*. Talem datiuum constituere libet in praefatione legis Uplandicae (cod. Ups. L 12); cfr Ad. Noreen. Altschwedisches Lesebuch, Halle 1894, p. 11 l. 19 *thæt skulum wir til okia i upbyrian thessæri bok*. Sed altera quoque huius loci explicandi ratio admitti uidetur.

I 72

... sic cum compage soluta  
*secula tot mundi suprema coegerit hora,*  
*anticum repetens iterum chaos, omnia mixtis*  
*sidera sideribus concurrent, ignea pontum*  
*astra petent, ...*

Ita in editione altera Hosius cum codicibus excepto F, qui *mixta* exhibet; antea ediderat *mixtim*, quod acute coniecerat Usener. Francken post *omnia* uirgula posita Rutgersio astipulatus edit *repetent* (*omnia*) et cum F codice exhibet *mixta* — lectio per se perbona. Ceterum fuerunt, qui cum Bentleio totum illud *omnia ... concurrent* spurium iudicarent; cfr E. Trampe. De Lucani arte metrica p. 70. Equidem haud scio an nulla ne minima quidem mutatione opus sit. Hic nimirum mundi tempora et horae quasi iter in chaos facientia inducuntur, supremam horam agmen cogentem<sup>2</sup> facit poeta; quae quum et ipsa in chaos peruenerit, tum demum omnis mundi ordo solutus erit; sunt enim horae et omnino tempus certi huius mundi ordinis signum et nota. At enim in structura illa *omnia mixtis sidera sideribus concurrent* offenderunt editores. Quam difficultatem totam dissoluere difficile erit. Sed duas interpretandi rationes ostendere mihi liceat. Aut

<sup>1</sup> Draeger p. 407 haec habet: „Der von einem Substantiv abhängende Dativ bezeichnet bei Tacitus in der Regel, aber nicht immer, die Rücksichtnahme auf den speciellen Fall, das Absichtliche, während der Genetiv das Allgemeine, Wesentliche angiebt. Dr. hoc datiuui genus primigenio finale esse constituit.

<sup>2</sup> Horae et temporis spatia a poetis nonnumquam quasi uiua et iter facientia inducuntur; cfr Lucan. V 5 sq *instabatque dies, qui dat noua nomina fastis | quique colit primus ducentem tempora Ianus*.

pro abl. absoluto habeamus uerba, quae sunt *mixtis sideribus*: tum *concurrent* uerbum absolute positum erit, sicut V 606 sq . . . *motaque possunt | aequora subductis etiam concurrere uentis* (quem locum perperam interpretatus est Obermeier; cfr E. Nordenstam, Stud. Syntact. II p. 14). Wegen des Durch-einandergehens der Sterne wird sich ein allgemeiner Zusammenstoss ergeben.» Altera ratio mihi quidem magis placet. Quid enim impedit, quominus *mixtis sideribus* datiuum esse constituamus et sit locus hic eodem de genere quo Lucan. I 6 sq (*canimus*) . . . *infestisque obuia \* signis | signa*. VII 197 sq seu . . . *notauit. | aethera seu totum discordi obsistere caelo*. Locus is, quem tractamus, *Omnia mixtis sidera sideribus concurrent*, uerborum quoque collocatione illi loco simillimus esse uidetur. In codicum lectione denique acquiescendum uidetur.

I 84

*tu causa malorum*

*facta tribus dominis communis, Roma, nec umquam  
in turbam missi feralia foedera regni.*

Ita codices et editores. Non item de interpretatione uersus 86 constat; quin etiam singuli interpretores uacillant in iudicio ferendo. Haskins quidem uaria temptat: nunc *turbam* significare posse ostendit *dissensiones* uel *discordias*; nunc uero *in turbam mitti* idem ualere quod *ex electione totius populi pendere*; nunc *turbam* spectare ad Caesarem, Pompeium, Crassum, additis exemplis, quibus *turba* uerbo paruum admodum numerum significari posse effectum uult. Addere potuit Ouid. Metam. VI 199 sq *non tamen ad numerum redigar spoliata duorum. | Latonae turbam*. Sed hi loci, ut quibus irrisio quaedam subsit, huc referendi non sunt, nisi egregie me fallit opinio.

Hosius codicum lectionem nulla explicatione addita recepit. Francken commemoratis aliorum coniecturis — *felicia foedera* (Grotii); *durantia f.* (Bentlei); *uitalia* (aliorum) — ipse coniecit acute, sed contra rationem palaeographicam, *inturbata*

\* Mihi quidem h. l. *obuia* idem fere est quod *contraria* siue *aduersaria*; cfr Claudian. XXIV 140 sq . . . *manus. haec obuia fatis | innumeras uno gereret cum tempore pugnās*. . . . Stat. Theb. IV 184 . . . *quis obuia numina temnat?* Fortasse l. l. VI 747 . . . *manibus nunc obuia tela | discutiens*.

*istis*. Constare uidetur hic dicere uoluisse poetam societatem regni belli causam fuisse; cfr et ea, quae antecedunt (u. 85), et ea, quae sequuntur. Cfr I 289 sqq. *socerum depellere regno decretum genero est; partiri non potes orbem, | solus habere potes*. Regnum et dominus coniungere solet Lucanus; cfr I 350 sq. *neque regnum quaeritur armis: | detrahimus dominos urbi seruire paratae*. Vertendum fortasse sic est: »der verderbliche Vertrag zur Theilung einer Alleinherrschaft, die die daraus sich ergebenden Verwicklungen nimmer erträgt.«

I 100

..... *qualiter undas*  
*qui secat et geminum gracilis mare separat Isthmos*  
*nec patitur conferre fretum, si terra recedat,*  
*Ionium Aegaeo frangat mare: sic, ubi saeua*  
*arma ducum dirimens miscrando funere Crassus*  
*Assyrias Latio maculauit sanguine Carrhas,*  
*Parthica Romanos soluerunt damna furores.*

Ita equidem hunc locum constituendum et interpungendum arbitror. Hosius, qui 1892 edidit *male* (u. 101) cum Cortio (UV?), nunc praebet *mare*, recte, ut nobis uidetur. Cortio enim si astipulemur, aut *geminum* pro eo, quod est *geminum mare*, aut *conferre* uerbum absolute positum esse arbitremur necesse erit. Quod recte fieri iure negat Heitland Cl R 1894 p. 36. Accedit, quod eum Papinianum locum, quo hunc munire uoluerat Hosius, Theb. I 120, hunc in usum uertere non licet, . . . *dubiamque iugo fragor impulit Oeten | in latus, et geminis uix fluctibus obstitit Isthmos*; hic nimirum non de rerum statu uulgato, sed de rebus naturae a Tisiphona dea motis. Ceterum non solum ad uerba ipsa *geminum mare* fulcienda nonnihil ualere uidetur locus unus epigrammatis, quod uulgo ascribitur Senecae philosopho, Anthol. Lat. L un. 5 sq *ante mari gemino semper pulsata Corinthos | confundet fluctus pernia facta* (cfr *si terra recedat*) *duos*. Cfr Stat. Theb. VII 106 *Acrocorinthus . . | . . alterna geminum mare protegit umbra*. Claudian. V 190 *non mare fumasset geminum flagrante Corintho*. Restat, ut paucis disputemus, quaenam inter sententias intercedat ratio. Sic coniungenda censeo uerba: *qualiter . . Isthmos . . frangat: sic . . Parthica damna soluerunt . .* Verbum



igitur, quod est *Isthmos*, pro subiecto habeo uerbi *frangat*. Aliter enim sine uerbo positum esset *Isthmos*; tum uero uirgulam tantum ante *qualiter* ponere oportebat. Ea, quam proposui, interpretandi ratio loco illo anthologiae haud obscure commendari uidetur. Item Papiniano illo loco, quem attulit Haskins, Silu. IV III 59 sq *his paruus, nisi cliuiæ uctarent, | Inous freta miscuisset Isthmos*. Postremum magni interest cognouisse, quonam modo particula illa *qualiter* Lucanus uti soleat. Atqui praeter hunc locum semel tantum hanc particulam habet Lucanus, I 150 sqq, quo loco non multum iuuamur. Sed cfr *qualis* . . . sic I 498—504. De lectione codicum, quae est *conferre fretum*, cuius loco Francken posuit Benteianam, *conferre gradum*, defendendi causa optime disputauit W. E. Heitland Cl R XI (1897) 1.

## I 227

*credidimus fatis, utendum est iudice bello.  
sic fatus noctis tenebris rapit agmina ductor  
impiger; it torto Balearis uerbere fundae  
ocior et missa Parthi post terga sagitta  
uicinumque minax inuadit Ariminum, et ignes  
solis lucifero fugiebant astra relicto.*

Pro codicum *et* (u. 231) Francken positum uult *ut* a Grotio acute repertum. Haskins Weiseo astipulatus particulam omnino eiciendam ratus pro *Ariminum* ponit *Ariminon*; tunc plene interpungit. Hosius uero *et* retinuit idque merito, opinor. Nam constat poetas Romanorum epicos hoc uerbo *et* — additis quidem saepissime aduerbiis, qualia sunt *interea*, *iam* — interdum inducere narrationem, qua quasi depinguntur et sub oculos subiciuntur ea, quae, dum magni momenti rem aliquam gerunt homines uel uerba factorum plena dicunt, in caelo fieri uideantur. Cfr Verg. Aen. X 254 sqq *tu mihi nunc pugnae princeps, tu rite propinques | augurium Phrygibusque adsis, pede, diua, secundo. | tantum effatus. et interea reuoluta rucbat | matura iam luce dies noctemque fugarat*. Hoc Vergiliano loco dies fugata nocte exoriens salutem haud obscure portendit; item Lucaneo hoc loco astra relicto Lucifero fugientia solem portendere exitum belli ciuilis instantis apparet. Atque hic

quidem adhiberi posse structuram, qua paratacticae copulationis vicibus fungatur quum inuersum, apparet. Id tantum interest, quod hic insolitum in modum post actionem principalem ponitur sententia ea, qua exponitur, quae eodem tempore acciderint. Quod h. l. rei unice conuenire uidetur ideo, quod illo sententiarum ordine uis quaedam maior additur ei rei, quae quasi subicienda est sub oculos. Ceterum quam uarie connectantur huiusmodi locis inter se sententiae, apparet, si cum loco hoc conferimus locos quales sunt Verg. Aen. VI 498 sq., l. l. XI 296 sq.; in re consimili aliter temporum uariatio comparata est Verg. Aen. II 692 sq.

*uix ea fatus erat senior, subitoque fragore  
intonuit laeuum.*

H. l. actio principalis inducitur particula *-que, et*; cfr Graecorum *καὶ τότε δὲ*. Aliter uero constitutus est locus Silianus, Pun. XVII 158 sq.

*quarta Aurora ratem Dauni deuexerat oras,  
et fera ductoris turbabant somnia mentem.*

Atque hic quidem metri necessitatem non adesse apparet.

## I 262

*ecce faces belli dubiaeque in proelia menti  
urgentes addunt stimulos cunctasque pudoris  
rumpunt fata moras;*

Francken edit . . *bello dubiasque mentis*, illo loco Bentleio astipulatus, hoc de suo promens. Bentleium, nisi fallor, ad mutandam codicum lectionem adduxit *que* particula *dubiae* uerbo addita. Sed nihil obstat, quominus hic particulam copulatiuam additam arbitremur uerbo duobus membris communi; cuius rei apud Lucanum nonnulla reperiuntur exempla; particulae copulatiuae ita adhibentur

I 30. *non tu, Pyrrhe ferox, nec tantis cladibus auctor  
Poenus erit;*

V 360 . . . . . *procumbite terra  
infidumque caput feriendaque tendite colla.*

V 416 *nec maris anfractus lustrandaque littora nobis.*  
Fortasse VII 462 sq.

Particulae disiunctivae:

III 478 sq. . . . . *nec Graiis flectere iactum  
aut facilis labor est longinqua ad tela parati  
tormenti mutare modum;*

V 529 sq. . . . . *quibus hoc contingere templis  
aut potuit muris nullo trepidare tumultu  
Caesarea pulsante manu?*

Horatio hanc copulandi rationem in deliciis esse constat; apud alios quoque poetas interdum exempla inveniuntur. uelut Val. Fl. Arg. II 223 sq.

*sed temptare fugam prohibetque capessere contra  
arma metus;*

Quod si ita, ut ostendimus, res se habet, absolute positum est *in proelia argentes*: quam late apud Lucanum absolutus uerborum usus pateat, si quis cognoscere uult, inspiciat tabulam, quam ad VI 127 composuimus. Restat, ut de uerbis quae sunt *dubiae* . . . *menti* paucis agamus. Ac mihi quidem dubium non est, quin de Caesare dicta sint. Conferas uelim ea, quae continuo sequuntur, uu. 264 sq. *istos fortuna laborat | esse ducis motus et causas inuenit armis*. Item 272 sq. *utque ducem uarias uoluentem pectore curas conspexit*; nec non conferri potest 281 *tolle moras: semper nocuit differre paratis*; item 361 sq. *quod tam lenta tuas tenuit patientia uires, | conquerimur*. Heitland quidem Cl R 1897 p. 39 ad muniendam singularem formam quae est *menti* de pluribus usurpatam affert duos Lucaneos locos, IV 704, VII 183. Neuter satisfacere uidetur: nam IV 704 generalis sententia est; ceterum post *miles* uerbum collectiuo sensu adhibitum singularis numerus uerbi quod est *mens* rei ipsi proprius est; VII 183 *mentis* singularis spectat ad collectiuum singularem plures significantem. Ergo: facies belli et stimulos in proelia argentes *dubiae* Caesaris *menti* addunt fata.

I 227

*at postquam leges bello siluere coactae,  
pellimur e patriis laribus patimurque uolentes  
exilium; tua nos faciet uictoria ciues.*

Pro *uolentes* uerbo *dolentes* legendum contendit Aemil. Schaefer.\* Et Hosius et Francken illius coniecturae mentio-

\* Aemil. Schaefer, Observationes criticae in M. A. Lucani Pharsaliam et P. Papinii Statii Siluas, dissert. Monaster. 1886.

nem fecere, Francken quidem »acute» addens. Ac Schaefer, cur *dolentes* legendum arbitretur, has exponit causas:

1. Quomodo *uolentes* uerbum explicari possit, non uidere se. Dicere enim Curionem ui ex urbe se esse expulsus, quod tamen fieri non potuisse, si *uolens* exilium passus esset et sua sponte urbem reliquisset.
2. Porro si *uolens* exilium passus esset, quid fuisse, cur a Caesare peteret, ut in patriam se restitueret? Legere enim se *faciat*. Etiam si legendum constituamus *faciet*, sic quoque repugnatura sibi esse uerba *pellimur* et *uolentes*.
3. Ceterum admodum esse mirum hominem uere Romanum dicere libenter se carere patria. Ergo *dolentes* legamus necesse esse.

Sed primum quonam modo contra huius loci sensum, qualem explicauit Schaefer ipse, *dolentes* uerbum prae abire potuit in *uolentes*, praesertim quum non admodum prona sit haec mutatio, palaeographicam si spectemus rationem? Accedunt interna quoque:

1. Verba *patimurque uolentes exilium* interpretanda sunt considerando ea, quae paullo scripta sunt, uu. 273 sqq., quae hoc fere ualent: »quamdiu nondum omnia poterat uis armorum, tamdiu imperium tibi tracturi in urbe mansimus, quamvis infesti essent mihi aduersarii tui; iure aliquid tamen ualente mihi quoque locus fuit. Quum uero iam pro legibus adeo posita sit ius armorum, ut ego iuris uindex — quamuis sacrosanctus magistratus — expulsus sim, haud inuitus patria careo.»
2. Constituendum uidetur Curionem a Caesare non petiuisse, ut in patriam se restitueret, atque profecto acquiescendum uidetur in lectione omnium optimorum codicum, *faciet*, quam fortasse propter imperatium sequentem oscitanter emendans librarius quidam mutauit in *faciat*. Videtur enim uerus sensus esse hic: »non nisi Pompeio, superbissimo illo domino, deiecto et pristino rei publicae statu reducto ciues patriae reddemus; quod profecto breui fore confido.» De qua re uide Haskinsi notam.
3. Verbum *uolentes* per se mirum hoc rerum loco ad indignum rei publicae statum audientibus depingendum mirum quantum ualet.

## I 291

. . . . . sic postquam fatus, et ipsi  
in bellum prono tantum tamen addidit irae  
accenditque ducem, quantum clamore iuratur  
Eleus sonipes,

Hanc lectionem codicum consensu se commendantem impugnant Bentley et Francken. Ille quidem miratus, quisnam esset dux ille diuersus a Caesare, sic mutandam censuit lectionem: *in bellum prompto t. t. a. i. accenditque facem* . . . Francken iusto plus mutasse Bentleium ratus: »Sufficit, opinor, duci scribere . . . : tantum irae admonit et accendit duci, et ipsi in bellum prono.» Mihi quidem nulla ne minima quidem mutatione opus esse uidetur, si ad *irae* uerbum referamus *tantum* . . . addidit, quae cuncta et ipsi in bellum prono (duci) addantur; *accenditque* uero referamus ad *ducem* uerbum. Hoc ergo significat locus hic: »Duci et ipsi in bellum prono tantum tamen addidit irae adeoque eum (= *ducem*) accendit, quantum» . . . — Ex pronomine quod est *tantum* facile sumitur aduerbium quale est *adeo*, id quod Franckeno quoque audiendum, quum tantum irae accendere non facile latine dicere liceat. Hanc structuram, quam hic praebet Lucanus, uulgari inuerso ordine allata effeci apparet. »Duci tantum addidit irae» = aut: »verstärkte so (die Wuth) den Eifer des Feldherrn» aut: »rief im Busen des Feldherrn solch einen Eifer hervor»; cfr Sil. Ital. Pun. I 70 sq. *hanc rabiem in finis Italum Saturniaque arua* | *addiderat tantam puero patris heu furor altus*.

## I 314

*scilicet extremi Pompeium emptique clientes  
continuo per tot satiabunt tempora regno?*

Perbene monet Francken a Pompeio in Hispania et Oriente multos ciuitate donatos esse. Attamen lectionem uulgatam quamuis codicum concentu se tuentem respuens recipit Heinsii coniecturam *hesterni* pro *extremi*, iniuria, nisi fallor. Credo equidem uerbo *extremi* Caesarem ualidiore uoce significare *externos*, qui a Pompeio ciues facti ex extremis orbis terrarum partibus Romam uenissent, ubi grato animo Pompeio immodice fauerent; uerbo *empti* autem ciues egenos, quos Pompeius argento frumentoque largiendo sibi conciliasset. Ab istis Pom-

peium honoribus extolli, non ab indigenis ciuibus et quorum arbitrium illecebris auri detestabilis intactum esset. Ita continuo regno satiari Pompeium atque deseri institutum illud maiorum, ne cui magistratus continuaretur aut breuissimo tantum intermisso spatio iteraretur. His ciuibus barbaris et auro corruptis facile opponuntur milites Caesaris, quos uere Romanos et domitores mundi (VII 250 sqq.) esse saepe monet Caesar Lucaneus, et qui iure *paupertate pii* (V 273) appellari potuerunt. Francken de *extremi* uerbo: Tolerabilius esset *extremi* per *infimi* interpretari. Sed in oratione habita ad milites, qui plerumque infima erant de plebe, ut illis temporibus fieri solebat, non facile credi potest Caesarem, quo nemo melius militum animos flectere nosset, ciues increpasse, quod infimo loco nati essent. Restat ut exemplis de Lucano aliisque poetis sumptis probemus posse uerbum quod est *extremus* idem ualere quod *longinquus*: fernwohnend, aus der Ferne her gekommen. Omnium primum afferendum exemplum Lucaneum, IX 474 sq. *illud in extrema forsae longeque remota | prodigium tellure fuit*. Ubi multi editores temere praebent *externa*. Ceterum uix dubitari potest, quin uerbis quae sunt *extremi clientes* iidem indicentur, qui IV 233 sq. uocantur *mundi extrema tenentes reges*. Saepe haud facile discernas, utrum *extremus* uerbum melius uertas »fern wohnend« an »am äussersten Rande des Erdkreises sesshaft«. *Mundi extrema* cfr III 454; X 276.

*Extremus* uerbum de hominibus eodem sensu, quo h. l. adhiberi uidetur

III 249 *tum furor extremos mouit Romanus Orestas*

IV 669 . . . *Libyae gentis, extremaque mundi*

*signa suum comitata Iubam.*

Catull. XI 2 *siue in extremos penetrabit Indos,*

Horat. Epist. I 1 45 *impiger extremos curris mercator ad Indos*

l. l. I vi 6 . . *maris extremos Arabes ditantis et Indos*

Verg. Georg. II 114 . . . *extremis domitum cultoribus orbem*

Claudian. Rapt. Pros. I 83 *quidquid ab extremis ales longaera colonis | colligit . . .*

Claudian. V 149 *extremos ultra uolitat gens si qua Britannos*

Claudian. XXIV 147 . . *in extremos aciem mittebat Hiberos*

Id. XXVII 416 *uenit et extremis legio praetenta Britannis*

Id. LII 21 *erret et extremos alter scrutetur Hiberos*



De regionibus sensu consimili adhibetur

III 227 ... *extremae resonant naualibus Aegae*

VI 1 .. *procul extremis terrarum ... in oris*

VI 325 *extremum Scythici transcendam frigoris axem*

VII 541 ... *Gallique extremique orbis Hiberi*

Sil. Ital. Pun. XV 528 ..... *extremo de littore raptā  
intulit arma mihi*

Id. XV 638 *per decora extremo uobis quaesita sub axe.*

Claudian. VII 205 *ite per extremum Tanaim pigrosque Triones.*

I 340

... *mihi si merces erepta laborum est,  
his saltem longi non cum duce praemia belli  
reddantur; miles sub quolibet iste triumphet.*

Ita codices secuti Weise-Haskins et Hosius; Francken cum vulgata edit *non me duce*, deinde coniecit *sub quo iubet iste pro sub quolibet iste*, tum *triumphet* uerbum a sequentibus uirgula tantum posita distinguit, quasi *mihi si ... triumphet* protasin esse arbitretur.

Haskins haec tantum: *iste* = 'this soldiery of mine' cfr V 351. Francken quidem, cur mutandam censeat lectionem codicum, has ostendit causas: *iste* uerbo non posse significari milites Caesaris h. l., ubi ipse milites suos compellans dux cauere debuisset, ne eos uideretur contemnere. Sed conferas uelim, quae Obermeier l. l. p. 15 de usu *iste* pronominis exposuit: *„Iste hat bei Lucan die übrigen Demonstrativa geradezu verdrängt. Denn es steht sogar regelmässig statt hic bei Verhältnissen, welche die redende Person betreffen.“* Tum sequitur tota exemplorum nubes. Proinde uideamus, num Lucanus, ubi *iste* uerbo significauit *meus*, sensu peioratio, ut ita dicam, hoc pronomem adhibuerit. Sunt loci illi III 125 sq.; V 351 sqq.; VI 241 sqq.; VII 790. Nullo horum locorum contemptus notionem addi credo. Imprimis notandus uidetur locus, VI 241, ubi sunt haec

*„Soluat“, ait, „poenas, Scaeuam quicumque subactum  
sperauit; pacem gladio si quaerit ab isto*

*Magnus, adorato summittat Caesare signa.“*

H. l. Scaeuā uictoria, quam solus reportauerat, elatus de gladio suo uerba facit. Hoc igitur Franckeni argumentum facile

refutatur. Deinde Francken: Caesarem cum irrisione Pompeium iubere ducem indicare, sub quo uictor exercitus triumphans moenia intret. *Non cum duce* et ad uulgatam et ad emendatam lectionem (*sub quo iubet iste*) male quadrare. Concessiua esse *reddantur* et *triumphet*, apodoseos uicibus fungi *conferet* . . . *fessis?* = »at P. rura dare non potest«. Hoc perperam Francken; nam *saltem* uerbum ostendit *reddantur* et *triumphet* hortatiua esse. *Si merces erepta* . . . *est* concessiua sententia est; cum qua conferri potest locus unus simillimus, VIII 837 sqq.

. . . . . *si saecula prima*  
*uictoris timuere minas, nunc excipe saltem*  
*ossa tui Magni,*

Ad codicum lectionem explicandam transeamus. Totus hic locus captationem beneuolentiae ostendit conspicuam; *quolibet* uerbo uel maxime indicatur Caesari summam esse uoti, ut triumphent milites, dux nullius fingitur momenti, quo maior uis accedat militibus. Tum uero lectione quae est *non cum duce* nihil efficacius. Inauditum sane erat ducem non simul cum exercitu triumphanti urbem introire. *Dux* = »is, cuius auspiciis milites reportauerunt uictorias, e quibus triumphaturi sunt«. Hac igitur lectione conuenienter militibus uis quam maxima additur.

## I 372

*iussa sequi tam posse mihi quam uelle necesse est.*

Multi uiri docti offenderunt in iunctura illa per *tam* . . . *quam*; ac Bentley quidem coniecit *quam* . . . *tam*, ita nimirum tolerabiliorem enadere sensum ratus. Francken recepit emendationem Withoff, *iuuat* \* pro *mihi*. Heitlando quoque hic locus suspectus est (Cl R XI 1 fasc.). Mihi quidem omnia sana esse posse uidentur. *Iussa sequi uelle* = »dicto imperatori audienti esse»; *iussa sequi posse* = »hostes et difficultates quaelibet uincere». Tota haec militis ueterani oratio ualde rhetorica est; hic miles ille ad uim uerborum, quae sunt (u. 362) *decratue tibi fiducia nostri?* intendendam ostendit milites omnia, quae-

\* Iis fortasse obuersati sunt loci quales VI 494 sq. . . . *parere necesse est* | *an iuuat?* Stat. Silu. II 1 87 sq. . . . *natos genuisse necesse est.* | *elugisse iuuat.*

cunque iusserit Caesar, exsequi et uelle et posse necesse esse, si et ab imperatoris poenis et ab hostium atrocitate tuti esse uelint; cfr VII 307 *cum duce Sullano gerimus ciuilia bella*. Haec, in qua uulgo offenderunt docti, inuersa uerborum *posse* et *uelle* ratio magnam uim habere uidetur ad fiduciam Caesaris augendam. Aliter W. E. Heitland, C<sup>1</sup>R XI 40: »The centurion is under constraint: he cannot say *non possum* in the face of his previous exploits: he cannot say *non uolo*, for he has gone too far to turn back.« Sed ita quoque lectio codicum probabilem explicatum habere uidetur.

Iam uero metricae quoque rei ratio habenda, si quid inde sumere possimus, quod ad lectionem codicum fulciendam aptum sit. Atque notandum est uulgatam praebere ictu percussa in caesuris \* similiter desinentia: *iussa sequi | tam posse mihi |*, . . . — De huiusmodi rebus egit Lucianus Mueller, De re metrica<sup>2</sup> pp. 567 sqq.; p. 569 haec habet: »... apte mehercule homoeoteleutis eae partes metrorum, in quibus utique necesse est immorari uocem, scilicet in caesura et exitu numeri positae, et p. 570: »In his tamen omnibus semper probe obseruatum figuram esse rhetoricam illam, non poeticam.« Res constare uidetur, etiamsi L. M. id tantum dicere uoluit caesuram et exitum uersus ita sibi respondere, non item, si plures sint in eodem uersu caesurae, unam caesuram alteri. Atque Lucani opus si inspexerimus, inueniemus et hunc et illum uerborum collocandorum usum esse poetae huic. Videamus, quatenus Lucanus in caesuris posuerit similiter cadentia uel desinentia in libro quolibet operis sui. Liber septimus haec exhibet exempla:

- u. 32 *extremum | tanti fructum || caperetis amoris*
- u. 105 *uenturi | timor ipse mali ||. Fortissimus ille est*
- u. 152 *per uarias | fortuna notas || . . .*
- (u. 154 *quum peterent, totus uenientibus obstitit aether.*)
- u. 168 *at tu quos scelerum superos | . . .*
- u. 172 *iam dubium, monstrisne deum*
- u. 180 *ante oculos | uolitare suos*
- u. 212 *attonitiqu(e) | omnes veluti ||*
- u. 218 *Lentule, cum | prima, quae tum | fuit optima bello,*
- u. 221 *at medii | robur belli*

---

\* Caesuram semiseptenariam saepe incisione uersus semiternaria adiuuari non est, quod moneam.

u. 253 *in manibus* : *uestris. quantus sit Caesar habetis.*

u. 269 *inuidia* | *regnate mea*].

Item (332); 352; 400; 423; 435; 477; 497; 592; 629; 670; 682; 701; 774; 826; 862. Huc si addemus uersus illos non paucos, ubi in caesuris his collocatae sunt syllabae ultimae substantiui et adiectiui respondentis sed non similiter desinentis, apparebit uix casui tribuendam esse his locis exstantem conuenientiam. Tum uero uerba illa in caesuris similiter desinentia *sequi* et *mihi* ad lectionem codicum firmandam non nihil ualere uidentur.

# I 426

*et docilis rector monstrati Belga couinni*

Pro *monstrati* uerbo, quod codicum consensu commendatur, alii Gryphio astipulati praebent *rostrati* — inter quos Weise-Haskins —, alii secuti Heinsium — Francken alii — legunt *constrati*. *Monstrati* retinere nonne licet? Notandum enim est his uersibus de omnibus deinceps populis commemorari res, quibus conspicui notique sunt. Tum in promptu est arbitrari *monstratus* uerbum hic eodem sensu adhiberi quo Tacit. Germ. XXXI 10 *iamque cauent insignes et hostibus simul suisque monstrati*. *M.* = »insignis», »conspicui».

# I 431

. . . . . *Butaniquae truces, quos aere recuruo  
stridentes acuere tubae; qua Cinga pererrat  
gurgite, qua Rhodanus . . . . .*

Bentley, quem sequitur Francken, u. 432 pro *qua* codicum coniecit *quos* (*Salga*). Francken quidem negat *pererrare* uerbum absolute adhiberi posse. Contra quem uix afferre licet testimonia lexicographorum, quum exemplum, quod solum habet de Forcellini (Auson. epigr. CVIII *De scabioso: tam diuersa locis uaga carnificina pererrat*), iusto incertius esse uideatur. Sed uerba composita sensu contiguo praedita si perscrutati erimus, de Franckeni sententia dubitare uix nefas esse uidebitur. In uerbis cum particula *per* compositis duo imprimis significationis genera inueniuntur, si quidem uerba sunt motum indicantia:

## 1. De motu porro et ad finem pergentis agitur.

Tum absolute adhiberi haec uerba rei consentaneum est. Ita usurpari uidemus: *percurro*; *perequito* (raro); *perflo* (raro); *perfluo*; *perfugio*; *perlabor*; *permano*; *permeco*; *perrepo*; *per-rumpo*; *pertendo*; *pertinco*; *peruado*; *peruagor* (raro); *perachor*; *peruenio*; *peruolo*, cetera.

## 2. De locis motu perlustrandis uisendisque agitur.

Transitiuorum uerborum tali sensu usurpatorum magna sane uis inuenitur, sed plurima uerba et absolute poni posse multa exempla testimonio sunt; uelut *percurso* (Lin. XXIII XLII 10 *totis finibus nostris p.*); *perfuro* (Val. Fl. Arg. VIII 382 sq.; Stat. Theb. IV 820 sqq.; Sil. Ital. Pun. IV 243); *perrepto* (Plaut. Rud. 223 *omnia iam circumcursauit atque omnibus perreptanti*); *persulto* (Lin. *persultare solo stabili, in agro*); *pertinco* (raro); *peruagor* (Plin. Epist. *cuius memoria per orbem terrarum gloria peruagata est*); *peruoluor* [Apul. VIII 14 *peruolui in suo sanguine*; Cic. De Oratore II xxxv 149 *ut in iis locis . . . peruoluatur animus* (sed recentiores edunt *re-oluatur*)]. Haec quidem uerba plerumque ita componuntur, ut cum particula *per* coniungatur uerbum frequenter mouendi. Atqui in promptu est arbitrari eandem uerbi compositi uim effici *per* particula cum uerbo incerte\* uel diuerse mouendi coniuncta. — Cum loco hoc, quem tractamus, conferri potest IX 752 . . . *Nilumque bibens per rura uagantem*; I 390 sq. . . . *qui gurgite ductus | per tam multa suo*. . . . H. l. tamen *gurgite* uerbo propter *suo* maior uis accedit. Cfr Verg. Georg. III 15 sq. . . . *tardis ingens ubi flexibus errat Mincius. Qua de fluminum cursu saepe dicitur, cfr III 210 . . . qua culta secat . . . Hermus*; III 271 *Colchorum qua rura secat ditissima Phasis*.

I 504

. . . . . *nullum iam languidus aëro  
eualuit reuocare parens coniunxue maritum*

\* *Vagari* conferendum cum stirpe antiquorum Indorum quae est *ua-ñ-c*: *uāñcati* = 'wackelt, wankt, geht krumm, schief'. *Errare* fortasse e radice *er-s*: 'sich bewegen'; cfr Graecorum *οἶσθ-ο*, *παίρ-οος*; Germanorum *irren*. De quibus uocibus uide P. Persson, Studien zur Lehre von der Wurzelweiterung und Wurzelvariation p. 174 et p. 84.

*fletibus, aut patrii, dubiae dum uota salutis  
conciperent, tenuere lares.*

Pro *conciperent*, quod exhibent codices omnes excepto D<sub>1</sub>, Francken cum Benteleio et Oudendorpio recepit lectionem codicis D<sub>1</sub>, *conciperet*, docens inter tot plurales uix potuisse immotam manere singularem formam. Quam corruptelae explicandae rationem mihi nullo modo probat. Duae, opinor, difficultates emendatoribus obstare uisae sunt, quominus lectio codicum quae est *conciperent* uera esse posset: una, quod incommode uidebatur particula hac, *aut*, induci sententia negatiua, cui cum antecedentibus nihil aliud commune esset quam sensus negatiuus; altera fuit, quod omisso obiecto absolutus uerbi *tenuere* usus tolerabilis non uidebatur. Sed ad illam dissolvendam satis erit afferre exempla Lucanea. qualia sunt

VIII 377 *non aries illis, non ulla est machina belli,  
aut fossas implere ualent, . . .*

IX 928 . . . . . *nec dat suspiria cursus  
uolneris, aut minimum patiuntur fata tacere.*

Atque hanc tolli uidebimus, si inspexerimus tabulam eam uerborum absolute adhibitorum, quam uersui 126 libri VI affixi. Pauca eorum hic afferre libet:

II 495 *obstruitis campos fluuiisque arcere paratis*

I 407 . . . . . *solus sua littora turbat*

*Circius et tuta prohibet statione Monoeci*

V 440 *multa quidem prohibent nocturno credere ponto*

III 132 *pacis ad exhaustae spoliū non cogit egestas*

IX 928 . . . . . *nec dat suspiria cursus  
uolneris, aut minimum patiuntur fata tacere.*

IX 1062 . . . . . *nec non his fallere uocibus audet.*

Subiecti loco auditur (*conciperent*) pluralis qualis est *homines* uel tale aliquid. Ita scriptoris animo nunc unusquisque (= *nullus*), nunc omnes obuersari uidentur; uelut

IV 40 . . . *nulli telum uibrare uacauit,  
dum labat et fixo firmat uestigia pilo,  
dum scopulos stirpesque tenent atque hoste relicto  
caedunt ense uiam.*



Saepe numerus probe seruatur, uelut

IV 559 . . . . . *nec quemquam dextra fefellit,  
cum feriat moriente manu.*

IV 707 *quis conferre duces meminit? quis pendere causas?  
qua stetit inde, fauet;*

Conspicua numerorum uariatio exstat

Plaut. Pseud. 134 *quorū nunquam quicquā quoiquam uenit  
in mentem, ut rectē faciant.*

I 535

. . . . . *stellaeque minores  
per uacuum solitae noctis decurrere tempus  
in medium uenere diem,*

Francken contra codices *discurrere* pro *decurrere*. Fortasse uenit in mentem

I 642 *aut hic errat, ait, nulla cum lege per aeuum  
mundus, et incerto discurrunt sidera motu,*

Omnium primum quaerendum uidetur, quid significet *stellarum minores*. Idem ualet, credo, quod *stellae*, *astra* omnino; opponitur enim sequentibus uerbis, quae sunt *Phoebe* (= luna) et *Titan* (= sol). Conferri possunt

Horat. Carm. I XII 44

. . . . . *micat inter omnes  
Iulium sidus uelut inter ignes  
luna minores.*

Horat. Epod. XV 1

*Nox erat, et caelo fulgebat Luna sereno  
inter minora \* sidera.*

Atqui stellae uniuersae *discurrere* non admodum apte dicuntur, rectius uero planetae; cfr Sen. *septem sola discurrere, cetera haerere*. *Discurrere* igitur significare uidetur:

\* *Stella* et *sidus* promiscue adhiberi posse ostendere uidentur loci inter se collati quales sunt

Horat. Carm. I XII 27 (de Castore et Polluce agitur)  
. . . . . *quorum simul alba nautis  
stella refulsit,*

Ouid. Metam. VIII 372

*at gemini, nondum caelestia sidera, fratres,  
ambo conspicui,*

1. liberio rem motum (Sen.; cfr Lucan. IX 12); 2. motum insolitum uel instabilem (Luc. I 643). *Decurrere* uero non solum codicum concentu, sed etiam similibus exemplis de scriptoribus, qui res astronomicas tractarunt, sumptis se tuentur; uide Heitland Cl R XI 1 p. 41. H. l. tali huius uerbi usui subesse uidetur metaphora de cursu sumpta, qualis in stadio fieri solebat; *decurrere* = »den bestimmten Lauf durchmachen»; »die Bahn durchlaufen»; *per uacuum noctis tempus* apte dicitur, quum nec simul oriantur stellae nec simul aequore mergantur. *Decurrere* sensu consimili adhibetur Sen. Dial. I v 6 *scio omnia certa et in aeternum dicta lege decurrere.*

Stat. Silu. I II 85

*uidi ego et immiti cupidum decurrere campo  
Hippomenen.*

Sil. Ital. Pun. XV 159

*diue tridentipotens, cuius maria ire per alta  
ordimur, si iusta paro, decurrere classi  
da, pater,*

Transituum est

Sil. Ital. Pun. XVI 345

*nec meminit, quantum campi decurrere restet.*

Item Lucret. IV 1172

*. . . sollicitet spatium decurrere amoris*

Pers. Sat. VI 61

*qui prior is, cur me in decursu lampada poscis?*

H. l. poeta ad cursum, *λαμπαδηδρομία* qui uocatur, spectat. Cum loco Lucaneo, quem tractamus, conferri potest item Lucret. IV 394

*cum permensa suo sunt caelum corpore claro,*

Sed aliunde quoque sumpta esse potest metaphora: de exercitu\* uel omnino de multitudinis pompam celebrem facienti. Cfr nostrum »stjärnehären» et uersum illum celeberrimi poetae nostri »och tysta som Egyptens prester begynte stjernorna sitt tåg».

\* Verg. Aen. XI 188

*ter circum accensos cincti fulgentibus armis  
decurrere rogos*

*qualem fugiente per ortus  
sole Thyesteae noctem duxere Mycenae.*

Ita codices omnes excepto G<sub>1</sub>, qui *sensere* exhibet. Francken pro *duxere* ponendum censet *induxere*. Qui quidem, ut *duxere* uerbo fidem leuet, h. l. de alta caligine, non de longa nocte agi monet. Sed is huius loci sensus uerbo quod est *qualem* satis dilucide illustratur ita, ut uerbo *duxere* tempus respicienti non obseuretur. Suetice sic reddere hunc locum liceat: »Sa tjockt var det nattsvarta mörker, hvarunder M. en gang släpade sig fram.» Sed locus hic eam quoque admittit interpretandi rationem, quam indicauit Francken coniectura. Tali enim sensu, qualem in *induxere* uerbo inesse docet ille, adhiberi saepius *ducere* uerbum constat. Francken, nisi me fallo, reddit: »... , worin M. sich einhüllte». Atque cum loco illo Ouidiano, quem attulit, —

Ouid. Metam. I 263

*et quaecunque fugant inductas flamina nubes —*  
conferre licet

Val. Flacc. Argon. I 307 . . . . . *si nubila duxerit aether.*

De coloribus saepissime *ducere* uerbum usurpatur; cfr ex. gr.

Lucan. VI 828 sqq.

. . . *caelo lucis ducente colorem . . . densas nox praestitit  
umbras.*

Cui loco cum hoc, quem tractamus, conspicua similitudo esse uidetur. Praeterea cfr

Ouid. Metam. III 485

. . . . . *uariis solet uua racemis  
ducere purpureum nondum matura colorem,*

Ouid. Metam. VII 759

. . . . . *pariter pallescere glandes  
coepere ac longi pallorem ducere rami.*

Iuuenal. Sat. II 81

*uuaque conspecta liuorem ducit ab uua.*

Pers. Sat. V 40

*artificemque tuo ducit sub pollice uultum.*

Utra interpretandi ratio praeferenda sit, non liquet.

## I 600

*et lotam paruo reuocant Almone Cybelen,*

Sensus huius loci a doctis uiris multum uexati dilucidus erit. si contulerimus locos duos, quibus de eodem religionis cultu agitur; Haskins laudat

Stat. Silu. V 1 223

*. . . quaque Italo gemitus Almone Cybele  
ponit,*

Addo

Val. Flacc. Argon. VIII 238

*. . . . . graditurque oblita malorum.*

*Sic ubi Mygdonios plactus sacer abluit Almo,  
laetaque iam Cybele festaeque per oppida taedae,*

De animi imprimis uigore reuocando hic nimirum agitur; exempla uerbi *reuocare* eodem sensu adhibiti haec inueni:

Sil. Ital. Pun. IV 12 *pila nouant . . . instaurant galeae coni  
decus . . . reuocantque noua fornace bipennis.* Hunc locum affert Francken.

Verg. Aen. I 235

*. . . . reuocato a sanguine Teuceri*

De animo confirmando et recreando adhibetur

Lucan. I 353

*. . . . pietas patriique penates  
quamquam caede feras mentes animosque tumentes  
frangunt; sed diro ferri reuocantur amore*

Sil. Ital. Pun. XVI 13

*. . . . reuocare animos . . . .*

## I 606

*Arruns dispersos fulminis ignes  
colligit et terrae maesto cum murmure condit  
datque locis numen;*

V. 608 codices VUG praebent *nomen*, quam lectionem receperunt Weise et Haskins. Hic quidem glossatori codicis U astipulatus ita *nomen* interpretatur, ut significare putet *bidental*, quod uerbum esse nomen peculiare iure negat Francken. *Numen* lectionem Francken fulcit allato exemplo, Sid. Apoll. IX 188 *numina quaerit Tuscus ad saeptum bidental.* Haskins

auctore Webero laudat Claudian., Rapt. Proserp. III 353 *inde timor numenque loco . . .*; id modo haud se scire ait, an non recte dicatur aliquis dare numen loco, quum ipsum locum numen habere par sit. Sed conferas uelim

Val. Flacc. Argon. III 428

*utque metum numenque loco sacramque quietem  
addidit,*

I 678

*quo feror, o Paeon? qua me super aethera raptam  
constituis terra?*

Cum uerbis motum indicantibus saepe eodem fere sensu coniungi praepositiones, quae sunt *super, trans, per*, constat. Quare in structura illa *super aethera raptam* offendendum non esse uidetur. Damsté uero uersum 686 — *dubiam super aequora Syrtim arentemque feror Libyen* — conferendum ratus reiecta codicum lectione proponit legendum *super aequora r.*, quod recepit Francken. Sed notaui a poetis Latinis adhibitae esse nonnumquam structuras quales sunt *trans aethera, super aethera, per aera*, quum fabulosa super terram itinera significanda essent; cfr ex. gr.

Verg. Aen. VII 64

*huius apes summum densae — mirabile dictu —  
stridore ingenti liquidum trans aethera uectae  
obsedere apicem,*

Ouid. Ex Ponto III II 63

*quam leuibus uentis sub nube per aera uectam  
creditur his Phoebe deposuisse locis. —*

II 10

*saecula iussa ferentem  
fatorum immoto diuisit limite mundum*

Francken pro *diuisit* coniecit *deuinxit* desiderans uerbum aliquod constituendi praecisa mutatione; conferenda enim esse antecedentia *fixit in aeternum causas* et *se quoque lege tenens*. Atqui notionem fixi satis testantur uerba *immoto* (= immobili) et *limite*. Tum uero *diuisit* uerbum expectan-

dum esse apparebit, si considerauerimus, quae inter *limite* uerbum et uerba quae sunt *mundum saecula iussa ferentem* intercedat ratio. Metaphora nimirum subest de agricultura sumpta: Mundus limite factorum diuisus secula diuersa ferre dicitur, ut ager segetem fert. Cfr Ouidianum illud (Metam. I 89) *aurea prima sata est actas*. Ut igitur, agelli si limite diuisi sunt, nullo modo confunduntur, ita mundi bona et mala secula suo quodque temporis loco inueniuntur — factorum limite dirempta, quominus temere confundantur. Cfr quae de mundi aeuo in antro incluso finguntur

Claudian. XXII 441 sqq.

*hic habitant uario facies distincta metallo  
saecula certa locis*

Ceterum L. Bauer N Ph R 1898 p. 245 affert locum Dracontii, qui ut re dissimilis ita uerbis adeo huic Lucaneo loco similis uidetur, ut ad huius loci speciem — per incertam admodum horum uerborum memoriam — eum adumbratum esse uix nefas sit arbitrari. Is locus est

Dracont. Carm. prof. IX 115

*non sunt commercia iuncta  
mortibus et superis, diuisit limite mundos  
imposito natura parens*

Cfr Lucaneum (u. 7) *parens rerum* et Claudianeum (l. 1.) *natura potens*.

## II 84

*si libet ulcisci deletae funera gentis,  
hunc, Cimbri, seruate senem.*

M<sub>1</sub> P, Z<sub>1</sub> exhibent *Cimbris*; Francken — post unum Cimbrium compellatum apostrophē *Cimbri, seruate* intolerabilem esse ratus — edit *Cimbris seruato* s. Mitto Lucani in rebus prosodiacis summam diligentiam, qua -ō finale primae personae in uerbis \* nusquam corripuit, quare nullo modo credi potest eum hanc syllabam finalem corripuisse. Dolendum sane est, quod nusquam nisi in exitu uersus talem imperatiui formam

\* De qua re uide E. Trampe, De Lucani arte metrica p. 7.



posuit (*esto* II 513; VII 319; *santo* I 226) Lucanus. Sed uideamus, sensus huius loci quorsum euadat recepta mutatione Franckeniana. Tum haec omnia misere frigeant: si Cimber Cimbrorum deletam gentem ulcisci uellet, senem Marium Cimbris seruaret ultorem. Apparet ita personis uim accedere, certe detrahi uerbo, quod hic summam continet nimirum; nam de uita agitur Marii aut morte. Hoc suadet uox illa diuina: deletam gentem Cimbri si ulcisci uellent Marium — mirabile dictu — non occidendum esse, sed seruandum; ita enim trucidatum iri totum populum Romanum. Cfr uu. 85 sqq., 98 sqq. Tali antithesi nihil esse dignius uidetur Lucano, cui cognomen oratori epicorum indere licet. Accedit uero, quod Cimbrorum manibus compellendis efficitur obscurus et mirificus quidam color, qui ad haec omnia in tenebroso carcere gesta grauiter depingenda mirum quantum ualet.

## II 126

*te quoque neglectum uiolatae, Scaeuola, Vestae  
ante ipsum penetrare deae semperque calentis  
mactare focos*

Ita hunc locum constitutum uelim secundum lectionem codicum A B E (Z<sub>1</sub>?). Ceteri codices exhibent (M in rasura) *dextrae* pro *Vestae*. Qui *dextrae* edunt, in lectione interpretanda multum desudant. Ac Hosius quidem 1892 interpungens *neglectum, uiolatae Scaeuola dextrae*, de cognomine primi illius Scaeuolae (Lin. II xxiii 1) se cogitare ostendit; 1905 edit *neglectum uiolatae, Scaeuola, dextrar.* melius, nisi me fallo. *Violatae dextrae* subiecti uicibus fungitur et obuersi esse uidentur uu. 120 sq. *innumeras inter carpentis membra coronae discessisse manus.* Sed duo obstant huic lectioni: 1) In uerbo *uiolatae* requiritur significatio qualis *pollutae* (u. 114), *seclatae*,\* quam exemplis probari posse non credo. 2) *neglectum* uerbum molestum esse uidetur; nam *negligere* idem ualere solet quod non curare. Omnis uero difficultas tolli uidetur textu ita, ut proposuimus, constituto: *Vesta uiolatur templo caede uiolato. Scaeuola neglectus esse Vestae, Vestae cordi non fu-*

\* V *uiolentae* exhibet, quod quin coniecturae librarii docti debeamus, uix dubium est.

isse iure dicitur, ut quem in aede sua caesum non curauerit dea. Cfr

Lucan. X 176

*o sacris \* deuote senex, quodque arguit aetas,  
non neglecte deis,*

Dii igitur inducuntur uitam eorum seruantes, quos non negligunt. Ceterum ad lectionem, quae est *neglectum*, fulciendam Heitland Cl R 1895 p. 150 perbene affert Cic. De deor. nat. III § 79, qui locus omnem prope dubitationem tollere uidetur. Attamen non prorsus negare audeo potuisse *Vestae* uerbum *deae* uerbo proximi uersus glossae loco additum irrepere e margine in finem uersus huius.

II 128

*paruum sed fessa senectus  
sanguinis effudit iugulo flammisque pepercit.*

Francken, quippe quem structuram Lucani aetate inauditam recipere pigeat, Heinsium ac Bentleium *paulum* conicientes sequitur. Sed id modo si demonstrauerimus tolerabilem esse lectionem codicum, lectio difficilior retinenda erit. Probandum igitur primum nobis est usum uerbi *paruum* substantiuum ignotum Lucano non esse. Afferri possunt duo loci Lucanei:

IV 374

*luxuries numquam paruo contenta creatis*

IV 377

*discite, quam paruo liceat producere uitam,*

Restat, ut demonstremus adiectiua qualia sunt *paruus* (*minimus*), *exiguus* a Lucano cum substantiuis materialibus et quidem cum genetiuo partitiuo horum nominum coniungi. His utor exemplaribus:

1. *Exiguus*:

a) *exiguus sanguis*; cfr

IX 2

*nec cinis exiguus tantum compescuit umbram*

Ouid. Metam. VII 315 . . . *exiguo maculauit sanguine ferrum*  
cfr Luc. IV 95 sq. *exiguam Cererem*.

\* Hunc Scaeuolam pontificem maximum fuisse constat; quod quum ita sit. de Scaeuola idem ualere debuit, quod de Acoreo X 176 dixit Caesar per antithesin.

b) *exiguum sanguinis*; cfr

II 140

*ille quod exiguum restabat sanguinis urbi  
hausit*

cfr Ouid. Metam. XIII 887 *intra temporis exiguum*.

2. *Minimus*:

a) *minimus sanguis*: casu fit, ut desint Lucanea exempla.  
sed cfr

Iuuenal. X 217

*practerea minimus gelido iam in corpore sanguis  
febre calet*

b) *minimum sanguinis*; cfr

IX 504

*minimumque tenens dux ipse liquoris*

V 456

*neuter longo se gurgite lassat  
sed minimum terrae uicino littore nouit.*

IV 557

*minimumque in morte uirorum  
mors uirtutis habet*

3. *Paruus*:

a) *Paruus sanguis*; cfr

IV 239

*si torrida paruus  
uenit in ora cruor,*

VI 157

*non paruo sanguine Magni  
iste dies ierit.*

VI 226

*maiora uiris e sanguine paruo  
gaudia non faceret conspectum in Caesare uolnus.*

Sil. Ital. Pun. XII 642

*uultus, modo non paruo sudore madentis,*

b) *paruum sanguinis*; locum illum, quem tractamus, afferre liceat.

Verisimile mihi uidetur Lucanum non omnia genera aequè adhibuisse, sed hic unum genus praetulisse, illic alterum — uelut plerumque superlatiuo genetiuum rectum adhibuisse ui-

detur, positivum, qui est *parvus*, attributi instar posuisse —, sed satis demonstratum puto, quum nullum horum generum a Lucani sermone abhorreat, ne structuram quidem, quae est *paruum sanguinis*, eici par esse.

## II 141

*dumque nimis iam putria membra recidit,  
excessit medicina modum, nimiumque secuta est,  
qua morbi duxere, manus.*

Francken lectionem Augustini, *manum*, u. 143 recepit, ut euitaret absolutum uerborum, quae sunt *secuta est* et *duxere*, usum. Sed ne moneam omnino absolutum uerborum usum Lucano tam tritum et uulgatum esse, ut emendatorum patientia nimium abusus esse uideatur, mihi liceat afferre locos nonnullos, quibus ita Lucanus et eiusdem aevi poetae epici usi sunt utroque uerbo atque etiam eodem modo una ambo posuerunt; cfr

## III 29

*regesque silentum*

*permisere sequi.*

## IX 879

*ueniant hostes, Caesarque sequatur,  
qua fugimus.*

Ouid. Metam. IV 436

*nowique*

*qua sit iter, manes, Stygiam qua ducat ad urbem,  
ignorant*

Stat. Theb. IX 641 *qua semita ducit*

Liu. VIII xxxvi 9 *incessit deinde qua duxit praedae spes,*

Val. Flacc. Argon. III 147

*pergunt rupta testudine fusi,  
qua tenebrae campique ferunt.*

Exemplum huic, quod tractamus, simillimum exstat

Sil. Ital. Pun. XIV 10

*ergo age, qua litui, qua ducunt bella, sequamur.*

Val. Flacc. Argon. VII 348 *te ducente sequor*; cfr

Lucan. II 287

*sed quo fata trahunt, uirtus secuta sequetur.*

## II 172

*perque omnis truncos cum qua ceruice recisum  
conueniat quaesisse caput.*

Francken pro *qua* legendum censet *quo*, cui pronomini e uerbo, quod est *truncos*, substantiuum audiendum est. Quod Francken uulgatae infirmandae causa affirmauit in poetico sermone post praepositionem, praesertim unius syllabae, non solere statim poni substantiuum cum attributo, hoc argumento uti non licet. quum abundant exempla Lucanea ita comparata. De qua re uide L. Bauer N Ph R 1898 p. 247, qui ex libro nono sumptos tredecim locos collegit. Exempla ea Lucanea (IX 214; X 100), quibus Francken structuram, quam praebet, *caput ceruice recisum*, fulcire conatur, huc non pertinere uidentur. Rectius conferri possunt

## II 111

*rapuitque cruentus  
uictor ab ignota uoltus ceruice recisos*

Sil. Ital. Pun. XII 478

*quum rapidi caput a ceruice recisum  
portarent fluctus*

Sed mutanda lectio codicum non esse uidetur.

## II 193

*uidit Fortuna colonos  
Praenestina suos cunctos simul ense recepto  
unius populum pereuntem tempore mortis.*

P U m v *receptos* exhibent; pro *recepto(s)* codicum uulg. *recisos*. Pro *suos* (u. 194) Barth coniecit *suo*, quod recipit Francken. Illi credere uidentur Praenestinos ex urbe euocatos et a Sullanis circumdatos desperata salute in suos gladios procubuisse. Sed ita eam rem gestam esse nemo scriptorum antiquorum auctor est. Accedit, quod facile dispicimus, quibus rationibus adductus Lucanus *suos* uerbum adhibuerit: ei non est cordi honestam uirtutis extremae speciem adumbrare, sed docere neminem supplicio exceptum fuisse et per omnes populi partes passim peruagatam esse caedem adeo, ut ne Fortuna

quidem, potens et praesens quamuis sit dea, suos saltem (= Praenestinos) seruare potuerit, sed eos cunctos una caede misere trucidari uiderit. Obuersati esse uidentur loci quales Plaut. Most. 351

*nec Salus nobis salutem iam esse, si cupiát, potest.*

Ter. Ad. 761

*ipsa si cupiát Salus*

*seruare prorsus nón potest hanc fámiliam.*

Cfr Cic. In Verr. III LVII 131; Cic. Pro Font. VI 11, quae exempla Lorentz in nota Plautino illi loci adiecta attulit.

II 228

*nec plus uictoria Sullae*

*praestitit, inuisas penitus quam tollere partes.*

*hos alio, Fortuna, uocas, olimque potentes  
concurrunt.*

Francken, cui uulgata lectio inepta est, Oudendorpio astipulatus praebet u. 230 *orbemque petentes*. Sed ut hac coniectura recepta dilucidus sensus toti huic loco fit, ita non facile probant nobis docti illi uiri ita corruptelam natam esse, ut lectio apta et liquida praue abierit in multo difficiliorem non satis consimili litterarum ductu. Perperam dicit Francken ideo quoque corruptum uideri hunc locum, quod *olim* pro *dudum* numquam dixerit Lucanus. Alterum exstat exemplum, V 769

*non olim casu pendemus ab uno?*

Cfr Val. Flacc. Argon. I 53, 72; VI 60 sqq.; Sil. Ital. Pun. I 483; II 276 sqq.; VI 575 sq. Atque de hac uerbi, quod est *olim*, significatione paucis disputare liceat. Duo Lucaeana exempla sunt, quae ad hanc rem illustrandam nonnihil ualeant,

II 242

*omnibus expulsae terris olimque fugatae  
uirtutis iam sola fides*

IX 204

*olim uera fides Sulla Marioque receptis  
libertatis obit*



Totius huius usus origo repetenda esse uidetur in ancipiti ui eiusmodi formarum uerbalium, quibus significatur et actio ipsa, quae praeterito tempore gesta est, et id quod actione ea efficitur, i. e. quidam praesentium rerum status. In quarum numero sunt participia perfecti et nonnullae perfecti et plusquamperfecti formae. Accedit uero, quod *olim* uocis exstare uidentur significationum gradus, quos alium ex alio deriuare<sup>1</sup> licet. Sunt hi gradus: a) »en gång i tiden», b) »förr i tiden», c) »för länge sedan». Ex hac significatione *olim* uocis cum illis formis uerbalibus coniunctae facile explicari uidetur is *olim* uerbi usus, quo idem fere significat quod *iamdudum*. Ex ea significatione, quam littera a) signauimus, deriuata esse uidetur ea, qua aliquid fieri solere indicatur; cfr similem graecae uocis, quae est *ποτε*, usum.

Sed ad propositum redeamus. Non negauerim difficilem esse uulgatam lectionem explicatu. An h. l. Lucanus uocem, quae est *potentes*, sensu pleniore, ut ita dicam, adhibuit = »domini rerum»? Acute coniecit C. van Jever *solumque petentes* (-s)*oliūque* > *olimque*; *potens* et *petens* saepe confunduntur). —

## II 249

*an placuit ducibus scelerum populique furentis  
cladibus immixtum ciuile absoluerē bellum?*

Francken recepit Hensianum *immixto*, lectionem codicum obscuram esse affirmans: esse enim pro compositionis lege nomina in caesura et exitu uersus similiter cadentia iungenda. Sed obscuritatem omnem tollere uidetur ipsius uerbi sensus. Haskins: »*immixtum* sc. *te*». Credit nimirum h. l. inueniri structuram, quales praecipue apud priscos Latinos exstant haud rara; velut<sup>2</sup>

*Volo:*

Plaut. Amph. 662

*atque id se uolt experiri, suom abitum ut desiderem?*

Plaut. Asin. 183

*uolt placere sese amicac, uolt mihi, uolt pedissequac*

<sup>1</sup> De qua re uide A. Weidner ad Iuuenal. X 143.

<sup>2</sup> Draeger Vgl. Synt. II pp. 380 sqq.: 397 sqq. non omnia uerba attulit.

*Malo:*

Lucan. III 82

*gaudet tamen esse timori**tam magno populis et se non mallet amari.*

Plaut. Asin. 810

*émori**me málim, quam haec non eius uxori indicem.**Postulo (= uolo):*

Plaut. Asin. 189

*núnc quia nihil habés, maledictis te éam ductare póstulas?**Cupio:*

Cic. In Catilinam I II 4 cupio. P. C., me esse clementem

Martial. Epigr. II iv 7

*matrem, quae cupit esse se sororem,**nec matrem iuvat esse nec sororem.**Studeo:*

Plaut. Asin. 67

*atque égo me id facere stúdeo, uolo amari á meis*

Ter. Eun. prol. 1

*si quisquamst, qui placére se studeát bonis**Placet:*

Plaut. Amph. 309

*quisquis homo húc profecto uénerit, pugnós edet.*

So. ágagr. non placét me hoc noctis ésse; cenavi modo.

*Decretum est:*

Plaut. Asin. 73

*eos mé decretumst pérsequi morés patris.*

Ubi infinitivus passivi regitur uerbo uoluntatis, licet infinitivo cum uerbo finito subiectum commune sit, acc. cum inf. saepe adhibetur.

Sed hoc loco, quem tractamus, structuram eiusmodi constituere uix licet; neque enim accusativus, qui subiecti uicibus fungitur, omitti solet, et structuræ eius generis a Lucani sermonis usu abhorreere uidentur. Sed restat alia explicandi ratio, opinor. Quid si h. l. Graecorum more et exemplo esse

arbitremur duarum structurarum contaminationem, dico finitae et indefinitae? Velut graece post uerba, qualia sunt

*Προσῆκει:*

Isocr. 108 A *προσῆκει τοῖς μὲν ἄλλοις . . . στέργειν. σέ δέ . . . νομίζειν . . .*

*Ἔξεστι:*

Thucyd. IV xx *ἔξεστι ὑμῖν φίλους γενέσθαι*

Latine hoc usu uenit imprimis in uerbo, quod est

*Licet* \*:

Cic. Pro Balbo 29 *si cui Romano licet esse Gaditanum,*

Cic. Epist. ad Att. IV xvii

Caes. B. C. III i *is enim erat annus, quo per leges ei consulem fieri liceret.*

Ouid. Heroid. XIV 64 *. . . mihi non licet esse piam . . .*

Quintil. Inst. Orat. IV iv 6 *procuratorem tibi esse non licet*

*Do:*

Horat. Sat. I iv 39

*primum ego me illorum, dederim quibus esse poetas,  
excerpam numero.*

H. l. *do* = *concedo*; cfr Horat. Sat. I x 5. Cfr notas, quas Krueger et Kiessling huic loco subdiderunt.

Verg. Aen. X 234

*hanc genetrix faciem miserata refecit  
et dedit esse deas aeuomque agitare sub undis.*

Val. Flacc. Argon. II 225

*adeo ingentis inimica uideri  
diua dabat*

*Prodest:*

Luc. II 256

*quid tot durare per annos  
profuit immunem corrupti moribus aevi?  
hoc solum longae pretium uirtutis habebis?*

---

\* Vide Obermeier l. l. p. 44. Emory B. Lease Woelflini Arch. XI 2 pp. 7 sq. *licet* uerbum tractauit; qui diuersa et partim huc non pertinentia collegisse uidetur.

*Utile est:*

Cic. De Off. III xx 81 . . . *ut Mario praeripere collegis et tribunis plebis popularem gratiam non ita turpe, consulem ob eam rem fieri, quod sibi tum proposuerat, ualde utile esse uidebatur.*

*Necesse est:*

Lin. XXIX xxiii 9 . . . *ne sibi interesse certaminibus eorum armaque aut hanc aut illa, abnuentem alteram societatem, sequi necesse sit.*

*Gloria est:*

Lucan. III 241

*pro, quanta est gloria genti,  
iniecisse manum fatis uitaeque repletos,  
quod superest, donasse deis!*

*Placet; incertus locus est*

IX 379, ubi codices M, P exhibent  
*o quibus una salus placuit mea signa secutos  
indomita ceruice mori,*

Sed codices ceteri praebent *secutis*.

Eodem plane de genere quo hic locus, de quo disputamus, esse uidetur

II 394

*hanc placuit belli sedes, hinc summa mouentem  
hostis in occursum sparsas extendere partis*

Codices V U G *mouenti* exhibent. Sed alter locus alterum nimirum tuetur. Apparet in lectione codicum, quae est *imixtum*, acquiescere nobis licere.

II 396

*umbrosis mediam qua collibus Appenninus  
erigit Italiam, nullo quo uertice tellus  
altius intumuit propiusque accessit Olympo.*

Ita hunc locum constitutum uelim cum correctore codicis M (= m) et C'ortio. Codices G C z et Seruius ad Aen. X 145 praebent *nulloque a*, quam lectionem receperunt Bentley, Hosius, Francken. Ceteri codices exhibere uidentur *nullo qua*; ita ediderunt Weise et Haskins.

Lectio, quae est *nulloque a*, quamquam diplomaticam rationem spectantibus habet, quo se ualde commendet, mihi quidem non placet, quod structura illa *nullo a uertice . . . intumuit* molestior uidetur. Quae Heitland (Cl R 1895 p. 193) quid significet, se intelligere iure negare uidetur. Ablatium desideramus; cfr II 428; IV 11 sq.; Val. Flacc. Argon. I 580 *quot in aethera surgit molibus*; Sil. Ital. Pun. I 238 *nullaque (terra) Palladia sese magis arbore tollit*; Sil. Ital. Pun. I 127 *quanta procul moles scopulis ad sidera tendit*; Stat. Theb. III 460 *mons erat audaci seductus in aera dorso*. Conferri potest Lucan. I 473 sq. *tauriferis ubi se Meuania campis explicat*. Lectio uero Weisei et Haskinsi ne illa quidem satis placet; ita enim uis accedit terrae, non monti. Sed de monte agi inde elucet, quod et pallo infra eodem modo cum maximis telluris (= orbis) fluuiis comparatur maximus Italiae amnis, Eridanus (= Padus), et haec tota quae continuatur descriptio Appennini montis est. Obstat etiam uix excusanda hypallage: *nullo qua uertice tellus* = »qua tellure *nulla* tellus uertice». Quas omnes difficultates ut euitaret, Damsté alteram proposuit interpretandi rationem: *qua* idem ualere contendit quod *qua* superioris uersus; ergo sic haec omnia reddenda: »in Campania, ubi Appennini latus umbrosis collibus (i. e. modice) assurgit, ubi ergo nullis arduis montis cacuminibus tellus eleuatur propiusue coelo minatur». Atqui nox, quae est *collis*, saepe usurpatur de monte quamuis alto. Cfr

Catull. LXI 1 *collis o Heliconii cultor*

In nota huic loco addita Riese laudat locum alterum,

Sil. Ital. Pun. III 415

*At Pyrenaei frondosa cacumina montis  
turbata Poenus terrarum pace petebat.  
Pyrene celsa nimborum uerticis arce  
diuisos Celtis late prospectat Hiberos  
atque aeterna tenet magnis diuortia terris.  
nomen Bebrycia duxere a uirgine colles.*

Lucan. I 688

*nunc desuper Alpibus  
nubiferae colles atque aeriam Pyrenem  
abripimur.*

Sil. Ital. Pun. XIV 67 (de Aetna monte agitur)  
*aeternoque rigore*  
*ardentes horrent scopuli, stat uertice celsi*  
*collis hiems.*

Atque *umbrosus* uocem de altitudine montis nihil detrahere  
 apparet ex locis quales sunt

Sil. Ital. Pun. IV 741

*summo*  
*piniferum caelo miscens caput Appenninus*  
 Sil. Ital. Pun. XV 174 (ubi *collis* uox inuenitur)  
*nemoroso uertice celsus*  
*apparet collis, fugiuntque in nubila siluae*  
*Pyrenes*

ibid. XVII 640

*frondosumque apicem subigens ad sidera mater*  
*bellorum fera Pyrene*

Interpretatio uero Damsteiana ideo improbanda est, quod illa efficitur dissolutum sane durum et quo diligentius in sensum eius interpretationis ui et arte rhetorica prorsus carentem inquisiueris, eo magis intolerabile. Accedit uero, quod totus hic locus de Italiae montibus et fluuiis scriptus summae exaggerationis speciem prae se fert, quo fit, ut Damsteianum sensum, si cum sequentibus uersibus contuleris, nihil magis frigeat.

Sed ad lectionem, quam amplexi sumus, tutandam satis erit monere Eridani fluuii descriptionem induci enuntiato relatiuo plane simili:

*quoque magis se soluit tellus nullum in amnem*  
*quo altius intumuit tellus nullo uertice*

Simillimo modo continuatur descriptio: *mons* u. 399; *hunc* ... *fluuium* u. 410. Ceterum moneo poetis Latinis in deliciis fuisse talem montis eius describendi rationem; cfr in transitu dictum

Sil. Ital. Pun. II 314

*Alpibus aequatum attollens caput Appenninus.*



## II 405

*in laeuum cecidere latus ueloxque Metaurus  
Crustumiumque rapax et iuncto Sapis Isauro  
Senaque et Adriacas qui uerberat Aufidus undas,  
quoque magis nullum tellus se soluit in amnem,  
Eridanus fractas deuoluit in aequora siluas  
Hesperiamque exhaurit aquis.*

Bentley et Weber uerba facientes de copula ante uerba, quae sunt *fractas deuoluit*, recte omissa et Francken coniciens *E.*, *fractas qui noluit* arbitrari uidentur ei quoque uerbo, quod est *Eridanus*, *cecidere* uerbum pradicati instar addi oportere. Quod uix ita esse credo. Quid igitur? Eridanus amnis poetae mirus admodum uidetur, quare cum ceteris, quae hic enumerantur, fluminibus non eodem habendum eum esse ordine consentaneum est; cuius rei signa sunt uerba sane mira (*fractas deuoluit siluas* et *Hesperiam exhaurit aquis*) *Eridanus* uoci addita. Sequitur longus uersuum ordo, quibus mira sane narrantur magnitudinis exaggerandae causa.

## II 435

*longior Italia, donec confinia pontus  
solueret incumbens terrasque repelleret aequor.*

Francken coniecit u. 436 *reuelleret* his quidem uerbis additis: »Repellimus minantem aut inuadentem, quod h. l. alienum.» At primum monendum est sensu illo, quo uult Francken, uix usurpari *reuellere* uerbum; desideramus *diuellere*. Percommode uero *repelleret* = »cedere cogeret». Sed hic locus iam per se non temptandus coniecturis se tuetur manifesto testimonio Ouidiani loci, ad cuius speciem quin adumbratus sit uix dubium est, dico

Ouid. Metam. XV 291

*dicitur Italiae, donec confinia pontus  
abstulit et media tellurem reppulit unda.*

In promptu est arbitrari h. l. antithesi satis rhetorica inuerti quodammodo structuram, quae est »terra, tellus undas, aequor repellit».

Stat. Theb. IV 61

*quaque obiacet alto  
Isthmos et a terris maria inclinata repellit.*

Haskins inter se comparavit Verg. Aen. III 414—419 et Claudian. Rapt. Proserp. I 140—144 (142—146 Koch).

II 506

*mediis subrepat uinea muris*

Verbum illud *mediis* impugnat, ut quod parum intelligatur; conicit *atque imis*. Sed et facile intelligitur lectio codicum — nam muri inter partes pugnantes medii sunt — et auxilio uocari possunt loci multi,  
Verg. Aen. IX 142

*quibus haec medii fiducia ualli  
fossarumque morae, leti discrimina parua,  
dant animos.*

II 629

*nec licet ad duros Martem conuertere Hiberos,  
cum mediae iaceant immensis tractibus Alpes*

IV 32

*luce noua collem subito conscendere cursu,  
qui medius tutam castris dirimebat Ilerdam,  
imperat*

IV 18

*medias dirimit tentoria gurgis.*

IX 301

*sed iter mediis natura uetabat  
Syrtribus*

Translate adhibetur

I 322

*ausum medias perrumpere milite leges*

VI 99

*nec medii dirimunt morbi uitamque necemque*

II 541

*nec magis hoc bellum, quam quod Catilina parauit  
arsuras in tectu faces*

Ita hunc locum constitutum nelim, quae lectio est codicum M V Z; lectionem codicum P U G mz, *cum*, amplectuntur Weise-Haskins et Francken, hic quidem *quom* edens. Heitland, qui *quod* genuinum esse arbitratur, hanc lectionem (Cl R 1895 p. 194) defendit allatis locis duobus, III 392; V 696 sq., quorum testimonium iusto lenius est. Sed altero loco iisdem fere uerbis Lucanus oratorem facit indicantem aliquid minus iusta uoce significari,

VII 739 *neque enim donare uocabo,  
quod sibi quisque dabit.*

Ita P G M Z?; V U<sub>2</sub> *uacabo*.

II 570

*Rheni gelidis quod fugit ab undis  
Oceanumque uocans incerti stagna profundis  
terrata quaesitis ostendit terga Britannis?*

Francken causam memorati Oceani desiderans pro uerbo, quod est *Oceanum*, coniecit *Oceani*; ante *uocans* distinctionis uirgulam posuit. Tum uero, ut euitaret dissolutum sane durum, *terrata* uerbo affixit particulam *-que*, quam de uerbo sequenti, *qu-aesitis*, sumendam ostendit; tum uero pro *aesitis* legendum docet *excitis*.

Sed (mitto, quod ne ita quidem dilucidior fit causa commemorati Oceani) sic nimirum res se habet: increpat Pompeius Caesarem maledictis, primum quod Galli toties rebellassent, deinde quod a Germanis instantibus territus trans Rhenum fugisset et ne sinistra quidem in ripa subsistere ausus esset, postremum quod Britannis longo itinere quaesitis (cfr Verg. Aen. XI 387 sq.) pugnandi occasionem tandem nactus territa ostendisset terga, mare Oceanum metus et calamitatis causam esse simulans. Cum loco eo, quem tractamus, conferre licet

Claudian. XXIV 148

*nec stetit Oceano remisque ingressa profundum  
uincendos alio quaesiuit in orbe Britannos.*

Caesar B. G. IV xxviii—xxx tradit tempestate subito coorta partem nauium relatas esse, unde essent profectae, partem diuersas in partes delatas, alias aut aqua completas aut fractas

esse; reliquas in altum prouectas continentem petiisse. Qua re adductos Britannos rebellasse. Sic uero Pompeius rem exponit: Caesarem Britannos longo itinere quaesitos attonitum fugisse uim importuni maris Oceani causatum. Quid tamen Caesarem *Oceanum* uocasse? Nihil nisi *stagna incerti profundi* fretumque angustum, ubi ne tempestas quidem nauigantibus periculum facessere posset. Franckeni *excitis* frigidum; lectionis uero uulgatae *quaesitis* uerbis, quae sunt *terrata ostendit terga*, oppositum ad irrisionem efficiendam aptissimum uidetur.

## II 619

*hinc illinc montes scopulosae rupis aperto  
opposuit natura mari flatusque remouit,  
ut tremulo starent contentae fune carinae.*

Bentley acute pro *montes* uerbo coniecit *moles*, astipulante Franckenio. Hic quidem in genetiuo materiae offendendum ait; neque enim scopulis congestis fieri montem. Deinde ideo, quod rupes in mare prominens semper sit *scopulosa*, necessarium uideri legere *scruposae*. Atqui primum, licet concedamus ne rupibus scopulosis quidem congestis montem fieri, tamen omnia sana esse posse uidentur. Quid enim est, quin eodem de genere h. l. genetiuum esse arbitremur quo ex. gr. IV 460 *contorti uerticis undae*; VIII 474 *uiolenti uerticis amnem*? Deinde quod totiens una collocantur uerba, quae sunt *rupes* et *scopuli*, ideo tanto magis retinendam censeo lectionem *rupis scopulosae*; cfr IV 451

*religatque catenas*

*rupis ab Illyricae scopulis*

## VIII 46

*rupis in abruptae scopulos*

Cfr locum Vergilianum, qui Lucano obuersatus h. l. esse uidetur,

Verg. Aen. I 162

*hinc atque hinc uastae rupes geminique minantur  
in caelum scopuli*

Conferenda ea, quae paullo infra de nauibus a tempestatum ui tutis dicuntur. *Mons* et *scopulus* una collocantur Lucan. VI 266 sq.

II 650

*at numquam patiens pacis longaeque quietis  
armorum*

Haec lectio uidetur esse codicum U A B (Hosius, qui codices A B hic illic tantum ascinit, U laudat); ceteri pro *pacis* exhibent *segnis*. *Pacis* edunt Weise-Haskins et Hosius; *segnis* Oudendorp praefert. Francken quidem legendum proponit *pacis segnisque quietis*; excidisse enim arbitratur post uerbum *patiens pacis* uersumque per uerbum, quod est *longae*, esse suppletum. Sed quomodo lectio illa, *longae segnisque quietis*, cum lectione omnium codicum, quae est *longaeque quietis*, coniungi potest? Mihiquidem uerisimile uidetur post *patiens* uerbum [*pacis* in archetypo scriptum; cfr I 198 *lacialis* (U); I 315 *sociabunt* in *saciabunt* corr. (G); I 338 *proiuntia* (G); I 408 *Cirthus* — pro *Circius* — (V G); I 535 *laciale* (U); I 611 *impaciens* (U); I 602 *ticii* (U); II 125 *tribunitio* (V U A G); II 369 *conuitia* (A); III 127 *tribunitiae* (M A V U G); III 371 pro *tutius* M exhibet *tucius* (M<sub>1</sub> *tuscus*); IV 336 T pro *sitiens* praebet *sciens* (< \**si-ciens*?).] excidere potuisse, post correctum esse uersum iusto breuiorem recepto in contextum uerbo *segnis*, quod restitutum erat e glossa *segnicie* (cfr Hosius Fleckeisens Jahrb. 1893 p. 341) in margine addita. Sed libenter concedo hanc explicationem nimis artificiosam esse iure dici posse. Fortasse non prorsus inutile erit quaerere, soleantne poetae Latini uerba, quae sunt *pax* et *quies*, componere. Cfr

Lucan. I 249

*pax alta per omnes  
et tranquilla quies populos*

VI 282

*accendit pax ipsa loci mouitque furorem  
Pompeiana quies*

Stat. Theb. III 447

*hinc pacis tranquilla mouent, atque inde pudori  
foeda quies, flectique noua dulcedine pugnae  
difficiles populi*

Hosius l. l. affert

Martial. Epigr. lib. IV 1

*turba grauis paci placidaeque inimica quieti*

*Bellum et quies sibi opponuntur*

IX 294

*iamque actu belli non doctas ferre quietem  
constituit mentes serieque agitare laborum*

II 675

*incessitque fretum rapidi super Hellesponti*

Francken propter uerborum ordinem *super* praepositione *fretum* uocem regi non posse ratus coniecit *incessitque fretum rapido super Hellesponto*. Bentley qua solet diuinandi sollertia *incessitque pedes* ... Sed propter praepositionem emendato hoc loco opus esse non uidetur; quum enim post casum simplicem posita apud Lucanum *super* praepositio nonnumquam adhibeatur, in hac structura prorsus non offendendum, praesertim quum uerba, quae sunt *rapidi Hellesponti, fretum* uerbo<sup>1</sup> attributi instar addita sint. Mitto, quod nec *fretum* uocem eodem prorsus quo *mare* sensu adhiberi solet Lucanus nec *incedere* uerbo transitivae uti. Sed lectio Franckenii quominus uera esse possit, aliud obstat idque in Lucani casuum usu positum. *Super* enim locali sensu adhibitum nusquam regit ablativum, sed ubique<sup>2</sup> accusativum; cfr I 678, 686; II 386, 679, 726; III 164, 705; IV 310, 333, 431; V 251; VI 356; VII 520, 838; VIII 1, 164, 226, 818; IX 15.

II 700

*quam retinere uetas, liceat sibi perdere saltem  
Italiam.*

Francken *perdere* uerbum de regione dici posse negans coniecit *prodere* neque enim uerbum, quod est *perdere*, usurpari posse de re stabili et manenti. Sed conferas uelim locum huic, de quo disputamus, simillime constitutum, Sil. Ital. Pun. I 422 (Baueri ed.)

*quum siluam occursum uenantum perdidit ... aper ...*

<sup>1</sup> De qua re uide E. Trampe, qui De re metrica p. 67 exempla Lucanea praepositionum insolitum in modum postpositarum attulit.

<sup>2</sup> Obermeier, qui l. l. pp. 26 sq. sub titulo »mit acc. u. abl.« huius praepositionis usum Lucaneum commemorauit, haec tantum habet: »Super mit acc. räumlich ist bei Luc. ungemein häufig.« Inter exempla unum falso numero attulit. IV 233 pro 333: quo loco praue pro *sedere* forma praebet *sedent*, quod metro repugnat.



Claudian. V 394

*ut fera quae nuper montes amisit auitos  
altorumque exul nemorum damnatur . . .*

Verba, quae sunt *retinere* et *perdere*, sibi opponuntur eodem quo hic sensu

Claudian. XVIII 97

*retinent mores, quod perdidit actas.*

*Perdere* idem fere quod *amittere* ualere uidetur

Lucan. IV 279

*deserat hic feruor mentes, cadat impetus amens:  
perdant uelle mori.*

VII 36

*sic se dilecti tumulum quoque perdere Magni.*

VII 191

*Emathiis quid perdat nescius aruis.*

VIII 611

*Phariamque ablatus in alnum  
perdiderat iam iura sui.*

Sensu *perdere* uerbi proprio adhibetur II 190;

X 169

*discit opes Caesar spoliati perdere mundi*

VI 224

*perdiderat uultum rabies*

*Perdere* = *uitiare*

X 167

*externa nec perdidit aera terra*

*Perdere* = »nequidquam facere», »sine ullo usu dimittere», »abuti» cfr III 394, 706; V 423; VI 197; VIII 53; IX 569; X 370 sq., 505 sq. —

III 111

*melius, quod plura iubere  
erubuit, quam Roma pati.*

Francken, cui post *melius* ellipsis uerborum, quae sunt *actum est*, inaudita intolerandaque, *quod* uero molestum et languidum est, uerbi *quod* loco ponit *di*; uerbo *quod* interpretandi causa inserto expulsam esse *di* uocem; sic ergo edit: *melius di! plura iubere erubuit . . .* Sed lectionem ueram quo-

minus Franckenum inuenisse credamus, obstat uerborum inter se ordo; ubicunque enim hanc inuenimus formulam — ubique in primo uersu, nisi me fallo — ordo \* solemniss est *di melius*, metri scilicet causa; cfr

Ouid. Heroid. XVII 30

*di melius, similis non fuit ille tui.*

Lucan. II 537

*di melius, belli tulimus quod damna priores*

Lucan. III 93

*di melius, quod non Latias eous in oras  
nunc furor incubuit*

Horat. Sat. II vi 4

*di melius fecere. bene est. nil amplius oro.*

Plaut. Bacch. 626

Pi. *di melius faciant. Mn. périi.*

Plaut. Cas. 813

Ol. *di melius faciánt. sed crepuit óstium: exitúr foras.*

*Di meliora:*

Plaut. Pseud. 315

Ba. *di meliora fárint. Ps. fac hoc, quod té rogamus, Bállio.*

Tibull. III iv 1

*di meliora ferant*

Ouid. Metam. VII 37

*di meliora uelint*

*Di bene (fecerunt), quod; in primo uersu*

Horat. Sat. I iv 17

*di bene fecerunt, . . . quod . . .*

Stat. Theb. II 170

*di bene quod tales stirpemque animosque uenitis*

Stat. Theb. IX 296

*di bene, quod . . .*

Claudian. XV 346

*di bene, quod*

---

\* Fortasse conferenda sunt, quae de exsecrandi formulis — quamquam h. l. nulla est exsecratio — attulit E. Kellerhoff, qui in studiis G. Studemundi de collocatione uerborum uol. II pp. 49 sqq. disputauit; cfr quae de locutione, quae est *di bene uortant*, dicuntur, quod ad haec uerba collocandi usum sollemnem.

Nullum denique inueni locum, quo alius horum uerborum esset ordo. Sed quin recte se habeat lectio codicum, dubium esse uix poterit, si contuleris

Iuuenal. Sat. II 137

*interea tormentum ingens nubentibus haeret,  
quod nequeant parere et partu retinere maritos.  
sed melius, quod nil animis in corpora iuris  
natura indulget*

III 112

*tamen erit in iram:*

*uiribus an possint obsistere iura, per unum  
libertas experta uirum.*

Francken corruptelam ait se suspicari atque hanc esse credere ueram lectionem *tamen erit in iram*. Haskins omnia uerba lectionis uulgatae uno tenore legenda esse ostendit. Sed equidem, Haskinsianam explicationem ueram esse ut credam, animum inducere non possum. Mihi enim *erit in iram libertas* nihil aliud est quam illud *libertas irascitur* aut *libertas irae contigua uidetur*; cfr exemplum Plinianum ab Haskinsio allatum. Melior esse uidetur Hosii explicandi ratio — nam pro explicatione est interpunctio —, qua uerba, quae sunt *uiribus . . . uirum*, epexegeseos instar adduntur dissolute. Molesta admodum talis copulatio, nec tamen ab Lucani sermonis usu prorsus abhorrere uidetur; plqpf.

V 720

*Nymphaeumque tenent; nudas aquilonibus undas  
succedens boreae iam portum fecerat auster.*

Epexegesis idem tempus exhibet atque sententia antecedens

IX 37

*boreaue urgente carinas*

*Creta fugit; Dictaea legit cedentibus undis  
littora.*

Francken quidem parum\* satisfacit, quum corruptelam constituat, ne obiectum omittatur, credo. Sed sic fortasse hunc locum edere licet:

\* E. Trampe l. l. p. 10 docet Lucanum perfecti formas quales *petiit* (huius generi *exciit* formam ascribendam quis non uidet?) non nisi contractas usur-

*tamen exciit in iram*  
*uiribus an possint obsistere iura per unum*  
*libertas experta uirum.*

*Excire* in *exire* facile mutari potuit, quum seris latinitatis temporibus eodem modo efferrentur ea uerba. Atque in singulis Lucanei operis libris manu scriptis confusa exstant *s* et *sc* saepius, uelut VI 11 *exiri* (pro *exciri*) B; III 333 *exemptus* (C) pro *exceptus*; inuersis uicibus scribitur V 514 *excesis* (B); *excessis* (P<sub>1</sub>) pro *eresis*; VI 313 *exciri* (V, R g) pro *exire*; VII 780 *descisset* (P, U m) pro *desisset*. Si lectio ea, quam proponi posse dixi, uera est, translate adhibetur *excire* uerbum ita, ut VII 11

*ut uidet ad nullos exciri posse tumultus*  
*in pugnam generum*

Alio sensu (= uppbâda)

VII 361

*innumeraeque urbes, quantas in proelia numquam,*  
*excuiere manus*

*Excitare* illo sensu adhibetur

II 324

*inuenisque calorem*  
*excitat in nimios belli ciuilis amores.*

Hoc sensu (= uppbâda)

IV 207

*famulas scelerata ad proelia dextras*  
*excitat*

III 125

*certe uiolata pôtestas*  
*inuenit ista deos. Crassumque in bella secutae*  
*saena tribuniciae nouerunt proelia dirae.*

Guyet. cui astipulatur Francken, coniecit *mouerunt*; Bersmann et Grotius praebent *nouerunt*. Damsté (quem Guyetianam lectionem recepisse falso affirmat Francken) exhibet *mo-*

*passe*. Hoc si uerum est, id quod peruoluto Lucani opere mihi persuasum habeo, coniectura Franckeni uera esse uix potest.

*uere in*; Bentley audacius *nouere piacula diuae*. Atque ad coniecturam Bersmanni — *nouere* — fulciendam afferri posse dixerit quispiam

IX 442

*nulla portus tangente carina  
nouit opes.*

Sed h. l. ut alias ubique *noscere* dicitur de eo, cui obtin- git aliquid uel boni uel mali. Restat, ut de lectione Franckenii — *mouere* = attulerunt — pauca dicamus. Vario admodum sensu adhiberi uidemus uerbum, quod est *mouere*. Hae im- primis significationes inueniuntur:

1. *Mouere* = »sätta i rörelse».

De rebus:

- a) de corporis agitur affectionibus; uelut *mouere pituitae cursus assiduos* (Cels.); *mouere lacrimas* (Lucan. IX 49 sq.); *m. alci nauseam* (Fulg.); *m. alci bilem* (Plaut.)
  - b) de animi affectibus agitur; translate = »framkalla»; uelut *furorem mouere* (Lucan. VI 165. 282; IX 642); *spem mouere ausis* (Val. Fl. Argon. V 661); *soporem impavidum mo- uet uictoria* (Sil. Ital. Pun. VIII 257); *mouere alci alqd*; *alci* =
    - a) = in alquo; uelut *mouere alci iram* (Lin.); *m. alci cu- ram* (Claudian. XXIV 237 sq.)
    - β) = in alqm; uelut *inuidiam mouere alci* (Sen.) = »inui- diam conflare alci».
  - c) neque hoc neque illud significatur, sed structurae originem inde facile deducas; uelut
- Ouid. Metam. XIV 669

*Helene non pluribus esset  
sollicitata procis, nec quae Lapitheia mouit  
proelia*

Hippodamiae uenusta forma libidinem *mouit*, unde fluxe- runt proelia illa.

Lucan. III 121

*certamen mouistis, opes, ...*

id. IV 211

*addidit ira ferox moturas proelia uoces*

Si adest tali loco datius personae, plerumque significat eum, cum cuius incommodo ita efficitur aliquid; uelut Horat. Carm. I xv 10

*quanta moues funera Dardanae  
genti!*

Ea res *bellum mouere* dicitur, cuius causa pugnatur; hoc contra Oudendorpium moneo (cfr Haskins ad hunc uersum).

De personis; *mouere* = *excire* (= *mobilisera*):

Lucan. III 170

*secum casuras in proelia mouerat urbes.*

id. X 383

*nec opes populorum et regna mouemus*

Val. Flacc. Argon. VI 728

*Scythiamque in bella mouerem.*

Claudian. V 149

*extremos ultra uolitat gens si qua Britannos,  
mota mihi*

Quisquis haec exempla inspexerit, Damstei coniecturam sanam esse non posse uidebit.

Contigua esse uidentur exempla ea, ubi de proelio usurpatum *mouere* uerbum idem significare uidetur quod *ciere*, *miscere*, *committere*; uelut

Lucan. I 119

*bellumque mouere  
permissum ducibus.*

id. X 418

*ciuilia bella satellites  
mouit*

id. X 470

*corriperet famulos, quo bellum auctore mouerent.*

id. X 315

*quis te tam lene fluentem  
moturum totas uiolenti gurgitis iras,  
Nile, putet?*

Cfr Sil. Ital. Pun. II 430 (*certamina anhela mouere*); id. IV 372 (*bella furibunda m.*); id. IV 779 (*bella moues*).



2. *Mouere* = »förflytta»; uelut

*castra mouere*; *mouere fata* (Lucan. VI 605) = mutare;  
*mouere* = moliri:

II 505

*moturas ingentia pondera turres*

*Mouere* = admouere:

V 457

*mouitque Ceraunia nautis.*

Ex hoc eius uerbi usu deducendus usus, qualis in his exemplis inuenitur:

Sil. Ital. XIII 96

*Fuluius infaustam Campana ad moenia clausis  
portabat famam miserisque extrema mouebat.*

Propert. IV xxii 32 (Lucianus Mueller)

*exitium nato matre mouente suo*

Val. Flacc. Argon. II 101

*quocirca struit illa nefas Lemnoque merenti  
exitium furiale mouet*

id. V 291

*uerum alios tunc ipsa dolos, alia arsa mouebo*

id. V 296

*talia tunc hominum superi pro laude mouebant.*

Claudian. Rapt. Proserp. I 32

*Dux Erebi quondam tumidas exarsit in iras  
proelia moturus superis*

Claudian. XV 474

*pendula ceu paruis moturae bella colonis  
ingenti clangore grues aestiua relinquunt  
Thracia*

Unum exemplum huius generis habet Lucanus

I 631

*uix fas, superi, quaecumque mouetis,  
prodere me populis*

Sed haec quidem hactenus. Quo uero diligentius in usum poeticum huius uerbi, quod est *mouere*, inquisiuerimus, eo magis nobis persuasum erit eum huius uerbi usum, quem hic usurpauit Guyet (Francken), non sanum esse. Restat lectio-

nem codicum ut retineamus, quam — id quod uidit Haskins — fulciunt loci, quales sunt

Ouid. Metam. XIII 88

*sortemque meam uouistis, Achiui,  
et uestrae ualuere preces*

Quod exemplum solum sufficiat; addit Haskins

Horat. Epist. I iv 8

*quid uoueat dulci nutricula maius alumno?*

Addi possunt

Ouid. Ex Ponto I vi 46

*magna tamen spes est in bonitate dei.  
qui ne difficilis mihi sit, Graecine, precare,  
confer et in uotum tu quoque uerba meum.  
inque Tomitana iaceam tumultus harena,  
si te non nobis ista uouere liquet.*

Lucan. X 397 (quod ad rem consimilis locus)

*aude: superi tot uota Catonum*

*Brutorumque tibi tribuent.*

id. VIII 827

*quid tibi, saeua, precer pro tanto crimine, tellus?*

cfr Martial. Epigr. I xx 3; xcix 16.

Sic uertendum est: »Es waren die Rachegöttinnen eines Tribuns, die dem Crassus ins Feld folgend auf ihn die Unglücksschlachten herabwünschten.«

III 159

*quod tibi, Roma, fuga Pyrrhus trepidante reliquit,  
quo te Fabricius regni non uendidit auro,*

Pro *regni* codices exceptis M P exhibent *regi*. Francken in nota coniecit *Brennus* (pro *Pyrrhus*), sic rationem reddens: *Pyrrhum* non fuisse diuitem; deinde si per uerba quae sunt *Pyrrhus* et *regi* eadem persona significetur, eodem pertinente utroque uersu corrumpi anaphoram per octo membra continuatam et mere relatiuam sententiam annecti misere languentem. Ad diuersa igitur pertinere debere uersus illos (159, 160) aut posteriorem esse eximendum. Sed uersum 160 si epexegetice subiungimus priori, omnia, credo, sana esse possunt. In quo

uersu mihi quidem Lucaneus sane color inesse uidetur commemorato auro, quo patriam se uenditurum negarat Fabricius, quodque tamen Romanorum uenerat in potestatem. In uerbis uero, quae sunt *fuga trepidante*, nihil esse, quominus haec de Pyrrho rege dici credamus, ostendit locus qualis est Claudian. XXVI 128

*plus fuga laudatur Pyrrhi quam uincla Ingurthae.*

### III 181

*exhausit totas quamuis delectus Athenas,  
exiguae Phoebea tenent naualia puppes,  
tresque petunt ueram credi Salamina carinae.*

*Naualia* saepe idem significare quod *portus* uocem constat. *Phoebea naualia* dici oportet de eo portu, in quem conuenire iussae sunt naues sociorum. Nam sententiarum inter se nexum si considerauerimus, sententia primaria, quid fiat, commemorari par esse uidebimus. Tum uero *tenent naualia puppes* idem significat quod in portum Ph. dirigunt naues cursum. Consimilem huius uerbi sensum usurpant exempla nonnulla, uelut II 392

*interea trepido descendens agmine Magnus  
moenia Dardanii tenuit Campana coloni.*

### III 755

*naualia paucae  
praecipiti tenuere fuga.*

### IV 583

*namque rates audax Lilybaeo littore soluit  
Curio nec forti uelis aquilone recepto  
inter semirutas magnae Carthaginis arces  
et Clupeam tenuit stationis littora notae*

### V 719

*praetereunt frustra temptati littora Lissi  
Nymphaeumque tenent*

### VIII 463 (de quo loco uide Haskinsi notam)

*nec tenuit gratum nocturno lumine montem  
infimaeque Aegypti pugnaci littora uelo  
nix tetigit*

Cfr Liu. I 1 *ab Sicilia classe ad Laurentem agrum tenuisse.*

*Phoebea* adiectiuo nonne significatur portus\* Actiacus? Alias enim inter se confunduntur interdum priora et posteriora, uelut

I 679

*uideo Pangaea ninosis*

*cana iugis latosque Haemi sub rupe Philippos.*

Tum enumerantur *gurgēs Lagaei Nili, Syrtis, Libye, Pyrene.*

IX 271

*credet ab Emathiis primos fugisse Philippos.*

Ut hic confunditur Pharsalica pugna cum Philippica, ita in promptu est arbitrari per anticipationem alterius belli ciuilis Actium sedem fuisse classis imperatoris uicti dici. Recte de prolepsis historica uerba facit Francken.

III 490

*nunc aries suspenso fortior ictu*

*incussus densi compagem soluere muri*

*temptat et impositis unum subducere saxis.*

V. 492 Withof, cui astipulantur Schrader et Francken, pro *unum* coniecit *fundum*. Fundamentum ait Fr. subtrahendum, non unum saxum, quod sane non suffecturum fuisse etiamsi molare. Bothe uero pro *unum* praebet *imum*. Sed numquam auditum est ariete fundamenta moenium subruī solita. Quod uectibus efficiebant antiqui (cfr *sara uectibus summonere; uectibus infima sara turris conuellere*, Caes.), quae instrumenta h. l. significantur uerbo quod est *ferro*, u. 489

*moliri nunc ima parant et uertere ferro*

*moenia*

Ei uersui quodammodo opponuntur uerba ea, quae tractamus. Ariete incusso muri ipsius compagine soluta conabantur unum saxum subducere impositis (= »skjuta bresch»), quae falcebus muralibus tum diuellerentur. Unus locus coniecturam Bothei fortasse fulcire uidebitur,

Verg. Aen. XII 705

*quique alta tenebant*

*moenia quique imos pulsabant ariete muros*

---

\* Merito Actii portum Phoebeum dici apparet ex loco qualis est Sil. Ital. Pun. XV 302 *Phoebi uidit citus Actia templa.*

Sed h. l. suo iure adhibetur adiectivum, quod est *imos*, oppositum *alta* adiectivo, quum sibi opponendi sint defensores in muro stantes et hostes urbem humi oppugnantes.

## III 523

*posito borea pacemque tenentibus austris  
servatum bello iacuit mare*

Francken legendum proponit *prostratum* impugnata lectione codicum, quae est *servatum*, «quasi interire possit mare». Sed hoc saepius significat *servare*: «curare, ne ab aliis praeripiatur alci alqd., et *servari*: valis negatum destinatum esse alci». Helm in censendo priore volumine editionis Franckenianae haec habet: «... aufgespart nur für den Krieg; Lucan liebt das *servare* in diesem Sinne, cfr IV 717; V 3.» In volumine altero censendo addidit VI 802 sqq.; VIII 661; IX 140, 214; X 431. Addi potest

## V 812

*non inuat in toto corpus iactare cubili:  
servatur pars illa tori.*

## III 563

*tunc quaecumque ratis tentavit robora Bruti,  
ictu victa suo percussae capta cohaesit*

*Percuss(a)e* M Z p; *percussa* è P; *percussaque* (Gi); *percussa* et O. Hanc lectionem praebet vulgata. In qua molesta sunt participia illa tria se excipientia (*victa*, *percussa*, *capta*), quorum quid significet medium illud *percussa* intelligere non possum. Francken quidem, cui *capta* verbum ineptum est, conicit *percussae impacta cohaesit*. Sed huic lectioni paullo longiori et languidiori multo praestat lectio Hosiana codicibus rite commendata. Comparantur naues et copiae acie confligentes: naues Phocaicae ictu suo victae sunt — mirum sane; cui enim hoc umquam accidit pugnanti? — quin etiam captae sunt cohaerendo cum percussa — quis umquam a percusso captus est? — Hac antithesi nihil Lucano dignius esse omnes libenter concessuros credo. Restat, ut de ratione grammatices pauca dicamus. *Cohaerere* dativum regens Lucani temporibus tritum

et uulgatum fuisse uidetur; cfr Ouid. Metam. IV 553 . . . *sco- puloque affixa cohaesit*; id. V 125 . . . *lignoque cohaesit*. Dixerit quispiam *capta* uerbo significetur necesse esse actionem antecedentem illi, quae *cohaesit* uerbo continetur. Minime uero; cfr

II 536

*iam tetigit sanguis pollutos Caesaris enses.*

V 60

*cingere Pellaeo pressos diademate crinis.*

Alia exempla sub IX 406 et X 106 collecta attulimus.

IV 101

*subitisque frementis  
uerticibus contorsit aquas et reppulit aestus  
fortior oceani.*

Heinsius — his uersibus miram fluminum effusorum uim exaggerari a Lucano ratus — legit *aestum*, quasi fluminibus aestum maris oceani repulsum tradatur. Sed quisquis uersibus \* 110 sqq. uiderit precari poetam, ut in perpetuum maneant mala illa, quae ante narrata sunt, is Heinsium egregie fefellisse opinionem intelliget. Dicere uoluit poeta multo grauius terras diluuiio afflictas esse, quod prae aestu maris defluere amnes non possent, sed in terras redire cogerentur. Nec tam infitiandum est in loci huius structura inesse difficultatem quandam. Quam ut euitet, Francken legendum proponit *aestu*, mira narrans de *palus* uerbo subiecti uicibus fungente. Sed dissolui omnem difficultatem credo, si *aestus oceani* subiectum esse constituamus et uerbi *contorsit* et *reppulit* uerbi; *contorquere* uerbi significatio aptissima est, quam cum amnium aquis refluentibus coniungamus; cfr IV 460, ubi *contortus* uerbum de undis repulsis adhibetur. Vide praeterea exempla eiusmodi, quae plurima attulit Georges.

---

\* sic, o summe parens mundi, sic, sorte secunda  
aequorei rector, facias, Neptune tridentis,  
et tu perpetuis impendas aera nimbis,  
tu remeare uetes, quoscumque emiseric aestus.  
non habeant amnes decliuem ad littora cursum,  
sed pelagi referantur aquis



## IV 222

*trahimur sub nomine pacis.*

Francken minus recte, ut uidetur, *sed* omissum esse ait: tum haec: »Sententia: his bellis non id agitur ut uiuamus, compellimur (ad mortem), dum foedus iactatur.» Verbis, quae proxime anteedunt, *non hoc ciuilia bella, ut uiuamus agunt*, hoc dicere uoluit Petreius: uita nibili esse debet, quum ciuile bellum suspectum sit non ideo, ut uita seruaretur sed ut honos ac libertas.» Quaerendum igitur esse ait, num pace facienda bene libertati consuleretur. Tum apparere pacem istam nihil aliud esse quam seruitutem pulcro nomine ornatam. Verba, quae sunt *non hoc . . . agunt*, ad superiora pertinent ergo, uerbis, quae sunt *trahimur s. u. p.*, pars altera orationis Petrei inducitur. *Trahimur* = »widerstandslös werden wir (in die Knechtschaft) dahingeschleppt ; cfr Liu. XXI xiii *potius quam coniuges ac liberos rapi trahique sinatis*.

## IV 737

*leti fortuna propinqui  
tradiderat fatis iuuenem, bellumque trahebat  
auctorem ciuile suum.*

## VII 345

*unaque gentes  
hora trahit.*

## IV 232

*nunc toto fatorum ignarus in orbe  
Magne, paras acies mundique extrema tenentis  
sollicitas reges, quum forsā foedere nostro  
iam tibi sit promissa — salus.*

In hoc loco interpretando haeserunt — sine causa, credo — docti uiri. Burmann quidem, cui nullus probabilis efficitur sensus, proponit *non tibi sit promissa salus* aut *quum forsā finire nostro iam t. s. p. s.*: »ut pro pignore uitae Pompei Petreius interficeretur. Francken haec habet: »Sententia haec requiritur: Pudorem abiicistis (232), eo res adducta est, ut reges orientis parati sint ad opem ferendam, nos foedere nostro eum subuertamus, s. eius salus sit proiecta, concussa, subuersa, prolapsa. Num '*prae*cisa'? *Promissa* non infrequenti errore

*PROMISA* fere = *PRECISA*. Sed quomodo *sollicitus reges* de regibus ad succurrendum paratioris dictum sit, nemo ostendere poterit. Haskins sic: *nunc toto*] sarcastic; while P. is exerting himself in the East, his safety has been bargained for by us. *Safety* illud paullo obscurius; fortasse Haskins dicere uoluit superuacaneam fuisse Pompei curam et laborem, quippe quem optimi sui milites Hispanienses conciliando per foedus Caesarem iam seruassent. Ita si quis hunc locum accipiat, monendum est omnino<sup>1</sup> ironiam, praesertim eiusmodi cum omnino a Lucani scribendi colore tum ab huius loci tam aperta indignatione profecto abhorrere. Sed nisi egregie me fallit opinio, sic se habet res: Petreius inuidiae mouendae causa: Quid iam, Pompei, toto orbe frustra copias paras pro imperio tuo etiam nunc pugnaturus? Nam hic nos cum Caesare foedus fecimus, quo tibi omnibus rebus amissis nihil promissum est nisi — uita.<sup>2</sup> His uerbis, quibus prope per ἀπροσδόκητον foede depingitur militum ignaua proditio, nihil efficacius.

<sup>1</sup> Acerbior ironia eaque uero Lucanea est

IX 1107

*hilaesque nefas spectare cruentum  
— o bona libertas — quum Caesar lugeat, audent.*

<sup>2</sup> *Mors* et *salus* sibi opponuntur

IV 509

*o utinam, quo plus habeat mors unica famae,  
promittant ueniam, iubeant sperare salutem.*

V 340

*numquam sic cura deorum  
se premet, ut uestrae morti uestraeque saluti  
fata uacent*

IX 885

*ingens meritum maiusque salute  
contulit, in letum uires.*

*Salus* = *uita*; cfr

IV 219

*ducibus quoque uita petita est?  
numquam nostra salus pretium mercesque nefandae  
proditionis erit*

IV 346

*at nunc causa mihi est orandae sola salutis  
dignum donanda, Caesar, te credere uita.*

IX 392

*at qui sponsore salutis  
miles eget capiturque animae dulcedine, uadat*

Lo: o illi quem tractamus, respondet profecto locus quidam libri nono, quo Caesar praedixit, quid Pompeio uicto paraturus fuisset; de caede Pompei haec dicit:

IX 1066

*unica belli  
praemia ciuilis, uictis donare salutem, (cfr IV 347)  
perdidimus.*

IV 355

*hoc hostibus unum  
quod uincas, ignosce tuis.*

Haskins sic interpretatur: »pardon thy enemies this solitary crime — that thou art conqueror». Sed unde coniunctius, qui est *uincas*? Cfr enim

III 744

*ueniam misero concede parenti*

*Arge, quod amplexus, extrema quod oscula fugi.*

VIII 748

*quod iam compositum violat manus hospita bustum,  
da ueniam.*

Obliquus coniunctius est

II 519

*poenarum extremum ciui, quod castra secutus  
sit patriae Magnumque ducem totumque senatum,  
ignosci.*

Interpretatione igitur Haskinsiana coniunctius non explicatur. Neque hic modus metri necessitate excusari potest; nam metrum aequè admittit formam, qualis est *uicisti*. Francken quidem: »*uincas*, nempe *si resistamus*». Sed paullo infra Afranius suos uictos nuncupat,

IV 362

*hoc petimus, uictos ne tecum uincere cogas.*

*Vincere* non necessario significat signis collatis uictoriam reportare; cfr

IV 531

*temptauere prius suspenso uincere bello  
foederibus*

Coniunctiuum nonne ita explicare licet, ut totam hanc sententiam indefinite dici constituamus? »Det enda man har skyldighet att förlata sina fiender är nederlaget. Sed dixerit quispiam in hac definiti hominis allocutione in indefinitum loquendi modum temere transeundum non esse; sed eadem ratione tales locutiones se excipiunt

IV 485

*fuga ulla patet, stant undique nostris  
intenti ciues iugulis: decernite letum,  
et metus omnis abest; cupias, quodcumque necesse est.*

Adnectitur generalis sententia brevis explicandi causa  
VII 726

*nunc tibi uera fides quaesiti, Magne, fauoris  
contigit ac fructus: felix se nescit amari.*

V 259

*quippe ipsa metus exsoluerat audax  
turba suos. quidquid multis peccatur, inultum est.*

V 289

*Rheni mihi Caesar in undis  
dux erat, hic socius. facinus quos inquinat aequat.  
Conferendus esse uidetur locus unus*

Val. Flacc. Argon. VI 23

*abstineant alienae sanguine pugnae.*

*ignotis quid opus concurrere nec quos  
oderis?*

Quod ad rem cum loco illo, quem tractamus, conferre licet

VII 312

*uincat, quicumque necesse  
non putat in uictos saeuum destringere ferrum  
quique suos ciues, quod signa aduersa tulerunt,  
non credit fecisse nefas.*

IV 364

*flectitur atque usus belli poenamque remittit.*

De interpretatione ambigunt uiri docti. Atque Haskins quidem, cui consentire uidetur Heitland — cfr introductionis § 47 d) — figuram, quae hendiadys uocatur, constituit sic uertens: *the penalty of further military service*. Quae opinio quin uera sit, obstant et Lucani sermonis usus, quam illam figuram modo non plane uitasse uideatur,\* et quod alia interpretatio illa multo melior inueniri potest. Quae enim poena iis remissa sit, ex uersibus antecedentibus elucet: uu. 346 sq.

*at nunc causa mihi est orandae sola salutis  
dignum donanda, Caesar, te credere uita.*

Memoria tenebant nempe, quomodo priores bellorum civilium auctores fidem aemulo praestitam ulți essent. *Poenā* uox interdum eadem aduersariorum significat, uelut

\* Sed cfr II 539 *supplicium poenamque cepet*.

## II 198

*tot simul infesto iuvenes occumbere leto*

.....  
*numquam poena fuit.*

## II 511

*scit Caesar poenamque peti ueniamque timeri.*

Verba, quae sunt *usum belli* (sic), Francken significare ait morem militiae, non recte, credo, quandoquidem apud Lucanum *usus* uerbum numquam pro uerbo, quod est *mos* (= *sedvānja*), usurpari uidetur. Recte, nisi me fallo, interpretatus est Haskins: *usus belli* = militiae: cfr IX 905 *caeli seruantur in usus*, quae uerba scholiasta recte explicat: *ad uolatum* (minus feliciter Oudendorp: *in usum Iouis*). Ergo sic uertere licet: «Caesar lässt sowohl die Todesstrafe als den Kriegsdienst nach.» Atque in uerborum, quae sunt *usum belli* et *poenam*, inuerso inter se ordine offendere non debemus. Eius figurae, quae est hysteron-proteron, exempla rara admodum sunt, sed afferre licet

## IV 130

*utque habuit ripas Sicoris camposque reliquit*

## IV 503

*abscidit nostrae multum fors inuida laudi*

Ita cum codicibus M U G Z (*P fors* < *fors*) Korte et Hosius. Alii codices ceteros secuti edunt *sors*. Minuscula, uelut *laudi*: *landis*, hic non curo. Heitland Cl R 1895 p. 195 a pro *sors* lectione esse ait locos hos: II 45; VII 122; IX 211; sed illi loci ad lectionem, quae est *sors*, muniendam non plus ualent quam ceteri, ubicumque *sors* uerbum inuenitur. Agitur nimirum de inuidia fortunae; quae cum personae instar saepe fingatur, multo aptius quam *sors* inuidens inducitur. *Fors* idem quod *fortuna*, eadem de stirpe deducta uox, saepe significare uidetur. Atque deam Romanis fuisse *Fortem* elucet e locis, quales sunt

Ouid. Fast. VI 775

*ite, deam laeti Fortem celebrate, Quirites,*

Ceterum conferre licet priscam illam locutionem *fors fortuna* (*forte fortuna*). Quae utrum exemplis bimembris dissoluti

adnumeranda esset, an unam deam significaret, ambegerunt docti uiri; uide H. Sjögren De particulis copulatiuis apud Plautum et Terentium (Upsaliae 1900) pp. 11 sq.

Addo quod his uersibus (cfr 492 sq., 496 sq.) ad superos et Fortunam omnia referri uidentur. Inuidia fortunae a poetis saepe iactatur; cfr

I 70

*inuida fatorum series*

I 82

*nec gentibus ullis*

*commodat in populum terrae pelagique potentem  
inuidiam Fortuna suam.*

Phaedr., Fab. Aesop. V vi 5

*superum uoluntas fauit; sed fato inuido  
carbonem, ut aiunt, pro thesauro inuenimus.*

Quod ad sententiam cum loco, quem tractamus, conferri potest

VI 158

*peterem felicior umbras*

*Caesaris in uultu; testem hunc fortuna negauit.*

IV 724

*aspidas ut Pharias cauda sollertior hostis  
ludit et iratas incerta prouocat umbra  
obliquusque caput uanas serpentis in auras  
effusae tuto comprehendit guttura morsu  
letiferam citra saniem*

Bentley pro *iratas* et *auras* coniecit *irritans* et *iras*, quae sibi conueniunt saltem. Minime uero satisfacit Francken priore loco codicum lectionem retinendo, altero deteriorem partem palmaris coniecturae Bentleianae recipiendo. Molesta enim euadit repetitio. Nulla profecto mutatione opus est. Ichneumonis uidelicet interest serpentem tutos in orbes collectam ad morsum elici, nam ita demum se ad ictum porrigendo guttur offert callido hosti. Serpens igitur uiolento impetu mobilem hostis caudam irritato ictu petit et nulla re obstante longius



euecta, priusquam guttur retrahere licet, comprehenditur.  
*Vanas in auras* idem significare uidetur quod *uacuas in auras*; cfr

Ouid. Metam. VI 398

*uacuas emisit in auras.*

Val. Flacc. Argon. IV 302

*ecce iterum uacuas agit inconsulta per auras  
 brachia*

Val. Flacc. Argon. VII 528 (de angue dicitur)

*incipit inde sequi et uacuas furit ore per auras*

Stat. Theb. V 559

*uacuasque impellit in auras*

Uno certe loco inueni structuram, quae est *uanas auras*.

Claudian. De raptu Proserp. I 96

*an forte iacentes  
 ignauosque putas, quod non Cyclopia tela  
 stringimus aut uanas tonitru deludimus auras?*

In *effusae* uerbo certo offendere non debemus, quum *se effundere* saepius idem significare uideatur quod germanum illud »ausfallen«; cfr

Val. Flacc. Argon. I 700

*saeuit atrox Pelias inimicaque uertice ab alto  
 uela uidet nec qua se ardens effundere possit.*

De pugile adhibetur hoc uerbum simillimo quo Lucaneo hoc loco sensu:

id. IV 304

*dat genibus iunctis latus effusumque scutus  
 haud renouare gradum patitur*

Stat. Theb. VI 777

*ecce iterum immodice uenientem eludit et exit  
 sponte ruens mersusque humeris: effunditur ille  
 in caput*

IV 805

*has urbi miserae uestro de sanguine poenas  
 ferre datis, luitis iugulo sic arma, potentes.  
 felix Roma quidem cuiusque habitura beatos,*

*si libertatis superis tam cura placeret,  
quam uindicta placet.*

Pro *ferre* (u. 806) V<sub>1</sub> exhibet *nempe*, quod minutum; pro *potentes* M<sub>1</sub>Z<sub>1</sub> *potentis*. Haskins, Francken, Samse (l. l. pp. 2 sqq.) post uersum 806 interrogationis signum ponunt. *Potentes* uerbum Sullas, Marios, Pompeios Caesaris significare arbitrantur nimirum; sed h. l. imprimis Caesarem respici ait Samse. »Debuitne Curio pro uobis mori, ut urbi Romae poenas daretis? Utinam ipsi occidissetis!» (Samsse p. 4 inf.) Sed ita priores cum sequentibus uersibus nullo nexu coniunguntur. Atque hic requiritur sensus: »Iis, qui armis libertatem urbi eripuerunt, poenae necessario dandae. Sed utinam libertas\* seruanda diis potius curae esset.» Locus ille Taciteus (Hist. I III) huc non pertinet. Saepenumero Lucanus de uindicta libertatis egit. plerumque uoces, quae sunt *uindicta* et *poena* coniungens, uelut

V 206

*uindicis an gladii facinus poenasque furorum  
regnaque ad ultores iterum redeuntia Brutos  
ut peragat fortuna, taces?*

X 338

*dignatur uiles isto quoque sanguine dextras,  
quo fortuna parat uictos perfundere patres,  
poenaeque civilis belli, uindicta senatus  
paene data est famulo.*

*Poena* et *uindicta* alia in re commemoranda coniuncta inueniuntur

X 525

*procul absit, ut ista  
uindictae sit summa tuae. non ipse tyrannus  
sufficit in poenas, nen omnis regia Lagi*

Ita demum totus hic locus, quem tractamus, intelligi poterit; nam libenter concedo me ignorare, quid sibi uelit Samse sic explicans: ipsi, libertatis euersori moriendum fuisse; — tamen. inquit, dii libertatem destruere malunt quam seruare».

\* Perbene scholiasta commenti Bernensis explicat: *felix esset Roma. si dii sic libertatem tuerentur integram, quemadmodum uindicant laesam».*

Postremum Curionem merito in numero eorum, qui armorum (bellorum civilium) auctores fuerint, haberi facile erit demonstrare; cfr enim u. 801 *arma dabis populi* et u. 802 *gener atque socer bello concurrere iussi*. *Potens*\* uocari nimirum potest, de quo hoc dicitur (uu. 823 sq.)

*cui tanta potestas  
concessa est? emere omnes, hic uendidit urbem.*

## V 107

*saepe dedit sedem totas mutantibus urbes*

Sic cum codicibus Weise-Haskins et Hosius (1905); Hosius antea (1892) cum uulgata *notas*; Francken Burmanni insistens uestigiis *totas*. Nulla mutatione ne minima quidem opus esse uidetur. Atque Samse l. l. p. 52 acute sic explicat: Apollo instis hominibus, cum sedem mutarent, totas urbes dedit. Heitland C I R a. 1894 p. 37 b. a. 1895 p. 195 a *totas* idem significare ait quod *prorsus*, ad quam significationem probandam affert VIII 217, 336; IX 495. Sed nonne praestat cum R. Helmo (W kl Ph 1896 no 36) uertere *fortbewegen*, quam primigeniam huius uerbi uim fuisse credi potest. *Monco*: *mūto*: cfr Persson Wurzelweiterung p. 156; ubi aliam explicationem admitti posse ostendit ( $\bar{u} < oi$ ). Quam rationem amplectitur Lindsay Grammat. p. 285, uim dandi inherere arbitratus. Stolz uero et Prellwitz *ἀνέβω* et *monco* (\**meq-*) cognata esse ostendunt. Pauca exempla, in quibus uim primigeniam agnoscere licet, affero,

Plaut. Amph. 273

*nām neque se septētriones quóquam in caelo cómmouent,  
néque se luna quóquam mutat átque uti exortást semel,*

Horat. Carm. secul. 39

*iussa pars mutare laris et urbem  
sospite cursu*

Vergil. Georg. II 49

*tamen haec quoque, si quis  
inserat aut scrobibus mandet mutata subactis*

\* Hic *miserat* et *potentes* non prorsus opponuntur sibi; quare exemplum, quod attulit Samse p. 3 ima, Sen. Thy. 35 *miser ex potente fiat, ex misero potens*, huc non pertinet.

Ouid. Ex Pont. I 1 79

*inque locum Scythico uacuum mutabor ab arcu*

id. IV xiv 7

*nulla mihi cura est, terra quo muter ab ista*

Fortasse

Lucan. VI 44

*castraque Caesareo circumdatus aggere mutat.*

Quod ad sensum conferendus uidetur locus quidem Luca-  
neus

III 340

*post translata exustae Phocidos arces.*

V 285

*usque adeo soli ciuilibus armis*

*nescimus, cuius sceleris sit maxima merces?*

*nîl actum est bellis, si nondum comperit istas*

*omnia posse manus. nec fas nec uincula iuris*

*hoc audere uetant. Rheni mihi Caesar in undis*

*dux erat, hic socius.*

Francken u. 287 pro *istas* recepit Guyeti coniecturam *ista*.  
Omnium primum quaerendum, quaenam manus respiciantur.  
Satis erit legentes relegare ad uersus proxime antecedentes et  
sequentes; haec inueniuntur

V 242

*paene fideles*

*per tot bella manus satiatae sanguine tandem*

*destituere ducem*

V 252

*tot raptis truncus manibus gladioque relictus*

*paene suo*

V 272

*imius in omne nefas manibus ferroque nocentes*

V 355

*sperantis omnia dexteras*

*exarmare datur, quibus hic non sufficit orbis.*

Desiderari uidetur subiectum uerbi *comperit*; Haskins au-  
diendum esse ait *miles*, nullo, ut uidetur, iure. Coniecturae  
Guyetianae, qua recepta subiectum aptum redditur sententiae,

id obstat, quod euadit structura a Lucani sermonis usu aliena, neque enim cum uerbis sentiendi infinitiuus omisso accusatiuo subiecti uicibus fungenti apud Lucanum usquam inuenitur coniunctus. — Exempla huius usus Onidiana collegit Richard C. Manning [Harvard Studies IV (a. 1893) pp. 117 sqq.] opusculo, quod inscribitur On the omission of the subject-accusative of the infinitive in Ovid. Exempla, quae huc pertineant, pauca sunt: unum uerbi *conperio* attulit exemplum, Ovid. Ex Ponto III II 82, *consortes urbis conperit esse suae*, quod falso allatum esse apparet. Neque pluris faciendum alterum, Ars amator. II 171, *nec puto nec sensi tunicam laniasse*; antecedunt enim u. 169 parenthesi tantum a uersu 171 dirempta haec: *me memini iratum dominae turbasse capillos*; unde facile auditur subiectum, quod est *me*, altero illo loco. Sed recte se habet tertium, Metam. VI 601, *ut sensit tetigisse domum Philomela nefandam*. Item Trist. IV I 46 *nec iratos sentit habere deos*. Incertius sed tamen uerum esse uidetur Metam. XI 74 *crus ubi commisit uolueris sensitque teneri* . . . — Accedit, quod recepta coniectura Guyetiana significatio inepta redditur uerbo, quod est *posse* = *uolere*; desideratur uero uerbum idem significans quod *audere*, *sustinere*. Haec significatio eius uerbi, quod est *posse*, Lucano in deliciis esse uidetur; cfr

VIII 439

*ire per ista*

*si potes, in media socerum quoque, Magne, sedentem  
Thessalia placare potes.*

VIII 591

*attonitoque metu nec quoquam auertere uisus  
nec Magnum spectare potest.*

IX 134

*nec credens Pharium tantum potuisse tyrannum  
littore Niliaco socerum iam stare putauit.*

Alia igitur interpretatio huius loci quaerenda est. Atque mihi quidem, quo magis totum hunc locum contemplor, eo magis inclinatur animus, ut *conperit* metri causa pro *conperisti* ( ~ ~ ) positum existimem. Neque apte secunda persona breuioris perfecti poni potest, quod ita uersus euadat spondiacus. Talem personarum molestam permutationem paucis locis exstare uidemus, uelut

## VII 417

*populosque ducesque  
constituit campis, per quos tibi, Roma, ruenti  
ostendat, quam magna cadas. quo latius orbem  
possedit, citius per prospera fata cucurrit.  
omne tibi bellum gentes dedit omnibus annis*

H. l. facere non posse uidemur. quin Postgateo astipulemur docenti subiecti instar ubique positum esse *Roma* uerbum atque ad personam uariandam multum ualuisse formas secundae personae metro non aptas. P. quidem conferendum esse ostendit alterum eiusdem libri locum. VII 722<sup>1</sup> (nonne 718—20?); unde legentes relegat ad nu. 96 sq. et 109. Loco eo, quem tractamus, *Caesar* (cfr u. 289) subiectum est; eadem ratione e sequentibus uersibus subiectum audiendum est

## IX 269

*quis uestras ulla putet esse nocentes  
caede manus? credet faciles sibi terga dedisse,  
credet ab Emathiis primos fugisse Philippis.  
uadite securi: meruistis iudice uitam  
Caesare.*

## V 371

*nīl magis adsuetas sceleri quam perdere mentes  
atque perire tenet.*

Ita cum codicibus M A G N Z Hosius et Francken. Weise-Haskins cum V U P B *timet*, quod ad Caesarem referre necesse est. De interpretatione W. et H. dissentiant. W. quidem priori uerbo obiectum esse ait *mentes* uerbum, quod alteri uerbo (*perire*) subiectum sit. H. uero Caesarem, ne amissis ueteranis periret, timuisse arbitratur. Utrique interpretationi obstat collocatio *quam* uerbi molesta; praeterea Weiseianae structura uerbi timendi durior, quam quae tolerari possit. Multo uero aptior lectio altera, in qua agnoscitur structura illa adsuetum (astrictum)<sup>2</sup> tenere alqm. Ad rem conferendus uersus unus, qui paullo supra legitur, u. 363

<sup>1</sup> Sed ii loci, quibus per apostrophen compellantur homines, de quibus traditur aliquid, seorsum tractandi uidentur: cfr V 804 sqq.

<sup>2</sup> Cfr VIII 271 *me pulsū leuiore manu fortuna tenebit?*



*tiro rudis, spectata poenas et disce ferire,  
disce mori.*

*Perdere* h. l. absolute positum; qui eius uerbi usus antithesi commendatur.

V 382

*populoque precanti  
scilicet indulgens summo dictator honori  
contigit et lactos fecit se consule fastos.*

Ita cum Cortio constitutum hunc locum uelim secundum lectionem M Z codicum, pro qua facere uidentur V B G codices *summo honore* exhibentes. Haskins (Weise), Hosius, Francken U N codices secuti edunt *summum honorem*. Atque Heitland quidem (CIR a. 1894 p. 36) ad structuram, quam supra commendauimus, muniendam affert Iuuenal. Sat. VIII 28

*rarus  
cuius et egregius patriae contingis oranti*

Eius loci iocularem exaggerationem huic loco, quem tractamus, plane deesse ait Francken; iniuria, nisi prorsus fallor. Id tantum interest, quod in his uerbis acerba quaedam irrisio inest. Sed et simili exaggeratione sequentia quoque uerba conspicua sunt (*lactos fecit se consule fastos* = »ornamento erat Caesar fastis, non contra iis illustrabatur«, Francken), neque ita inuersus rerum solitus ordo et nexus a Lucani poetico colore abhorrere uidetur; cfr

VI 311

*nec sancto caruisset uita Catone.*

V 472

*multosque per annos  
dilectus tibi, Magne, socer post pignora tanta  
sanguinis infausti, sobolem mortemque nepotis,  
te nisi Niliaca propius non uidit harena.*

Francken Cortio astipulatus edit

*post pignora tanta  
sanguinis, infaustam sobolem mortemque nepotis,*

Quod sic explicat: »postquam pignora iuncta sunt, filia infausto omine sublata est nepos mortuus». Haskins: »... after so close a pledge of kinship, after the birth of the scion of a hapless stock and thy(?) grandchild's death, ... Sed ualde metuo, haec ut recte interpretati sint; nam primum post iunctam affinitatem (a. 59) inter se conuenisse constat Caesarem et Pompeium Lucae (a. 56); deinde hic desideramus unum temporis terminum, non plures. Agitur nimirum de rupta consanguinitatis fide amissis pigneribus (= filia et nepote: uxore et filio). Hoc sensu *pignora* uerbum adhibitum inuenitur

VII 347

*qui sobolem ac thalamos desertaque pignora quaerit.*

Quod ad sensum conferre licet locum unum,

IX 1048

*non mixti foedera tangunt  
te generis? nec nata iubet maerere neposque?*

Quamquam de duorum morte h. l. uerba facit poeta, tamen unum tantum nanciscimur terminum; nam filiam (Iuliam) et nepotem Caesaris iisdem prope diebus mortuos esse constat. Cfr Velleius Patereculus Hist. Rom. II XLVII 2 . . . . *quam medium iam ex inuidia potentiae male cohaerentis inter Cn. Pompeium et C. Caesarem concordiae pignus Iulia, uxor Magni, decessit: atque omnia inter destinatos tanto discrimini duces dirimente fortuna filius quoque paruus Pompei, Iulia natus, intra breue spatium obiit.* Vertendum censeo sic: »Seitdem die Unterpfänder der keinen Segen bringenden Verwandtschaft hingerafft worden waren, d. h. nach dem Tode der Tochter und des Enkels.» Ad hunc *post* uerbi usum firmandum afferre licet

IX 108

*turpe mori est post te solo non posse dolore.*

IX 242

*nullum, Magne, ducem, te solum in bella secutus  
post te fata sequor*

*Ante simili modo adhibitum exstat*

VI 144

*castrorum in plebe merebat  
ante feras Rhodani gentes*

Cum structura ea, quae est *post sobolem (mortuam) mortemque nepotis*, conferre licet

IX 51

*nam postquam frustra precibus Cornelia nautas  
priuignique fugam tenuit*

Sed dixerit quispiam *pignora sanguinis infausti* significare non posse *p. consanguinitatis infaustae*. Durum esse concedo, attamen defendi posse opinor; Iulia I 111 sqq. dicitur *pignora iuncti sanguinis* abstulisse ad manes. Ceterum *sanguis* in numero earum uocum esse uidetur, quas sensu uario adhibuit Lucanus, saepe solito pleniore; cfr

VII 179

*cunctas sanguinis umbras  
ante oculos uolitare suos.*

V 516

*haud procul inde domus, non ullo robore fulta,  
sed sterili iunco cannaeque intexta palustri  
et latus inuersa nudum munita phaselo.*

Francken haec habet: »*Intexta casa iunco* significat eam, cuius parietes ad rimas implendas aut alio consilio ostendunt hic illie texturas iunci, quod non uoluit poeta; *pertextum* locus requirit . . . Verum est *intectum*. Iuxta ponuntur tectum et parietes (latus).» Hoc mihi non probat: opponuntur sibi *domus robore fulta* (= cuius parietes lignei sunt) et haec, cui pro parietibus erant texturae iuncea; hoc indicatur particula, quae est *sed*. Tum de uno latere agitur, ubi nullus erat paries, ubi pro porta *nudum latus*, pro postibus phaselus erat inuersa. Et haec luce clariora nec non structura ea, quae est *domus iunco cannaeque intexta*, in huius loci sensum bene quadrat. Auxilio uocari possunt loci, quales sunt

Verg. Aen. X 784

*per linea terga tribusque  
transit intextum tauris opus*

Sil. Ital. Pun. XIII 109

*latera intextus stellatis axibus agger*

id. XV 425

*aurata puerum rapiebat ad aethera penna  
per nubes aquila, intexto librata uolatu.*

Claudian. XXXI 2

*uitibus intexti gremio successerat antri*

V 571

*nubibus et caelo notus est; si murmura ponti  
consulimus, cori ueniet mare.*

Haec lectio omnium codicum (excepto V, qui *feriet* exhibet) uera mihi esse uidetur. Omnes uero \* editores Bersmannum secuti edunt *uerrent*. Licet concedamus illam Bersmanni correctionem, quod ad palaeographicam rationem pertinet, esse lenissimam et perbonum reddere sensum, non ideo, quomodo in difficilius mutari potuerit codicum lectio, satis apparet. Accedit, quod structura ea, quae est *cori ueniet mare*, poetarum de his rebus scribendi rationi prorsus non aliena uidetur; cfr

II 454

*quum mare possidet auster  
flatibus horrissonis, hunc aequora tota sequuntur*

II 459

*nubiferoque polus quum cesserit euro  
uindicat unda notum.*

V 605

*nec perfert pontum boreas ad saxa suumque  
in fluctus cori frangit mare*

Et genetius uenti et uerbum mouendi de mari adhibitum inueniuntur loco nostro huic simillimo,

Valer. Flacc. Argon. II 505

*non fluctibus aequis  
nubiferi uenit unda noti*

Alia exempla uerborum mouendi tali sensu adhibitorum sunt

Lucan. III 549

*ut, quotiens aestus zephyris eurisque repugnat,  
huc abeunt fluctus, illo mare*

\* Haskins *uerrunt* praebet.

## V 613

*Aegaeas transit in undas  
Tyrrhenum, sonat Ionio uagus Adria ponto.*

Vertendum esse credo: » . . . . so werden wir ein vom Nordwestwinde beherrschtes Meer herrollen hören .

## VI 43

*non desunt campi, non desunt pabula Magno,  
castraque Caesareo circumdatus aggere mutat,  
flumina tot cursus illic exorta fatigant,  
illic mersa suos*

Hic Francken nescioquid profert de fluminibus uel fontibus<sup>1</sup> obsaepiendis; arbitratur aut ante uersum 45 aliquid excidisse aut sic emendandum esse hunc uersum: *flumina quod cursus illic exorsa fatigant* . . . Aliter enim, quid sibi uelit illud *mersa*, non uidere, nisi significet aquas contentas. *Suos* = Caesarianos. Sed primum ne uno quidem uerbo indicat Lucanus uersibus sequentibus Pompeianos aquae inopia laborasse; de pabulo tantum equorum ungulis obtrito, de equorum strage, de aëre fontibusque aliaque aqua cadauerum tabe infectis loquitur. Accedit, quod tam putide et obscure rem illam expressisse Lucanum nix credi potest. Omnis uero difficultas dissoluetur, si haec de magno aggeris<sup>2</sup> circuitu dicta esse putemus. Sequentibus enim uersibus (46—60) de operis magnitudine Lucano solita dicuntur. Tot flumina aggere tota continebantur, ut, quotiens opus erat, castra commodè moueri possent. *Mergi* adhiberi uidemus saepius de flumine in maiorem amnem uel in mare influenti; Georges de Plinio sumptum affert *mergi in Euphratem*. Quid significet *cursus fatigant suos flumina* apparet ex loco Lucaneo,

## V 466

*neuter longo se gurgite lassat*

(Cfr ceterum Hosius B Ph W a. 1898 p. 424.

<sup>1</sup> Voluit, ut uidetur, poeta: »non minus obsaepiendo fontes Caesar laborabat, quam Pompeius carendo.»

<sup>2</sup> Haskins: »*flumina tot*] i. e. there is room within Caesar's lines for rivers to rise, run their whole course and fall into the sea.»

## VI 125

*opportuna tamen ualli pars uisa propinqui  
qua Minuci castella uacant et confraga densis  
arboribus dumeta tegunt.*

P U codices secuti Weise-Haskins et Francken edunt u. 126 *quam Minuci castella uocant*. Samse quidem (l. l. pp. 7 sqq.) approbante Leone coniecit *qua Minuci castella uocant*. Ac Francken quidem priore loco *uacant* falsum esse putat, quum e sequentibus uersibus castellum uacuum non fuisse appareat; posteriore loco obiectum uerbi tegunt desiderat. Priusquam ad lectionem plurimorum codicum, quam ueram esse credo, explicandam transgredior, pauca dicenda sunt de inepta sane structura, quam ostendit Franckenianus u. 126. Quid enim? Relatiuae illae sententiae, quae sunt *quam M. castella uocant et (quam) dumeta tegunt*, re cohaerere inter se prorsus non possunt; cur uero tum artissime connectuntur? — Quod ad alteram sententiam pertinet, animaduertendum uidetur Pompei maximi interfuisse copias suas progredientes arboribus tegi. non uallum. — Et prius illud, si *uocant* de nomine castelli adhiberi arbitremur, ut Haskins et Francken, ineptum est; nam si uoluisset dicere Lucanus Minucium ibi fuisse ducem, absonum et inauditum fuit hoc sic exprimere: *Minuci castella uocant*. Neque magis — id quod statuit Haskins — probabile est his uerbis significasse Lucanum a Scaeuia hoc nomen inditum esse castellis, quum hoc nomen (Minucius) Scaeuiae non fuisse constare uideatur (cfr Usener ad Comment. p. 195. 22). Fr.: . . . *Μινούκιος*, de quo castellum postea dictum, cum haec scribebantur. Tum uero, ut sunt arte inter se connexae relatiuae hae sententiae, nihil restat, nisi ut *et . . . dumeta tegunt* quoque de iis Lucani (!) temporibus dictum putemus. Ceterum *tamen* (u. 125) quoque obstare uidetur, quominus uera sit lectio Haskinsi et Franckeni; nam eiusdem generis esse relatiuas sententias tam arte cohaerentes necesse est et aliquid antecedentibus contrarii in utraque inesse, quod in priore frustra requiras. Ad Samsei lectionem proinde transgrediamur: *qua Minuci castella uocant* = »qua Pompeium Minuci castellum (!) propterea alliciebat, quod dumeta aggredientem occultabant». Sed huic quoque lectioni obstant pauca. Primum pluralis ille



*castella* temere positus uidebitur. Deinde molesta euadet parataxis sententiarum relatiuarum, quarum posterior adnexa est priori ita, ut pro causali sententia posita esse uideatur. Quod in sentiendiis relatiuis usu uenire non \* ostendit S. nec crediderim. Dolendum est Samseum uersus a se correctos et explicatos non exscripsisse. Tria cogitari possunt: aut

1. *opportuna tamen ualli pars uisa propinqui,*  
*qua Minuci castella uocant et confraga densis*  
*arboribus dumeta tegunt. hic . . .*

Ubi inuenitur languida et Lucano indigna repetitio uerbis, quae sunt *opportuna uisa est*, addito uerbo *uocant*. Sed ideo fortasse, ut hanc difficultatem euitaret, Samse ait particulam *qua* non ad id referendam esse, quod praecedit: *ualli pars . . . propinqui*, sed potius poetam uerba *qua . . . tegunt* aequo ordine antecedentibus *opportuna . . . propinqui* adiunxisse. Nonne sic:

2. . . . . *propinqui:*  
*qua Minuci castella uocant*

An sic:

3. . . . . *propinqui.*  
*qua M. castella uocant . . . et . . . dumeta tegunt, hic . . .*  
*agmen agit.*

Alteram (2.) textus constituendi rationem Samseo obuersatam esse credo; cfr explicationem p. 12 media fere redditam: *opportuna* Pompeio ad erumpendum uisa est pars quaedam ualli, qua propinquum erat; ea uia *opportuna uisa est*, ad quam ingrediendam eum Minuci castellum propterea inuitabat, quod adeuntem siluae occultabant. Ad quae animaduertendum est ita *ualli pars . . . propinqui* et *qua . . . tegunt* diremptis *tamen* uerbum intolerabile uideri, neque enim uerba, quae sunt *opportuna ualli pars uisa propinqui*, contraria sunt antecedentibus, ne si sic quidem scribamus: *ualli pars propinqua*. Quod eodem modo de tertia illa textus forma dicendum est. Omnino recepta correctione Samsei molesta, intricata, male inter se cohaerentia enadunt haec omnia.

\* Neque exempla, quae attulit Samse, ostendere ualent tolerabilem esse structuram, quae est *castella uocant et dumeta tegunt*, positam pro ea, quae est *castella uocant propterea, quod dumeta tegunt*; nedum hanc relatiuarum sententiarum copulationem.

Hosianam uero lectionem duae interpretandi rationes sunt. Priorem si amplectamur, contendemus *uacant* uerbum significare non leer waren (cfr uu. 132 sq.) sed müssig waren atque adhiberi translate de munimento, ubi milites ei praesidio dati muneribus cessent militaribus. Conferre licet talem usum quod ad sensum cognati uerbi, quod est *cessare*, IV 24 *prima dies belli cessauit Marte cruento*; VI 121 . . . *soceri cessantibus armis*. Sed haec explicatio quominus uera esse possit, obstat, quod uersibus 121 sq. disertis uerbis dicitur Pompeius noluisse perrumpere, ubi cessarent hostium copiae; ceterum tempus melius respiceretur quam locus, haec significatio si *uacant* uerbo subesset. Reliqua est altera explicatio, quae et rerum inter se connexum et uerborum structuram facilia reddit intellectu, nisi prorsus me fallo. Quam repperi, quum forte uidissem uerbum, quod est *uacare*, eodem plane sensu adhiberi Val. Flacc. Argon. VI 374

*ferit . . .*

*inde Thoen, qua pelta uacat*

Haec uerba nimirum ad peltae formam lunatam referenda sunt; cfr  
Stat. Theb. VII 270

*saenuaeque difficiles excludere uolnera peltas.*

Docet Lucanus Pompeium, quamuis ferox esset, tamen eam partem elegisse ualli, quae inter duo castella, quibus praefuit Minucius, interiacebat male defensa (cfr 39 sq.: *turritaque summis disponit castella iugis*). Ita pluralis quoque, qui est *castella*, bene explicatur. Vertendum sic: »wo die Kastele des Minucius einen ungeschützten Zwischenraum zwischen sich lassen«. Restat ut ostendamus ne in absoluto quidem uerbi *tegunt* usu offendendum esse. Conferri licet Liu. XXII iv 3 *equites ad ipsas fauces saltus tumulis apte tegentibus locat*. Sed concedo et audiri facile propter antecedens *equites* obiectum et ablatiuum absolutum ad obiectum omittendum nonnihil ualere potuisse. Atqui in promptu est arbitrari praecipue in sermone militari structuras breues — in quibus absolutum uerborum usum — occurrere par esse. Cfr

II 529

*temptandasque ratus moturi militis iras*

Cfr exempla ab Haskinsio ad hunc locum allata.

VII 328

*nullo tendetis in illo*

*Cogere* = *vals Nachhut dienen*; cfr Liu. *primae legionum cohortes ibant, levis armatura et equites cogebant*

*Premere* sensu militari saepius absolute adhibetur; cfr V 803

*sacri premerent quum Caesaris arma*

Stat. Theb. VIII 351

*ceu Danaï post terga premant*

id. VIII 421

*nunc turba recedit,*

*nunc premit*

Item *seruare* = *chälla vakt*; cfr. Plaut. Most. 451 sq.; Ter. Eun. 780;

Ovid. Metam. I 627

*capiebant bina quietem,*

*cetera seruabant atque in statione manebant.*

Conferre licet uerba graeca, quae sunt ἐλαύρειν, ἄγειν, ἡρεῖσθαι cett., absolute posita. Exemplum uerbi *tegere* absolute adhibiti exstat

Verg. Georg. III 144

*muscus ubi et uiridissima gramine ripa*

*speluncaeque tegant et saxea procubet umbra.*

Verborum absolutus usus Lucano etiam in deliciis esse uidetur; cfr I 398 (*ferre*); 407 sq. (*prohibere*); II 495 (*arcere*); III 68 sqq.; IX 936 (*superare*); V 512; IX 1062 (*fallere*); V 297 sq.; IX 261 (*pati*). Plura exempla afferre taedet.

VI 425

*non tripodas Deli, non Pythia consulit antra,  
nec quaesisse libet, primis quid frugibus altric  
aere Iouis Dodona sonet, quis noscere fibra  
fata queat, quis prodat aues, quis fulgura caeli  
seruet et Assyria scrutetur sidera cura*

Francken pro *fibra* V codicem secutus praebet *fibris*, cui uerbo *quis* (= quibus) attributum esse arbitratur; pro uerbis, quae sunt *quis prodat aues*, coniecit *quid prodat anis*. Cur ita

legendum esset, causam ostendit hanc: non de homine probando, sed de re noscitanda agi; quod apparere e uerbis antecedentibus *quid Dodona sonet*. Sed ualde uereor, ne rerum nexu parum perspecto temere mutauerit. Agitur de nimia S. Pompei religionis negligentia: primum locis sollemnibus deos futura aperientes non adiit; h. l. de loco aut homine inueniendo non agitur, nam ubi loca illa essent constabat, sacerdotesque deorum interpretes semper aderant rogitantibus. Deinde uero, ubi quaerendi primum erant homines, qui litando, augurando, seruando de caelo, astra scrutando, quae futura essent, in lucem proferrent, tanta egit negligentia, ut ne eos quidem, quorum tanta ubique fuit copia, ubi reperiret et unde acciret quaereret. Quod Romanis inauditum. Agitur nimirum de homine non probando sed reperiendo. Lectio, quae est *quis noscere fibris fata queat*, ideo probanda non est, quod de ritu litandi non agitur. Quod uero negat Fr. *prodere aues* pro augurium nuntiare dictum altero exemplo Lucaneo niti, afferendi uidentur loci Lucanei,

I 676

*talis et attonitam rapitur matrona per urbem  
uocibus his prodens urgentem pectora Phoebum*

X 179

*quodcumque uetustis  
insculptum est adytis, profer noscique uolentes  
prode deos.*

His locis per metonymicam translationem uerbum, quod proprie referendum erat ad rem, additur personae; cfr V 89 sq. (*proferre se*). Aues ipsae futuri consciae inducuntur saepius; cfr Luc. I 587

*fulminis edoctus motus uenasque calentes  
fibrarum et monitus errantis in aëre pinnae*

Sil. Ital. Pun. IV 121

*penna monstrare futura magistra*

Stat. Theb. III 471

*pernicibus alis  
addere consilium uolucresque implere futuri*

id. VIII 181

*aut cum quo uolucres mea fata loquentur?*

Clandian. XXVI 228

*tunc somnia vulgo  
narrari, tunc monstra deum monitusque sinistri:  
quid meditentur aues, quid cum mortalibus aether  
fulmineo velit igne loqui*

## VII 1

*Segnior Oceano, quam lex aeterna uocabat,  
luctificus Titan numquam magis aethera contra  
egit equos cursumque polo rapiente retorsit  
defectusque pati uoluit raptaeque labores  
lucis et attraxit nubes, non pabula flammis,  
sed ne Thessalico purus luceret in orbe.*

Francken u. 2 coniecit *luctifugus*; significari enim diem ante aciem Pharsalicam, non ipsius pugnae, nam uesperum, qui includatur u. 3 (*retorsit equos?*), manifesto non esse eum, qui secutus sit pugnam, nam solem aegre occidisse, ut fatalem diem differret; narrationis quoque serie illud probari. Sed ridiculum erat tam ample turgideque uerba facere de die, quo plane nihil fatale factum esse traditur. Deinde quaerendum est, cur ita inducatur tempus, quod nec cum antecedentibus (uersibus libri sexti ultimis de nocte iusto longiore uerba fecerat poeta) apte connectere liceat neque ad res die Pharsalico factas referre possimus. Solem aegre orientem desideramus. Tum monendum uidetur facile explicari rerum seriem, qualem praebet lectio codicum: Sextus Pompeius nocte diei fatali proxime antecedenti<sup>1</sup> magam adiens fatum gentis quaerendo comperit. Quae commemorata sic concludit poeta: *iussa tenere diem densas nox praestitit umbras*. Tum uero ad ipsum proelii Pharsalici diem transitur, quo incipiente sol segnior, quam lex aeterna naturae uocaret, ortus esse dicitur, ne supra montes exortus luce sua<sup>2</sup> pugnandi facultatem praeberet. Ea quae sequuntur et ipsa amplum totius diei fatalis exordium sunt. Ominis instar erant mora solis et nubium umbrae, quibus por-

<sup>1</sup> Cfr ea, quae Samuelis lib. I cap. 28 traduntur de Saulo magam Endorensem consulente.

<sup>2</sup> *Luctificus* sensu consimili de sole oriente adhibetur Sen. Oedip. 3: Val. Flacc. Argon. III 292.

tendebatur dies belli ciuilis maxime fatalis, pugnae Pharsalicae; conferenda profecto sunt, quae de altero ciuilis belli die fatali a Lucano traduntur, dico primo belli die,

I 233

*iamque dies primos belli uisura tumultus  
exoritur; seu sponte deum, seu turbidus auster  
impulerat, maestam tenuerunt nubila lucem.*

Postremum merito poeta transit ad Pompeium, qui illo die fato affligendus fuit; qui quo magis miserabilis sit, diei miseris quodammodo opponitur noctis dulce somnium. Quo inserto breuiter excipitur iterum diei narratio sic u. 45: *uic erat astra iubar, quum . . .*

Sic uerba coniungo: »Titan — numquam magis lactificus — 1) *seguior, quam l. ae. n., egit aequos* 2) *defectus pati uoluit* c. q. s. Nam *aethera contra et cursum polo rapiente retorsit* non dicuntur ad inuitum solis cursum depingendum, sed ita omnino plenius describitur cursus; cfr ea, quae de hac re filio Phaetonti dicit Sol Ouid. Metam. II 70 sqq., ubi uerba inueniuntur his plane respondentia. At multo minus recte *cursum retorsit* de sole ad occasum pergente dicta accipiuntur. Franckenum nimirum fefellit uerbum *Oceano* parum intellectum; quod non datius est (= ad mare Oceanum) sed ablatius est (= ex Oceano). (Cfr Homer. Odyss. γ 1 ἡέλιος δ' ἀνόρουσε, λίπὼν περικαλλέα λίμνην

VII 183

*gaudet monstris mentisque tumultus  
atque omen scelerum subitos putat esse furores.*

*Tumultu* lectio est codicum U C; *tumultum* lectionem exhibent V P G codices; *tumultus* (A E); *tumultis* (M<sub>1</sub> Z) lectio et *tumultus* fluxisse uidetur; nam in his codicibus *-us* et *-is* syllabae identidem confunduntur. Velut II 54 (*Hiberis*: *-us*, M<sub>1</sub> Z); II 673 (*ausus*: *-is*, M<sub>1</sub> P<sub>1</sub> Z); III 257 (*diuersis*: *-us*, M<sub>1</sub> Z<sub>1</sub>); III 367 (*dimissis*: *-us*, Z<sub>1</sub>); III 539 (*euris-que*: *-us*, M<sub>1</sub> Z<sub>1</sub>); III 643 (*artus*: *-is*, M<sub>1</sub>? P<sub>1</sub>); III 670 (*fusis*: *-us*, Z<sub>1</sub> U<sub>1</sub>); IV 239 (*paruus*: *-is*, M<sub>1</sub> Z<sub>1</sub>); IV 311 (*haustus*: *-is*, Z<sub>1</sub> U<sub>1</sub>); eodem pertinent IV 387 (*sitim*: *-um*, M<sub>1</sub> Z<sub>1</sub>); IV 761 (*ulli*: *illi*, M<sub>1</sub> Z<sub>1</sub>); IV 774 (*rectis*: *-us*, M<sub>1</sub>); eodem pertinere uidetur V 301 (*sol-*



tus: solatus, M<sub>1</sub> Z<sub>1</sub>); V 435 (inmotis: -us, M<sub>1</sub>); VI 151 (cunctis: -us, M<sub>1</sub> P<sub>1</sub> Z<sub>1</sub>); VI 596 (dubūs: -ius, M<sub>1</sub> Z<sub>1</sub>); eodem pertinet VI 683 (dārum: dārum, M<sub>1</sub> Z<sub>1</sub> V); VI 805 (Pompeis: -us, M P Z); VII 490 (solus: -is, M<sub>1</sub> Z<sub>1</sub> G<sub>1</sub>); VIII 670 (semianimis: -us, M Z); X 15 (intrepidus: -is, Z<sub>1</sub>); X 130 (nullis: -us, M<sub>1</sub>); X 226 eodem pertinet (rīpis: rapis, M<sub>1</sub>). — Constat nimirum accusatum melius commendatum esse quam ablativum. Atque haud scio an sit abl. nihil aliud quam coniectura emendatoris ueteris, qui uerborum structuram parum intelligens idem sensit quod Francken, qui de hoc loco in nota critica sic uerba facit: »Sed male *tumultus atque omen* componuntur, alterum est res desiderata (*omen scelerum*), sed non *tumultus*.» Dubitari non potest, quin uerum sit *tumultus*; hoc recte constituit Samse l. l. p. 53: »i. e. mentis tumultus atque subitos furores (scil. mentis) putat esse omen scelerum». De sermonis figura uberius egisse ait Leonem ad Culicem p. 44 et Boldtium De liberiore collocatione uerborum (diss. Gott. 1884) pp. 96 sqq.; neque locum ullum Lucaneum eiusdem generis attulit. Sed haec uerborum structura, qua particula additur non posteriori membro, sed uerbo duorum membrorum communi, — quam structuram Horatio in deliciis fuisse constat — apud Lucanum duobus aliis locis exstat:

I 262 (-que)

*ecce faces belli dubiaeque in proelia menti  
urgentes addunt stimulos*

III 478 (aut)

*nec Grais flectere iactum  
aut facilis labor est longinqua ad tela parati  
tormenti mutare modum*

Aliis quoque locis consimilem uerborum collocandorum ordinem agnoscere licet, sed haec dilucidiora esse uidentur exempla.

VII 304

*Caesareas spectate cruces, spectate catenas  
et caput hoc positum rostris effusaeque membra  
saeporumque nefas et clausi proelia Campi.  
cum duce Sullano gerimus ciuilia bella.*

Francken et *spectate* inepte dictum putat, quum nemo id spectet, quod nondum sit, et *Caesareas* uerbum corruptum

putat, quod nihil possit significare nisi *a Caesare (Caesaribus) erectas*. Illud mihi Fr. non probat: ea, quae, uicti si essent Caesariani, expectanda essent, clementiae desperandae causa uine subiciuntur sub oculos. *Spectate* = «ecce iam praesto sunt». Concedo minus solito usu *Caesareas* adhibitum esse uideri pro «Caesari (Caesarianis) erectas». Haec omnia ad speciem a Sulla crudeliter factorum adumbrata esse apparet. Seruos pugnantes captos Sulla cruci affigi iusserat. Pompeius uero contionabundus (II 552 sqq.) Caesarem cum Spartaco contulerat. *Caput hoc positum rostris*: haec uerba Fr. ad Octauii consulis et M. Antoni oratoris fatum spectare arbitratur; sed monendum est Sullanos illos a Mario esse occisos. Hic Caesar, opinor, spectat ad Sulpicium Marianum, qui sine imperio armatos — tria milia traditum — duxisset contra rem publicam, leges per uim pertulisset, consulibus mortem minatus esset, postremo expulsus a Sulla trucidatus esset. (Cfr Vell. Patere. II XVIII 2; XIX 1; hoc loco finis Sulpicii memoriae proditur sic: «*Sulpicium etiam adsecuti equites in Laurentinis paludibus ingulauere, caputque eius erectum et ostentatum pro rostris uelut omen imminentis proscriptionis fuit.*» Omnia eadem, quae Sulpicium, Caesarem commisisse insimulare nempe Pompeium. *Saeptorumque nefas et clausi proelia Campi*: haec uerba quid significant, ostendit Fr.

## VII 317

*quantum satiauit sanguine ferrum!*

Weise-Haskins, Postgate (M. Annaei Lucani De bello civili liber VII, Cambridge 1896), Francken cum codicibus V U P G praebeant *quanto*. Sed lectionem plurimorum codicum (ab Hosio receptam) retineri posse credo; cfr

## VII 847

*quo tantum crimine, tellus,  
laesisti superos, ut . . .*

Ubi in sensu eodem codices — exceptis A B C, qui *tanto* exhibent — eundem pronominis casum adhibent (*quantum* = *quantopere*).

## VII 504

*nec fortuna diu rerum tot pondera uertens  
abstulit ingentis fato torrente ruinas.*

Haskins sic interpretatur: »and Fortune, taking but a short time to overthrow such weighty interests,» . . . Ad insolitum uerbi *diu* usum probandum affert VIII 672 sq. *nodosa-que frangit ossa diu*, quod exemplum sufficere iure negat Francken. Potius afferre debebat *diu mori; diu perire* (*diu* = »langsam»), quas structuras de Seneca sumptas affert Georges. Francken Grotium aut Heinsium secutus legit *uergens* (»*Vergens* \* est librans, ut Grotius ait: Fortuna ponderat utriusque fatum»). Postgate praeferre uidetur *rerum tot pondere uergens* (»rocking»). Sed codicum lectionem nonne ita defendere licet, ut explicemus hoc significare uerba illa: et fortuna diu non tot rerum pondera uertens = »... die lange nicht so eine gewaltige Macht gestürzt hatte»? Lectio, quae est *uertens*, firmatur loco quodam Lucaneo, qui hunc nimirum imitatur.

## VIII 14

*multi Pharsalica castra  
quum peterent nondum fama prodente ruinas,  
occursu stupere ducis uertigine rerum  
attoniti*

## VII 525

*immemores pugnae nulloque pudore timendi  
praecipites fecere palam, ciuilia bella  
non bene barbaricis umquam commissa cateruis.*

Tum demum sequuntur uersus illi, qui sunt de fuga barbarorum, imprimis

## VII 531

*in sua conuersis preeceps ruit agmina frenis*

Quare parum credibile est *praecipites* iam u. 526 — ut Haskins contendit — significare »praecipiti fugas, »temere celerrimeque fugiendos, quam significationem in hoc per se uerbo inesse non credo. Hoc uero omnes, quicumque hunc locum interpretandi

\* *Vergere* uerbum intransitiuum est Lucan. VIII 280 . . . *mentisque meae quo pondera uergant*. Cfr locos Senecae et Vergili, quos affert Haskins VIII 280.

causa tractauere, temere credidisse uidentur. Francken quidem admodum contortam esse ait interpretationem (Haskinsi et Postgatei), qua *timendi* gen. gerundii existimetur pendens a *pudore* quasi = timoris. Paullo meliorem uideri Weisei: »non formidabiles ullo pudore, qui enim pudorem habet, is timendus fit fortitudine». Haec mihi quidem frigida sane et aequo longius petita. Fr. uero ipse pro *timendi* cum Burmanno legendum putat *tenendi*. »Non eos cohibebat, tenebat, pudor.» Sed nec uim adeo propriam et plenam in uerbo *praeceps* inesse credo, et uim, quam Fr. uerbo *tenendi* subesse arbitratur — nempe *συσχετοί* non *συσχετέοι* —, reiciendam puto. Constat quidem interdum gerundinum cum negata uerbi *esse* forma coniunctum uel ipsum negatum primo significare aspectu non tam rem non fieri debere, oportere, necesse esse, quam potius rem fieri non posse. Sed conferamus pauca eiusmodi exempla:

a) Lucan. V 105  
*nam fixa canens mutandaque nulli*  
*mortales optare uetat*  
 VII 688

*spes numquam explenda recessit*  
 Cum his aliud exemplum conferendum:  
 VIII 81

*deformis adhuc uiuente marito*  
*sammus et augeri uetitus dolor*

Claudian. I 106

*claustraque congestis scopulis durissima tendunt,*  
*non alia reseranda manu, sed peruia tantum*  
*Augusto*

id. XXII 424

*est ignota procul nostraeque imperuia genti,*  
*nix adeunda deis*

Hic primigenia est uis uulgata, altera translatione adducta: id quod dis fieri non placet aut rerum natura inuita fiat, id fieri ne potest quidem. Cfr Lucan. I 418 sq.; Horat. Carm. I xi 1 sq.

b) Caes. B. G. V xxviii 1 *ciuitatem ignobilem atque humilem Eburonum sua sponte populo Romano bellum facere ausam nix erat credendum*. Cic. De fin. IV xix 53 (cfr Madvig ad id. I ii 6) *si asperum et nix ferendum putabit* . . . Cic.

Tuscul. I 12 *iam illa, quae natura, non litteris assecuti sunt, neque cum Graccia neque ulla cum gente sunt comparanda.*  
Octavia 57

*O mea nullis aequanda malis  
fortuna, licet  
repetam luctus, Electra, tuos*

Hic translatione adduci posse uidetur uis \* uulgata: quod quis facere aut omnino non aut certe non recte potest, id eum facere aut non par aut certe necesse non est. Sub a) ad gerundium negatio referenda est, sub b) ad uerbum substantiuum.

Hic uero locus Lucaneus neque inter huius neque inter illius generis exempla rite numerari potest, neque enim ulla gerundiui uis effici posse uidetur. — Sed omnes lectionis codicum explicandae sanae rationes dum temptentur, emendandi studium cohibendum puto. Atque omnis difficultas sublata erit, si *timendi* genetiuum gerundii *praecepites* uerbo regi constituerimus. Quam structuram si quis Lucaneam esse neget, afferre licet

I 460

*inde ruendi  
in ferrum mens prona uiris*

\* Difficilem explicatum habere uidentur uerba quaedam uidendi et noscendi; cfr

Ouid. Metam. VII 723

*Palladias in eo non cognoscendus Athenas*

id. X 650

*nullique uidenda nisi ipsi*

*Hippomenen adii*

id. XII 250

*et ossa*

*non agnoscendo confusa reliquit in ore*

id. XV 843

*media quum sede senatus*

*constitit alma Venus nulli cernenda*

Sil. Ital. Pun. XIII 705

*iamque aderat multa uix agnoscendus in umbra*

*Paulus*

Sine negatione:

Stat. Theb. VIII 661

*Capaneaue pinus*

*iam procul Aoniis uolet agnoscenda cateruis*

id. IX 356

*nusquam ille sed index*

*desuper, a miserae nimium noscenda parenti.  
parma natat*

Claudian. V 400

*unus per medios audendi pronior ense  
prosilit exerto*

*Praeceps* uero eodem fere quo *pronus* sensu saepius adhiberi constat = »leicht hingerissen», »nur zu geneigt» (*praeceps in auaritiam et crudelitatem animus*, Liu.; *praeceps ingenio in iram erat*, Liu.; *in bellum prono*, Lucan. I 292; *praeceps ad explendam cupidinem*, Sall.; quae exempla affert Georges). Ita hoc loco explicato simplex euadit antithesis: *immemores pugnae* (= ad pugnandum segnes) — *timendi praecepites*. Verendum: »De tänkte ej ett ögonblick på strid och visade — totalt i saknad af hederskänsla, som de voro — i stället en alltför liflig benägenhet att betagas af panik och ådagalade därmed klarligen, att . . .»

*Nullo pudore* = »quum prorsus deesset pudor»; cfr IX 425 . . . *nullo glebarum crimine pura* . . .

VII 567

*quacumque uagatur  
sanguineum ueluti quatiens Bellona flagellum  
Bistonas aut Mauors agitans, si uerbere saeuo  
Palladia stimulet turbatos aegide currus,  
nox ingens scelerum est*

Francken u. 569 pro *si* praebet *seu* (= uel si) tres comparationes esse ratus. Duae profecto sunt: 1. Bellona flagellum quatiens sanguineum. 2. Mauors (Bistonas agitans=Thracius) in bello Troiano contra Mineruam bigas incitans (stimulo). Quaerendum est, cur priore loco ponatur participium, posteriore sententia condicionalis. Hoc inde explicare liceat, quod Bellona in pugna ne cogitari quidem potest nisi flagellum (aut facem) quatiens,\*

\* Cfr Verg. Aen. VIII 703

*quam cum sanguineo sequitur Bellona flagello*  
Sil. Ital. Pun. IV 438

*frenisque operata regendis  
quadriugos atra stimulat Bellona flagello.*  
id. V 220

*ipsa facem quatiens ac flauam sanguine multo  
sparsa comam medias acies Bellona pererrat.*  
Stat. Theb. VII 72

*regit atra iugales  
sanguinea Bellona manu longaque fatigat  
cuspidē.*



Mauorti uero additur *Bistonas agitans*, quo sciant omnes hic respici Martem Thracium,<sup>1</sup> omnium ferissimum belli praesidem. *Bistonas* enim idem ualere quod *Thracas*<sup>2</sup> uix est quod moneam. Sed Mars Thracius multimodis agens induci potest; additur igitur *si stimulet turbatos aegide currus*. Ita demum hoc de Mauorte dictum apte illustrat ea, quae paullo supra et infra de Caesare dicuntur — u. 557 *stimulus furorum* et un. 576 sq.

*impellit terga suorum,  
uerbere conuersae cessantis excitat hastae.*

Accedit uero unum, quod longe maximi est momenti; Lucanus enim nescioqua de causa uitasse uidetur simplicis uerbi *seu* (sine) usum (de qua re conferas uelim p. 98). Postgate quidem uno loco *seu* legendum<sup>3</sup> proponit, VII 675, ubi codices sensu perbono exhibent *sed*. P. ad hoc: »*Sed* the MSS. a very natural mistake; but *seu* not only agrees better with Lucan's customs elsewhere but also with the preceding *aut*.» Neque hoc neque illud P. iure affirmare uidetur, nam neque in hoc Lucaneo opere *seu* simplex usquam inuenitur, neque ea sententia, quae *sed* uerbo inducitur, eodem gradu quo uerba proxime antecedentia habenda est. Priora enim paullo incertiora sunt, hoc uero pro certo affirmare licet poetae.

## VII 739

*neque enim donare uocabo,  
quod sibi quisque dabit.*

Ita codices P G M (in rasura); B E V U R T *uacabo*. Equidem diu dubitavi, utram lectionem praeferrem; sed dubitare desii, postquam inspexi

## II 539

*neque enim ista uocari  
proelia iusta decet, patriae sed uindictis iram  
nec magis hoc bellum est, quam quod Catilina parauit  
arsuras in tecta faces*

<sup>1</sup> Cfr Homer. II. V 298 sq.; Odyss. β 361; Soph. Antig. 970 sq.; Oedip. R. 195 sq.

<sup>2</sup> *Bistonius* = Thracius; cfr Lucanea *Bistonius tyrannus*, rex = Diomedes; *Bistoniae aues* = grues; quas Strymona habitare alio loco scribit poeta: *Bistonius turbo* = aquilo turbo.

<sup>3</sup> *seu* coniectura est Sulpitii.

U G codices *cum* praebent, quam lectionem amplectuntur Weise-Haskins et Francken; cum multi tum Hosius Heinsio astipulati praebent *quo*. Sed nimirum loci hi alter alterum tuentur.

## VII 768

*ingemuisse putem campos terramque nocentem  
inspirasse animas, infectumque aera totum  
manibus et superam Stygia formidine noctem.*

Francken Burmanno et Bentleio astipulatus pro *nocentem* praebet *nocentes*; solus uero post *terramque* interpunctionis uirgula posita *ingemuisse* uerbum affectum significans esse ostendit, quo regatur infinitiuus, qui est *inspirasse*. *Nocentes animas* ita = animas fratricidarum. Francken arbitratur neminem explicare posse, cur *terra* in uulgata *nocens* dicatur. Sed Franckeni recepta interpretatione abruptus sane uel potius prorsus nullus fiat transitus a campis dolentibus ad aera manibus infectum. Haec uero si quis recte explicata uoluerit, ad VII 175 sqq. ei deducendi sunt legentes, ubi ante pugnam Pharsalicam Caesarianis conspicienda se praebuisse traduntur similia iis rebus, quae confecto proelio se praebuere uictoribus; VII 175 sqq.

*edere nocturnas belli Pharsalia uoces*

.....  
*defunctosque patres et cunctas sanguinis umbras  
ante oculos uolitare suos.*

Post proelium campi quasi morientium gemitu murmurantes et strepentes peremptorum animas uictoribus immiserunt. Sunt uero sententiae et Franckeni, quam supra attulimus, et eorum, qui de spiritu et odore pestiferis e terra exeuntibus hic agi putant, ignorantium, quid *terram nocentem* significare uoluerit poeta. *Nocens* uerbum Lucano in deliciis esse uidetur.

*Nocens* a) de personis dictum significat eum, qui ciues trucidauit.

b) *ferrum nocens* is gladius est, qui in ciues trucidandi causa stringitur.

c) *terra nocens* ea est, quae misera ciuium caede conspicua est.

a) cfr II 286 sqq.; IV 192 sqq.; 253; VII 486 sqq.; 751; 763;

b) VII 160; 502 sq.

c) praeter eum locum, quem tractamus, afferre licet VII 867 (de Thessalia agitur)

*nuda atque ignota iaceres,  
si non prima nefas belli, sed sola tulisses.  
o superi, liceat terras odisse nocentes.  
quid totum premitis, quid totum absoluitis orbem?  
Hesperiae clades et flebilis unda Pachyni  
et Mutina et Leucas pueros fecere Philippos.*

IX 81

*hunc uolumus quem Nilus habet, terraeque nocenti  
non haerere queror; crimen commendat harenas.*

X 474

*tot monstris Aegypto nocens*

Stat. Theb. XI 134

*uisusque nocentibus aruis  
abstulit*

De agro Thebano agitur, ubi fratres Eteocles et Polynices casuri erant alter alterius hasta transfixi.

VII 781

*hunc omnes gladii, quos aut Pharsalia uidit  
aut ultrix uisura dies stringente senatu,  
illa nocte premunt*

Francken, cui in relatiua sententia omissum uerbum substantiuum durius est, quam quod ferendum sit, nec uerba, quae sunt *stringente senatu*, satisfaciunt — »senatus non \* stringebat gladios» — legendum proponit »aut ultrix uisura dies stringente senatu». Sed quod ait in sententia relatiua omissi uerbi *est* apud Lucanum unum tantum praeterea exstare exemplum, fallitur. Affert Francken

\* Sed cfr X 338

*dignatur uiles isto quoque sanguine dextras,  
quo fortuna parat uictos perfundere patres,  
poenaeque civilis belli, uindicta senatus  
paene data est famulo.*

## IX 330

*sors melior classi quae fluctibus incidit altis  
et certo iactata mari.*

*Alia exempla sunt*

## I 597

*uestalemque chorum ducit uittata sacerdos,  
Troianam soli cui fas uidisse Mineruam*

## VIII 409

*cui fas implere parentem,  
quid rear esse nefas?*

## IX 239

*quisquis Magno uiuente secundus,  
hic mihi primus erit*

## IX 391

*me teste pati uel quae tristissima pulcrum  
Romanumque putant.*

## IX 852

*ire libet, qua zona rubens atque axis inustus  
solis equis*

## X 239

*zephyros quoque uana uetustas  
his ascripsit aquis, quorum stata tempora flatus  
continuique dies et in aere longa potestas  
Verbum aliud omittitur*

## II 726

*non ea fata ferens, quae, quum super aequora toto  
praedonem sequerere mari*

Verbum substantiuum alias in sententia secundaria omit-  
titur; in sent. condicionali:

## II 550

*quamquam, si qua fides, his te quoque iungere, Caesar,  
inuideo*

## VII 192

*si uera fides memorantibus*

## VI 615

*sed si praenoscere casus  
contentus facilesque aditus multique patebunt*

In sententia temporali:

## I 291

*... sic postquam fatus ...*

## VII 58

*hoc placet, o superi, quum nobis uertere cuncta  
propositum, nostris erroribus addere crimen?*

In sententia explicatiua:

## V 552

*nec placet incertus, qui prouocat aequora, delphin,  
aut siccum quod mergus amat, quodque ausa uolare  
ardea sublimis pinnae confisa natanti*

In oratione obliqua:

## IX 846

*nec, quae mensura uiarum  
quisue modus, norant*

Postgate ptep. fut. omisso uerbo substantiuo praedicati uices raro sustinere ait; quinque Claudianeos locos exstare contendit, exempli loco affert praeterea Propert. I XIX 18. Sed Lucaneum locum alterum afferre potuit:

## VI 715

*licet has exaudiat herbas,  
ad manes uentura semel.*

Coniecturam Franckenii, *diest*, ideo respuenda, quod talis elisio — mitto quod et a Lucani arte metrica et a metrica ratione omnium poetarum aureae, quae dicitur, aetatis plane abhorret — nusquam fit, ubi *s* finale longam sequitur uocalem. De qua re cfr Leo Plautinische Forschungen pp. 252 sqq.; p. 255 haec habet: »Es gibt . . keine Auslautssilben mit langem Vokal, die mit *est*, *es* zusammenwüchsen.«

## VIII 5

*pauet ille fragorem  
motorum uentis nemorum, comitumque suorum  
qui post terga redit, trepidum laterique timentem  
exanimat.*

Francken u. 7 legendum proponit *quidquid terga ferit*. Oudendorp u. 7 legit *ruit*; Weise, cui astipulatur Haskins, *ferit*. In interpretatione quoque multum desudarunt docti uiri. Ante Oudendorpum — auctore Franckenio — post *nemorum* non distinguebatur, ut iungeretur *fragorem nemorum comitumque suorum*; »non sine causa, quoniam *suorum* reflexiuum tunc

cum *pauct* iunctum recte usurpatur». (Fr.) — Sed constat in hoc pronomine praegrauante possessiua ui saepius ualde obsecratam esse uim reflexiuam. Cfr Schmalz Lat. Stilistik § 15, 4. Liu. IV LVIII 2;

Lucan. VI 251

*labentem turba suorum*

*excipit*

Val. Flacc. Argon. II 71

*regunt sua sidera puppem*

Iuuenal. Sat. V 141

*sed sua nunc Mycale pariat licet*

Ergo: »bullret af de egna följeslagarnes steg» . . . -- Heitland quidem lectionem codicum sic explicat Cl R XI (a. 1897) pp. 206 sq., ut *qui post terga redit* esse dicat exploratorem praemisum, ut loca inuestigaret a fronte. *Post terga* = *inuestigia*, quem sensum exemplis de Corippo sumptis probare studet. Sed mihi quidem praestare uidetur uerba, quae sunt (*fragor*), *qui post terga redit*, de fragore collibus post fugientes iacentibus repperusso dicta esse constituere. *Redire* de imagine uocis et omnino de sonis redditus usurpari saepius uidemus; nelut

Stat. Silu. III I 129

*terris ingens redit aequoris echo*

Claudian. XXXI 49

*redituraque rupibus echo?*

Conferre licet Lucan. VII 483

*uocesque furoris*

*expauere sui tota tellure relatas.*

Pompeius igitur equites procul persequentes audire sibi uisus est.

Francken uero: »omnino intolerabile, quod omittitur nomen, unde pendet *comitantumque suorum*; praesertim quum *fragorem* alio casu quam subiecti praecessit.» Sed ex antecedentibus uerbis non multo difficilius auditur subiectum quam e sequentibus obiectum

VII 815

*quocumque tuam fortuna uocabit,*

*hac quoque sunt animae.*



Subiectum ex obiecto antecedenti audiendum est:

II 508

*captiuum traxere ducem, cuiusque superbi  
constitit ante pedes.*

IV 34

*huc hostem pariter terrorque pudorque  
impulit, et rapto tumultum prior agmine cepit.*

Incertus locus est II 217

*nec iam alueus amnem  
nec retinent ripae, redditque cadauera campo.*

M Z G (in ras.) praebent reddunt; H redeuntque.

H. l., quem tractamus, accedit, quod subi. audiendum correlatum est relatiuae sententiae; nec tamen omissio durior esse uidetur, quam quae tolerari possit.

VIII 40

*Conscia curarum secreta in littora Lesbi  
flectere uela iubet, qua tunc tellure latebas  
maestior, in mediis quam si, Cornelia, campis  
Emathiae stares.*

Vulgo edunt *iubes* (Cornelia). Francken, quem »sane militare uerbum» *stares* ad Corneliā referre piget, proponit *iubes* (Pompeius) . . . *latebat* (Corn.) . . . *stares* (Pomp.). Sed sequentibus uersibus continuata apostrophe, qua respici Corneliā certo affirmare possumus (u. 46 *curris*; u. 48 *uides*; u. 49 *audes*), prohibet, quominus antecedentis sententiae uerbum ultimum, *stares*, de alia persona dictum esse putemus, praesertim quum post *stares* nullo inserto nomine proprio ubique tenore continuo pergat descriptio. Ceterum *maestior . . quam si . . in mediis . . campis Emathiae stares* de Cornelia dici probe intellet, quisquis contulerit huic loco sane respondentem,

V 754

*tutior interea populis et tutior omni  
rege late, positamque procul fortuna mariti  
non tota te mole premat.*

His uero uerbis plane contraria accidisse ostendit poeta; curam enim et aegritudinem exspectati mali grauiore esse quam dolorem ipsius mali. Accedit quod uerbum *Cornelia* in

enuntiato secundo insertum, quo referendum sit *stares* uerbum, satis ostendit. Exempla uerborum insolite translatorum, quae affert Fr., sufficere non uidentur. Sed ad uulgatam redeundum iamdudum. In qua uocatiuus necessario erit *conscia curarum*; mihi quidem non placet uocatiuus hic inducens sententiam in qua nulla insit inuocatio neque ulla omnino affectuum uis et contentio. Iusto magis turgent igitur lectio uulgata, cui ceterum obstat codicum auctoritas. Postremum quid magis decorum et poeta dignum quam ipsa Lesbi littora esse dicere *conscia curarum* Pompei, ubi et Pompeius coniugem saluti eius consulens deposuerat et Cornelia totos dies curis affecta nuntios coniugis exspectauit? Accedit, quod *iubere* uerbum de homine in naue imperitante melius usurpari uidetur. Cfr uu. 185 sq. *sed quo uela dari, quo nunc pede carbaso tendi | nostra iubes?* Sed pro lectione *iubes* esse uidentur loci quales sunt VIII 855 sqq. . . . *quem non tumuli uenerabile sacrum . . . . . auertet manesque tuos placare iubebit . . . ?* IX 1049 . . . . *uer nata iubet maerere neposque?* — Hosiana quoque lectio difficultate quadam laborat; ad *uela* enim uerba *conscia curarum* referenda erunt. Quam ut uites, mecum lege — uerborum ordine ut omnino sano ita poetico et uere Lucaneo —

a) *conscia curarum* b) *secretae in* a) *littora* b) *Lesbi*  
cum codicibus P (U V?).

## VIII 541

*exiguam sociis monstri gladiisque carinam  
instruit.*

Quaerit Francken, quod *monstrum* significetur. Neque Achillam (= subi.) neque Ptolomaeum indicari. Coniecisse se *e. sociis* (naualibus) *tonsus gladiisque e.*, sed simpliciore esse coniecturam Burmanni: *monstrum* (= Achillas). Atqui cur statuendum est uerbo, quod est *monstri*, personam tantum significari posse? Burmanno et Franckeno nimirum obuersati tres huius libri loci, VIII 474; 448; 613. Sed cfr

## IV 245

*fecit monstra fides*

IV 252

*ac uelut occultum percat scelus, omnia monstra  
in faciem posuere ducum*

VII 464

*facturi quae monstra forent*

X 336

*habitant sub pectore manes  
ultricesque deae dant in noua monstra furorem.*

X 473

*aestimat in numero scelerum ponenda tuorum,  
tot monstris Aegypto nocens.*

Restat, ut de structura illa *sociis monstri* pauca dispu-  
mus; atque

*Socium esse alcis rei* significat

a) interesse alcis rei alcis iuuandi causa; uelut

I 299

*bellorum o socii*

II 542

*sociusque furoris*

*Lentulus*

X 350

*ad Pompeianae socium sibi caedis Achillam*

Lucret. III 61

*socios scelerum atque ministros*

b) aequae participem esse alcis rei (saepius inter exem-  
pla duorum generum obscurum confinium)

I 92

*nulla fides regni sociis*

II 346

*non me laetorum sociam rebusque secundis  
accipis: in curas uenio partemque laborum.*

IX 46

*ancipites tenuere animos, sociosne malorum  
an ueherent hostes*

Quod uero monstrum significari putemus? Nimirum cae-  
dem Pompei, hospitis auiti et patroni, quam indicari uidimus  
u. 538: *sceleri delectus Achilles.*

*ut uidit comminus enses,  
inuoluit uoltus atque indignatus apertum  
fortunae praebere caput tunc lumina pressit  
continuitque animam, ne quas effundere uoces  
uellet et aeternam fletu corrumpere famam.*

Bentley, cui astipulatur Francken, pro *indignatus* coniecit *indignatur*. Quae lectio per se melior esse uidetur, quum post ptep. perf. antecedens tempus per se respiciens molestum esse uideatur aduerbium *tunc*\* tam diserte posterius tempus significans. Num in codicibus per confusionem litterarum *s* et *r* pro *indignatur* mendose *indignatus* scriptum? Non nimis credibile, quum esse uideatur *indignatus* lectio, quod ad sensum attinet, difficilior. nec tamen ita fieri potuisse temere negandum est. Hanc quaestionem difficilem ut aliqua probabilitatis spe diiudicarem, uarias codicum lectiones perscrutatus his locis *s* et *r* litteras sine dubio confusas esse repperi:

a) *r* > *s*: II 328 pro *Hortensi: ostensi* (M); II 348 pro *relinquor* (= reliquor) M exhibet *reliquos*; II 567 pro *cursu: cussu* (M); VIII 35 pro *ratis: satis* (M); X 277 pro certo *currus* M praebet *cursus*.

b) *s* > *r*: VII 86 pro *fata suae* M exhibet *faturuae*; VII 804 pro *haeserit* M<sub>1</sub> *haererit*. Ex his exemplis concludere in promptu est librarium codicis M (aut eius archetypi) *s* et *r* uicissim immutasse propter magnam harum litterarum in archetypo similitudinem. Sunt et alii loci, ubi confunduntur *s* et *r*, sed in singulis tantum codicibus et plerumque ubi non tam de litterarum ductu sed de sensu uerborum et uno et altero modo iudicare procline sit; ex. gr. II 426 *moratus: moratur* (T); III 90 *fatur: fatus* (M Z<sub>1</sub>); VI 246 *effatur: effatus* (B<sub>1</sub> P); VI 329 *fatus: fatur* (T); VII 3 *cursum: curram*; VII 52 *uocatur: uocatus* (B<sub>1</sub>); VII 647 *transisse: U transire* (< transiſe?); VIII 775 *fatus: fatur* (E<sub>1</sub>); IX 549 *hortatos* (B): *hortator* ceteri, nisi quod M *hortatur* habet. Quibus exemplis ostendere parum ualeamus omnino in codicibus Lucanei operis pronam fuisse

\* Sed post *ubi* exstat *tunc* (*tum*) I 208 sqq.; II 669 sq.; III 71 sqq. *Postquam* praecedit IV 56 sq. Quibus locis *tunc* (*tum*) idem ualere uidetur quod illud *tum uero*; quem usum uerbi *tunc* hic quoque agnoscere liceat.

admodum litterarum *s* et *r* confusionem. Quae quum ita sint, in lectione codicum consensu commendata (*indignatus*) acquiescere tutius erit.

# VIII 618

*sed postquam mucrone latus funestus Achilles  
perfodit, nullo gemitu consensit ad ictum  
respexitque nefas*

*G consentit; C concessit.* De hoc loco constituendo et interpretando dissenserunt ualde uiri docti. Franckeno quidem placet: *nullo gemitu concussus ad ictum (est) | respexitque nefas.* »Non respexit i. q. non oculos uertit in n.» Sed paullo supra dicitur Pompeius inuoluisse uultus et lumina pressisse; hoc igitur addere ineptum. Haskins Burmannum et Corteum secutus legit *consensit . . . desperitque nefas* = »he yielded patiently to the blow and showed his contempt for the crime». Quod melius quidem, sed sine causa necessaria a codicum lectione recedit. Alii uero lectionem retinent de negatione (*nullo . .*) per duo membra continuata loquentes aut *respectiue* legunt. (Cfr Hosius in editione Franckeniana censenda B Ph W a. 1898 p. 425). Quibus omnibus uim uerbi, quod est *consensit*, aliquo modo detorquere necesse fuit. Mihi quidem *consensit* idem est atque non grauatus est; *nullo gemitu* = sine gemitu. *Consentire ad rem* cfr Cic. Attic. V XVIII 2 *exercitu ad beneuolentiam erga nos consentiente . .*; Sueton. Calig. V *barbaros . . . consensisse ad indutias*; Cic. Cat. IV 15 *ad communem salutem dignitatemque consentiunt*. Restat, ut, quid significet *respexit*, explicemus ita, ut cum antecedenti uerbo coniungere liceat. Ac moneri potest unam huius uerbi significationem esse expectare, desiderare = »auf etwas warten», »mit Verlangen etwas abwarten». *Nefas* = caedem, mortem suam. Hunc expectandi sine desiderandi sensum hic subesse fortasse ueri similis erit, si quis uersus sequentes contulerit uu. 644 sqq.:

*nescis, crudelis, ubi ipsa  
uiscera sint Magni; properas atque ingeris ictus,  
qua uotum est uicto.*

Particula, quae est *sed*, u. 618, opponitur curae fortiter moriendi in ipsa morte securus ac laetus animus.

## VIII 771

*interea paruo signemus littora saxo,  
ut nota sit busti*

M, Z, *litore . . . saxa*. Francken legit *paruom* (< \**paruô*) s. *littore sarum*. Littus signare uno lapide ineptum esse et u. *signare* idem quod distinguere ualere insolitum esse ait Fr. Si ullus omnino in lectione Franckeni sensus hic inesse debet Cordum, ut saxum sepulcri postea repperire sibi liceret, littoris situm notasse. Sed aliorum causa signum Cordum posuisse e uersibus 772 sqq. apparet. Ceterum obscura nocte, qua lucis maesta parum per densas Cynthia nubes praebebat, qui licuit littore plane ignoto notare saxum? Potius uero saxo e solo arenoso exstante littus signare potuit. Cfr ea, quae paullo infra dicuntur, uu. 790 sqq.

*saxo compressit harenam,  
nautaque ne bustum religato fune moueret,  
inscriptis sacrum semusto stipite nomen:  
'hic situs est Magnus'.*

*Signare* eo, qui hic requiritur, sensu adhiberi a poetis saepe uidetur; uelut Lucan. II 645;

Lucan. V 390 (ubi non de loco, sed de tempore agitur)  
*signauit tempora digna*

*maesta nota*

VII 410 (sine ablatino; sed sequens *nescire*, qui sensus in uerbo *signare* insit, probe indicat)

*tempora signauit leuiorū Roma malorū,  
hunc uoluit nescire diem.*

Sil. Ital. Pun. XIII 397

*ubi signat Auerni  
squalentem introitum stagnans Acherusius humor.*

Stat. Theb. IV 763

*magna lucus signabitur ara.*

id. VI 681

*fixa signatur terra sagitta.*

Martial. Epigr. I LIII 1

*una est in nostris tua, Fidentine, libellis  
pagina, sed certa domini signata figura*



## IX 27

*nec regnum cupiens gessit ciuilia bella  
nec seruire timens.*

Francken — codicem R secutus — praebet *seruile*, cuius lectionis mentionem fecit Hosius. Sed hic non agitur de iusta ciuilis belli causa, sed exaggeratione uere Lucanea de uiro, qui non sibi ne seruitutem quidem timens consulat, sed ciuitati et rei publicae uelit consultum; cfr uu. 28 sq.

*nil causa fecit in armis*

*ille sua.*

## II 239

*inuenit insomni uoluentem publica cura  
fata uirum casusque urbis cunctisque timentem  
securumque sui.*

Haec stoico sane digna. Accedit — id quod maximi profecto est momenti —, quod rite sibi opponuntur *seruire* (= seruitutem) *timens* et *regnum cupiens*. E uersibus 28 sq. sequitur, ut prorsus respuenda sit Trilleri coniectura: *sed seruire timens*.

## IX 37

*inde Cythera petit, boreaque urgente carinas  
Creta fugit; Dictaea legit cedentibus undis  
littora.*

Francken, ut quem pigeat *Dictaea legit* e. q. s. per epexegsin addita esse credere — tum enim requiri pppf. *legerat* —. Guyeti aut Hensii coniecturam, *subit*, recipit. Quod ita se haberet, si *fugit* significaret ex oculis, e conspectu fugit; sed credo hoc uerbum ita accipiendum esse, ut explicat Haskins: »'Crete flies from them', i. e. seems to do so, as they fly along its shores.» Sed locus ille, quo hunc, de quo disputatur, munitum uult, huc uix pertinet:

Verg. Aen. III 72

*prouchimur portu, terraeque urbesque recedunt.*

Eodem de genere esse uidetur quo Vergilianus ille

Ouid. Metam. VI 512

*admotumque fretum remis tellusque repulsa est*

Utroque loco uerba mouendi idem significare quod paulatim euanescere uidentur. Sed hunc Lucaneum locus Valerianus fulcire uidetur,

Val. Flacc. Argon. V 101

*acrius in remos rediit ratis, ac fugit omne  
Crobiali latus et fatis tibi, Tiphys, negatum  
Parthenium*

Cum tali uerbi *fugit* sensu epexegesis per praesens inducta apte coniungitur. Epexegesis raro ita apud Lucanum additur; exempli loco afferre licet

V 719

*praetereunt frustra temptati littora Lissi  
Nymphaeumque tenent; nudas aquilonibus undas  
succedens boreae iam portum fecerat auster.*

IX 106

*numquam uenimus ad enses  
aut laqueos aut praecipites per inania iactus.  
turpe mori est post te solo non posse dolore.*

Francken haec: »Quasi uero enses, laquei, praecipites saltus non doloris indicia essent. Sed excusatur Lucanus . . ., quod dolor externat animum et saepe tam absurdus est in sui opprobrio quam in consolatione.» Sed h. l. non eget omnino Lucanus patrono. Agitur enim de mortis instrumentis; quae — exaggeratione uere Lucanea — non externa ostendit fore Cornelia, nam abrepto tam caro capite dolorem solum per se ut mortis causam ita instrumentum quoque tabescenti fore.

IX 153

*non ego Pellaeas arces adytisque reiectum  
corpus Alexandri pigra Marcotide mergam?*

Korte coniecit *arcas*: perbene uero Burmann *Pellaeis arcis*, quam lectionem merito recepit Francken, attulit in notis criticis Hosius (1905). His uersibus usque ad 159 de personis tantum agitur, quare ualde offendit arcium mentio. Accedit, quod Pompeio nudo et insepulto (quae filii erat opinio) nihil melius opponitur quam Alexander adytis arcisque (an pluribus?

sed pluralis *arcis* poeticus esse potest) tectus. Ex *arcis* (> *arces*) parum intellecto originem corruptelae repetere licet.

## IX 206

*nunc et ficta* (sc. libertas) *perit. non iam regnare pudebit,  
nec color imperii nec frons erit ulla senatus.*

Haskins — semel dormitans — ita interpretatur: »nor will there be any decent veil for empire, nor any shame on the senate's part.» Francken bene: »... *color* ... significatio fallacis speciei s. praetextus ... *Frons* h. l. est (honesta) species.» *Imperium* h. l. iniuria Haskins idem significare arbitratur quod regnum, principatum (angl. »empire»). Sed h. l. regno (= *regnare*, u. 206) opponitur imperium, quo nomine per spatium liberae rei publicae annuam potestatem nacti erant summi magistratus. Alterum libertatis pristinae columen atque arx ualidissima fuerat senatus. Cfr

## IX 194

*rektorque senatus,*

*sed regnantis, erat.*

Ceterum quantam uim in senatu ipso per se inesse ad libertatem seruandam sibi persuaserint Romani, e locis uidere licet, qualis est Liu. II 1 9—10. *Imperii* et *senatus* genetiuos definitiuos esse apparet. *Frons* hoc sensu adhibetur

## IX 1063

*adquirisque fidem simulati fronte doloris*

IX 1106 (huc pertinere uidetur; nisi forte hic *fronte* sensum primigenium retinuit)

*abscondunt gemitus et pectora lacta*

*fronte tegunt*

Conferre licet IX 739 sq. *ipsaque leti frons caret inuidia* et III 71 *agmina . . non armata . . sed pacis habentia uultum.*

## IX 228

*Phrygii sonus increpat aeris:*

*attonitae posuere fugam studiumque laboris*

*floriferi repetunt et sparsi mellis amorem*

Pro *Phrygii* Heinsius, cui astipulatur Francken, propter *tum si* paucorum codicum (A B D [E?]; m = *tarsi*) praeiuit

*tunsi* ingeniose, quod in huius loci sensum probe quadrat. Sed lectio *ut frigii* (C) suspicionem mouet lectione *tum si antiquos* librarios doctiores conatos esse explicare atque etiam sanare hunc locum propter intricatam sententiarum structuram antiquis iam negotium exhibentem. Quod ad interpunctionem pertinet, minus apte distinguit E. Trampe (De re metr. p. 51), qui post *aeris* plene interpungendo haec ad antecedentia trahit (*Phrygii — aeris*). Nam oblitus antecedentia re uera esse protases poeta in meram descriptionem aberrauit, unde per anacoluthon redit. Ad modum uerbi *increpat* iam pergamus. Atque Ondendorp, Hosius (1892), Francken ediderunt *increpet*. Quod ut uerum inuenerint, ualde uereor. In omnibus enim exemplis, quibus in parataxi idem quod periodus hypothetica ualente usurpatur coniunctiuus, ratio subesse uidetur »potentialis«.

*Indicatiuus:*

IV 213 (ind. propter negationem ad uim concessiui coni. accedit)  
*non potes hoc causae, miles, praestare, senatus*  
*adsertor uicto redeas ut Caesare: certe,*  
*ut uincere, potes.*

Addendus est hic locus profecto, de quo disputatur, id quod uidit Hosius post editionem a. 1892 emissam. Apud poetas alios raro occurrit; uelut

Verg. Aen. I 572

*uoltis et his mecum pariter considerare regnis:*  
*urbem quam statuo uestra est, subducite naues.*

Ouid. Metam. VIII 28 sq. (plura exempla)

*torserat adductis hastilia lenta lacertis:*  
*laudabat uirgo iunctam cum uiribus artem.*

Iuuenal. Sat. III 100

*rides, maiore cachinno*  
*concutitur; flet, si lacrimas conspexit amici*

*Coniunctiuus:*

VIII 417

*haereat coae uolnus miserabile sortis:*  
*non solum auxilium funesto ab rege petisse,*  
*sed gessisse prius bellum civile pudebit.*

## X 191

*spes sit mihi certa uidendi*  
*Niliacos fontes: bellum civile relinquam.*

Incertus locus est III 324 sqq.

Ouid. Ars amat. II 41

*per Styga detur iter, Stygias tranabimus undas.*

Stat. Theb. II 242

*mutatosque uelint transsumere cultus,*  
*et Pallas deceat pharetras et Delia cristas.*

Coniunctiuus ex uoluntatiuo eius modi usu originem repetere potest. Ex optatiuo irreali deriuari posse uidetur coni. impf., qui sententiam condicionalem irreali ui praeditam ualet; uelut

Verg. Aen. VI 30

*tu quoque magnam*  
*partem opere in tanto, sineret dolor, Icare haberes.*

## IX 385

*durum iter ad leges patriaeque ruentis amorem.*

Mihiquidem placet cum Franckeno hunc uersum per se absolutum arbitrari. Hosius secutus codicem C legit *amore*, quod uerbum ad sequentia uerba *ueniant* et *temptent* refert. Sed in coniunctis uerbis, quae sunt *patriae . . . amore* et *si quibus . . . ire sat est*, inesse uidetur duplex quaedam ratio, quae me quidem laedit. Cato, qui stoicorum more breuius loquitur, hoc uult: »durum iter est eundum, quicumque leges seruare et pugnando patriae amorem praestare uolet«. Minus apte Fr. *patriae* genetiuum subiectiuum esse ait; esse uidetur obiectiuus. Quod ad sententiam conferre licet cum hoc loco

## II 281

*quod si pro legibus arma*  
*ferre iuuat patriis libertatemque tueri*

Samse aliquid excidisse — iniuria, credo — ratus, sic lacunam supplet

*durum iter ad leges < patrias; accersite, ciues,*  
*uirtutem ueterem > patriaeque ruentis amorem.*

N. Lundqvist, *Studia Lucanea.*

## IX 406

*sic ille calentes  
incendit uirtute animos et amore laborum*

Ita codices M A E V D G, U in ras.; Z v u *paucetes* — quam lectionem quin correctoris ingenio debeamus, non poetae ipsius, mihi dubium non est — Hosio et Haskinso astipulantibus. Heitland Cl R a. 1895 p. 155 ingeniose coniecit *cadentes*, quod recepit Francken. Sed retinenda esse uidetur lectio codicum plurimorum. Conferas uelim locos illos, ubi prolepticus \* ptepii perf. usus exstat; ex. gr.

## II 536

*iam tetigit sanguis pollutos Caesaris enses*

## III 261

*at Tigrim subito tellus absorbet hiatus  
occultosque tegit cursus*

## V 60

*cingere Pellaeo pressos diademate crines  
permissum*

## VII 654

*trahere omnia secum  
mersa iuuat*

## Cfr Sen. Oedip. 416

*spargere effusos sine lege crines*

Adiectiua eodem modo adhibentur saepius; ex. gr. I 246; 305; V 724 sq.; VIII 269 sqq.; IX 620 sqq.

Vertendum: »Så eldar han deras sinnen, så att de glöda af mod och . . .»

## IX 508

*quanto poena tu dignior ista es,  
qui populo sitiente bibas!*

Sine causa h. l. haeserunt docti uiri. Haskins: »*poena* — *ista* i. e. this punishment which I inflict on myself, viz. to go without drinkings». Sed hoc nullo modo coniungi potest cum iis uerbis, quae paullo ante locutus est,

\* Cfr Jahns Jhrb. a. 1893 p. 350. ubi Hosius de hac re cogitare uidetur.



## IX 402

*serpens, sitis, ardor, harenarum  
dulcia uirtuti; gaudet patientia duris*

Francken neque de poena sermonem fuisse neque militem bibisse ostendens coniecit: *quanta poena tu, dignior iste est, qui populo sitiente bibit*. Acute excogitatae emendationi id tantum obstat, quod sic omnia prope uerba corriguntur, nec grauitas stoico digna uerbis Catonis elaboratur. Damsté quidem (Mnemosyne XIX pp. 378—386) coniecit »pro ista: isto et pro bibas: bibat = »quanto tu, qui . . . . ., dignior es poena quam iste, qui bibit populo sitiente«. Sed haec stoico quouis nullo modo digna sunt, nedum Catoni. Lectio uero codicum unice uera est; nam omnis difficultas tolletur, *dignior* adiectiuo si et *poena . . . ista* et epexegetice additam sententiam *qui . . . bibas* regi constituamus. Ergo:

1) poena tu dignior es ista (sc. quam ultro mihi obtrudere uis)

2) dignior quam ego multo es tu, qui populo sitiente bibas.

*Dignus* adiectiuum cum relatiua sententia coniunctum inuenimus

## VI 602

*dignum, quod quaerere cures*

Sententia: »Du solltest vielmehr selber trinken müssen als Strafe dafür, dass du mir solch eine gemeine Gesinnung zugebraut hast.« Haec exaggeratio — qua aliis sitientibus bibere uiro forti poena sit —, Lucano sane digna, ad Catonem uirtutis laude celebrandum mirum quantum ualet. Samseum mihi consentire de hoc loco interpretaendo laetus uidi.

## IX 568

*an sit uita nihil, sed longa an differat actas?*

Sic hunc locum cum codicibus constitutum interpungere placet. In hoc loco interpretando atque emendando multum desudarunt docti uiri. Editio Romana (a. 1469) praebet: *an . . . sed longa? an . . . actas?* Ubi *sed* ad nihil referendum idem ualere uidetur quod nisi, qui usus, si admittatur, ex imitatione Graecorum fluere potuit (*ἀλλὰ* = *εἰ μὴ*). Sed quare obscurior uox (*sed*) sumpta est, quum metrum aequae admittat

alteram (nisi) aptiorem? Alia quoque res obstat, quae maioris momenti est; de qua re ad sententiarum inter se nexum pertinente uide infra. Ceterum de hoc loco quot homines tot sententiae. Quarum qui curiosus erit, notam a Franckeno huic loco subditam inspicito. Mihiquidem nulla emendatio prolata satis placet. Kortte quidem, cui astipulantur Weise-Haskins alii multi, conicit: *an sit uita nihil, et longa? an differat aetas?* Cui emendatio obstant et metrica ratio et rerum inter se nexus. Nam apud Lucanum alteram *nihil* uerbi syllabam breuem esse constat (cfr I 37; II 515; III 39; 371; VII 666; ubique in primo pede), quam ne in caesura quidem producere sibi permisisse Lucanum credo. Accedit, quod h. l. dilemmati locus non esse uidetur, alias hic fictas quaestiones si conferimus. Notandus u. 572 *scimus, et hoc nobis non altius inseret Hammon*.

Etenim ubique sententia, quae in unaquaque quaestione inest, oraculo comprobanda firmandaque est. Idem dicendum contra Francken, qui Canterum secutus legit (in nota): *an ... nec longa, an differat aetas?* *nec* = *ne* — quidem (cfr VIII 206; 497; IX 681; X 146). Madvig quidem ut ubique acute (Aduersar. crit. II 133): *an sit uita brevis, nil, longane, d. ae.* Nec tamen probanda uidetur emendatio; neque enim contraria illa uerba *brevis* et *longa* potuerunt, quin alterum alterum tuerentur, et *aetas* molestum est. Hosius uero Oudendorpum secutus praebet: *an sit uita nihil? si longa, an differat aetas?* Cui lectioni nis illa atque granitas deesse uidetur, quae exigenda est. Legendum denique uidetur cum codicibus *an sit uita nihil, sed longa an differat aetas?*

H. l. Catonem respexisse finem uitae suae quis non uidet? Iam dicere uoluit, quum secundum disciplinam suam ne uita ipsa quidem esset nisi *ἀδιάφορον* (nihil), non opus esse quaerere, an esset alicuius momenti uitae longitudo. Vertendum: »soll ich den fragen, ob das Leben zwar nichts ist, aber dennoch an einer langen Lebensdauer etwas gelegen ist?« — Hoc uerbo *differre* quin reddatur Graecorum illud *διαφέρειν*, dubium uix est. Notandae sunt significationes duae uerbi latini, quod est interest: 1) verschieden sein 2) von Wichtigkeit sein. Quae significationes, ubi annectitur interrogatio disiunctina, eodem redeunt. — Antithesi ea, quam constitui-mus, absurditas contrariae sententiae comprobatur ualide et

grauiter exponitur placitum illud stoicorum, quod affert Cicero De fin. III 45: *Stoicis non uidetur optabilior nec magis expetenda beata uita, si sit longa, quam si breuis.*

IX 605

*plaga, qua nullam superi mortalibus ultra  
a medio fecere die, calcatur*

Codices V G m pro *qua* exhibent *quam*; U pro *ultra* prae-  
bet *umbram*. Francken lectionem codicis U recepit. Lectio  
nulgata, quam receperunt Weise-Haskins, haec est: *quam . . .  
ultra*. Lucanus ostendere noluit nullam terram hac propiorem  
fuisse soli meridionali, cuius radii a uertice in hominum ca-  
pita inciderent. De sole meridionali et noto terga, non ad-  
uersum os ferientibus paullo post agi monendi sunt legen-  
tes; cfr

IX 876

*imus in aduersos axes, euoluimur orbe,  
terga damus ferienda noto*

Restat, ut *qua* uerbum quid sibi uelit, explicem. Credo  
equidem esse ablatiuum comparationis. Mitto, quod suffixo  
comparatio -ter-o- (-ter-a) addito hoc uerbum *ult(e)ra* fictum  
constat; sed in hoc uerbo uim et sensum uere comparatiua in-  
esse apparet. Quo factum est, ut Lucanus ipse post *ultra*  
semel poneret *quam*,

IV 476

*libera non ultra parua quam nocte iuuentus*

Quod ad sensum cum loco eo, quem tractamus, conferri potest

IX 867

*sed longius ista  
nulla iacet tellus*

IX 747

*non decus imperii, non maesti iura Catonis  
ardentem tenuere uirum, ne spargere signa  
auderet*

Francken de signo frangendo uerba facit. Attamen affert  
VIII 100 *sparge mari comitem*, ubi diuidendi in uarias partes

significationem plane oblitteratam esse concedit. Haskins locum nostrum uertit 'throw away'. Verbum *spargere* oppositum esse constat uerbo, quod est *colligere*; cfr Lucan. I 606 sq. *dispersos fulminis ignes | colligit*; Val. Flacc. Argon. V 432 *sparsumque recolligit axem*. Tum uero non alienum erit conferre eum uerbi *colligere* usum, quem commemorauerunt P. Langen ad Val. Flacc. Argon. V 432; M. Petschenig Woelfffini Arch. VIII p. 140; C. Weyman id. VIII 482; IX 135; cfr. Bursians Jahresber. a. 1898 p. 120. Locis ibi allatis *colligere* significare uidemus non dissipata in unum locum congerere, sed tollere tantum. *Spargere* eodem sensu quo hic Lucanus adhibuit V 172 sq. *spargitque uaganti obstantes tripodas*. *Tripodas* pluralis poeticus est; cfr V 151 sq.; 162; 198; 223. *Spargere* h. l. = »hinwerfen» (suet. »slänga ifrån sig, åt sidan»).

## IX 1104

*nec talia fatus*

*inuenit fletus comitem*

Francken lectionem codicum G, u *comitum* recepit uulgatam lectionem parum intelligens, quasi *fletus* subiecti uicibus fungi necesse sit. Hosius B Ph W a. 1898 p. 425 *fletus* genetium esse et a *comitem* uerbo regi ostendit. Structurae eiusmodi exemplum affert de Sen. philos. sumptum (*doloris comes*), alterum de Val. Flacco sumptum (*casus comitem*). Afferri fortasse potest Lucaneus locus unus,

## II 346

*non me lactorum comitem rebusque secundis  
accipis*

Sed alteram, quae exstat, lectionem (*lactorum sociam*) recepit Hosius.

## X 23

*fortuna pepercit*

*manibus, et regni durauit ad ultima fatum.  
nam sibi libertas umquam si redderet orbem,  
ludibrio seruatus erat*

Nulla interpretationum, quas uidi, satisfacere uidetur. Ad notas ab Haskinso et Franckeno textui subditas eos relego,

quos inueniendi sollertia delectat. Mihiquidem apparet primum non temere particula explanatiua inter se coniungi *percipit* . . . *durauit et ludibrio seruatus erat*. Deinde non licere uerba, quae sunt *seruatus erat*, pro condicionali apodosi accipiamus; sic enim nullus, quod intelligam, euadit sensus ueri similis. *Seruatus erat* pppf. idem fere ualet quod perf.; quod in compellanda fortuna uel natura bis usu uenit, VII 110 sq.; IX 855 sqq.; cfr praeterea IX 1075 sq. Tum quid significet sententia condicionalis *si redderet*, continuo elucet. Haec omnia nihil nisi hoc significant: »fortuna (uel fatum) corpus tyranni lacerandi seruauit (cfr supra *spargenda per orbem membra*), nec tamen in sempiternum, sed *ad ultima* tantum *regni* dilatauit tempus, quo discreperetur corpus; libertate per totum orbem terrarum gentibus restituta ludibrio debebatur (= *discreperendum erat*)». *Ludibrium* hoc sensu adhibet Lucanus

VIII 709

*carpitur in scopulis hausto per uolnera fluctu,  
ludibrium pelagi*

IX 14

*visitque sui ludibria trunci.*

*Durare* transitiuo sensu adhibetur a Lucano V 797 sq. *cetera damna | durata iam mente malis firmaque tulerunt*; VI 93 sq. *unda . . . durauit viscera caeno*. *Durauit manes* = »obstitit, quominus dissolueretur corpus mortuum». *Ad ultima regni* = »ad finem dominationis aeu». Genetiuus ita neutro plur. superlatiui saepe regitur apud Lucanum, sed plerumque locali sensu; de qua re uide Obermeier l. l. pp. 48 sq. —

X 104

*nequidquam duras tentasset Caesaris aures:  
uoltus adest precibus, faciesque incesta perorat.  
exigit infandam corrupto iudice noctem.*

Haskins recte: »*exigit*: she passes». Exemplum affert eius usus VIII 376; X 354. Addi potest 949 *cregere hiemem nimbis flammisque carentem*. Quocum infandam exegerit Cleopatra noctem, indicant uu. *corrupto iudice*. *Iudex* erat Caesar, quem amoris corruptela sibi conciliauit Cl., ut arbiter factus ipsam in amicitiam fratris et in societatem regni restitueret. Francken

uerba, quae sunt *corrupto iudice*, parum intelligens mira profert de nocte a Cleopatra postulata, »quae cum inuocatus iudex iam \* *captus* esset illecebris, facile promittitur». Bentley: *corrupto iudice dotem*. Quod ad *corrupto iudice* pertinet, monendum uidetur apud scriptores Latinos interdum in ablatiuo absoluto, qui uocatur, adhiberi ptep. perf. ita, ut significet actionem uerbum principale non antecedentem, sed comitantem ac raro etiam consequentem. Vetustissimum exemplum esse uidetur C. I. L. I 1175 (Dedicatio Sorana Vertuleiorum)

*Quod . . . | pater . . . uouit, uoto hoc soluto | decuma facta poloueta leibereis lubetes | donum danunt Hercolci* = »barnen bringa glada Hercules en gâfva genom öfligt frambärande af tionde och infria sâ det löfte, fadern gaf.» Alia exempla Lucanea sunt:

IV 126

*seruatoque loco rerum discessit ab astris  
humor*

IV 613

*perfundit membra liquore  
hospes Olympiacae seruato more palaestrae*

VI 243

*adorato summittat Caesare signa.*

VI 340

*excipit aduersos zephyros et iapyga Pindus  
et maturato praecidit uespere lucem*

VI 479

*impulsam sidere Thetyn  
reppulit Haemonium defenso littore carmen.*

VI 626

*corpora caesorum tumulis proiecta negatis.*

IX 459

*uolitantque a culmine raptae  
detecto Garamante casae.*

De quo usu uide Schmalz<sup>3</sup> p. 309; Draeger II p. 764 sq.; praecipue K. Brugmann I. F. V (pp. 89—152) pp. 143 sq.; v. Planta Gramm. d. osk.-umbr. Spr. II 436.

\* Caesarem amoris illecebris captum iam esse e uersibus 68 sq. concludere non licet; nam uersibus 60—81 omnia futuri temporis dedecora et pericula, quaecumque a Cleopatrae uenustatis lenocinio originem repetierunt, animo complectitur poeta.



## X 107

*pax ubi parta duci donisque ingentibus empta est,  
exceperere epulae tantarum gaudia rerum.*

Francken negat uerbum *pax* significare reconciliationem fratris et sororis, quare cum Bentleio legendum censet *ducis*. Sed omnia, quae supra demonstrata sunt, quorsum tendant, consideranti — ad fratrem Cleopatrae reconciliandum — dubium mihi non est, quin de Caesare pacis domesticae sequestro hic agatur. *Tantarum gaudia rerum* de reconciliatione uidelicet dictum. Paulo infra fratrem et sororem una cenasse ostendit poeta uu. 136 sq.

*discubuere toris reges maiorque potestas,  
Caesar*

*Reges* enim de proceribus dici ideo credi non potest, quod ita misere frigeret *maiorque potestas, Caesar*. *Reges* uox regem et reginam (eorumque liberos) saepe significat Liu. I xxxix 2; II ii 11; II iii 5; XLV xiii *regibus Aegypti, Ptolemaeo Cleopatraeque, si quid per se boni commodique euenisset, id magnopere senatum lactari . . .*; cfr Lucan. II 636 sq. *Pharios hinc concute reges | Tigranemque meum*; III 29 sq. *regesque silentium | permiscere sequi*; Pluto et Proserpina appellantur VI 65 *Tartarei reges*. — *Donisque ingentibus empta est* dicitur de donis, quae sibi inuicem dedisse, qui ante aduersarii in amicitiam redibant, antiquis temporibus constat. *Emere* apte adhibetur, nam priscis temporibus ita in uicem allatis donis non modo *ξείνια*, sed etiam principio pacis emptionem simulatam esse credi potest. Vertendum: »Nachdem es C. gelungen war eine Versöhnung herzustellen und diese gegenseitig durch grosse Geschenke gekauft worden war, . . .» —

## X 181

*si Cecropium sua sacra Platonem  
maiores docuere tui, quis dignior umquam  
hoc fuit auditu mundique capacior hospes?*

Francken: »Quis hospes (conuiuis suis) umquam dignior fuit auditu quam sacerdos Aegyptiacus? Burm. de Caesare intelligit, at sic in *auditu* haeret. *Hospes* = conuiua.» Sed hic hospiti Platoni alter opponitur hospes (= aduena), Caesar.

*Mundi capacios* explicatur paullo infra, ubi praedicat Caesar suae uirtutis confidentia elatus, uu. 185 sqq.

*media inter proelia semper  
stellarum caelique plagis superisque uacui,  
nec meus Eudoxi uincetur fastibus annus.*

Ergo: »Si Platonem hospitem dignum putarunt maiores tui, qui etiam sacra uestra cognosceret, me de his certe rebus docere dignaberis, nam quis hospes me dignior fuit?» Quid uero sibi uult illud *auditu*? Ubi antecedenti uerbo *docere* opponitur uerbum *audire*, continuo uidelicet efficitur huic uerbo sensus modo non totus absolutus = »sitta som ähörare»; atque opponitur iure passiuo sensu uerbum, quod est *audire*, uerbo *docere* = varda undervisad.

X 223

*adde, quod omne caput fluuii, quodcumque soluta  
praecipitat glacies, ingresso uere tumescit*

Francken coniecit *solutas*. »Fons fluuii manet semper suo loco nec potest nisi admodum improprie praecipitari. Contra fons praecipitat deorsum aquam glaciale.» Sed h. l. agitur uidelicet de aqua fontis et fluminis; cfr

III 235

*quaque ferens rapidum diuiso gurgite fontem  
uastis Indus aquis mixtum non sentit Hydaspen*

IX 960

*Euxinumque ferens paruo ruat ore Propontis.*

De fluminum aqua adhibitum *praecipitare* significat rapi-  
dum (rapidiorem) reddere; ex. gr.

V 465

*at Genusum nunc sole niues, nunc imbre solutae  
praecipitant.*

VI 475

*Rhodanumque morantem  
praecipitauit Arar*

Cfr I 433

*qua Rhodanus raptum uelocibus undis  
in mare fert Ararim*

Conferre licet, quae de Araris leni cursu traduntur Caes.  
B. G. I xii 1.

## ARGUMENTUM:

### I. De modorum ac temporum in liberis sententiis usu:

A. Indicatiuus: de usu temporum . . . . .	p. 5.
B. Coniunctiuus . . . . .	» 41.
C. Imperatiuus . . . . .	» 51.
D. Infinitiuus . . . . .	» 58.
E. Participium . . . . .	» 66.

### II. De modorum ac temporum in sententiis secundariis usu:

A. Sententiae relatiuae . . . . .	» 71.
B. Interrogationes obliquae . . . . .	» 83.
C. Sententiae temporales . . . . .	» 86.
D. Sententiae causales . . . . .	» 89.
E. Sententiae condicionales . . . . .	» 92.
F. Sententiae concessivae . . . . .	» 98.
G. Sententiae comparativae . . . . .	» 99.
H. Hypotheticae sententiae comparativae . . . . .	» 101.
I. Sententiae consecutivae et finales . . . . .	» 102.

### III. Symbolae exegeticae . . . . . » 106.

UTL AT DOWNSVIEW



D	RANGE	BAY	SHLF	POS	ITEM	C
39	12	30	27	11	023	3